




HT




John Carter Brown.











Joannis Bisselii Argonauticon Americanorum, sive historia periculorum Petri de Victoria ac sociorum ejus. 18mo, map of America, &c.

A translation from a rare Spanish relation of the Shipwreck and Travels of P. Goveo de Victoria on the Coast of Peru, with Commentary, &c. *Very rare.*

BIBLIOTHECA
HEBERIANA







376

JOANNIS BISSELI,
è Societate Jesu,
ARGONAUTICON AME-
RICANORUM,
SIVE,
HISTORIÆ PERICU-
LORUM
PETRI DE VI-
CTORIA, AC SO-
CIORUM EIUS,
LIBRI XV.



MONACHII,
Formis LUCE STRAUBII,
Sumptibus IOANNIS VVAGNERI
Bibliopolæ.

ANNO CHRISTI M. DC. XLVII.

JOHN CARTER BROWN


ILLUSTRISSIMO DOMINO,
Domino

FERDINANDO
LAURENTIO,

COMITI DE VVARTENBERG,
*Domino in VVald, & Hachenburg, Se-
renissimo Electori Bavaria à Cubiculis,
& Consiliis, Equestris militia Tribu-
no; ac Vice-Domino Burg-
husiano, &c.*

JOANNES BISSELIUS,
è Societate JESU,

S. D.

 LLUSTRISSIMÆ
Tuæ gentis Infi-
gnia, FERDINAN-
DE LAURENTI, CO-
MES, in ipso statim
laborum meorum
vestibulo, velis nauticis inserta;
manifestè profitentur: Non *meum*
esse magis, quàm *Tuum*, hoc Opus
Argonauticū. Nec mirandum. Nam,
si verum *Leges* dicunt (quarum tu
) (2 nunc

Ad Illustrissimum

nunc *antistes* ac *præses* es, in *Nerico-*
rum summo prætório) *NOSTRUM illud*
ÆS censendum esse, *QUOD AB ALIIS*
NOBIS DEBETUR, tamen si nondum sit in
manu nostrâ: quippeni *Tuus* jam tum
fuerit, etiam antequam *Tibi*, publi-
côque daretur, hic calami mei *Partus?*
ut, qui profectò *sub oculis*, pænèque
manibus *Tuis*, *concipi* simul cœperit,
atque *nasci*. Cùm enim, abhinc trien-
nio ferè, *Te*, salutiferi fontis causâ,
Rheticas in *Alpes* secedentem, etiam
ipse, cum amantissimo tui, germano
tuo, *Maximiliano*, secutus essem; ac
diuturnior nos mora *Ladisii*, non
procul *Oeni fluminis* fontibus, atti-
neret: dispicere cum cura mecum
ipse sum orsus; Quonam exercita-
tionis litterariæ genere, minùs ar-
duò, desides horas fallerem: &, lu-
bricos in pomeridianum soporem
oculos, suspenderem? Erant tum in
conspectu pleraque propemodum,
alieni magis, quàm *Europæi*, tum *cæli*,
tum *soli*, Videbamus enim, & sentie-
bamus

bamus (adultâ quamvis æstate) ni-
vales auras, nebulosos *meridies*; in-
solenti calore flagrant *vesperas*, at-
que noctes; *florentes*, senescente jam
Junio, *cerasos*; rigescentes, in *lapi-*
dem, *arbores*, ac fontanos, è *larice*,
margines. Jacebant ante nos, nil nisi
depressæ *Valles*; in immensum editæ
rupes; & pererratæ damis armentif-
que, sylvestres *Alpes*. Monstraban-
tur præterea, cœlo, quàm nobis, vi-
ciniores, è longinquo *montium ver-*
tices; stupendo naturæ prodigio,
stagnis & lacubus infessi, subindèque
copioso natati pisce: quorum flu-
ctus, impulsî ventis, aut occulto vo-
raginum spiritu concitati, tanquam
in tonitruum iras fracti, reboabant.
Quid multis? In *peregrinum* nescio
quem *Orbem*, ex assolitâ *Bojaria cam-*
pis, extrusi nobis videri poteramus.
quod ut copiosiore fide nobis infi-
deret; faciebant alia non pauca, *ter-*
ris nostris exotica. Nam & *metalli pre-*
tiosioris multo simulacrô, passim sco-
(3 puli

Ad Illustrissimum

puli micabāt, solaribus verberati radiis : & , quā *nitor fulvus* defecerat, *crystalli sphengitæq;* fulgor *argenteus* succedebat. Nec deerant, qui, designatis locorum ac mensium limitibus, nobis *Auri* nescio quos, & *obryzi* fluidi, *fontes* prædicarent ; sive suo, sive rumoris publici, sensu. Certè quidem latentis *exuberantisque* terrâ suâ *pretii*, monstrabant argumenta, populis illis receptissima : FLORES, rarissimi coloris & germinis. in quibus, adhuc meminimus, teste dextrâ *Tuâ* (cui sunt oblata) *transmarini* prorsus *generis* LILIA ; medias inter Alpes, consueto cæteris caule, coloreque croceo surgentia : cæterùm, *foliorum* insolenti fertilitate. Nam hæc elementorum *Alphabeti Græcæ* *numeri*, singulis in liliis, æquabant. Ne longior æquo sim : tam peregrinâ locorum imagine, mens tunc ablata mea ; cæpit ipsa quoque peregrinari : proptérque tot cæli diversissimi similitudines, effigiem sibi quandam

dam horridioris, sed AURIFERÆ tamen, AMERICÆ proponere: cœpit quoties cœrulescentē, nescio quam segetem (siliginis abortum) aspiceret; Mexicanum sibi Mayzium in animo pingere: cœpit, viso *Rhaticône*, cum arctis *Engadinorum* vallibus; sibimet *Peruvii* montana *Tramontanaque* fingere. Donec, imaginum ejusmodi crebro recurso, demum *illud desiderio sedit, quod sederat ingenio*: lubuitque, *stylum saltem succisivum*, deducere per *Occidentalis Indiæ* proximam quamque *Rerum memoriam*. Commodum autem fuit, ut in PETRI VICTORIÆ brevem *Commentariolum*, sub eas ipsas horas, inciderem; dum sarcinularū mearum abstrusa scrutator. Ejus laboris, pæne jam in fabulæ suspicionem defluentis, ex ipsa brevitate; miserationem pariter & cupiditatē concepi, quàm primùm in HISTORIÆ justæ volumen redigendi. Quapropter ego tertiô pòst, quàm adveneram, die, manum con-

Ad Illustrissimum

festum admovi : quotidianaque, sub
luminibus Tuis, & aspectu, *lucubratio-*
ne, nihil fortasse quidem ad *Aristo-*
phanis & *Cleanthis* *lucernas*, aliquid
tamen ad stomachum meum, & ani-
mi flammam, perfeci. Nam *Tres pri-*
mos illic *libros*, ut meminisse potes,
expedivi. *Pauciores* ne concinna-
rem, presentiae tuae creber interven-
tus effecit; qui *dormiturgentem* stimu-
labat : Ne *plures* autem ; temporis
arctae leges, & *Tua*, pro mea vale-
tudine, gratiosissima *sollicitudo*, prae-
scripsit ; crebrum *laboribus* *frenum*
injiciens. Usque adeo, pulcherrimo
temperamento, conatus meos & in-
citabas pariter, & *inhibebas* : dignissi-
mus, hac tuâ suavitate, qui novus
Scipio, novus *Gajus Mecenat*, *Alphon-*
susque Siculus, audires ; siquid in me
melioris *Ennii*, siquid *Maronis*, & *Pa-*
normitani, reperisses.

Regressus porrò *Tecum* & ex *valli-*
bus Oenani, *campo* terrarum ac lit-
terarum restitutus ; *reliquos Argonau-*
ticôn

ticôn duodecim libros, partim *Mona-*
chii; *Landſperga* partim, prioribus il-
lis adjeci, per diverticula curarum,
& otiû; quantulumcunque mihi *Sug-*
gestus indulſit *Eccleſiaſticus*. Nam, qui
ſolet in lapide quoque, violenter
impulſo, durare, neque ſtatim con-
cidere, volantis impetus; idem in
me, *Tui Nominis*. ac recordationis
auctoritate (quanquam inter diffi-
cultates non paucas) perennavit: af-
fectum ſcriptionis fovit, & protru-
ſit: quoad in meta denique ſuſcepti
laboris, ſeipſo defungeretur: operi-
que ſummam manum imponeret.

Hinc ergo prodiit, *Tibi*que nunc ad
obſequia præſtò fit, toties promiſſus
ille *Petrus*; ille, *Iafone* melior, &
priſcis *Argonautis* veracior, *VICTO-*
RIA; quem hiſce, quos paullò priùs
demonſtravi, titulîs patrociniò *Tuo*
debitum, tametſi deſponſus non ef-
ſet; favoris tamen in me *Tui*, benefi-
ciorumque grata recordatio, jure
pleniffimo *Tibi* tranſcriberet. Cùm

Ad Illustrissimum

Tuus igitur *in solidum* sit; reliquum est, ut, legitimi ritu possessoris, in ejus Navim *pedem* ponas: & PETRUM hunc universum, *Tuis* solius obsequiis *mancipatum*, manu capias; non ut *Patronus* duntaxat, sed etiam (si quod aliquando *Tribunalis* tui curæ tibi respiraculum indulserint) ut *Le-
ctor*. Non *Tu* quidem (fateor) parem in hac historia, *Tuis Tuorumque* gestis *cothurnum* invenies. nam, demissioris argumenti *soccis* usus, primi Scriptoris candor; sine manifestissimo *Veritatis* adulterio non poterat ad grandiora, per figmentum, insurgere. Non hîc ergo leges, inquam, *Serenissimi Genitoris Tui*, FERDINANDI *Ducis*, Martium spiritum: cujus arma victricia sensit, defensa quondam *Colonia*; redacta sub obsequium *Bonna*; fugatus *Insule profanator*, & in *Batavos* ejectus; expugnataeque tot validissimæ munitiones & oppida. Nec Tuametipsius quidem hîc castra, bellicæque gesta, FERDINANDE
LAU-

LAURENTI, reperies; quæ Tu sub signis quondam *Tillianis*, uni primùm, mox geminis legionibus *Tribunus* & *Dux* impositus, fortiter expedisti. Sed, quanquam Operis hujus *Acta* nihil ad Te, *Tuâque* pertinebunt; quippe, tota *memorandis Americanis* impensa: nihilominus tamen haud pauca *meorum leviorum*, admonere te legentem *Tuorum* poterunt *graviorum*. Ità, cùm hîc *flumina*, cùm *torrentes* crebros, cùm *astuaria maritima* pervolves, ingenti cum discrimine superata; tunc animo recurent, persultati *Tuis* à turmis, perstricti *Tuis* armis atque conflictibus, & hostili cruore tincti, *notissimi Germaniæ fluvii*; *Rhenus*, *Albis*, *Allera*, *Lupia*, *Visurgis*, *Odera*, *Mosella*; quosque referre, prolixum foret. Cùm in *naumachiam* incideris *Hispano-Scoticam*; cujus pars magna, *Petrus* meus, adhuc *parvus*, fuit: tecum ipse *recolles*, *Baltici* maris insulam, *Usedomum*; turmis tuis, & tuomet *Marte*, *Cæsaris*

Ad Illustrissimum

ris in obsequio retentam; nec minùs,
confertas cum *Cimbriis*, cum *Batavis*,
cum *Gothis*, *Cattisque*, prospero sæpe
congressu, manus. Subibit animum,
captus ad *Dorstam*, cæsis *Hassis*, *vigili-*
arum supremus Prefectus : & occu-
patæ virtute tuâ validissimæ muni-
tiones, *Firstenaviensis*, ac (quam olim
Serenissimus quoque *Pater Tuus*, sed
operosiore molimine, ceperat) *Rek-*
linghusiana. Nec poterit præterire
memoriam *Tuam Hassorum* ingens &
insolens, non jam *miles tantum*, sed
prorsus *exercitus*: cum in *Tuas*, quas
tum ad *Monasterium*, *Vestphalorum*
metropolin, stationes habebas, id est,
Legionē unicam, improvisus & *vesper-*
tinus irrupit. Cujus tu, cum in oculis
civium, vim longè superiorem, cum
paucissimis obfirmatè sustineres; alas
aliquot, turmasque *delēsti*; reliquam
aciem omnem, cum *cedere coēgisses*,
tamen infectatus adhuc es : & in *ter-*
gis fugientiū. ferro scripsisti longè me-
morabiliorem, quàm quisquam no-
strum

strum in *chartis* calamo, *Victoriam*.
Quid? quòd & circumventus tan-
dem & dispoliatus à barbaris, *Petrus*
meus? olímque DEIPARÆ præsidio
servatus inter fluctus; *Tua* quoq; tibi
fata, læva juxtà, secundàque, reno-
vabit? Quando per proditionem *Tu*
quoq; *captus* ab *Hasso. Batavis* (nam
militiam miscuerant) jámq; *diem plus*
decimum ducentis hostium stipanti-
bus, varia per loca raptatus es, iner-
mis, seminudus, impastus: ut *Vesaliã*
primùm, & hinc *Francofordiã* ab-
trahereris, *Regi transmarino* sistend⁹.
In quo rerum articulo, stantibus jam
sub acie novacula fortunis Tuis, non
Tu quidem, ut *PETRUS* meus, *DEIPA-*
RAM; sed, *Deipara* conjunctissimam
MAGDALENAM, in vota coelô devo-
câsti. Nec illa vocanti defuit; sed,
quibus olim precibus quatrIduanum fra-
tris sui bustum, in Vitam: ii sdem ea Li-
bertatem Tuam, per tot jam dies con-
clamatam, intutum reposuit; immisâ
divinitus *Trevirensi*, nescio cui; *Tri-*

Ad Illustrissimum

buno mente ; qui , cum paucissimis
multitudinem aggressus hostilem,
Te, non absque prodigii clarissimis
vestigiiis, in pedes & incolumitatem,
restitueret : & hoc quidem , *nondum*
evolutâ temporis metâ , quam Voto
speique tuæ tute præfixeras. Quod
Tu Cœli de te grande meritum, haud
aliter , ac VICTORIA noster, *litatione*
sollemni quotannis, & animo gratissi-
mo , recolere gaudes, in Oetingano
Liberatricis Tuæ Templo : tantò Te
professus obligatiore , quantò tunc
Te meministi, castris Tuis *maiore cum*
gloria restitutum. Namque vinculo-
rum indignitate vixdum exsolutus ;
raptim , & à vestigio primo recupe-
ratæ *Libertatis*, contractis, quantulas
potuisti, copiis : *Ducem eundem*, cujus
nuper in manus per dolum incide-
ras, es ultrò persecutus. Eum , arce
licet, & præsidio firmò ferocem, ob-
sidione tamen aggressus ; imperata
coëgisti, mox & vincula *Tua*, victum
accipere : bonis omnibus successui
Tuo

Comitem de Wartenberg.

Tuo plaudentibus, & vulgatum illud acclamantibus; CEPISTI, QUI TE CEPERAT! Quo Tu factô, COMES fortissime, *Cæsarem* nobis *Dictatorem*, post tot sæcula, revocasti: qui comprehensus quondam à prædonibus, ad *Pharmacusam* Insulam; ac, lytro persoluto, tandem expositus in litore: continuò, deductâ classe, piratas illos ipsos persecutus, ac nactus; primùm eos in compedes, deinceps & in crucem, compegit.

SED, quò (quæso) quorsumve, *præter oleas* (quod dicunt) & *destinata* feror? atque, dum *Nuncupatoriam* meditor; *Historiam*, & pæne *Librum* jam ingredior? Nempe, plus dicere non volueram: quàm, *Argonauticôn* meorum lectione, multam *Tibi* veterum *Tuorum*, tam *Gestorum*, quàm *Periculorum*, memoriam, obiter occursuram. Quare *volens favensque* Libros hos cape, COMES *Illustrissime*: PETRIQUE nostri NAVEM hanc, sub inclyti Nominis & INSIGNIUM *Tuorum*

Ad Illustrissimum Comitem de Wartenberg.

Tuorum VELO, permittite quiescere:
securam utique (si *Tutelam* spondeas)
& indemnem, adversus injuriæ cu-
jusvis procellas, futuram. Nam, si
Myrmécide sculptam *Quadrigam* &
huius infidentem *aurigam*, alîs suis
etiam *Culex* potuit, aut *Musca* tege-
re: *Palladis* hunc & *Neptuni Currum*
maritimum, id est, *ARGO meam*, non
multò latius feliciusque proteget
LEO Tuus? Cujus vel solum *Caput*,
regio decore conspicuum; meis *ARGO-*
NAUTIS auspicium facit secundissi-
mum, & *priscis* omnibus inconces-
sum. Nam, quam illis *revehere*, ma-
gnum erat, post cursum; nobis (ab
ipso statim portu) donatum est,
emittere, Navim *Coronatam*. Vale,
Comes Illustrissime. Monachii 3.
Non. Maji.

AUCTOR

AUCTOR
LECTORI BENEVOLO.

Super Operis hujus instituto, consilioque; nec non, de scribendi ratione, gestorum Veritate, deque Tituli causis & explicatione, quid sentire, Lector amicissime, debeas: commodius non potes, quam ex subnexa statim epistolâ, quâ doctissimum Amicum sum allocutus, intelligere. Quam Tu proinde sine gravamine, si vacat, percurras licet: Unde, tanquam ex littore, totam hanc ARGO nostram, eminus prius contempleris; ne prorsus in eam hospes, &, sine Palladis ductu (quod ajunt) in Palladis fabricam, intres.

JOANNI SAMSONI,

Viro Clarissimo,

Reip. Monasteriensis, apud Westphalos.

Archiatro. S.

QUID agam nunc, aut in quo se studio curæ meæ fatigens certis jam, usque sollicitis litteris, interrogas, SAMSON. Amicorum veterrime. Non committam, ut longius differam expectationem tuam: sed, quanquam adhuc multo Martis viis infestsus; aliquid ad te conatum meorum transmittam: in penna tamen duntaxat & charta. Vellem equidem, eâ felicitate, quâ Cæsaris quondam, ad Q. Ciceronem epistola; per medias hostium acies, ad tragulam amento deligata, jactu pervolaret! Si igitur, post longum intervallum, de me, Vir Clarissime, quod nōris, ac teneas, habe per compendium. Ex quo tempore divulgata nostra, non animorum, sed corporum, mutua præsencia fuit; cum tu, nobis invicissimis, ad Eburones, puto, tuos, nostracis cœli fastidio, régredereris: ego, non pleno pōst interposito mense, Ratisponam, secundo Danubio, defluxi. Clausis autem tunc, Suecici fremitus formidine, publicis ut plurimum Lycæis; vel certè timidius sonantibus Musis, ut in Pythagoræ Sigæa crederes pleaque tum Athenæa demigrâsse: tunc demum amicorum aliquot, Tullii, Bruti, Pomponiique repetitis exemplis, de privato quodam Tusculano nobis circumspicere cœptavimus: &, Academicæ

cujusdam

DE COMMENTARIO

cujusdam umbraticæ titulo, non ut Arpinas Orator, ad Platanum, sed ad arborem tamen, ni fallor, Mori, quotidie pactis horis, ad studiorum veterum exercitia repolienda, coire; ne, contracto situ, squalerent ac senescerent. In his litterarum collegis erant, qui vivunt etiamnum, & quorum tu plerisque nosti, Georgius Ahenobarbus, Didacus Oryzius, Sebastianus Summontius, Magnentius, Lagus, Apellius, Renvvardus, ac cæteri; Rheni pariter, & Istri riparum alumni: nunc, multarum in litterariis Olympiis coronarum, viri. Scis; cum Ingolstadii simul essemus, & uterque nostrum Illustrissimos Regni Polonici Palatinos Niesvvyzios, Alexandrum ac Georgium, fratres germanos, ad Eloquenciam formatemus; ego de cathedra, tu domesticis palæstris: scis, inquam, & meministi, quàm crebra nobis, ac pæne quotidiana, dissertatio, mutuos per dialogos, intercesserit, super consummatissimo, non solum Facundiæ, sed etiam Historiæ, tum opere, tum discrimine, delectuque: cum ego meam tibi discutiendam Adelphidem, tu Bertii curas Geographicas (Rorum gestarum condendis narrationibus planè necessarias) utendas dares. Qui tunc igitur utrique nostrum; idem postea, te jam à nobis digresso, sermo recurabat, in meridiationibus illis Academicis: super Historia plerumque, superque diversis ejus generibus, agitari solitus; idque spatio plusquam semestri, partim inter dictamina, partim inter experimenta declamatoria. Præcipua tamen, & diu fuit, ac frequentior, Commentariorum mentio: de quibus, quod res erat, disserabamus. Semen eos esse quoddam, ac veluti Plantarum diffusioris, & ex professo se spargentis in grandius volumen, Historiæ. Commentariorum esse; nudam ponere, sine computu, sine vestium luxu, colorumque pigmentis, & certè succinctissimam, Gestorum veritatem: cujus è simplicissima narratione, paratum (ut in Bruto suo Cicero loquitur) habeant, unde sumant, qui velint operosiorē historiam scribere. Sed è diverso; spaciosioris, & velut adultâ jam segere, per ampla camporum luxuriantis Historiæ, partes esse; non jacere breviam per concisas narratiunculas segmenta rerum; ex quibus Lector plus habeat, quod divinet, quàm quod sciat, ac teneat: sed potiùs plenis quasi manibus ac volis dispergere totum illud, quod dicendum est, ad rerum captum. Nec id quidem usquequaque sollertis Historici videri, parcè seminantiù more, dicere quædam pleniùs, & omittere plurima: quasi rei gestæ lacunis quibusdam, per intervalla, relictis; sed potiùs implere sulcos pariter atque porcas (ut sic cum Varrone dicam) descriptionibus, judiciis, dictaminibus, documentis, digressiunculis, concionibus, suavoriis, dissuavoriis, affectibus. In summa denique, Conditoris rerum gestarum plenioris, esse; non incedere per summa tantummodo narrandorum fastigia; sed potiùs stylum ad negotiorum, quæ percerent, radices, ac profunda, demittere: vel in explicandis (ut Tullius ad Luccejum disserit) re-

rum

ET HISTORIA.

rum novarum causis, vel in remediis incommodorum: cum & reprehendit Auctor ea, quæ vituperanda ducit; &, quæ placent, exponendis rationibus, comprobat: &, uno verbo, liberius agit, quam Commentarii scriptor: cujus multò restrictiores esse limites debent. Ad hunc ferè modum Commentarios suos, de bello Gallico, C. Cæsar festinavit, inter medias castrorum turbas (Hirrio teste): qui Sallustio cuppiam, aut Livio successuro, præbere quondam argumentum possent operis amplioris. Ac tamen factus Cæsar à scribendo deterruit, etiam inimico Cæsaris attestante; non tamen id naturâ factum est Commentarii, sed felicitate facundiæque primi scribentis: qui, gloriâ dictionis & ubertatis longius ablatas, legitimum Opus composituris, non tam adumbrationem fecit actorum suorum, quàm prorsus umbram & caliginem, splendore sui. Pari ratione, M. Tullius, sui Consulatus Commentarium, Græcè scriptum, misit ad Posidonium, hominem Græcum: ac mox alium, Latine confectum, promisit ad L. Luccejum, rerum Romanarum conditorem: ex quibus uterque deducerent plenioris & ornatioris Historiæ corpus. Vt præteream Q. Curtium Rufum; cujus Decem de gestis Alexandri regis Libri, planè non aliunde videntur, quàm ex Aristobuli, Nearchi, Megasthenis, & Ptolemæi Lagidæ compendiis, in tantum, tot descriptionibus Concionibusque refertum Opus, excrevisse. Nam descriptionum quidem illam, & Orationum militarium, venustatem atque copiam, nec apud illos, quos memoravi; nec apud ipsummet Arrianum, illis longè posteriorem, reperias. Omitto Madaurensis Philosophi mentionem ac testimonium; ut cujus, vel ob solam obscuritatem, & novati sermonis horrorem, minoris habenda sit auctoritas, quàm ratio. Quem sanè tamen constar; Luciani, Sophistæ Græci, librum, qui Lucius, & ONOS, inscribitur, non plus decem, aut duodecim foliorum opusculum; in Grandissimum Alinum, & Undecim librorum Metamorphosin, extendisse: nominibus tantum immutatis; & Lucianæi sermonis angustis, in latissimum narrationis campum eductis. Sed eorum neutrum, in Historicorum non modò curiam, verùm nec in Senaculum quidem admittimus; quippe læsæ Veritatis ac Pudoris reos; & præter hoc, Fabulatores. Mihi verò nunc de Commentariis, &, rerum verissimarum Actis, Digressio suscepta fuerat; fortasse longior, quàm vel tua, Sampson doctissime, patientia sufferret: vel Epistolæ leges reciperent. Sed tu memineris, quoties meas, tanquam debitum, exegeris; & de silentio diuturno questus sis? Nunc igitur & Epistolam habes, velut Officium Amicus; & Prolixam, ceu Sortem suâ Creditor, cum scœnore. Quò pertinuit igitur (inquis) hæc tua de Commentariis & Historiis excursio? Statim intelliges; me non præter Casam evolasse. Tu namque, Quid agerem ego, frequenter interrogabas. Ego, quò planius quæstionem explerem Tuam; tantò coactus sum altius, & à fonte, procerari. Nunc igitur in viam re-

vertor.

DE COMMENTARIO

vertor. Illius Academicæ, de qua scripsi, Philologiæ, cùm mihi quotidiana pænè, sanèque dulcis, memoria recurreret: constitui denique, mecum ipse specimen aliquod, privatos intrà parietes, exprimere. De materia porro cogitanti; commodissimum est visum, PETRI cujusdam DE VICTORIA, nobilis Hispani, periculosum ITER AMERICANUM: quod ipse, qui cum Sociis id expertus erat, postquam, omni jam discrimine perfunctus, in sicco constitit; secum Limæ, quasi per otii lusum, in Commentarioli formam redegit, Hispano maternoque sermone: qui tamen posthæc translatus & in nostram linguam est. Illius autem Commentarii, VICTORIAM esse, nec alium, eumque veriloquum Auctorem; deprehendere potes ex Alegambæ, tibi non peregrinæ, Societatis & suæ Bibliothecæ. si te fortè, cæterorum otiosum, ipse listerari, ordo detulerit ad Peuri Goveæ nomen.

Hunc porro Commentariolum, in multis planum & perspicuum; in quibusdam nonnihil ficiorem, & pænè dixerim, stercilem reperimus: locis quoque non paucis perplexiorem, & tot subinde noctibus offusum (nescias, Auctorisne potiùs, an Interpretis, admissio, nebulas affectantium?) ut non rarò pugnantia; quandoque verò, nisi quis ex Historiæ Peruanæ cognitione, Geographiæque radiis illustraret, penitus incredibilia videretur, & in America mediâ Cretam, narrare. Nec me tamen absteruit hic opacus, & implexus in se lucus: quò minùs, promoto, quem susceperam labore, perumperem obstantia; difficultates extricando, discordia conciliando, languidiora festivitate narrationum erigendo; quæque supra fidem apparebant, simillimorum ab aliis gestorum auctoritate firmando; vel, causis denique modisque negotiorum & casuum eruendis, Historiæ certitudinem omni figmentorum suspitione liberando: quin & locorum urbiumque, si quas (ut sæpe) Commentarioli compositor prætermisisset, Descriptiones, quoties res posceret, intermiscendo. Breviter! quid præstiterim; siquando primum ipsum Auctoris Compendium videre tibi illustræque contigerit, deprehendes: & difficultatum, si non æstimator, certè quidem admirator, tecum illud fortasse Virgilianum repetes; In Tenui (sed non Tenuis) labor! Nec tamen inter illud mihi Civilis Prudentiæ pronuntiatum arrogaverim: quo, Factum subtiliter Emendans, laudabilior eo prædicatur, qui primus Invenit. Namque novi vulgatum illud: INVENTIS ADDERE, FACILE videri. Quòd porro VICTORIAM, viderem, non solùm ingentes inter spes, sed insuper numeroso cum comitatu, trans Oceanum deportatum; velut novissimum queudam Iasonis æmulum (qui, si fides Orphæo, non Phæacium & Colchos, verùm, Herculis ultra Columnas, Atlanticum æquor adiiit) post tot alios, sed poetas, ausus sum & ego (quantum Historiam & professus, & complexus) Operi meo titulum ARGONAUTICÒN imponere; verùm AMERICANORUM.

ET HISTORIA.

Id autem tantò præstiti fidentiùs, quòd multa, per hos omnes
libros, aliorum etiam Heroum infereretur mentio; qui, superiori
maximè sæculo, factis ex Orbe nostro veis, glorià plusquam la-
sonià, Novas Insulas & terras aperuissent. Exegi verò laborem
LIBRIS (ut videbis) Quindécim: Quorum plerosque tamen,
minimè longos composui; Græcorum, & in his, Eustathii, se-
cutus exemplum: quin & Romanorum, non dico Iustini, cujus
professio tota fuit, in Abbreviatione Trogi, Brevitas; sed Cri-
Gellii, veteris Annalium scriptoris, & aliorum. nonnullos au-
tem Libellos (maximèque Postremos) feci Brevissimos: ritu qui-
dem nostratis sæculi novo; sed interim fortassis non ingratisimo.
Quippè, post longiorum fastidium, cæterorum constructio, vel
ipsa succissionis varietate mereri veniam debet: Et libelli, citò
summa ad finem fugitivi, tamen hoc dulcedinis habent; ut lecta-
ris gustum, si placeant, acuant: si displicent, non diu ... eant.

Habes occupationum mearum, Vir inclyte, si non campum,
at profectò pulverem, sudoris filium: quem tu, licebit, si quando
nanciscéris (nam certò mittam) utcumque merebitur, ita sub
strutinam, aut vannum, vocés: & vel, si videbor operam fecisse.
ponderes; sin lussisse, decepisseve, ventiles & excutias. Ac certè
vereor, ne de duobus his postremum malis, & deligas. Potes
enim (jam dudum præfatio) meum in hoc, si non stylum, at argu-
mentum, incéssere: potes, licentià vetustissimæ familiaritatis, dicere
reprehendendis indutus frontem; Cur tu rursus, in tanta splen-
didissimarum segete materiarum, prætermisissis grandibus, exilem
Victoriam, tanquam ad seriā tibi curam, assumpxisti? Quare
Profectionum potiùs & itinerum Amœnitates, quàm Annalium
armatas expeditiones & castra, sequeris? Sic est, mi S A M S O N;
& confitentem habes Reum; cæterum, propter hoc ipsum utique,
elementi Tabellā dignum; quòd is non tam suo, quàm genii sui
vicio, delinquit, ex tristibus curis ad faciliores quandoque lusus
inclinantis. Trabeas, & paludamenta, cum Regnis Rebusque
publicis, alii deducant; ad hæc talia celliore spiritu facti: vel
neametiplus serior (si Superis cordi sit) ætas. Hactenus juve-
re, & ignoscatur, aliquantò remissioribus, in humano liberòque
tylo, thematibus indulisse: Sicut Pictorum nonnullis, videmus,
audi potiùs, quàm vicio, dari: quòd, ædificiis, castris, ac vul-
tibus hominum ferarumque prætermisiss; artem omnem, & co-
pores, montibus, sylvis, fluviiis, æquoribus, & id genus cæteris
regionum deliciis, impendant. Quid enim quisque cupidius æ-
tativit; hoc & felicius, præstat. Puto, me, perpenis hucce ra-
tionibus, non tibi modò, viro capacissimæ facilitatis; sed, in te,
cæteris etiam, si non probatum, at excusatum iri: cùm præfer-
im, non epistolam duntaxat meam, sed (quod non multò pôst
rit) VICTORIAM ipsum acceperis: cui Tu, rogo, forulum
liquem, inter Musci tui veteres inquilinos indulgeas; &, si locus
alius

DE COMMENTARIO, ET HISTORIA.

alius non vacat, Imaginis saltem Primi Sæculi Societatis (quam ad me donum gratissimum misisti) Grandis libri, Parvulum successorum esse permittas: non, ut lacunam illius absentis impleat; sed, ut liberalitati tuæ, quoties aspicietur hic meus, gratias acclamet; & tam magno volumini, pro quo, tam exiguus stat succenturiatus libellus, tantò sæpius & manifestius Imparem se confiteatur. Adelpidem, Iocovèrum, & Illustrium Ruinarum Propylæum, nondum tibi, quamvis toties efflagitanti, mitto: sed adhuc premio, premamque; quoad tu, Monasteriensibus à Mercuriis, nobis Caduceum, ac scilicet Irenen ipsam, Pacémque firmam, nunties; neque fallas. Nunc enim, dum adhuc Martis in campo Comitia fiunt, vix Togatis illis meis, Curisq; locus est. Convictum videbitur Ignaviæ Recenti farere; quisquis Priscorum Virtutibus, hæc tempestate, grande præconium. Itaque manum, non quidem de tabula penitus tollo; sed tamen suspendo. *Tantisper tu Vale, salvus ex me, cum utriusque nostrum Amicissimo, quem nôsti, quémque soles Alterum Te nuncupare. Puto, satis intelligis, me designare Nierenbergii felicem Interpretem. Eum tu beatus è viciniore, quoties vis, alióqueris, apud Vbios constitutum; propemodum (si mecum componaris) de ripa Rheni, ripam ad alteram, tramissâ voce: cùm interim ego, trans Danubium & ultra tot amnes projectus, tantùm à vobis distem. Ob hoc ipsum Tu me tantò felicior; si nihil aliud, illud certè compendii præ me consequeris: quodd illi Tu Pyladi nostro, SALUTEM PRÆSENTIOREM, & ut Propior Amicus, Dicere potes: & ut nobilis MEDICUS, Præstare. Monachii, prid. Kalend. Majas. Anno CIO. IO. XLVII.

Tuus, quem ex Icaria nominare soles,

ILIBESSUS.

H i s

HIS TERRIS, HIS PETRUS
AQUIS, HIS SYRTIBUS A-
CTUS,

VIVIT ADHUC TAMEN;
HIC TABULA SERVATUR
IN ISTA.

ARGONAUTICON

AMERICANORUM,

SIVE

PERICULORUM PETRI
DE VICTORIA

LIBER I.

CAPITVM BREVIARIVM.

I. *Petri de Victoria natale solum, & genus. Ejus desiderium, Orbu Novi, maximèq; Peruvii, illustrandi: cuj tamen obnixè parentes repugnant. De his agit ipse Petrus Victoria, in Comentariorum Itineris sui Americani; quod, ab eo conscriptum Hispanicè, postea Germanicè versum, & Ingolstadtii typis excusum est. Paginà 1. & 2.*

II. *Patris obitu, Victoria votorum compos, Hispali navim solvit, in Africa confinia: non sine morsu recursantis memoria, de paterna domo, de amore materno, quin & ipsà Hispali; quam, unà cum vicinis urbibus ac locis, obiter describit. Commentarioli paginà 3.*

III. *Atlantici Maris amœnissimus intuitus, Pectus Victoria, rerum maximarum expectationibus impletum, ultro fortunam adversam in se provocat. Præternavigantur Africa littora. Comment. pag. 4. & 5.*

IV. *Insulis Fortunatis appellitur navis: quas Victoria describit; cum primis verò Caprariam & Ferram narrationibus illustrat; ac proditorum in bellis obsidionibusq; perfidiam detestatur. Comment. pag. 5.*

A

V. Pri-

V. *Primus America conspectus. Celeritate nautica in pelago Vetus, ac Recentior, sed diversissima, ratio. Laus magnetis acúsque nautica. Insula Barloventa, ceteraq; Americana: & in his Matalina, cum incolis eorúmque moribus.* Comment. pag. 5.

VI. *Ad Insulam Margaritam utrunq; appelluntur. Ea describitur, unà cum insula Cubagua, & utriusque inter sese discrimine.* Comment. pag. 5.

VII. *De iisdem Insulis duabus, maximèque Cubaguà, per Hispanorum sollicitiam inventis ac reiectis. Narratio paullo diductior, de Christophoro Columbo ejus comitibus, & Regulo Cubagae: deque margaritis.*

VIII. *Celocem unionibus onustam, cum nauta simul Americano, Victoriana Navis in consortium suum assumit. A Caribana Provincia Pratore Hispaniensi. per epistolam Hispani evocantur adversus Scoticos piratas, in Oceano Atlantico pradantes.* Comment. pag. 5. 6. & 7.

IX. *Ducibus Acugnà & Roà, vectores animantur ad pugnam, cum Scoticis committendâ. Preparatio ad navale certamen: consiliúmque de invasione nocturna.* Comment. pag. 7. & 8.



Andalusie, quæ pars est HISPANIAE BAETICAE, caput HISPANIE est urbs; SEVILIAE vulgò nomine, fluvioque Bati, cujus ripis incumbit, per orbem famosa: mercibus quidè maximè transmarinis, rerumq; copiâ ceterarum, quarum fructus mortales in lauto victu, vitâq; sunt, celebris: incolarum tamen, convenarumq; frequentia, longè cele-

celebratio ac nobilitatis multâ stirpe splendoreque magnifica. Quam Urbem producere verbosius, non est nunc animus, neque consilium: ne scribere quibuscumque studiosius, quam veracius, videar: amore natalium, & affectibus, pro more calami influentibus. Quippe paternum mihi solum, Hispalis: nomen. Petrus Góvea, Victoriarum clarâ de familia; domus avita paternaque, tum & auctores vitæ; sicut utrumque genere fortunisque conspicui, sic indulgentiâ piâ filii notabiles. Nam & illos populus, ob opes & gloriam; & illi me, propter spem posteritatis, in hoc uno capite stantem, intuebantur. Sed mater præcipuè, muliebri genio filii temperam ætatem adulata, fovebat Infantiam, amplectebatur pueritiam meam, cujus tamen jam tum aures, blandimentis mollioribus occlusæ, subferocis rigoris quiddam præ se ferebant: ad altiora scilicet indole trahente; peregrinâsq; nescio quas, glorias ac spes, eminus ostentante. Detestabar itaque segnis otii desidiam inexpertam: &, trans cognitum Solem exporrectis desideriis; Vlyssis, Iasonis, & ARCONAUTARUM, labores cursûsq; cum eorum Erroribus, animo volutabâ. Neque parvum proposito magno calcar addebant; quotquot ex Insulis, aut exterâ continenti, quotidie remeantes, longè dislita referebant: Fortunatas, Brasiliam, Mexicum, Castiliam Auream, Hispaniam Novam, Hispaniolam; longissimæque supra pelagus Atlanticum projectas Philippinas, ubi ferebatur, in Orientem suum, absolutô cursûs circulo, Sol noster Occi-

duus revolvi. Sed cupiditatum acerrimus stimulus, Peruvianus Orbis, Mexicanas inter & Antarticas plagas, in obliquum jaccens, alliciebat *Novorum admiratricem Adolescentiam*; cum, præter regionis peregrinam faciem, jactarent maritimæ plagæ theatrum, aëris clementiam; montium aurum & argentum; gemmarum fossilium latebras; æquorum pacifica monstra; quarundam urbium magnificum nitorem, ac regium luxum: &, si quid præterea, post Americum Vesputium, aut Columbos & Pizzaros, audaces nautæ, vel visum repererunt, vel haultum fabulis nuntiârunt. Hæc omnia, rariorum avidam mentem impellebant, ad extera sequenda. Quibus accedebat, animi celsioris incitamentum ingens, experiundarum difficultatum altus impetus; cui, longinquis in Navigationibus, nunquam deesse materia virtutis posset: &, super hæc, quotidiana incrementis gliscens, libertatis amor; domesticæ disciplinæ repagula perrumpere, pædagogique dictaturâ tandem exsolvi, præproperus *vix aliâ magis re pueritiam, quàm observatoris oculo, cruciante.*

Cæterùm huic obstabat consilio, primum omnium, communis parentum reverentia, pænèque terror quidam; Filii votum, quotidie jactatum, aut amaro cum risu discutientium, aut, ob oculos positâ roboris & annorum immaturitate, detestantium. *Nec enim duodecenniô (sicut eram) tunc primum excedentem, Navigationibus, & periculis incertis fore parem: quæ res duæ non pueros duntaxat, sub Hylæ fabuloso nomine; nec solas A-*
ria-

giadnas, sub iisdem figmentis: sed prorsus Hercules ac Theseos, virilis audacia nomina, fre-
gissent. Ducum, & Heroum esse tales animos,
tales spes: & ideo Duces, & Heroum vires
querere; non Puerum, adhuc bullâ nitentem,
& , nisi pudor audacis postulatî deterreret, cre-
pitacula crepundiâque quassaturum. Vbinam
lacertos illos, & firmitudinem? ubinam inge-
nium, prudentiam, experimenta? Quem, &
unde, rerum usum, alienas gentes ac mores in-
uasuro præstinatum & præscriptum? Puber-
tatem adhuc longè; quanto longius Indias, &
totò Cælo sepositas Insulas, pusioni jacere: vix
patentiorum penatium limen, citrà nutricula
comitatum, transgredi sucto? Quid aliud hac
intempestiva desideria, quàm anicularum de-
liria, quàm infantulorum somnia, quàm præ-
gnantium picas, & in pariete depictorum mili-
tum, cum umbris digladiationes esse? Quiesce-
rem igitur: & , intrâ vastos securôsq; felicit
Hispalis muros, mihi pro certo proponerem; u-
niversum esse Terrarum meliorum Orbem in-
clusum. His Parentum dictis, tanquam ascia
quadam, præcisis Spei ramis, veluti Trun-
cus & rude lignum, intrâ patrios hærebam
parietes: contentus, dum fors melior se da-
ret, silenti mecum murmure premere devo-
rareque dilatas cupiditates.

11. Sed (sic Numine disponente) non
itâ multò post, toties iterato, jamque pæ-
ne consépulto postulato, latius ostium ca-
sus patefecit. Pater enim, quò nemo con-
tentiosius obstiterat; die suo clauso, mor-
talitatem tandem, & imperium domûs,
explevit; matri fortunâs omnibus, & unico

filio, cum vacuo thalamo, relictis. Hujus ego viduitatem, vixdum perfolutis Inferiis, intentius aggressus: omnes rationum & argumentorum arietes advolvebam; quibus animum illius flexiliorem (& tunc solitariū, moeroribúsque luxatum) in consensum perpererem, & expugnarem. Neque defuit importunitati successus suus. nam illa, sexui luctusque sueta lamenta, facile diluebam constantiâ: cū mater Solitudinem objectaret suam, & cum juvenia formā, contumeliis obnoxiam; si testis ego, custósque decederem: cū ætatulæ meæ teneritatem insequeretur; &, in corpore quantumvis fortiusculo, tertium decimum nondum expletum annum: cū lacrymas, cū ploratus suos, funebréque peplum, cū paternos conjugalesque manes, & omnia discessu meo turbanda, crepitaret. Quæ posteaquam bona mulier (& filio, quàm sibi met, indulgentior) diebus aliquot occinuisse; id totum vox una mea, tanquam clypeus quidam, retudit ac perfregit: cū reponerem obnitenti; *Victariarum* universo sanguini suctum atque gloriosum, & Matri quondam latum plausibiléque futurum: quandoque per famam ac fortitudinem inclarescerem. Tunc enim verò, minimè pugna-
cis mulier indolis, acquievit: susque posthabitis commodis, filii votis generosis manum dedit; ad quasunque vellem terras, com meatum & vitæ subsidia pollicens. Ità prorsus nihil est, quod non precum importunitas, & obstinata voluntas, extorqueat: *Certóque (nescio cui) Sanguini cedunt adamantes;*

tes; & assidue natorum assultibus, maternus affectus atque Sanguis.

Tam secundo successu lætior ego; premendámque, nequis corrumpere, occasionem ratus: triremem Hispali reperio, pronó Bæti delapsuram in Freti Gaditani fauces; & hinc, per Oceanum, Carthagénam Americæ Septentrionalis urbem, procurfare certam. In hanc, cum sociis, & multâ vectorum remigúmque turbâ, tanquam Novam Argo, cum incendissem; Quod bene felicitérque succederet! passis velis è navali-
bus provolo: Matre manum filii, tanquam vaticiniò quodam ultimi conspectûs, arctiùs teneriùsque stringente; littûsque siccum copiosus fletibus irrorante. Nos autem, Iasone firmiores & Theseo, Bæti nostro supremum decurrimus, flumine gentilitio; quod prisca Tartessum quoque, recentiores autem, Arabicâ barbarie, Guadalquivirium nuncupârunt: quasi dicas, Fluvium Magnum. Hic alicubi vadefior, plerumque tamen justissimò profundo (quod & ideo nautæ sequuntur) in Atlanticum se Mare provolvit: ostiò, leuca nostratis spatium in latitudinem æquante. Lavâ Gades jacebant: ac paullo semotiùs, Fretum strepitabat Herculeum, compressis littoribus arctatum. At ex obliquo latere, pro-
vectis in altum; Africæ celsiora, primâque montium dorsa, renidebant: & Mauritanix citerioris vestibula. Dextrâ verò Lusitanix supremus ad Occidentem angulus; Sacrumque, quod appellant, Promontorium remicabat. A fronte, quacunque

ferrent oculi, totius Atlantici maris immensa vastitas, placidissimâ fluctuum, sed nonnihil crispante planitie, procumbebat. Hoc æquor Aegæum, hoc Euxinus mihi Pontus, ad meos Colchos, erat: certò destinatioque mentis (ut putabam) robore; quidquid post tergum reliquisssem, oblivione sempiternâ sepeliendi.

Sed, ut videas *natura motus primos inemendabiles, & affectuum indomitos spiritus; tametsi rationis lupatò regere coneris*: primam ego statim noctem, in navi sine somno duxi. Recursabant curæ vigiles; &, cum amabilis materculæ moestâ recordatione, turbidissima penatum paternorum desideria. Tamen, *utcunque sit, Iuvenculam esse, nobilis ortus, totius jam domûs subsidium; & interim intimo nunc fulcro destitutam: placidam moribus; compositam animi dotibus, supra sui sexûs leges; indulgentem cum temperamento: severitatis ac blandimentorum mediam.* Et, quod his omnibus vivacius mentem penetrabat; Ex illo, nec alio sanè, Petrum Goveam uterò progressum esse; qui nunc tamen fugeret eam, cuius pectore lactatus esset. Ut omnia cetera dederet Oblivio, Longi temporis certissima Filia: Genitricis certè nomen, & teneritudinem, expungi corde nullis sæculis posse. Quæ cum mecum ipse crebrò cogitarem, ac dicerem; fluebant (neque dissimulaverim) repugnantis per genas, tacitæ jugesque lacrimæ; non sine flagrantium genarum purpurâ: quarum ruborem (alioquin erubescere nescia) tristis illa nox totidem, quot refulgebat, sideribus, in lucifugis meis luctibus accendebat.

debat. Ac ne patriæ quidem urbis, & Hispalensium deliciarum, in imagine memoræ meæ silentium erat: cùm inquietissimus cogitationum turbo circumsonaret animum, in totius Bæticæ recordatione demersum, & illam, illam (diceret) relinquere terrarum partem potuisti, quæ partes orbis omnes post se felicitate relinquit? Illum utraq; ripa pinguem & uberem amnem? Hinc quidem cum Iulia, cùmque Sala Carissaque, Constantiam, Santucariorum oppidum, ac Trianam? ulteriore verò Bætis ripâ, Palantiâ, Cabécas, Nebrissam, & alterum illud vetustissimæ Luciferi fanum? Præter hæc, in medio (quâ se partitur fluvius) spatiosam, ad Syenæ Egyptiæ modum, insulam, juvenentis Sevilianæ lufibus sepositam? Parva sanè hæc (ingerebam ultrò mihi, mœroribus augendis) Potuisti, malè sane, potuisti valedicere siccis oculis Hispali tuæ, tot aliarum urbium (nisi quis vera negat) Gemma? si quis autem invidet, etiam Regina? Siccine posthac cariturus es (& hoc quidem sæculis perpetuò secuturis) illius urbis pomæriis amœnissimis? illis magnificis mœnibus, atque propugnaculis? illis, tantò structis ac ductis impendio, fontibus, canalibus, viridariis, pratoriis, palatiis? Potes illud deferere memorabile, quoque decentius nec omnis habet Hispania, Capitolium? illam Speciosa DEIPARAE clarissimam, verèque regiam basilicam? cujus amplitudinè majestatique, cujus lato pariter ac venerabili splendori, vix orbis Christiani templa, simul juncta, (a) certent? Et non erit deinceps in oculis tuis illa celsissimi fastigii Turris; unde

A S

satis

latissimus, ac voluptatis plenus, in circumjectas plagas, & in ipsam propemodum Africam, prospectus?

III. Hæc ipse mecum, pugnante phantasmatum vicissitudine, donec dilucesceret, agitabam. Sed tunc, occurrentibus alterius & recentioris cujusdam amphitheatri spectaculis; priores mentis imagines (ut assolet) posterioribus cesserunt. Id, Oceanus erat Atlanticus; cujus paullatim, magis ac magis, tota prodibat in conspectum facies. Hoc mare ceteroquin, Hispali Gadumve Sinu solventibus, plerumque sub principia navigationis procellosius, inclementiusque; nobis, cum omnium admiratione, secundiorem divino favore cursum indulxit; tanquam per otium, & non per laborem atque periculum. Illius igitur usus ego blanditiis; ex æquoris aspectu mille voluptatibus oculos pascēbam: mille considerationum lusibus animum differebam. Arridebat, in immensa diffusum spatia, pelagus; &, in unum collecta visus compendium (immaniter alioqui distantia) Pontus atque cœlū: influebātque blandō miraculō, non assuetis intuitibus, aquarum sine fine campus; & vibrantium fluctuum, quoties ventō sinuerentur, crispatis sulci, Tantāque spectandi dulcedo viscavit intentum animum; ut me neque sueta novitiis vectoribus nautea, multum avocaret: & insuper juvaret stantis malacix blandus viror, cœrulā subopacus umbrā; subindēque solaribus etiam radiis gratiosus. Tunc enim verò vel maximè, tanquam indictō navigationis iustitiō, deliciis ima-

gina.

ginationum me pascebam : sexcentisque dispositis in mente votis , aliud ex alio desideriorum filum trahebam. nunc , quidquid optando comprehenderem , id indubitata forte processurum : nunc, quidquid unquam veris vanisque præconiis Hispania jactasset, ex *Indipetarum* ore : totum illud fore meum. Alias Americæ veteres opes, ac, nescio cujus Gvanacaxæ regis , solidum aurô palatium, cupiditateolvebam ; tanquam alter Iason Aurei velleris rapinam. Interdum & terrarum undæque prodigia, Cete, Sirenas, Glaucoſ, ac quidquid longè petita credulitas fabulatur, itineris longi levamenta mihi fingebam. Immo (siqua fides juvenilibus, & adhuc inexpertis, impulsibus est) ipsas molestias ac tædia , quorum fertilitate redundat mare, diligebam. Venirent sanè ventorum adversi flatus ! ingruerent cum procellis & tempestatibus decumani fluctus , typhones, naufragia ! descenderet , & incumbere meo solius capiti , cœlum omne cum nimbis suis ; & , cum aquarum furore Neptunus totus ! Inventuros parem tot malis VICTORIAM ; & in pectus , solidè præparatum , concursura calamitatum prælia. Fluctuarem sanè , quotidieque perirem : dum modò curiositati meæ nullum pelagus, nullus Orbis angulus , vel clausus esset, vel inexploratus. Tales inter Fortunæ provocationes , animus ibat ; & una, triremis nostra. quæ primùm quidem secundùm Mauritanix littora, tranquillè deductos, Fessani regni cuidam portui nos applicuit ; quem La-Rachium nuncupant. indè,

littus idem obliquo legentibus cursu, Salam, flumini (quem Rebátam dicunt) impositam urbem, ac Portum: post Hainocaliam, Benizium, Titam, oppida navaliáque maritima, deportavit. Donec, ad lavam tandem, omni procúl excussâ Mauritaniâ, Marocchianóque regno, maris alto transversis velis influximus; & Africam radere destitimus. Ibi malacia nos affixit; nec molesta tamen, neque diuturna. Quare, revulsis anchoris, & in Oceani vastitatem emotâ triremi: velis, remis, & vento Caciâ pariter colludentibus; ad eas, quas nos hodie Canarias, prisca Fortunatas etiam dixerunt, insulas adpellimur.

IV. HARVM, indetortó servatô pro-cursu, sinéque navigationis ambagibus, spatium, ab extremis Hispaniæ finibus; est trecentarum Leucarum. Contra Mauritaniam, quâ monte premitur Atlante, sitæ sunt; sex quondam numerô, necnon diversis ab appellatione nostrati pleræque nominibus: cum olim *Ombrion, Iunonia Prima, Iunonia Secunda, Capraria, Nivaria, Canariâque* dicerentur. nostrâ verò tempestate Septem inclaruere; quarum nomina celebrantur & loca, *Lancaróta, Forteventura, Grandis Canaria, Tenariffa, Gómera, Ferrá, Palma* (b) repertæ nostris ab hominibus, & pariter appellatæ, sub annum salutis millesimum quadringentesimum quintum. Hæ cunctæ vetustum *Fortunatarum* nomen emeruerunt aëris clementi genio, fructuúmque tum felicissimo proventu, tum copiâ. De Septem autem Insulis ea, quæ potior; quia
Gran-

Grandissimorum Canum jam olim multitudi-
ne redundavit, CANARIAE nomine séque so-
rorésque suas, per orbem traduxit: durátque
seculis etiam nostris, ignobilis tam nobi-
lium insularum nuncupatio.

Porro placidissimam omnes coeli plagam
fortitæ sunt; quippe sub Cingulo temperato
sitæ; propterea quòd, ab tricesimo ferè gradu
positionis Arctóæ, per transversum jacent;
octonis propè Gradibus ab Æstivo Tropico
remotæ. Multæque sunt, quæ Fortunatas no-
bilitent, non hodie minùs, quàm olim; justis
aliorum scriptorum voluminibus memorata.
Cæterùm ego cùm singularum, uti quæque
recensebatur, nomina mirarer: &, ungue ro-
sò, mecum rationes appellationum exquire-
rem; vidit hoc de vectoribus quidam, matu-
rus (quantùm apparebat) & longo maris usu
nequaquam Canariarum hospes.

Hic ad me conversus; In vocabulis, in-
quit, hæere te, noto. Singulis quæ causæ,
quæque sint origines, discutere longum esset.
Ego solius Caprariæ titulum, in exemplum
tibi cæterarum exentero. Quid est? inquam
ego. Caprisne, sicut illa Grandis Canaria ca-
nibus, abundavit? Et ille; Non multùm, in-
quit, abis à vera conjectura. Capraria, quam
vides, ista, primùm Ináguæ dicebatur. At
Hispani (quorum regibus nunc omnis hic in-
sularum ordo substernitur) cùm in eam prin-
cipiò victricibus armis penetrassent; adver-
terunt, lætissimas segetes non aratro, non
vomere, non bidente bipalióque, vel sarculis,
ac ne boum quidem ungulis, exerceri; sed
(quod stupeas) capris in juga sociatis, & inæ-
quales

quales ramososque truncos per jugera trahentibus, (c) indigenas fregisse terram, & comminuisse glebas. Caprino præterea cornu, nec alio pastino, specus & latibula montium, in hyemis suffugia, tanquam domos, aperire solitos.

Hic ego, narratiunculâ fidei tam probabilis non indelectatus, longius arcessere præcedentium sæculorum annales sum orsus; &, compluribus interrogatione ventilatis, sciscitari tandem; siquid de Ferrea quoque, quam nominarent, insulâ comperisset? Non cunctatus ille; Bene, bene mones, inquit. nam nec hujus quidem Insulæ memoria sub rubigine jacere debet. Ferreum (ut scias) illi cælum, ferreum terræ solum; quod inter ænigmata numeres, in tanta gignentium fertilitate. Sed, mihi crede; Durus illis (uti dixi) Sol; adamantina sidera, noverca tellus, videri poterant: cum anno toto nec pluvias deorsum cælum deiceret; nec rivos fontesque sursum humus propelleret. Ergo siti perpetuâ plantæ, segetes, animantesque marcebant: & vacassent cultore terræ; nisi mirabili quodam ingenio natura parens succurrisset. id tale fuit. Quotidianis ardoribus, quantum fuit vaporum, attractum, & in nebulam collectum; per vesperam in aëre pendeat. noctu verò (quo tempore cælum alibi rorat) & ante crepusculum matutinū, descendebat; neque tamen, uti nebulæ nostrates, fortuito, vel in quemvis subiacentis soli tractum; sed in locum, quasi præ cæteris dilectum. ARBOR enim stabat, in insulæ propè meditullio, spatio diffusa; foliis, æterno virore latiss; densa furculis.

furculis, & opaca ramis: Nuci ferè similis, sed peregrinioris fructûs atque genii. (d) Muris eam & fossis inseperant incolæ; non aliter, ac nos, siticulosîs in locis, publicos fontes atq; puteos. Et revera fontis erat instar stirps illa. nam humor iste, quem dixi, per noctem omnē in aëre suspensus, sensimq; recidivus; posteaquam ipso moræ tractu coaluisset in Nubem, incumbibat arboris illius cacumini. Roscidô deinde lentôq; stillicidiô resolutus, omnes imbuebat ramos atq; folia: quem, sub lucis exortum, quassatis furculis, in subjecta vasa doliâque decutiebant; hominum pecorûmque solô quidem & unico, sed copioso tamen quotidianôque refrigerio. Poterant hîc subsidio nostrorum hostilitatē multos in annos Ferreani distinere si Nubeculam illam & Arborem in ditione tenuissent. Ac certè stupebant oppugnatores Hispani; quid tandem obsessis, in communi fontium penuria, tanto cœli fervore, sitim mitigaret? tamque de solvenda, quam tot mensibus urserât, obsidione consilia, desperationi proximi, volutabant: cûm, ecce tibi, scortum insulanum perplexis rebus operâ interposuit. Hæc libidinosa mulier, ne continentioris linguæ, quàm sexûs esset; non contenta, sagacis naturæ vulgare mysteria, quibus sui cives ad eum usque diem sustentati fuerant: aditu per lenocinia meretricia repertô, post proditum corpus suum, etiam murum ac munimentum cum Arbore, suis amatoribus, patriæ libertatis hostibus, vendidit & subegit. Arbore sub potestatem Hispanorum redactâ; spes pariter & animus, ac libertas Ferreanorum, concidêre.

Malugæ

Maluerunt enim, sub alieni dominatûs jugo, jus suum; quàm, sub intoleranda siti, vitam & animum projicere. SED tamen lascivam perfidiam, capite postea meretrix luit; popularium suorum mutuò dolò, procùl, aliam in insulam, aucta: patriæque pessumdata, tanquam in inferias & funebre solatium, jugulata; non improbantibus, posteaquam de supplicio compererunt, Hispanis. Hæc cum diceret ille, quem memoravi, vector; exclamat, qui tertius nobis affidebat, Sacerdos quidam Castellanus, & O, factum fortiter (inquit) ac secundum talionis leges! Sic, sic omnis Perfidia ruat in auctores suos! Sic, & non malis artibus, vincere persistat noster sanguis, Hispanis miles! vel certè, si peregrinas & inconductas aliquando fraudes, ex eventu verterit in suas occasiones & victoriam; prodita teneat, proditorum execretur. Alioquin, si sæpe nobis Tarpejâ sit opus, ad Capitolia perfringenda; si, Trojanum ad excidium, Sinonius artibus, & Helenâ prævaricante; si Scylla fabulosis amoribus, ad Nisi regis purpureum & capillare fatum; aut Romilda (c) notis historicis ad Forum Iulii capiendum: Si denique bella vel nulla gerimus, vel nulla conficimus, nisi per Scorta; quàm, quæso, speciosis sub Arcubus, immò Fornicibus, triumphum duceamus?

V. HAEC nobis, narrationum gratâ vicissitudine versantibus; secundus ab tergo ventus, & mox excitator, supervénit; In parato jacere pontones; navigationis momentum instare: properaremus, si, præter Canarias, alium etiam Orbem, & Americas, cogitaremus, Admonentis igitur vocem, nul-

lā morā , pariter confurgimus : & , in pristinam recepti navim ac stationem (*quódque Caelites omnes approbarent, precati*) cursum resumimus. Is fuit, sine diverticulis ; ac nullis exscensibus interruptus. Nec adeò multi dies interfluxerant , cū , apparentibus eminus veluti quibusdam montibus , conclamare nautæ cœperunt, Americam, Americam ! & . Se Primas alterius Orbis insulas conspicerē ; Se Cāribum littorales Alpes agnoscere. Mihi miraculo Navis nostræ celeritas erat ; ut, quæ die, non amplius quinto decimóque, quàm Europæ conspectum reliquerat, jam primas Americæ frontes & vestibula, nobis commonstrasset. Cuj vetus ille meus, qui Canarias mihi super explanaverat, polyhistor ; Parū , inquit, est hoc ; quod tu nunc primū , tanquam insuetum, stupes. Priscis quidem temporibus, cū adhuc, sicut omnia cetera, suis in incunabulis (vt sic dicam) Ars jaceret nautica ; nec, præter Thessalicam Argo, facilè classis ulla miraculi colorem haberet ; tardis remigiis hæ tabulæ natantes incedebant. Nam, vel à littorali deligatas loro puppes, secundū continentis oras, agebant ; Actam legentes , ut Securitati cursū consulerent. Vel (ut Phœnices ac Græci remiges) ab alterutrius ursæ cœlestis, certorūque Siderum motu pendebant ; indimotā vigilantium oculorum custodiā. Vel (*f*) extincto cœlō, stratisque ventis, Aves emittebant ; continentem alicubi, vel Insulas, perito volatu petituras, & hōc ipso classibus aliquid de via meliore locuturas, id quod Taprobanēs insistoribus fuisse familiare memorant. At
hodie

hodie posteaquam excogitatum Ferrum est, cuius lingulam mucronemve Magnete gemmâ perungunt; hoc est, Acus, quam dicunt plerique NAUTICAM: hanc jam solam (sicut ipse vides) sedens in puppi naucerus in conspectu semper habet. Ex hujus, in partem omnem conversione; tanquam ex Dodonæis quercubus columbîsve vaticinans, omne gubernaculi regimen solis pæne nutibus attemperat: & magistro navis, remigumque directori, celeritatis tarditatisque, recti deflexisque cursûs leges, sine naufragii periculis & metu dictat. Quô sit, ut, Cæcis maximè flantibus, & Hispanas triremes à tergo trudentibus; horarum non ampliùs quaternum ac vicensium intervallò, centum milliarium Germanicæ Geometriæ (putà, Ducentarum leucarum horarumque) spatium maritimum, quotiescunq; volumus, vulgò transcurramus.

Quibus dictis, ego magis, quàm priùs, attonitus; Credere tamen peritiori malui, quàm Pelagi vias ad calculum, scrupulosâ supputatione, redigere. Stabat inter hæc magis ac magis in oculis Novus orbis; argentibus cœpti clamoris lætitiâ, quotquot eum eminus agnoscebant, jam antehac aditum. Nongentorum milliū intercapedinem ab Africæ postremò portu, peritiores Pelagi mensores numerabant, quô percursò spatiò, primas Americani Maris ad insulas proram adjecimus.

Harum insularum ingens, in hemicycli figuram numerus, ab Australi Maris Atlantici tractu jacer; & flexu curvatò, sinuatur in astitum Occidentem; ad Insulas usque, quas nostri Barloventas appellant. Eas distare compertum

pertum est ducentis circiter passuum millibus à continentis: licetque (si qua Fides expertis) è locis editioribus oculos, hinc quidem ad Floridam, illinc autem ad Patagónum usque terras, & ultimis Austris vicinam Chicam, immensissimo spatiò, circumferre. (g) Sunt in his, insigniori nomine, Diva Lucia, Tabagus, Barbados, Guadalupe, Desseada, Bartholomais, Granata, Barbara, Martinias, Anguilla, Sombrera, Virginisque: cujus postremi nominis amplius quinquaginta recensentur. Cingulum est hoc insularum exterius; & ab littore longius discedens. Interiore verò flexu sparsæ jacent, Vincentia, Martinina, Marigalanta, Monserrata; cumque Divæ Crucis, Insula, quam Aves dicunt; & Estasia. Principem in his omnibus locum, sicut & medium præne situm, tenet Martinina: quam & Martinam nonnulli, quidam etiam Matalinam, indignant; portu commodam, & aquationi peropportunam. Cæterum, omnes has insulas, ad usque Barloventas, Caribum gens (seu Canibales) suis lembis & excursibus infestant, effera natio: deque lintribus, quos Canoas ipsi dicunt, grassari solita telis veneno tinctis; agitare terram marisque (tanquam in saltu bestias) humana corpora quotidianis venatibus; & comprehensa, sine discrimine truculentèque, jugulare: mox, cocta crudave, nullo gulæ distinctu, devorare. Quo factum; ut Caribum quoque Canibalumque nomen hæc sortiantur Insulæ: quoniam complures earum, quæ præsidia deficiunt Hispanorum, vel tenent illi, vel terrent; quippe propter desertas littorū, & interiorum jacentiū terrarum vastitates, barbarorum ac latronum asyla: nec non per-

duellum,

duellum, & quisquis Christianam servitutem fugâ rupit, perfugia, dolosâque receptacula. (h) Cæterum nos, jam pridem dulcibus destitutos ad potum undis, ad se Matinsina pertraxit; aquationi, cujus ipsa perliberalis est, intentos.

¶ S i c, paucis insumptis ad necessitatem & quietem diebus, cursum resumimus: &, prosperè nos ferentibus Euris, post dies item non multos, in conspectum Insulæ cujusdam, vulgò Margaritæ, decurrimus. Hanc falsò quidam à Diva Margarita Virgine, nuncupant; cum istud sibi nomen ex meritis & opulentia sua, non ex Patrocinio vel auspiciis, induerit; unionum quippe (quos & margaritas Græci Romanisque dicunt) in paucis epulens & copiosa. Nec tolerabilior eorum error; qui cum Margaritarum Insula, Cubaguam confundunt. Quanquam enim mari cingatur utraque; quanquam littus utraque meridiano urgeat, ac neutra priores alterutri concedat, unionum piscatu vel copiâ; tamen penès Cubaguam vetus opulentia, cum veteri dissonoque nomine; penès Margaritam autem divitiæ simul, & vocabulū recentius, hæserunt. Distant præterea locis; haud exiguo (quod compérimus) littorum ac maris intermeante spatio: quod Cubaguam ad Orientem, Margaritam autem ad Occasum (interponentibus se Testigánis Insulis) semovit. Neque minus est inter utramque, seu telluris, à magnitudine; seu fertilitatis, ab indole, dissidium. CUBAGUA namque, passuum millibus haud ampliùs octodecim spatioiosa; si Margaritis destituatur, ac Nitri spumâ,

spumâ, quam incolæ legunt : inter despectissimas marium terrarumque particulas jacebit ; fordida , squalida , cœlo soloque iuxta sicca,sterilisque: nullo neque graminum,nec herbarum aut olerum, ac ne caduarum quidem, adjumentô vel solatiô. Sine fontibus præterea,cisternis,puteis,atq; rivis : dulcium laticum egestate, quotidie cogitur in contentum meridianam aquatum excurrere ; septem millium intervallô,quo fluvijs Cuâma dirimitur à Cubâgua : cujus ab ripis undam potabilem petunt,ac reportant.

At Margaritarum Insula, tricena Germanicæ Geometriæ milliaria circumplexa;tamen etsi fontanæ subinde tam inops, ut æquali pretii pondere, vino refertus cadus, & alius undâ,vænum eat;tamen,hac maximè tempestate, commitigatum terræ solum, pabulô, plantis,frumento gentilitio (quod Maizium Americani dicunt) sale præterea, cuniculis, & armentis, super unionum ingentem copiam, pæne luxuriat. cùm horum, è diverso, plerorumque Cubagua, terræ quadam intrastabilitate, sit incapax : exasperante præsertim agrorum fastidium indigenarum ingenio; quibus alicubi nihil ferocius. Horum fuscus color, capillamentum rarum, barba nulla,victus ex ostreis;quid possunt in hominibus illis aut magnum, aut bonum, aut humanum, polliceri?

VII. CAETERVM ego, cùm dierum aliquot ingratum otium traherem : luce quadam, productis in multam vesperam sermonibus,interrogare coepi,super origine nominis, quo MARGARITARUM Insula præ cæteris trium-

triumpharet? itémque, quibus principiis, & hæc, & Cubagua, se Regibus Hispanis præbuissem? ut quibus vel sola posterior, ex unio-
num annuo quincunce, perhiberetur num-
mum Aureorum quindena millia, fisci censu-
bus locupletandis, inferre. (i)

Sciscitantis sermonem excepit idem ille, qui sæpius antehac: veteranus, inquam, Polyhistor; quem inter ARGONAUTAS Orpheum dixisses Nauplium: aut inter Græcos ad Tro-
jam, Nestora Neleium; ut, cujus ab ore (non minùs, quàm Orphæo Nestoreoque) melle dulcior plerumque fluere oratio. Talis hic, plurimi Maris & experimenti vir, neque rudis annalium gentis nostræ;

QUÆDAM, inquit, loca, sicut homines, ab inveterato nomine nuncupationeque, perægrè decedunt: ibi præsertim, ubi pertinax indigenarum indoles accessit ad consuetudinem; quibus odiosa suspectaque Novitas omnis est. Ea si non obstitisset, CUBAGUA diceretur hodie PRIMA MARGARITA: Secundaque nomen altera sortiretur. nam aliquanto priùs ad illam est, quàm ad hanc, commerciorum factus gradus: donec, etiam ad Occiduam Insulam promotis velis, utriusque Piscatus intravit unam in sagenam & lucrum Hispanæ felicitatis. Id in hunc modum evenisse, de majoribus ego comperi.

Christophorus Columbus (is, qui primus, Castellanorum regum auspiciis, Occidentales Indias detexit) quater omnino Calibus, quas Males cognominant, solvisse dicitur, & Oceanum pervagatus Atlanticum. Cæterum illa navigatione, quæ serie tertia, fertur in an-
num

num incidisse millesimum, quadringentesimum, nonagesimum septimum octavumve (namque variant rumores) CUBAGUAM eam ipsam, de qua tu, VICTORIA, quaestionem moves, attigit; instructâ rebus necessariis classe, sed haud quaquam populosâ. nam praefidiis Dominicam, ceterasque nostratis juris insulas, firmaverat. In anchoris fluctuanti prætoria navi, Tábagum inter & Cubagum, ac littoris insulani faciem eminus speculanti, piscatorum se globus offert, operi gnaviter intentus: nullo tamen (quod vehementer nostri mirabantur) in exonerandis retibus pisce, vel aliâ maris vivâ prædâ, renidente. Columbus igitur, expeditâ scaphâ de suis, quas ad prætoriam deligatas circumvectabat, mittit animosiores: qui de piscantibus exceptos, ad sese pertrahant, sciscitatum; quod genus negotiationis, aut artis, quaestusque sequerentur? Sed Barbari, quod res erat, suspicati; simul peregrinarum magnitudine navium perterrefacti (multò namque minores ipsi Canóas, nostrisque scaphis contemnendas, agunt) in litus Cubaguanum priores evasere: subductis eodem momento lembis quoque; quos, more gentis, depalis littoralibus revinxerant. Ibi jam in tuto constitutis, & globatim viris foeminisque spectantibus; esse miraculo classis Columbae, prætoriae granditas, remorum ordo, velorum ac rudentum volatus & inquires, habitus omnis atque cultus classiariorum, barbaro mento virilem majestatem ostentantium. Stabat in eo coetu, cujusdam de piscatoribus uxor, hujus collum, densâ lucentium
marga-

margaritarum serie coornatum, conspicatus è Castellanis nautis unus: cùm non dubitaret de muliebris ingenii levitate, quin ad permutationem nullo negotio, soloque curiositatis studio, pertraheretur: de *Patellis* è terra *Malacaica* fictis, & præsigni nitore lucidis, unam aliquam protulit, ac perfregit. Mox, in littus concepto saltu, fragmenta raræ testæ (rem, nulli barbarorum ad id usque temporis conspectam; ac propter hoc ipsum pretiosam) ad omnes mulieres circumtulit. Earum pleræque baccatæ, monilia sua Castellano concesserunt: fragmenta luti Malacaici, tanquam dignum pretium, receperunt. Ità nauta, pro rei minimæ dispendio, maximas opes reportavit.

Columbo primùm ea res videri permira; potiusne magis, an sobrii barbari, negotiationem tam disparem inissent? An ex ipsa potiùs copia, merci tam pretiosæ vilitas annasceretur? Alios igitur aliòsque submittere, lembis alteris atque tertiis: quorum pars nolas ac tintinnabula; pars acus netricias, & sartorias forficulas; nonnulli de *limo Valentino* fictiles patellas, ac fragmina, venditarent; & invicem ipsi margaritas licitarentur. Valuitque successus, namque nec istis emptores emptricèsque defuerunt; & nostri, pro suis nugis, sex ampliùs margaritarum libras retulerunt, variante quidem baccarum magnitudine: cæterùm nullâ fraude vitiatîs, aut degenerantibus, unionibus. Ibi *Columbus* exclamasse perhibetur; Commilitones! rem factam habemus! in parte terrarum eâ sumus, quæ faciliè *Croësum* etiam, & avaritiam *Mi-*

da fatiet ! statimque littori pratoriam applicuisse.

Confluente tantisper Insulanorum omni multitudine (sed exermi) totumque littoris marginem prætexente : *Cumânas* quoque, *Cubagua* tunc regulus , famâ novæ gentis excitus, supervénit. Is Columbum, per sermonis interpretem , prolixè statim ac perquam humaniter invitare : suas, quantulascunque facultates, & hospitium offerre : denique multis orare; Ne dubitaret navalibus, néve tectis, succedere. Sed Columbus, ut in re nondum exploratissimâ; prætereâque sagax cumpromis, distinguere promissorum constantiam à facilitate verborum, officisque simulatione; perplexus hærare, loco persistere, moras quærere neceréque : prorsus nec homini se, nec cœtui pollicitisque, præceps credere. Cùm interim, de Cubaguanis simpliciores quidam, & , qui cæteros omnes è sua sinceritate moribusque consuèssent æstimare; Columbinavim ac lembos ultrò conscendère : miratisque vestium, barbârum, & gladiatorum habitum : posteaquam etiam sarissas Hispanicas, ac formidandas acie curvatâ bipennes, viderunt; & ad extremum immanes quoque tormentorum militarium machinas considerârunt : in ultimum stuporem dati sunt. ac jam non inspicere tantum revererisque; sed prorsus, tanquam cœlo lapsos, adorare cœperunt. At aliquantò major ab nostris stupor & miraculum invaluit; tot millium unionum contemplatu, quibus Cubaguanorum omnium, in comitatu Reguli sui, cervices circumfluebant. Hoc enimverò dignum tot periculis,

tot Syrtibus, & naufragiis, ac mortibus, affuisse pretium; cujus fructu, non poenitenda videretur, etiam ipsius (si foret opus) lucis ac spiritus hujus jactura. Thalassarchus igitur ipse, jam totus in lucrum inhians, interrogare signis ac nutibus; vndenam has collidivias eruisent? At Barbari digitos in Mare, littoribus proximum, intendere: Canoasque suas, seu lembulos, instrumenta fortunati piscatus, commonstrare. Quibus, uti quam plurimum & securissimè Columbus crederet; cum tamen presentiam suam interponi rebus incompertis noller; Reguli postulatis & invitamentis hactenus indulgit; duos ut lembos, Hispanis onustos audacioribus, submitteret: in altum ipse, dum illi promissorum fidem explorarent, regressus.

At Hispanos in terram expositos, magnâ populi stipante sequentèque multitudine, *Cumânas* (quem dixi) Princeps Insulæ, fide bonâ, citra dolum ullum malum, excepit; perque turbæ medium, deduxit in urbem (ut tunc) Regiam, ac gentis primam. Vbi, posteaquam in aedes palatinas introducti sunt, opus circulari fabricâ structum, ac templo Pantheoque per omnia simillimum: confidere Legatos jussit in sedilibus, gentis ritu ligneis atrisque; ceterum artificio dolabræ perpolitâ, & nigroris splendorem cum lemniscorû atque torni varietate confundenzibus: ad oculorum usque miraculum & suspendium. Tunc & epulas, quales amicissimis solebat, apposuit; ex penore subvestitio, nec illic natô: panis multum; pomorum fructuumque plurimum, vini, quantum satis erat,

erat, albi purpureisque; partim è dactylis, partim è radicibus, incertum quibus, expressit. Ac ne bellariorum quidem præterivit urbanitatem, positis in medium phialis; quas ille non condimentis aromatève, nec tragematis & Athenarum deliciis: sed (quod rarius & grätius Europæis est) electissimis iisque siccis unionibus impleverat; &, quantum cujusque visum, tanquam apud nos coriandri grana saccharo convestita, plenis rapanda volis permisit.

Exactis epulis, quarum profusior exitus, quàm spes & principii species, fuit; animi causâ convivas deduxit in Regiæ penetralia, veriùsque Gynæconitidem: ubi fœminarum stabat agmen, tanquam in spectaculum & amphitheatrum suū dispositum. Omnibus his (quippe regium ad thorum delectis) velut margaritarū fastidiò, quas scilicet etiam plebeja vulgò gestarent; circum lacertos armillæ; circumque colla torques, ex auro Peruano puròque. Nec *Cumana* Principi, sueta cæteroque in barbaris, inesse *zelotypia* visa; sive comonstrandis concubinis, sive, quod plus miteris, indulgendis. namque rumor est; solitâ nostris & execrabilè levitate, quosdâ in aurum mulierum, corporumq; cultum invasisse: quosdâ autem in ipsam pudorem atq. corpora; turpitudinis incontineciâ. Cui sceleri, posteris non parùm erubescendo, januâ patefecit, tū ipsius *Cumana* facilitas, tantisper secedentis: tum, plusquam feminuda, prostantium mulierum lascivia; nec invita mens ad injuriam.

At *Columbus*, intellectò tanto compendio; quamquam in spes infinitas palpitante cor-

de, pressisse tamen cupiditatem fertur : & suis, coloniam firmasque sedes in Insula flagitantibus, reposuisse; *Vires Hispanas adhuc tantis rebus impares : differriq, melius, quam tam incertis barbarorum cervicibus imponi iugum dominatus; quod illi paullo post, vel solo paucitatis irrisu, possent & auderent excutere.* Sic, disiectis postulatis, in Dominicam Insulam relegi cursum iussisse. Cæterum ipsam, in animo suo secum abstulisse disposuisseque, suspicantur, opum immanium occulta desideria : quæ tamen interim premeret; dum, Præturæ suæ conventibus per cæteras Insulas actis, paullo majus & securius otium suis curis reperisset. Verum inter hæc, *Ferdinandum Castellæ regem, tardâ novæ felicitatis repertæ notitiâ, Columbique taciturnitate peroffensum; memorant, ad usque læsæ majestatis sensum, & mandata vinculorum, exarsisse.* quæ Rex tamen, injeceritne viro, tam præclarè de nostris Hispaniis promerito, præstat in incerto, quàm in ulcere, relinquere. Sit penès narrantes rerum fides; qui sæpe, *auditi gentis suæ, de laudibus exterorum detrectant : & criminationibus obruunt, quibus parem rependere gratiam, arduum; debere, turpe credunt.* Ut ut est : ab hisce, quæ retuli, principiis, ad *Cubaguam & baccarum piscatum facta via, successu temporis pervasit ad Insulam Margaritarum, omnèque littus bacciferum, à promontorio Cancasino, Salinas usque.* quod tu, VICTORIA, posueras in tua quaestione.

Quæ cum meus ille Nestor dixisset; omnes nos (etenim plures ad auscultandum adpreserant)

perferant) senis optimi fidæ memoriæ, tam prudentibus conjunctæ documentis, gratias egimus: ac cœnati, tabulatis navis indormivimus. (k)

VIII. Post noctis medium, revulsis anchoris, conabamur Insulam intrare. Sed portu triremem arcebat, coortus repentè Caurus, pertinacissimis flatibus ex obliquo violentus; ac præter hoc perfrigidus, alternòque fluctuum aggestu turbulentus. Cum igitur plurimùm, & nullo tamen successu, remigassimus; ac, de voto jam desperantes, permittere ventis & fortunæ nostram industriam cogitaremus: sub ipsum, ecce, lucis crepusculum, celocem secundò vento propulsam, adversum nos rapi conspiciamus; ac mox conjunctam excipimus. Eam conchis onustam margaritifera, & unionum opulento quæstu; nauta barbarus remò protrudebat, jam sponte suâ Caurisque violentiâ cursitantem. Is erat, gentis atque Solis vitio, penitus investis. qui tamen, insupèr habitò nuditatis opprobriò; cursuque, quem ad aliud littus destinaverat, in necessitatis & procellarum obsequium diflexò: nihilò trepidior aut pudibundior, in conspectum & societatem nostram properavit. Amplectimurque nos lembi peregrini consortium; vel eo nomine non aspernati: quòd, præter maritimas divitias, etiam propinquæ telluris alicujus nuntium, aut significationem, portare posset. nec spes abluit. Paullò namque post, depacatà maris seditione, portum, tunc quidem ignotum; sed postea peropportunæ stationis manifestum, ad Margaritarum insulam, invehimur.

SED vixdum etiam ad exscensum pontones eieceramus in littus : vix penè substrictis velis antennas levaveramus ; salutantibus lætâ conclamatione terram nautis : cùm, ecce, de nec proviso, litteræ nobis à Prætore provinciæ Caribanz (quæ maris Atlantici proximo littori, meridiem versùs, adjacet) redduntur, in hunc modum scriptæ.

VIRIS fortissimis Hispanis, salutem. Si per hostem, & myoparones, ac (quod impeditenti caput est) per nostrorum paucitatem licuisset : non vos epistola mea, sed occursus, & junctæ coràm dextera, salutassent. Nec enim (si qua specula turriq, littoribus imposita, fides est, cujus ex culmine conspecti procul estis) latere nos potuissus : quin Hispani, popularésque ; quin manus prompti, gentisq, fortissima delecta pubes, sitis. Sed occursus officium, mutuósque congressus, intercludit, præter exiguum præsidiariorum numerum, hostica triremis ; in vicino circumvolitans. Pirata sunt hi, gente Scoti, sectâ Calviniani ; copiâ classiariorum, & apparatu, quavis ad latrocinia validi. nec tamen idcirco formidabiliores. Nam & Numen (quod speramus) adversum habent, propter religionem profanam ; & in ipso pane portu què minùs arenâ potiantur ac votò, cum ventis obluantibus bellum gerunt, quod cum mortalibus maluissent ; ab infesto turbine circumacti. Nec longè posita rei bene gerenda jacet occasio. nam quintam decimam, ab nostris navatibus, leucam, nec ultrà, distant. Quapropter, nolite, per Superos ! nolite tam illustrem, ô fortes heroës, opportunitatem desidiâ transmittere. Sunt in manibus vestri gens perfida, religionum hostes, pacatorum marium infestatores, Hispani nominis

odio feroces, & ob hoc invicem odio sancto digni. Sunt in potestate nostrâ (si modò viri vultis esse) manubiis raptôque plenæ naves, scaphæ, cistæ. Vestras manus respectat: tot, per summam injuriam spoliatorum, ultio: necnon hominum nostrorum per Indica commeantium aquora, salus, & in futurum securitas; in præteritum tempus, vindicta fortis. Stant in arbitrio denique vestro decus, gloria, divitiæ; quæq; copiis antestat omnibus, Philippi Regis, cuius virtutem vestram approbabitis, gratia: deque roboris vestri fama, favor, ac munifica pro meritis liberalitas. Tantum, quæso, tantum vestris in viribus animus, ac sanguis; in dextera verò Mars, & gladius, & celeritas, sunt. Valet, pugnate, vincite!

IX. RECITATIS hisce litteris, nemini dubium fuit; quin tam illustri, rei bene gerendæ, premenda quàm primùm esset opportunitas. Præcipuèque duces id censebant; Ioannes Acugnias, & Laurentius Roas, mihi propinquitate conjunctus. Hi duo, quidquid apud nos classiariorum, vectorum, remigumque fuit, convocatos docent; Quid petat ipsa res, quid ipsis auctor sit Prætor Caribæus. Tot maria, plusquam Argonauticâ generositate, tot scopulos & insulas Cyaneas superantibus, in hunc usque diem; nulla dissimulatione prætermittendum, nulla consternatione pavendum, unum maris hostem, Scotum. Tantummodo, si veterem gentis Iberica virtutem ac decora censerent urgenda, persuasissimum haberent; in animosa festinatione totum esse victoria momentum constitutum.

Secundùm hanc incitationem, cùm omnium una vox in cælum iret; Dimicaturos se: Ducerent! quacunq; Deus, & casus, fortibus

animis viam sternerent; se nullâ sanguinis parsi-
moniâ secuturos; benignè prolixèque Caribani
Prætoris postulatis est promissum. Verbisque
juncta mox facta; singulari mentium ac ma-
nuum contentione præparatis & expeditis,
quæcunque necessaria certamini visa forent.
Ac primum omnium, de conferendis in loco
temporèque manibus, sententias rogantibus;
in commune decretum est: Opperiendam
noctem; & prædonum soporem in suâmet
perniciem convertendum. Opprimi posse de-
berèque, nihil minùs suspicantes, sui securos,
omissis armis improvidos, somno semivigi-
lîve languore torpidos. & hoc potissimum
opus esse; triremis nostræ non admodum po-
pulosâ militiâ. Cùm igitur omnium animis
hoc infedisset consilium; ad arma statim, &
instrumenta prælii, decurritur. Fit Navi totâ
coetus, labor, & impetus omnium unus; hinc
quidem puppim, rudentû aggestu, tanquam
vallo propugnaculoque, communientium;
illic autem proram, adversum incursuros
Scotos, vasis, doliis infertis, & sarcinis con-
stipatoribus, in castelli ritum, obstruentiû;
Aliâ parte tormenta militaria, cum fistulis
ac tubis æneis, disponentium; alibi verò lo-
ricas, & thoraces chalybinos, & armorum
omne genus, sibi met cum telis & ensibus ac-
commodantium: passim denique futuri con-
flictûs simulacra prælusoria (tanquam in ho-
stem jam seriô Marte moveretur) agitantîû;
ut, Quales in ipso discrimine paullo post forent, ex
umbra discriminis conjectaretur. Omne tempus,
omnis hora, præcipuèque noctis adventus,
alacritati festinantî annus videbatur, & ævum;
acces-

reuerſentibus importunò votò Lunam, & Hesperum, & omne ſtellarum incendium: tum ſuper hæc pulveres funeſque pyrios; & globos, ignes, gladios præteſtantibus claſſariis: donec, propemodum ante tempus & legem (tanta, ſemel incitatæ fortitudinis, impatientia gliſcebat) cornua, buccinas, & caſtrenſia tympana, miſcerent.

ARGONAUTICON

AMERICANORUM,

SIVE

PERICULORUM PETRI

DE VICTORIA

LIBER II.

CAPITVM BREVIARIVM.

I. *Petri Victoria, ad certamen navale, animus: Destinatur ab Duce Acugna ad custodiam nobilis gynacæi. Sed huic imperio auctoritas Ducis alterius, Roa, eum minù intercedit. Comment. pag. 8. 9. 10. & 11.*

II. *Andradius, & Villandradius, unà cum ſuis, auxilio veniunt Victoriæ triremi. Milites vectoresque denudò, ad rem fortiter contra Scotos gerendam, inflammantur ab Ducibus. Comment. pag. 11.*

III. *Congressus primus claſſium, Scotica & Hispanica. Principium pugnae, animosum, interturbat Victoriæ navis magiſter. Discrimen ingens illius triremis, corrigitur paullo poſt; magiſtro navis fideliori, dimicatur acriter ab utriſque: Victoriæq; omen primò ſtare penès Hiſpanos incipit. Comment. pag. 12. 13. & 14.*

B ;

IV.

IV. Petri de Victoria vicinum periculum. Andradii cognati interitus. Scotorum ingens, adversus Hispanos victores, animus; propemodum eis palmam de manibus extorquet. Caesarum numerus; ac sepultura. Victoriana Classis, victrix, Carthagénam America portum & urbem, petit, ac tenet. Comment. pag. 15. & 16.

V. Carthagéna Americana descriptio. Canibales, seu Caribes, populi; quales & quam feri? Bellua, & aves illius regionis. Promontorium Canoa. Accola fluminis S Martha. Nova Amazoner. Valentiola, seu Venetovéla describitur (in qua Welferorum quondam procuratores) & Fluvius, cognomento Grandis.

VI. Victoriam, Carthagénâ ulterius tendere parantem, Laurentius Roas, avunculus, modis omnibus attinere conatur. Cujus rationibus, Petrus studiosè occurrit, vincit, & invitissimis proficiscitur. Comment. pag. 17.

VII. Carthagénâ in Peruvium abiturus Petrus; primò Nombrediosam urbem (Hispania, Nombre de Dios, nuncupatam) navi; dein, itinere campestri, Pánamam pervenit. Urbis utriusque situs generatim; nec non loci aërisque natura, & portuum usus, strictim depingitur. Comment. pag. 17.

VIII. Nombrediose urbis principia, nominisq; causa, afferuntur. Insula, circum eam, aut ad latera sita, attinguntur, quas inter, Hispaniola paulo fusius describitur. Admirandū in summis rupibus stagnum. Palus item in Valle, formidabilis.

IX. Pánama urbis, ex alto repetita, origo. De Vasco Valboâ, Duce Hispana militia; deque Panchiáco, Americano Regulo, & auri siti contemptisque, narratio & doctrina. De Castello Aureo.

MHI, sub tanto certaminis apparatu, nequaquam animus infantili formidine palpitabat; quippe jam olim à teneris, & aviſi ſanguinis ſpiritu, bellorum cupienti. Metus unicus impræſentiarum, fluctuantem agitabat; Nequa me ſortis invidia, tam deſideratis experiundæ virtutis caſibus ſepo-neret: inexpertémque congreſſûs, velut in otioſum ſpectaculum, alieno ludibrio reſervaret. Neque temerè formidabam id, in quod propè propiùs impegifſem: niſi dedecus hoc per alienam ſacundiam, pertinâxque patrocini-um, evaſiſſem. Quod in hunc, quem memorabo, modum evénit.

Erant ſub velis noſtris, ab Hiſpaniis uſque portûque Batis, nobiſcum Oceanum ingreſſæ, Fœminæ nobiles haud paucæ; nuptæ pariter, & nuptiis deſtinatæ. quæ partim viros, partim ſponſalitia ſecutæ pacta, pares ſpes, & æquata pericula, portabant in Americam. His adjunctus, ex more dignationéque, plebejarum grex, in famulitium & obſequia; triremis noſtræ partem non minimam impleverant, Sarcina major utique, quàm ſalus, aut neceſſitas: certè quidem Argûs illius veteris præpoſterâ (ni fallor) æmulatione; quæ Medeam & Colchicum gynæcéum non importavit Phafidi, ſed abſtraxit. Earum igitur omnium, non modò ſecuritati, ſed etiam dignitati quietſque conſulturus Dux *Acugniæ*, ac militum interim curas in id unum, quod præſens neceſſitas expoſcebat, contenturus; me cum duobus aliis cœvis, & propinquitate connexis, accerſiri jubet in prætorianum cubile.

cubile. Tum introductis, præsentē Roā simul, avunculo meo; *Quanta res*, inquit, ô nobiles adolescentes, quantūque dimicationis periculum, cum exercitatisimis prædonibus immineat; ipsi iuxta nobiscum & auditu & (puto) creditu. In hac discrimina nec ætas vestra sufficiet, armorum ad hoc usque temporis insolens, bellorum exsors, & unico ternione vestri, non multum accessionis ad fortissimorum militum fortunam factura, vel victoriam. At è diverso, vulneribus vestris aut funere, necessitudinum vestrarum in patria lætum quamplurimum incendet: ac nos, tanquam atavula vestra crudeles productores, invidiâ, neutri utili, gravabitis. Sunt insuper in gynaconitide mulieres, sicut scitis; ingenui sanguinis illa quidem, sed imbellis ac pratimidi: sexus fractus, & ad omnem classici sonitum defecturus, ad omnes tormentorum explosiones ac flammæ exclamaturus, ad quamcunque gladii stricturam, & erroris conspectum, pallore deliquiōque moriturus: universum denique prospera pugna momentum gemitu, fletu, lamentisque turbaturus. Virilia robora, muliebri choro enervabit. Quare sanè, totum hoc genus exscendat; ac nos tantisper turbâ tumultūque liberatos, vel exspectet in terra, maris & hostium domitores; vel glorioso funefos exitu, procul & securâ naniâ depleoret in portu. Vos autem, tu VICTORIA, comitesque gemini; ne nihil agere videamini; Rem omnium custoditu difficillimam, Mulieres servantes: præfidiis & curâ vallatas vestrâ, nobis integras & incolumes redhibete: venturi propter idipsum in partem nostri décoris atque laudis; si reduntibus, quales eas accipitis, tales reddatu.

Hæc ad nos *Acagnius Dux*; & , tanquam
nemine

nemine contrà dicturo, conticuit; obsequium
 imperii sui præstolatus. Nos autem hac de-
 nuntiatione fulminati, tantumque non bu-
 xò pallidiores; nec, quid agere nos, neque
 quid dicere conveniret, reperiebamus. Ego
 præ cæteris, saxò stupidior, in vestigio sta-
 bam eodem; terram intuens in ipso mari:
 pudoréque manifesto labia mordens, exspe-
 ctabam, qui pro me respondendi partes obi-
 ret. Nec fefellit hoc Roam, mihi genere co-
 gnatum, sed fide sollicitudinéq; multò con-
 junctiorem. Is igitur, jam suapte sponte con-
 ceptam iracundiam, nunc etiam meo nomi-
 ne profusiùs in Acugniam exonerat, & Quod
 ad alteros (inquit) hos duos spectat, affeclas
 PETRI mei; minùs equidem laboro. Pro se
 forsitan ipsi facundi fient. Cæterùm ego nepotis
 mei VICTORIAE causam ago: de quo miror
 equidem oppidò quid in mentem tandem venire
 tibi potuerit, Acugna. NAM, si Fæminarum
 potissimùm te cura tangit: &, si meum hunc a-
 dolescentem, earum maximè tutela factum na-
 tùmque censes: ad Terentianum potius aliquem,
 aut Persarum regis, cubiculi curatorem, suasis-
 semires; qui Thaidas istas (sit in hoc verbo vere-
 cundia!) servaret. Iffes ad Darii vel Arsacida-
 rum Bagòas, ad thalamorum Parthicorum ex-
 sectas custodias: quibus mandata dares, ne fax
 ista navigii (quam honoris causà nomino) sine
 janitoribus & excubiis suis degeret. Sin autem,
 in hoc mandando munere, citrà sexus respectum,
 tantummodo præcipuéque VICTORIAE nostri
 commodis, & ætatis teneritudini, cupi indul-
 tum; ut, quæ per annos nondum armis habilis,
 securitatis seponenda sit: quantum in, primo pec-

caves, tantundem in hoc altero decipereris & errares. nec id adeo pro mutua, qua nos intercedit, amicitia; neque pro VICTORIAE nostri gratia, faceres. Quod enim ad Roam attinet, negat Roas, se passurum; ut ex se suisve prognati, turpitudinis minimam labeculam pro sapia gloriam contaminent: & scilicet vita nimio desiderio, mortisque muliebri fuga, Feminis praesideant; quasi virilis adhuc roboris incapaces. Quin id potius agant, ac discant mei, meis insistere vestigiis; ac per maria, fluctus, pericula, perque ferrum, mortem, & interitum; ad gloriam atque claritudinis incrementa grassari. Quod autem nominatim pertinet ad hunc VICTORIAM: non est, non hercules is est hic adolescens, quem tu qualēve tibi proponis; ut quem, necdum licet puberem, necdum quatuordecenni grandiolem, plus juvet pugna, quam pax; plus palma, quam pluma: quiq; non tam annorum spatium, quam alacritate periculis, cursum impetumque virtutis metiatur. Sicut enim prematuro membrorum robore, corporisque proceritate, praevertit aetatem, sic fortitudinis studio, longe multorum antevenit equalium spiritus. Et instigatur ad altiora, parentum ac majorum suorum exemplis: memoriāq; seminis, longā per aeternas Heroas lineā descendens, fervet ac bullit, juvenculi sanguis; ut, inertī trepidatione proscripta, nihil ducat latebrā probrosius, nihil illustrius victoriā, quam nominis etiā & vocis societate spirat. Quare, si veterem, Acugna sodalem: si Roam tuum diligis, & in amicis habes: da tesseram amoris, in hoc adolescente contra piratas expediendo. vel, si recusas (quod non debes) prius, ecce, gladium hunc strictū (& strangebatur revera rotabatq; gladium) in alterutrum,

aut utriusq; nostrum pectus demersum, circum-
age. Iuravit enim, hunc unà mecum potius è vi-
vis, quàm de navalibus egredientem, conspici;
faciliusq; sustinebo, belluis aquoreis, quàm igna-
vi portibus expositum, lugere. Tu quoq; (super-
adjicit, ad me conversus) tu, VICTORIA, me-
mento, te sanguinem meum; quantuscunq; potest
ab avunculo per sororios partus in cognatum de-
fluere. propterea q; simulac cieri praelium videris,
& naves navibus, manusq; manibus conseri;
præsta tu quoq; te virum: & si minùs ad te, pro-
priūmq; tuum decus potes (cujus rudimenta nunc
primū ingrederis) at ad me saltem meamque
dexteram respice, certaminibus intentam: quam
equidē ad Sanctum Numen, ad Superos atq; cæli
fidus levo; contestatus clarissimò jurejurando;
Sicut fortitudinis tua remuneratricem, sic igna-
viam, malęque gestę rei, vindicem exituram.

II. ISTA ROR, tam fortis ac vehemens de-
clamatio, quantū Acugaiam à cœptis atq;
mente prima deterruit: tantū è diverso nos
exhilaravit. Vnde pariter, & iste gynæcēi cu-
ram in alios transinovit: & nos à turpissimę
functionis servitiō, velut manumissi, lacertos
& animos armis applicabamus, nunc ensē
tractando, nunc fistulas jaculatrices: omnia
nunc deniq; facere volvebat, sollerte & cia-
cres, quibus non modò tiro, sed multorū sti-
pendiorum ac Veteranus miles, sese duci suo
probaret. Animavit juvenilem alacritatē, sub
eum ipsum temporis ac discriminis articulū,
nobis addit, Ioānes Villandradius, qui Mar-
garitā insulā Prætor obtinebat: & cū eo Lo-
pesius Andradius, ductore militū ejusdē in-
sulę prognatus, mihiq; præter hoc propinqui-
tate

tate sociatus. Horum superventu, cum comitatu non spernendo, virésque nostras aucturo; non parùm omnium arrecti sunt animi, reputantium; in certaminis vicinia, ne transfugia quidem, servitiáque, nedum auxilia socialia, repudianda. Sive jam de composito nobis accesserint; etiam ipsi prætoris Caribani litteris evocati: quò numerum & manus firmarent Acugnianorum; sive, quia consilia profectionis eorum longè diversa. Numinis providentia verterit in solatiũ nostrum. Inquirere namque veras & pénitas causas, aliò versis cogitationibus, tunc minus vacavit.

Cæterùm triremi nostræ cum sua navi conjunctos, universim quidem omnes; ego verò Roásque singillatim, tanquam sanguine fœderatos, officiosè consalutavimus: tandémque curatis corporibus, sub ipsum noctis principium, procùl portu naves in altum detorsimus.

Ac nocturnus quidem omnis nautarum remigùmque labor, absumptus in effugendis cotibus atque scopulis; & everberandis, quos Africus concitârat, fluctibus. Acugnæ verò, cæterorùmque ducum, in confirmandis classiariorum animis, adversùm hostem, magis ac magis jam propinquantem, sedulitas intenta discurrebat. *Nunc, nunc concepti quisque spiritus, nunc ardoris proximi meminissent, & Hispani decoris: cujus curam à superis suscipi, vel ex ipsis his elucere periculis ac difficultatibus; utpote quos, medias inter Scyllas & Saxa naufragiis infamia, salvos, & incolumi remigio, transportatos deductosque, nollent in Scotos incidero*

*deve somno stratos, sicut consilium federat: sed in
vigiles, ac praelio paratos. Gloriosiorem Iberico
homini victoriam fore: quæ non tenebris, neque
dolo, vel casui, sed bellatorum unica dextera, post
Numen, deberetur.*

111. ADHUC loquebantur, per foros atque
transtra, nunc milites, nunc remiges, inter-
dum singulos, sæpius universos, obeundo sti-
mulandoque: cum repentè, dispulsio noctis
opaco, diluculum pariter, & hostilis myoparo
prægrandis, super Oceanum præstò fuerunt.
Et Sol quidem, purpureo radio sensim magis
crebrescens, clariùs suum utrique parti di-
scrimen, ac, quid opus factò, commonstra-
bat. Piratica verò navis, cum, præter omnem
expectationem, cunctis subsidentibus ven-
tis, ingrata malaciâ stupens hæssisset: tribus
omnino defixis anchoris, catenatæ vincitæ-
que similis in salo torpebat. At jam pridem
in ordines ac stationes suas distributi nostri;
ductorum imperia, cum novis animis, acci-
piebant: ad omnem strenuè gerendæ rei dex-
teritatem intentis mentibus. Præcipuè, qui-
bus commissâ puppis ac prora myoparonis
fuerat, sine dispendio militum invadendi
convellendisque; vias omnes & occasiones
iussu faciendi speculabantur. Præter hos au-
tem, in principiis Hispanæ triremis colloca-
ti classiariorum exercitatissimi; fistulas, en-
ses, hastas, præferratosque contos & sarissas,
in Scotum occursum dirigebant. Alacer-
rimi verò turrim ligneam infederant, quam
sub vesperam pridianam, opere tumultua-
rio, satis eminentem & conspicuam eduxe-
ramus. Hanc enim ex omni robore delectos
iussit

jussit Acugna dux occupare. quod illi magnis animis exsequebantur; &, constitutos humiliore situ prædones, laudabili superbiâ despiciebant ex arduo; certissimi (sicut & plerique nostrorum) vel hostium potiri, vel certè mortem, alterutris inevitabilem, optetere. Prior triremis nostra (quoniam ventii succiderant) remis propulsa; connitentibus indefesso lacertorum motu servitiis, Scoticam navim, ad proram illisâ prorâ, concussit. ad cujus afflictæ sonitum, longè reboantem, secutus illico nostrorum ingens clamor; victoriæ spes & augurium. Nec minor à Scotis (ne trepidationis calumniam incurrerent) adversum nos regeſta conclamatio: tumultuante tot diversissimis vocibus quaquaversum mari; dissonamque litoribus, & confusione multiplicatam, echonem eminus replicantibus. Simul ab hostibus anchoræ revelluntur; & navis in libertatem agitur. simul arma, si quibus ea nondum provisâ, capiuntur: ac, nudatis ensibus, oneratisque nitrato pulvere tormentis curtilibus, dum myoparo se circumagit; *In Hispanum, In tumentes Iberos, In Philipporum transmarina mancipia!* minaciter ab omnibus conclamatur. nobis sanguis, & mors, & internecinus interitus, denuntiantur. Contrà quæ, ne quid minus nos agere videremur, paribus ab nostra parte convitiis responsum est: & mox utrimque, misto tympanis cornuum tubarumque concentu, classicum aëris vario claque relisu personuit.

SED inter hæc navmachiæ tumultuantis tam inimica principia; res, ad nostrorum con-

consternandos animos non levis, ex nobis
 ipsis evenit. Cum enim, ex omni navicu-
 larium numero, virum exercitissimum
 dux Acugias ad clavum & gubernaculum
 delegisset: & ille provinciam eam, nullâ
 tergiversatione susceptam, ex spe votoque
 nostro ceptasset; sic, ut hujus unius dex-
 teritati deberemus, quod primo statim con-
 cursu proram Scoticam navis nostræ ro-
 strum arietasset: repente, subortò lituo-
 rum tentarumque pellium fremitu, cum
 furibundis hostium occlamationibus; de-
 fertor factus ac transfuga, qui gubernator
 fuerat, relictò classis regimine, deligatam
 in scapham scelestus desiliit: præcisoque
 unius nexu, sese fugæ tutoque pelagi com-
 misit. nos autem, ministerio destitutos,
 ultimo sub discrimine reliquit. Et id qui-
 dem iniquissimo nostro tempore. Nam-
 que triremis Hispana, post primam illam
 prædatoris concussionem innoxiam, refu-
 ga; cum, omni remigum adnifu, mox al-
 terum in nostes impetum urgeret, perru-
 ptura sine dubio vel laceratura proram
 Scoticam: gubernaculò repente manca,
 proditoris unius scelere, pro recto navis
 cursu, tenuit obliquum iter; & in latus
 Scoticæ navis, transversò trieris impulsu,
 violenter impegit: nullo tamen notabili
 eorum damno. Simul celerrimo receptu,
 propemodum sine inoparationis omni strictu-
 ra, vacuum est in pelagus præterlapsa. Verum
 prope correctum remigii vitium est: utique,
 posteaquam & fugitivo gubernator suffectus
 est, sedulitate connixus est, adprobare se
 ducis

ducis iudicio, ne delectus poeniteret: & ipsa
 Navis, emendato cursu, velocissimè redu-
 cta, tutum est in locum minúsque prædoni-
 bus obnoxium deducta; revolatura proti-
 nus ardentiore congressu; nisi, mirabili
 Ponti levitate, resuscitatus post diuturnam
 tranquillitatem Auster, secundior hostibus,
 quàm nobis, affluxisset. Tunc enim, pede
 factò, dispasissique pleno sinu velis; piratæ
 sese longius in altum abstulerunt, ubi colli-
 gendi sui spatium & animos resumerent.
 Nostram autem triremem, victoriæ jam cœ-
 ptæ votis dejectam & elusam, insequi se cœ-
 gerunt. Cessatum igitur ab neutris: &, ipsâ
 frustratione Martis animorum indignatio-
 nem inflammante; tunc primùm, quasi si-
 gno datò mappæque jactâ, certaminum ex-
 arsere studia. Tunc laxata, fomitibus ad-
 motis, tormenta militaria. tunc, pyriò far-
 tæ pulvere, fistulæ portabiles exoneratæ,
 tunc simul fulgure fulminéque, simul fumo,
 pice, sulphure, nidoréque nitrato, cum hor-
 rendo fragorum tonitru, ruptus & confu-
 sus aër; terrificum sine fabula Chaos, auri-
 bus & oculis pugnantium ingerere: prorsus
 undæ flammis, cœlum pelago, dies nocti, vita
 funeri, fluctibúsque sanguis ac cædes permi-
 sceri. Tunc planè, *Nullam virtuti difficulta-
 tem imperviam esse*, monstravit nostrorum
 ad vincendum obfirmatus animus. Nam,
 quanquam & numero multùm inferiores
 Scotis nostri (quod statim patuit) & vento-
 rum favore destituti, manifestè viderent; in
 lubrico præcipitísque sui prælii fortunam sta-
 re; nec audaciam tamen, neque dexteras omi-

omi-

omisere. Sed alii quidem, grandinantes inter sclopos ac tubos, interque volitantes grandioris plumbi globos, Piraticam nihilo segnius irrumpere laborabant: depulsantibus hostem, haud minore roboris fiducia. Scotis; & multo vulnere desuper inflicto, virtutem Hispanicam plectentibus. Alii vero de nostris, periculorum contemptu longius abrepti, propemodumque (si fas est, contra fortes viros, confiteri verum) vincere praestitini; triremem adversariam transultu petebant. Ceterum, fallente conatu, praecipites fluctibus hauriebantur; indeplorato quidem casu, quia sic ipsi voluissent; nec tamen idcirco spectantium & superstitum virtutem absterrente. Nam hos ipsa commilionum incruenta funera, proritabant in sanguinem; ne sicci perirent & invulnerati; mutuò semet hortatu nostris exstimulanti-
bus; &, quod invidiae Fortunae non possent, ad per obfirmatam violentiam perfringere prororsus connitentibus. Donec ad extremum Hispana res superior fuit: utique, posteaquam consumptae ballistarum & arundinum belliarum ira, propiusque succedentibus Iberiis, quam ut in eos quidquam possent Brutorum anax minae; concurs in Navim praedonum insultus est factus. Sed priusquam ad hanc praelii summam ventum est; multa decoranda globorum & flammæ tempestas fuit. Itaque ascendentibus in Piraticam, iter nequaquam incruentum stravit.

I V. STABAM inter fulminantes ac reful-
nantes ego quoque: ponè me verò, corvi
ei, tunc primum aciem experti praeliorum-
que

que gustum, adolescentuli. Quos inter, Lopezius Andréda, supra relatus, ab insula Margaritarum cum Pratore Villandrado, pridie nobis adjunctus. Hunc juvenem, eadem mecum & cum fortissimis tentantem viris, priusquam Prædatoriam penetraremus, jam in frustra globus æneus, excussus tubo grandiore, discerperat: plurimum (nequid dissimulem) dolente me cognati sanguinis interitum: sed oculis nihilominus siccis luctum premente. Nam periculum mihi jam proximum, cogebat, ab alienis ad propria, curam & consilia convertere.

Sed jam pridem myoparone potiti nostri, tumultuabantur in Britannicos, indomitis impotentibusque furiis: non cadibus, non præcipitiis, non ætati, non formæ sexuive parcentes; sed uno miscentes interitu, nullo distinctu, nullis respectibus, ut quemque, de partibus inimicis, casus & fors in manum dedissent. Et jam in diei tertiam (neque fallor) horam, cum diluculo cœpta, dimicatio prorogabatur cum penès Hispanicos sine controversia staret summa victoriæ. Sed tanta fuit Scotorum pertinacia, tam infracta virtus; uti ne victi quidem palmam concederent. Et, ut appareat, *In rebus desperatis solum etiam Animum, cæteris amissis, omnia reparare*: quanquam nostrorum nullo Spartam suam deferente; superati tamen, etiam Victores, sumus. Ac, quoniam paucitate classiariorum jam ab initio laborant Acugniani; Britannicorum identidem recentium affluxu numeroque pressi: tandem myopardonis capti possessione per vim ejicimur; na-

vésque

vērſque noſtras infami natatu repetimus. *Concedendum enim eſt, etiam Hoſti, virtutis & bene geſta rei teſtimonium*: ut Hiſtorix non ſola narratio, ſed Fides quoque veritasque conſtet. ſine quibus non ſcribentur Argonautica Chriſtiana, ſed veteres & Colchicæ fabulæ: quod ab nobis plurimum abhorret.

Sic igitur turbatâ prælii vērſaque fortunâ, prædatoria Scotica, ſecundiſſimis uſa flatibus, altôque mari decurrens; in perpetuum ſe tempus nobis eripuit. Itâ tanti moliminis ac Spei res, nullâ neque ductorum noſtrorum, neque militum ignaviâ; propè propiùs in incasſum & ventos rēcidit: fatorum tamen (ſicut arbitror) prudentiſſimô temperamento; ne, geniô nationis noſtræ, ſi virtuti per omnia ſucceſſus ſuius colluſiſſet, caſtu luxuriantes & gloriæ tumore, ſuperos adverſos irritaremus. Diſceſſum igitur, æquatô pænè dēcore: niſi, quòd paucorum adverſus multitudinem audacia, ſuâ potiore palinā carere non debeat; ut, quæ magis in arduo: nec in ſua navi, ſed alienâ, non abſque prædonum notabili clade, ſteterit. Ac de præſorum quidem & deletorum hoſtium numero (*quoniam in mare ſparſos nemo computat*) conſtare nobis non potuit. Noſtrorum autem, tam acri diuturnoque conſictu, viceni, neque plures (quod meritò mireris) cecidēte. nec vilia tamen omnia, nec illacrymata ſuis, capita. Quorum potiſſimi, Ioannes Vilandradius, Margaritæ Prator; &, modò mihi memoratus, Lopezius Andrada. Vulneriſus fœdatorum, ſumma fuit major; neque emendendorum juvenum.

Sed

Sed nos, de purgato prædonibus Oceano, memorabilem, & Pompejanæ proximam, (ut putabamus) rostratam coronam nacti: revinctis fronde viridi navibus, pridianum invehimur portum. Neque multò post, in Urbem, à Diva Martha nominatâ, saucios exponimus. Amissis autem in conflictu, suprema funeris, pro rerum & apparatus præsentia copia, persolvimus. Nec ità multum illic demorati; ventorum opportunitate captatâ, triremem Hispanicam unâ nobiscum maris alto reddimus: & in paucis diebus Carthagénam (jam olim Hispali nobis destinatam) aurâ sub votum fluente, tenemus.

V. Est Carthagéna, portus & urbs; inter Sinum Vrabánum, & Fluvium, quem Grandem appellant, sita: quorum illum ab occasu respicit, hunc ab ortu. Nomen sibi reperit à figuræ similitudine (*) quâ Carthagenam Hispanicam, in Murciæ littoribus, æmulator. nam & hæc Insulam habet adnexam, Codégum nomine; non secus, ac nostra quondam Scombrariam, aut Heracléidem. Cæterum accolæ multum dispares Europæ Carthagénæ. Sunt enim, universi tractus illius non tam cultores, quàm vastatores, Cáribes seu Caníbales; gens procéro, feréque dépili corpore, colore nigredinem inter ac livorem mediò, luridòque: membrorum omnium obscœnâ nuditate; nisi, quòd sexus imbellior, tegenda velet ab umbilico, genuū tenuis: paucæ, de primoribus, totos pedes. Mortalium, quoscunque Sol aspicit, pessimi sunt ferocissimique; callidi, sagittas spargere, non, ex belli more ritùque, præferratas;

sed

sed esse præfixas marini cujusdam piscis ,
 quem Rhangiam ipsi dicunt : & aculeis spi-
 culorum , toxico nocentissimo delibutis ,
 exitiales. Ludus illis & jocus est , humanæ
 carnis dapes inire : nec distinguunt , recen-
 tes , an salitas ? ad ignem desiccatas , an cru-
 das ? dummodo glutiant & vorent. Exse-
 crandâ quin etiam ingluvie , suæmet pueri-
 tiæ teneros artus & pulpas concupiscunt. ac,
 propter hoc solum , corpora masculorum é-
 virant : catulorum & nefrendûm ritu ; quò
 ceteri corpusculi partes in teneritudine ,
 & delicatam mollitiem infringant. In hac
 America totius solâ parte , Leones (cate-
 roquin illis in terris fugaces ac timidi) cum
 Libycis Marmaricisque ferociâ contendunt.
 Putares ; incolarum imitatione magisterio-
 que belluas etiam efferari. Psittaci volant
 apud eos , vario colorum distinctu ; Vesper-
 iliones quoque coturnicum granditate. Su-
 præ Carthagenam (libet enim tractum il-
 lus oræ totum exsequi) Canoa promonto-
 rium ingens , Orientis ad plagas , in Ocea-
 num excurrit. Ab hoc , littorum inæqualis
 & vastus error curvatur ; ad usque promon-
 torium illud , quod Velæ caput appellant.
 Littori medio fluvius interludit , à Diva Mar-
 na (sicut & insula quædam , & urbs supe-
 rior) nuncupatus , Regio continentis , di-
 ves auri , dives ambræ , gemmarumque ; Sap-
 hyri verò cumprimis , Smaragdorum , &
 Onychis Arabica , quam Chalcedonium vul-
 nus nominat : quin etiam unionum ac bac-
 arum. Ingenium illis indigenis , non quale
 Hannibalum ; sed placidum , & ad artis opera

C

non

non absurdum; æri potissimum inaurando; texendis in stoeas tapetiæque palinis; telâ, margaritis, & auro dispungendâ; piscatui denique, cum exquisitissimis insidiis, exercendo. Nec exulant, à gente cæteroquin idolorum cultrice, Christianæ virtutis lineamenta quædam; ac viriis interlucentes, bonorum picturæ morum. Namque sunt, nec exiguo numero: quæ cum telis & arcu Martem exerceant; nec Venerem tamen ullam nôrint: sic, ut Amazonum gloriâ superiores, inter æternas cum viris pugnas, virum & congressum ignorent; virginitatis ævo tam longo, quàm vitæ.

Longius, Orientalia radentibus littora, post Canóam, promontorium occurrit aliud; quadratâ quidem ipsum figurâ, sed acumine gemino prominente. quorum id, quod objacet Occidenti, Vela nomen; quod autem Euro perfiatur, Conchibacóæ barbaram appellationem gerit. Posterioris latus prævelant Insulæ, quas Bacóas Americani dicunt. Eas continuò Sinus excipit, ingens in Austrum; & Adriatici maris quadam effigie. nam & in istum Flumina non pauca, nec incelebria, de montibus Andalusix Novæ, ruunt; & in eo sparsim Insulæ, sicut in Adria, resident. Denique, Sinûs ad finem, quâ Decarráro misceatur amni, medias inter undas rupes erigitur; ingens altitudine, conspicuo situ, lato planoque vertice; cui barbarorum industria, muris incinctæ, turres quondam, & urbem, ac propugnaculorum minas, imposuit. Eam à Ferdinando (ni fallor)

lor) Cortesio, redactam in potestatem, auspiciis Caroli Quinti Cæsaris, memorabant: & ab nostris hominibus Valentio-lam: quin etiam, Venetiarum honorificâ memoriâ, VENETOVELAM nuncupatam: quod illa nomen, etiam hac tempestate, retinet. Et hanc nos, cùm è Margarita Carthagénam peteremus, conspeximus e-minus; Velæ promontorium navigatione stringentes. Illic audire me memini, nescio quem Rhaticæ gentis è Germaniis militem; sed idiomatis Hispani gnarum; cùm in hunc modum narraret; (b)

HANC illam oportet esse VENETOVELAM; quam, maritimo cinctam undequaque Sinu, Carolus is, qui simul Hispaniis & Imperio Romano jura dedit, aliquamdiu præsidium & arcem esse voluit: contendendis in obsequio gentibus, quæ Castiliam Auream in propinquo frequentabant. Ac videbatur hæc (ut certè fuit) inexpugnabilis. Sed posteaquam Cæsar, accisò bellis Germanicis ærario, grande conflavit æs alienum; genti VVelferorum patritiæ, quæ Vindelicorum Augustam nunc quoque Duumviratu moderatur, pignori dedit VENETOVELAM; in mutui salutem. Sed VVelferi, spes tam longinquas, rudenter post patriam habuerunt: ac, missis trans maria, qui procurarent, quisque omnium interea vicem lucra tractarent; æstigales ipsi census, & Auriferæ Castiliæ fructus, per quietem exspectabant. At auratores, à Caribibus circumfessi, pro-

cū tunc fortè (sicut fit) Hispanis agentibus ; ad famis ultimam necessitudinem redacti sunt. Ac , nisi fama fallit (*quæ trans maria semper liberius narrat*) per eruptionem , an insidias ? aliquot nacti Caribas , ex his tres , post omnia cætera victus absurdi nutrimenta consumpta , mactârunt ; & in epulas verterunt. Hæc tunc Rhætus ille , gentilitiis (velut agebat) ex Annalibus repetebat : me nec indulgenter nimis fidem accommodante narratis ; nec per superbam temeritatem derogante.

Post Carthagenam porrò , sicut antè retuli : lævum ad latus , in Oceanum Atlanticum denatat Fluvius , cognomento GRANDIS , Amazonicus vulgò dictus. posterì , diversis ab repertoribus ac navarchis , alii quidem Orellânâ : Maragnónum alii , nominârunt Peruanis è montibus oriundus , ut primùm fonte suo digressus est ; torrentibus incurfatur , & liquefactis nivibus : quæ passim illic , Alpestribus ex jugis , præcipitant. Inde , flexu sinuatus , anguis in morem , Septentriones tandem rectiore cursu petit ; & innumeris dextrâ lævâque profluentibus in consortium admissis ; anni quoque Decârrârô sociatô : post ampliùs centena quinquagena milliaria Germanicæ dimensionis exacta , vix tandem è regione Margaritarum & Trinitatis Insularum , Atlantico se confundit æquori. Cujus immane tamen ostium , etiam ipsum insulis amplis intersectum est : ac , præter hoc , immenso diffusum spatio , diu classes prævertetas in dubio tenet ; Fluménne tantùm , an planè

planè jam Pelagus, navigent? & profectò, nisi dulces haurirent aquas; pro Pelago potius, quàm amne, pignus deponant. Aded, littoribus adhuc procùl, & in medio flumine, circumferentibus oculos, non urbes hinc & hinc ullæ: non villæ ripis aut turres impositæ; non ipsi tam vastæ celsitudinis montes (qui fluvio Grandi prætexuntur) resistunt. Cœlum duntaxat, & undæ, sunt in conspectu. Quibus è signis, certissimam Amnis Granditatem, citrà nominis ullam vanitatem, deprehendas. (c)

VI. CAETERUM Carthagénæ, ceu qualiquali profectionis transmarinæ repertâ metâ; comitum meorum magna pars hæsit: & in his Laurentius quoque Roas, avunculus (ut dixi) meus. Is in posterum tempus, quoad lucri commodorúmque spes, & negotia sic exigent; conductis locatò tectis, pro Carthagénæo sensim inquilino se ferebat: Hispali totâ de curis & animo deletâ. Quod ipsum neque mihi penitus molestum erat, primis quidem diebus; quibus, jactatione nauticâ defetiscens corpus, in quietem componebam. poterátque, si Peruvium in urbe Carthagénæ præstò fuisset, non esse prorsus namœnum; adhærere Roæ, comitatúque pariter & convictu, sic expetentem, frequentare; cùm præsertim cognati juris officio, me tanto viro viderem obligatum. Sed scilicet, *Obsequia Nulla ferunt atatem; quoties exprimentur* duntaxat, nec sponte totâ fluunt. Nam, impetu juvenili, mox vel refrigescunt, vel tepent; donec denique velut exspirantia evanescant. *Fratrū quoque Sororūque* (nec dum

dum remotioris sanguinis) *Amor*, propriò commodò tandem obruitur; atque cedit.

Ego certè, moræ factus osor, & navigare properus, post menstruam ferè desidiâ, oblatâ triremi novâ, Roam intrepidus accedo: petòque, mihi bonâ propinqui veniâ liceat insistere destinatis; quòdque ja-centis trans Oceanum Atlanticum Indiæ reliquum esset, id in Peruvianis præsertim lu-strandis regnis, tantâ navis opportunitate, penetrare.

Tulit indignè Roas; &, veluti plagam aliquam, ità discessum à se meum, profundius, quàm unquam veritus essem, in petus demisit. Igitur primò, quasi pro Morum præfecti jure, patruivè fronte; neque perfunctoriâ verborum severitate, cœpit increpare. Mox, ut incusso terrore simul attonaret, simul prosterneret; præcisè negare: Se dimissurum. Sed, cùm obluçantem cerneret; ac vultum meum intelligeret, etiam adversum minas & asperiora duraturum; phrasibus aliquantò collectioribus, &, in rogitantis humanitatem traductâ voce, placidiùs est aggressus; nunc hortando; nunc obtestando; subinde miserescentis quoque partes induendo. *Darem bienne, vel, ut summum, trienne contubernium; si non meiipsius tutela, securitatique: certè tamen avunculi precibus atq; sollicitudini. darem amantissima Matris memoria, reverentia, votis; qua Filium non sub aliis magis, quàm sub fratri oculis, vivere quotidie desideraret. darem Sanguinis pietati, quam, violento discessu contra tot preces turbare, perfidia speciem & partem parricidii*

fuit.

futuram. Respicerem etiam (siquid apud me valere posset pristinarum memoria meritorum) impensos, jam ab incunabilis mihi favores amorisque; solius Sororis affectibus cessuros. Reputarem insuper; Ecquò potissimum promotore causa, tam clausis maternis auribus, iter Americanum extudissem & explicassem? Quo deductore, Batis alveum, Gades, triremem, & comites, puer vix duodecenni grandior, evolvissem? Quis per tot Ponti discrimina, per Scoticos piratas, fœminina custodia depulsâ turpitudine, per importuosa Mexicani maris littora juveniculum expedisset? Rependerem hanc itaque quantulamcunque tot benefactis gratiam: neque se barbaras inter gentes destitutum vellem, omni necessitudinum solatio cariturum. Cum præsertim ad longè forsitan barbariores ipse vela factururus essem: & utcunque tolerabili relictâ sede, quam Carthagena promitteret; insequerer itinera non ferendis astibus ac malis aspecta: quareremque colonias, quas forsitan, per invia perque devia repertas, ad extremum solâ morte possessurus essem. Nunquam secundos eventus illis obtigisse, qui bene monentibus conatibus animos opposuissent: & utique Superam iracundiâ futurum; ut, qui nunc inter mortales unum omnium benevolentissimum, deserirem irem: inter ignota loca desertus aliquando, rerum vicibus immutatis, alienissimorum hominum opem, lamentis nihil obtenturus, inclamarem.

HVIC Orationi ROÆ, quæ discessus mei propositum tam multiplici gratulabatur invidiâ, par utique non fuisset; tunc Prudentiam aliquam, ætatisque

maturitatem in consilium admittere potuiss-
 sem. Sed inconsultus Adolescentiæ, quo
 tunc raptabar, impetus; & improbum PE-
 RUVII desiderium, diurnis juxta, noctur-
 nisque stimulis (non invitis fortasse Fatís
 meis) agitabant animum; difficultates o-
 mnes impudenti generositate perrupturum.
 Igitur avunculi, lacrymis infusos, oculos, sic-
 cis ipse luminibus ex adverso devorans; in
 hæc ferè verba concisè respondi: sedentis-
 que super lectulum complexus dexteram; Si
 quid unquam (ajo) vel *Affectus* apud me, vel
Sanguis, valuissent, in toto meo profectionis *A-*
mericana consilio: primas enim verò tum (nec
 immeritò) Genitricis ejulatibus concessissem; cum
 illa me, Per quidquid sacrum profanumque re-
 tinere niteretur. Illa me, quod tu nunc rogas,
 rogabat: illa, quod tu mones, hortabatur;
 illa, quod tu nunc objicis, exprobrabat. Pace
 tua, dulcis avuncule, dixerim! Illa de me, quid
 quid dici tacerique potest, & multum ultra,
 promeruit; partu, nutritione, charitate, stu-
 dio, dulcedine pietatis. Neque tamen his tot no-
 minibus, uti retineret abiturum, evicit. In-
 juriam itaque posthac amabilissima matri gran-
 dem inflixero; si, quod à Filio non uterus, non
 lac, lacrymaque, potuerunt, id os & querela Fra-
 tris eblandiantur. Plus genitrici gnatus, quàm
 Avunculo nepos, debeo. Fateor equidem, & ul-
 trò præ me fero, Roa; multis obstrictum me tibi:
 nec id unquam inficias ibo. Tu quoque cum mul-
 ta tua liberalitatis adversum me promerita mo-
 dò produceres; in sermone tuo non cuncta posui-
 sti. Nam plura commemoratis, ac longè gran-
 diora, secum ipsa recolit, assiduòque celebrat,
 mea

mea conscientia : quorum hoc ipsum non est infimum; Quod tu me validius, quàm ego met. amas : & ob hoc tam sollicitè retentare pro-
modum per violentiam, conaris. Hos tuos sum-
mos conatus, non nisi summus Amor intendit. &
vidcirco sanè gratiam ex me mutuam requirunt.
Sed, chara mater; charus avunculus; charis-
sima peregrinandi voluptas est. Experiri to-
tam, quàm latè jacet, Americam, destinatum ac-
fixum sedet. Quod si quando nihil Peruvii, nihil
America, superfuerit : cum Rege Macedonum
Novos potius mundos, aliud cælum & Soles alios,
inquiram. Neque tu molestè tuleris banc ado-
lescentuli cupidinem, nondum in hoc proposito tur-
bem, nondum honesti fines egressam. HUMANAE
gentis hæc indoles est; experiri, videre, pera-
grare, quidquid ipse Sol circuit & contuetur.
Nec eadem omnibus Theatra sunt. Me, spe-
tare Peruvii plagas, urbes, ac littora, delectat :
Te tua Carthagèna tenet. Si nihil rationes tuas,
in hac deligenda sede, conturbant alii; si tu po-
tes, & soles, etiam suadentibus Hispaniam No-
vam & Mexicum, opponere pro scuto lubidi-
nem tuam, ac dicere; Carthagèna me juvat,
non aliis in terris, habitare: Carthagèna mihi,
non Mexicum, placet; quæ, rogo quæ tandem
tua pietas est invidia: Peruvium & Cuscum
& Limam negare nepoti; qui Peruvium, Cu-
cum, & Limam omni terrarum amphitheatro
habet? Summatim igitur, siue permittis,
siue vetes; siue resistis ulterius, tuâ venia con-
cessuque, proficiscor : & è portu solvo, dulcis Ro-
mæ, vale!

Quibus in hunc modum peroratis; ego
sentis ubertim, ac verba mea silentio refu-

tantis, manum complexus & exosculatus: simul humeris ejus impressâ facie superinjectus, animò ferreò digredior; ac, protinus auram nactus è voto, vela facio: jam alteram ac tertiam Argo mihi visus inscendisse. Roâ meo quid factum postea sit; magis non novi, quàm non inquirò.

VII. CAETERUM nos Oceano, quâ (Brasiliam inter & Mexicum) in Occidentem obliquum protenditur, eVecti: paucis in diebus, Portui primùm & Vrbi, quam à DEI Nomine Nombrediosam nostri nuncupant, applicamur. Cuj non ità multùm immorati; Pánamam, urbem & portum alium, è regione Nombrediosâ sitam ad Austros, itinere terrestri progredimur. Vrbes hæ, duobus, magnitudine distinctissimis, at loci coitu pervicinis conjunctisque Pontis adsitæ; fauces ipsas Isthmi sic mœnibus obsident: ut Nombrediosâ quidem Oceanum Atlanticû, Pánama verò Pelagus Zuriû seu Pacificum, claudant; alteram altera respicientes. Octodecim milliariûm (quæ Magna seu Germanica nominamus) spatium inter isthac loca compérimus. Vrbs útraque CASTILIAM AURIFERAM, pro cujus fronte sunt locatæ, simul inchoant ab Occidente; simul, ceu capita ceterarum urbium, nobilitant: Provinciam alioquin malè frequentem, pessiméque nostris ab hominibus interdum habitam; per assiduas injurias eam incolis exhaurientiû. Et ea tamē, etsi concussiones avaræ deessent, in semetipsam recidiva marcidæque jaceret; tum aquarum putore, tum pestilentis aëris insalubritate. Sed hæc intemperies præ care-

ris urbes illas, quas modò nominavimus ex-
 ercet. Ac Pánamam quidem Euri vastant, &
 Cacia Vulturúque venti: Nombrediosam
 autem Africus, Caurus, & quidquid Austrá-
 lium Occiduorúmque flatuum numerò cense-
 tur; ne Favoniis quideam, (quod mirère) sa-
 tis propitiis. Verùm parcius Pánama, savius
 Nombrediosa, Libitínam sentit; Vrbs haud
 aliis magis, quàm Ibericis corporibus, func-
 ta, quam idcirco trísti, sed vero vulgatòque
 verbò, SEPULCRUM HISPANORUM, indigitant.
 Quamquam me quidem, conversò fato, cle-
 menter Nombrediosa; truculenter autem
 Pánama, non multò pòst, habuit; sicut in
 loco referam. Hís tamen omnibus incom-
 modis insupèr habitis, & hæc frequentatur,
 & illa: navalibus portubúque percomòdis.
 & emporiis Europæ toti felicibus. Ac Pána-
 ma quidem mercibus floret Americanis, in
 Orbem nostrum transvehendis. Id in hunc
 ferè modum fieri solet. Quidquid ex Chila
 regione, quæ trans Peruvium in Austros ja-
 cet, vel auri, vel opulentia cæterè congeritur,
 id ex urbis Aréquipæ portu Limam; Límano
 de portu, cum reliquis Peruvii mercimoniis,
 ardo quidem, at securo littorúm tractu, Pá-
 namam navibus onerariis transportatur. Pá-
 namá verò, deoneratis navigiis, & in plaustra
 translatis molibus, itinere terrestri Nombre-
 diosam opes; & hinc, resumptis remigiis, Há-
 vanam, insulæ Cubæ nobilissimum Portum;
 ex hoc tandem, in Europam devolant. E di-
 versò, quidquid Europa suarum facultatum
 Americanis vendit; id Olyssippone Gadibús-
 que per Oceanum Atlanticum, ponè Fortu-

natas insulas, in Canibalum & Margaritarum insulas: ex his deinde Carthagénam ac Nombrediosam comseat. Ibi, levatis navigiis, onera transferuntur in axes ac rotas; quibus perveſta Pánamam, postmodum in Peruvii regna velis decurrunt; secundùm littora maris Pacifici. (d) Verùm hæc hætenus, de geminis Isthmi velut portis atque custodiis; propter crebram Pánamæ Nombrediosæque recursuram mentionem, paullo diligentius exposuisse sufficiat. Ad singulas nunc adnectere, quæ magis ex usu cognitioneque videbuntur; non erit abs re, nec extra propositum.

VIII. NOMBREDIOSAE Portum, in commodiora navalia redegerunt nostri: quibus, processu temporis, paullatim & ædificia cum propugnaculis adstruxerunt; & & muros in legitimæ formæ Urbis circumposuere. Nomen autem ex DEI NOMINE mœnibus illis imponere placuit; ne Divi Pauli documentum Apostolicum præterirent, quo Christi cultoribus imperat; A DEI NOMINE *rerum ut omnium* ac negotiorum *principia capiant*: quippeni proinde Navigationis etiam, & Exscensionum?

A tergo Nombrediosæ, quæ respicit Aquilones, Cuba jacet ac Iamaica, quàmque dicunt Hispaniolâ; celebres Insulæ. CUBÆ littoribus, Trinitatis inter & Albajúmam, ad Austrum objacet Insularū innumerabilis multitudo; quas, viridanti semper cespite conspicuas, & serie quadam, velut lectulorum hortensium, in arcolas ac germina digestas: ISABELLAS *Regina* VIRIDARIUM nostrates vocant.

IAMAI-

JAMAICA, Citria profert & Medica vulgò poma; quæ Græcis Aurea sunt, nostris Aurantia Nerantiæve. Gossypium quoque gignit tenuissimum; & ipsâ sui subtilitate validum ad telas ac pretium. Infestatur statis turbinum furiis, quas Turacânos indigenæ vocant; tam validis, ut stantes in alto naves, super littora siccûmque momentò trajiciat. HISPANIOLAM indigenæ priores Quisquejam dixerunt; tanquam *Supra modum Amplam* (quæ vis vocis est) *magnificamque*: vel, si barbaræ pronuntiationis emphasin in eo vocabulo plenius expendas; INCOMPARABILEM. Tenebrosis quâquaversum densisque sylvis, littorum tenuis, prætexta: quæque jacent ante sylvas, asperis rupibus arduisque montium prævallata jugis; eminus ad se tendentibus ab alto maris, speciem Cimmerii cujusdam, aut si quis tristior est, horroris præbet. cùm interim Insulæ penetralia, simulac intraveris, lætissimâ pulchritudine rideant. Quinque Provinciis insignioribus unica distinguitur Hispaniola; quarum tamen singulis, minores insuper aliquot regiunculæ subjunguntur. Longitudo, quæ protenditur ab Occasu Solis in Orientem, quingentis quadraginta passuum millibus: at latitudo, quæ spatiosior existit, trecentis absolvitur. Habitat urbes; quibus ea, quæ Divi Dominici nomen præfert, ut caput, imperat. Montes illi, quos Cipaugos vocant, Auri ditissimis venis redundant. Est hæc Insula, plerâque sui parte, propemodum ad luxuriam, bonæ telluris, saluberrimi coeli, frugum tam sponte suâ quàm cultu nascentium feracissima. Sacchari feli-

citate proventûque tanto ; nusquam ut gen-
 tium spissitudo proceritasque cannarû Quis-
 quejanis certet : medullis arundinum tam
 confertis , ut unius alicujus fistulæ liquor
 excoctus , vicens , nonnunquam & tricens
 explere phialas memoretur. Adhæc saltus
 ingentes , lanæ sativæ divites : arbuta , ma-
 stichês atque succini : nemora viretæque ,
 germinum aromaticorum omnis generis ,
 copiosa. Ne longum faciam ; non est cala-
 mus , non ingenium ; quod hujus Terrarum
 partis felicitatem æquare scriptô vel eloquiô
 possit. Paucissimis , qui Boream respiciunt ,
 tractibus exemptis ; cæterorum Ver & Au-
 tumnus est assiduus : continua pæne die-
 rum noctiûmque paritas ; ac , siquæ discor-
 dent , non ultra mensuram horæ brevioris
 dissensus exorbitat. Quod igitur in tanta
 siderum ac terræ clementiâ consequens est :
 æternus illic hortorum , nemorum , prato-
 rumque viror exsultat : nec illâ duntaxat ,
 ad Septentriones vergente valle , quam ob
 amœnitatem à PARADISO nominant ; sed
 toto prorsus interiore telluris solô. Nec ul-
 lo penitus mensè non indulgens Annus est ,
 recentibus temporique congruïs fructibus ;
 in mensas secundas inferundis. Intrà Lu-
 nam inchoatam & exactam , certèque trice-
 simum intrà diem , à defixo semine , cucur-
 bitæ , pépones , cucumeres : dimidiô verò ce-
 lerius brassica , lactuca , beta , nasturtium , &
 id genus olera cætera , vigent , & ad maturita-
 tem perveniunt. Fidem autem pæne trans-
 scendit (non item veritatem) tritici siligi-
 nisque luxus ; quarum frugum spicæ , do-
 drante

drante multò longiores, virili brachiò spissiores habitiorésque; duo granorum millia perfacile claudunt in filiquis. Quòd & si manu cultis areolis éadem semina depanxeris; illum ipsum, modò relatum, granorum numerum longè vinct. & hoc (quod stupeas) quartum intrà mensem; quo fructum & folliculum festinant. Sylvarum odoratæ radices, etiam apros villaticósque porcos, nec aliâ magis terrarum plagâ, saginant pariter atque condiunt; ad ventris peregrinam voluptatem, & saporis invidiam. Flumina quoque fontésque salubritatis suæ mirandæ genium Auro debent; quod passim omnes aquæ vehunt, inexhaustâ fulgentis sabuli devolutione.

Talis cum tot naturæ dotibus Insula, non mirum, si jam olim, & ante nostrorum hominum áppulsum, inquilinos invénit; quos deliciarum & opum amor, vel ex ipsis Romanæ majestatis sedibus ac terris excitos, illis in agris collocavit. Cujus argumentum, Nummus est ex auro solido; cum Augusti Cæsaris effigie laureatâ vetustissimâ, nostrorum avorum memoriâ refoffus. (f) Nec desunt illi terrarum parti, ludentis naturæ prodigia: quibus accenseas Montem quendam, sexaginta circiter passuum millibus ab urbe Dominicâ sepositum; ingentem jugis, & insertâ nubibus altitudine: cæterùm, horrendo rupium invioque succinctu, vel inaccessible undequaque, vel non, nisi cum salutis projectu, penetratus. Supremo verticis sui sinu stagnum circumplectitur, mille passuum ambitu; dulcibus ac pisculentis undis.

Cir-

Circumfident hanc paludem, in coronæ civi-
cæ vel turrigeræ Cybelès imitamentum, cau-
tes altiores; justis intervallis, pèrque capitum
intercisa surgentes. De rupium porrò fissuris
atque rimis, toto passim montis circuitu,
fontes ac rivi limpido procursu gelidòque
latice, prorumpunt; & introrsum, veluti lacùs
conchâ quadam, coeunt. qui tamen ipse lym-
pharum confluxus, nusquam exitu repertò,
vel hæret secum, quotidianis solibus immi-
nutus: vel (quod propiùs fidem) subsídít ac
sorbetur; voraginibus occultis haustus, &
indè novarum sub rupe scatebrarum alimen-
tum effectus.

Est, præter hæc, in ea, quæ Cajába dicitur,
Hispaniolæ provinciâ, VALLIS; quam tristium
undarum formidanda palus occupat. Hujus
profunditas, & proximi maris sinum, & com-
plura præterea vasta, naviúmque patientia,
flumina deglutit. Lacus hic CAIÓNÁ dicitur,
ter mille passuum longitudine; duodecim
quindecimve millium latitudine; profundi-
tatis autem indeprehensæ: cùm nec mersus
quispiam, neque naufragus, unquam indè re-
venerit; qui periculi sui mensuram narraret;
quippe solitis, ab omni retrorsum memoriâ,
navibus pariter ac vectoribus, hære fundò,
quem semel abrepti subierant: nec in littus
ullum (sicut alibi) suctis expelli tabulis &
oneribus: ac ne quidem cadaveribus. Nam
ista quidem Balænae grandes, & piscis quod-
dam atrox genus (Tuberónes illi dicunt) vel
hiatu pleno confestim glutunt; vel, dentium
uno morsu tota corpora pervadente, discer-
punt. (g)

IX. De Nombrediosâ , proximêque sitis Insulis, quibus illa fruitur, & deliciatur; per diverticulum ista dicta sunt. Cæterum PANAMAE Civitatis originem, ex altiore paululum principio repetere, non fuerit injucundum.

VASCO quidam NUNNIUS, cognomento VALBÔA, nostræ vir gentis: miles ingenio suô turbidus; at peregrinâ licentiâ, procûlque regiis oculis, inquietior: cum in Peruvii sterilioribus plagis, minorum adhuc ordinum curis, & infra præfecturæ dignationem, alieno de nutu præfideret; *innatâ Superbis omnibus pervicaciâ, detrectare primum imperia cœpit*: mox, seditionem exorsus, ab Anticiso Baccalaureo, Provinciæ Prætorè, sese, suorumque gentilium complures, abruptit. Principiò Dacis, mox propemodum & Regis ipse, ad tempus aliquod, exutô sacramentô; nova sibi vexilla, novas sumpsere sedes; non jam per solum animi tumorem, sed etiam per avaritiæ vecordiam; quam in manipulis tam paucis nec universum potuit explere Peruvium. Quærentibus nova fœdera, sicut fit in Desperatis; non potuere deesse novi conjurati: conciliante præsertim societates, mentium & inquietudinis similitudine. Nam erant ultra Qujtu, Septentrionalis Peruvii nobilem urbem; erant extra jus & viciniam Hispani nominis, Reguli quidam provinciales, Isthmum Americanum circumfidentes. Tum, præter hoc, exulceratis invidiâ metuque cogitationibus, infesti barbarorum priores; ex peregrinæ gentis diversis moribus invidi, cumprimisque nationis Hispanæ gliscente

*sciente dominatu suspicaces ; Qui vicinissimus
 cuique semper nimius videtur.* Sed in iis omni-
 bus , uti copiis , ità nexu potissimus , PANCHIACUS erat, Toparcha : quem tam arctè
 sibi Valbóa cum suis omnibus devinxit ; ut
 eisdem pars utraque pace bellóque sume-
 rent amicos & hostes. Hunc Panchiácum
 Vascus , quà suasu , quà pollicitis ac blan-
 dimentis , ad baptismum denique , post Chri-
 stianæ magisteria doctrinæ , perduxit : ac , de
 salutari fonte susceptum , CAROLUM no-
 minavit. Nec immemorem benefacti se Re-
 gulus præstitit. Etenim Auri gemmarúm-
 que vim ingentem , tanquam donativum ,
 die quodam festivo , Valboanis militibus
 ipsique Duci , sub epulas in medium protu-
 lit. Primæ potiorésque doni partes ad Va-
 scum sine controversia pertinebant : quas
 etiam ad se , nullâ morâ , manus avida tra-
 xit. Inter assecclas , ut quisque se vel Du-
 cis , vel Reguli ferebat intimiorem ; lis erat
 & contentio , quanta nec inter Gallos
 olim , captam Romam auro promercali
 nundinantes. Nec herculès aliter híc , at-
 que tunc in foro , cui Camillus intervénit ,
 in stateris ac libris bilancibus jacebat Au-
 rum ; ad ponderum leges examinandum ,
 Iámque ventum ad rixas erat & jurgia :
 succensissque cupidine mentibus , Avaritia
 ferrum spectabat atque sanguinem. cum di-
 rémit controversiam PANCHIACUS , in-
 genuâ reprehensionis libertate. Contractam
 etenim in pugnum dexteram , altéque sub-
 latam , furioso cum impetu reduxit : & in
 bilancem , quâ thesauros ponderabant , im-
 pegit,

pegit, istu tam valido; qui cum Smaragdis
 Aurum omne discussum, huc illuc pavi-
 mento toto disjiceret; deque Congiario spar-
 sionem faceret. Adjecit (freudentibus licet
 illis) cum stomacho; *Vestram Fidem!* Hi-
 spana gens! Et Christiani vos estis, quibus The-
 sauros in Caelo Deus vester imperavit, ac sepo-
 suit? in Terris, vetuit? Ecce, Nos ex Genti-
 bus Peccatores, & ab longu tenebris, nunc de-
 mum lumine cognitionis caelestis aspersi; tamen
 id, quod VERUM est, videmus: & hoc, quod
 vos AURUM vocatis, nos TERRAE MAS-
 SAM dicimus; inque medium & commune, tan-
 quam possessionem plebejam, projicimus. At
 vos, in jubar Solisque Religionis primis ab na-
 talibus versati; tanquam DIAM quandam
 adoratis ac rapitis, Glebam neque vescam, ne-
 que potabilem, nec ullo modo nutritivis hu-
 manis genitam. nam alioquin, cur abdidisset il-
 lam Natura, qua vita totius cuncta subsidia
 ponit in propatulo? Quod amplius est. In me,
 qui sprevi vestras estimationes, qui disjeci, qui
 protrivi, dentes insensos ac lividos oculos dis-
 tringitis: indignamini que, quod IDOLUM
 vestrum, nostris illis priscis multo damnabi-
 lius, conspuam & proculcem. Atquin ego vos,
 & Numen hoc vestrum, quod adoratis, nihilo-
 minus citò placabo; ne diutius in dissidio si-
 mus. Ego vos (si Felicitatem hoc appellatis)
 ad summas statim Fortunas perducam; ex qui-
 bus non tantum manus, & sinus, & arcas,
 ac triremes vestras, & maria, terrasque; sed,
 quod his omnibus vastius est & insaturabi-
 lius (hoc est, Avaritiam vestram) expleatis.
 bi, quantum potestis concupiscere, tantum ra-
 pite,

pite, trahitæque; sed sine rivalibus, & lite ponderationum. Vos tantummodò mihi credite; meque sequimini. Secundùm hanc, quam retuli, Satoryram Panchiácus haud aliter, atque pollicitus fuerat, fidem exsolvit. Novis etenim arrectos votis, à mediterraneis, in quibus hucusque militiam triverant, ad Americæ superiora, Boream versùs & Isthmum, deduxit: & ex aliis alia commonstrando loca, fossilis auri massis aut fluidi metalli glareis opulenta; Regnum Hispanis his aperuit, quod **AURIFERAE** postmodo **CASTILIAE** nomen est sortitum. Postea, progressus ad Occiduas partes; Zurií maris portus & ostia, sitientibus referavit; ad id usque temporis navibus Europæis inaccessa. Præter hæc, montium Darienæ regionis latentes opes: & quibus ex littoribus Lima, Potossium, Chila, ceteraque fortunatissimæ continentis abdita penetrarentur, retexit ac propalavit. Ne verò dictis ejus discors appareret eventus; in ipso statim itinere, quod ad Isthmum ferebat, Panchiáci Reguli ductu, **VALBÓA** repertis auriferis specubus, obryzo copioso militares currus & impedimenta referfit: donec ad æquoris Pacifici littus illud pervénit, quod nunc urbi Nombrediosæ stat oppositum. Illic & Portum, utcunque prius rudem, in formam commodiorem redegit: & partim, ut repertæ felicitatis fidem præterito firmaret; partim, ut spes subsequentiũ in tempus futurum vallaret; Arcem erexit, super ipsum littoris marginem; cui nomen **AUREO CASTELLO** fecit. Ac, ne gratuitus esset tam speciosus titulus; quidquid Auri prius, ac postea, **VALBÓA** concessit;

gessit; id universum illius munitionis laquearibus intulit: non sibi tantum, sed & Regi; cuius in obsequium redierat. Verum, exempto rebus humanis VALBÓA, redactisque sub imperium perduellibus; Regii curatores considerare lucrorum compendium, & sub rationes vocare census annuos exorsi, qui redundare possent in Philippos: Castello paullatim domuum frequentiam, & hinc urbem; mox turres & propugnacula, circumportarunt. Et hæc nunc est illa, toties memorata, sapiusque memoranda PANAMA: cuius principia sese debent VALBOANAE, velut retulimus, rebellionis: *fortunâ Regis, etiam è læsa Majestatis decremento, majestatem augente.* (h)

ARGONAUTICÓN

AMERICANORUM,

SIVE

PERICULORUM PETRI

DE VICTORIA

LIBER III.

CAPITVM BREVIARIVM.

I. *Petrus Victoria, Panama navigaturus in Peruvium, primò ventis retinetur: deinde febris gravissima, ex æstivis caloribus. Eam Victoria leviseram, Medici pronuntiant. Commentarioli pag. 17. fin. & pag 18.*

II. *Petri dolor atque lacrymæ, ex mortis deventiatione. Pœnitudo præterita vitæ; &, hanc consecuta, febris remissio. Comment. pag. 18. fin. & pag 19.*

III. Con-

III *Confirmatio re valetudine, Petrus tædem, cum Sociis, navem inscendit; verum, adversus tantum iter, perperam instructam, & imparem. Tumbesianorum admiratio, primis Europæorum conspectis triremibus. Comment. pag. 19. & 20. princ.*

IV. *Ab destinato in Peruvium Navis cursu, ventis obliquis avelluntur procùl, in Occiduum pelagus. Legunt, invitò remigio, Nova Hispania, California, Quiviraq; littora. Tataraxi Senis Regia, & opes; ac regni prodigiosa animalia. Quadam adduntur, de Insula Salomonis, ac Nova Guinéa*

V. *Vi procellarum, in Insulas denique Philippinas abripiuntur. Ea describuntur, cum suis opibus. Resarto navigiò, ab iisdem retrogrediuntur, in Peruvium vela fasturi. Comment. pag. 20.*

VI. *Nova coorta, eaque sava, tempestate; navis Victoriana in anchora, & vectores in formidine fluctuant. Pace maris reddita, cursus, in Peruvium cœptus, resumitur: qui tamen navigantes, ob nimiam longitudinem, grandi sollicitudine affligit. Comment. pag. 20 & 21.*

VII. *Magistri navis callida ad vectores oratio: qua eis, de annona in futurum sollicitus, persuadere nititur; ut commeatum omnem, in commune comportatum, sibi, cœu custodi & dispensatori, concedant, aqualiter ac viritim distribuendum. Comment. pag. 22 princ.*

VIII. *Vectorum, adversus naucleri consilium fraudulentum, questus, murmura, protestationes. Sed vincit illius prava ratio; non sine damno, rixis, & indignatione Sociorum. Comment. pag. 21. fin. & 22.*

IX. Post multum temporis, Peruvium tandem aspiciunt sed non agnoscunt. Scaphâ exploratoriâ incassum emissâ, Panamá versùs denique rapiuntur ventis: & versum Hispania Nova littora. Adeam uti navem advertat, gubernatori persuaderenituntur. Comment. pag. 22. & 23.

X. Pertinax adversum salutaria consilia magister navis; relictis utilibus Panama, Novâq; Hispania portibus, navigium procelloso cuidam Præmonitorio applicat. Mox fraudulentia nova, auctor est Vectoribus, ut eorum dimidium, ad levandam annonæ gravitatem, navi relicta, pedestri itinere procedat, ad innominatam quampiam urbuculam. Comment. pag. 23. fin. & pag. 24. ac 25.

XI. Nauclero, fraudis suspecto, & fidem apud vectores non reperienti; fidem animosque complurium conciliat nonnemo Sociorum, per dolum aut vanitatem. Victoria solus unus in sententia contraria persistit. Comment. pag. 25. & 26.

XII. Ab hac tamen eum denique demovet, quantumcunque dissentientem, Pedrosa cujusdam amicitia & importuna preces. Vectorum ergo magna pars, & in his Victoria, scapha terram petunt: navim & mare relinquunt. Comment. pag. 26. & 27.

POSTEA QUAM Panamá pervenimus; Peruvium confestim, inoffenso maris, ut sperabamus, cursu cogitabamus. Sed ventorum torpore spes pariter & naves suspendente (subsederant enim Aquilones, quorum præcipue successu velificandum erat) in urbe,

urbe, malè gratâ quiete, desedimus. Et tunc æstatis adultæ cursus erat; cujus intolerandus ardor, vix aliam totius Americæ terram savius accendit, aut perseverantiùs exurit, nam, præter spissatos directo Sole radios; æquoris insuper reflexo fervore plaga palustris & uliginosa marcet: totisque per immensa littora sabuli caloribus, corpora torquentur. *Ænæ Sicula*. Vesuviisque Campani, diceres viciniam; perpetuis ignibus flammam. Ita non tam æstuant illic homines, quàm assantur; cute semustâ pustulis, ac Maurico pæne nigrore rumpi solitâ, fœdarique. Quare, citò viscera penetrante fidere, flammæque correptis intestinis: morbi gliscunt, & contagia vulgantur: inter corpora præsertim infueta, vel alioquin ob teneritudinem fluxa. Vectorum itaq; non pauci, mari soléque reffi, concepto languore, decubuerunt.

Mihi molestius nihil erat, quàm auræ secundioris expectatio; diurnâ sanè, jamque sextum in mensem effluente morâ. Cujus, dum & tadio conficior, & incertâ meliorum spe distendor: ecce! quæ tamdiu me distulerat intactum, in me vi totâ ruens acuta Febris incumbit: tantò gravior utique, quantò tunc alieniore meo tempore. nam, ne triremis interim cursum suum urgeret & expediret; metus nec immeritus erat, neque parvus. Intendebatur inter hæc morbi vis; & valetudinis moles, prostratum ad extrema deduxerat: cùm (dictu miserabile!) super hæc omnia Medici quoque, desperato curationis successu, mihi suprema denuntiant; adjecto; *Non artis sua, non virium & corporis*

senili mei, tantis depasti caloribus, esse posse, proferre vitam. Cederem itaque Numini, quod suum esset, repocenti: darémque manus Natura, pari rigore senium juvenilésque pedes, in conditorium mitanti. Sic esse constitutum aternis legibus; ut inoffenso passu procedat moriendí necessitas. Cuj proinde, si virili fortitudine pueriles annos imitenderem; dimidium mali superatum fore. PRIMAM esse Mortis facilitatem, non Timere Mortem: longéque negotiosius Pavorem interitús, quam ipsum interitum, exantlarí. Fulminatus ego tam tragicá, tamque præter opinionem actá crisi, planè peremptoriá; siqua fides est ite dulcedinem continuatá felicitate quoniam expertis, & mox ab hac in luctum semiternum descensuris: dubitare mecum ipse cœpi; veréne sic haberent sese, quæ valetudinis arbitri protulissent? an verò per soporem & delirium hæc audissem? Sed simulacrorum abscessu meæque solitudinis silentio, quies & otium fuit; cuncta per rationem meditatus exputandi: tunc enim verò cœpi, consideratá funeris propinquitate, fletibus non perfunctoriis diffundi; cubitoque super pulvinum, quoad vires dabant, nixus, memetipsum hisce ferè lamentis, ante fatum, extuli;

II. PEREUNDUM est igitur? & pereundum, ter gentes non tantum exteras, sed etiam ultra Solem projectas, & omnem humanam consuetudinem exutas? Moriendum ante diem? hoc quidem impuberi? modò quatuordecenni? Sed etiam delibatis vita dulcioris principis? Et, nondum exactis adolescentia spatii, iam tempus ego, jam senium explevi? Quid ergo

D

nunc

nunc generis claritas? quid opulenta congestis co-
piis domus? quid late sparsa, per cognationes, per
& affinitates nobilitas, in saculum aliud abituro
conferunt? Frustra, mi VICTORIA, frustra, mul-
tūque poenitendo, tot marium Insularūque
circuitu: Fessam, Marroccium, & Mauritania
decolorū extrema; Peregrinus Europae rasisti!
Stultā navigationis lasitudine totum Atlanti-
cum cucurristi: Fortunatas lustrāsti; Margarita
portus intrāsti; Carthagēnam & Nembrediosam
obisti; ceterosque maris importuosi flexus & angu-
dos pervasisti: quo pretio laboris? scilicet, ut Ba-
ticam, ut Hispalim, ut penates paternos, ut ama-
bilissimam genitricem, fugeres! & inter tuos vi-
vere securē noluisti; quō periculosius atque tur-
pius inter alienos perires! O, me calamitosum,
torvisque fatis in lucem editum! Ergo non po-
tui Tempestatibus vitam ponere? non, Brasilorum
Canibalūque littora prateruectus, barbaricis
configi telis? non piratico certamine, cum Andrā-
da Villandradiōque, sicut periculum, itā mortem,
sociare? non mille discriminū ruinas in tanta ma-
lorum fertilitate tantā Ponti levitate, consepeliri?
Nunc denique, nunc, avuncule dilectissime, repul-
sa precum tuarum, quales commervi, poenas de-
pendo. nunc, tui contemptum pelle mea deplecto.
Tu monebas; tu retinebas: tu lacrymis, minis, va-
ticiniis absterrebas: nec tamen vel hilum in con-
tumaci pectore proficiens, quantum mater in filio,
tantundem verborum propinquus in nepote, dila-
pidabas. Et nunc quidem fortassis irridet fugitiui
sui proterviam Roas. Fortassis impietatem degene-
rū natipia genitrix execratur: & inter solitaria
viduitatis quotidiana lamenta, stetibus istus meus,
iustissimō supplicio, Nemesis aquas adfundit Hoc
scilicet,

scilicet, hoc nunc curiosa pertinacia pretium;
 hunc exitum refero, non reverenti cognatum san-
 guinem, temeritatis: ut Matris desertor, Avun-
 culi contemptor, periculorum irrisor, avi levius,
 conscientia gravis, solatiorum omnium egens.
 Christiani funeris & exsequiarum extorris; procul
 paternis cineribus, & tumuli communione, depu-
 tescam. Sed parva sunt haec. Ille potius, ille men-
 tem meam nunc pavor lancinat; ille sub praecordiis
 horror, mortis in vicinia, consternat: Præteritorum
 audibunda memoria; scurrilium in lubricis annis
 errorum recordatio; neque pauca grandiores ata-
 que suâ noxæ: quatum nec expers jam olim Hispalis
 fuit, & nauticus, per tot vectorum ac scelerum ir-
 ritamenta, cursus fertilissimus. Nunc (cheu) deli-
 cia vannerunt, animi remorsus durat: usura fla-
 gitiorum transvolavit, & pœnitudo successit: quæ
 Prometheus quocunque vulture crudelius viscera
 fodiat. Peccatum peractum est; peccati supplicium
 impendet. Iamque, simulac damnatum, VICTO-
 RIA, spiritum effuderis: ministri, qui præsto sunt,
 Tartarei, teterrimi; Stygis apparitores, tetrum
 & sibi concolorem Reum ad Puteal raptabunt
 horrendum; ad Prætozem, quovis Cassio rigidiorum,
 improbitatis omnis scopulum: ad Iudicem ac tribu-
 nal, à quo tam Nesciri malefacta capitalia, quàm
 est funus Absolvi, nefas est. Sequetur reum con-
 victum & indefensum, inexorabile sine fine suppli-
 cium: sequetur horribilis immensâ profunditate
 callu, inextinctis Tartarorum incendiis æstuosa;
 ejus Flammas immanes, nulla Panamæa Cani-
 cula vel Sirius æstivus aquat; nullum Atlanticam
 Curiumque Pelagus obrueret aut temperaret. Ad
 hæc nunc omnia (miser PETRE) causâ parum
 rameditata, nulloque patrono, festinas.

Quæ cum in hos ego, similisque plures
 questus, largissimis infusus lacrymis, eges-
 sissem: revolutus in lectulum, ad CHRISTUM,
 Deum ac Servatorem, oculis animoque con-
 versus; quanto potui mentis & præcordio-
 rum dolore, rogare meorum admissorum
 veniam, omnium singulorumque cœpi: non
 voce minus, quàm manibus, cœlo tensis.
 Vnde, quotquot domesticorum ægri lecti-
 cam circumstitebant, in fletus uberes effusi;
 mecum eadem orabant, ac dolebant. Visum-
 que placari mox Numen. nam remissiore
 protinus æstu, de morbi vi plurimum de-
 cessit. Relevari capitis ac viscerum ardor;
 minus jam rigere lingua; meare legitimo
 temperamento venæ; prorsus emendari va-
 letudo; ciborumque patientia vitiatò sto-
 macho reviviscere.

III. Non fefellit hic ipse rei melioris rû-
 mor Medicos. Vnde, qui nuperrimè decre-
 toriâ me censurâ sepelierant, iidem ad me
 paulò post, quasi refossuri, concurrant: &
 sive sincerâ gratulatione, sive (quod fami-
 liares conjectabant) à convalescentis hila-
 ritate liberalius lucrum & Soteria prolectu-
 ri; tanquam per officium frequentant. Lar-
 gis interim, & ad animum recreandum quæ-
 sitissimis sermonibus, primò; mox altero,
 tertioque, tum & pluribus diebus aggressi:
 celerius omnium opinione mihi salutis aut
 firmitudinem attulerunt; aut (quod idem
 est) fidem & credulitatem. Plerumque nam-
 que, qui se valere putat; ille jam valet.

Cæterum ego Medicis non sine luculento
 præmio remissis; cum dilapsam jam pridem
 trire-

triremem tacitus dolerem: devoratis tandem animi tædiis, ad urbis Panamæ procerum nonneminem accedo; propositoque Peruanæ navigationis desiderio, commatum ab eo, simulque de meliore nota commendaturas litteras, ad Proregem Limanum, extorqueo. Mox, ulterioris moræ fastidio, quoniam triremium biremiûmve justarum copia non erat; navium ordinis minoris aliquam (verius Celocem grandiore) inscendo; plebejam sanè trivialémque: præterea nominibus aliis multis miserabilem; quippe nec annonâ, nisi negligenter; nec armamentis suis aut utensilibus, instructam. non illic vela, contra procellas duratura; non manus, sustinendæ carbaso firmus; non rudentes non longum solidi; non carina laterave, fluctibus insultaturis paria. Dicam ad summam: ne magister quidem navis vir gnavus aut alacer videbatur; lentissimique remorum ductus ministri, qui per transtra sedebant: prorsus ut appareret, nisi venti nos protruderent, tertiô quoque die tres passus eos in Pelago promoturos; & in eorum socordiam merito Bilbilitanus noster vates, prælusisse credi posset: cum id genus remigum, Non Nautas putavit esse, sed ARGONAUTAS.

Et talis quidem erat ARGÔ *mea Quarta*, qualem depinxi modò; depingâmque post hæc sapius. Sed tam malè materiato vehiculo, nihilominus animam & spes nostras usi concedere CENTUM viginti quinque rectores, præter nauticam turbam, Panamæ portu solvimus. quos inter etiam Nestor ille meus, facundusque polyhistor, erat.

Peruvium autem omnes æquè tendebamus. Et navigationis quidem principia, ponè littora, præclarè se dare visa sunt, non tam naviculariorum industriâ, quàm cœli sereno, ventorùmque non diu duraturâ fide: narrante præsertim ex aliis alia Nestore; quorum tam copiosus erat, quàm aquarum mare. Sicut enim singula quæque rerum obviarum sermonis ansam ei dabant; ita loquendi flumen ad ea vertebat. Cùm autem & barbaros animadverteret pro littore consistentes, ac celocem nostram non maximè, tanto cum onere, mirantes; Atquin (inquit) hæc illis pacata navigia, sine pompa triremium, & armorum terrore, iucundiora visu sunt; quàm maria, Darii Xerxisque classibus contrata. Sunt enim indigenarum partis hujus Americæ (sicut & Peruvii) subtimidiore, suspicaces; &, ad grandia potissimùm machinarum spectacula formidolosi. Certè, qui Peruanorum primi (quod Tumbesiam incolentibus præcipuè signatèque memorant evenisse) triremes & onerarias Europæas conspexêre, dispalsis velis antennisque volitantes, & alternatione remorum incedentes: homines, omnium rudes, & transmarinorum insoliti, quique præter Canoas, Peraguas, & Balsas suas (id est, lembulos) nihil unquam nauticum oculis usurpassent; principio, tanquam ad prodigium quoddam, concussi feruntur. Avulsas ingenti terrarum tremore rupes, aut seminsulas, incertò ferri fluitarèque pelagò suspicati: posteaquam propius admotas, æquali semper agitatione moveri, nec usquam impariter

ter mergi, deprehenderunt; admiratione propemodum lapidescere. Donec ad extremum, etiam hominum formas in triremibus conspexere; per foros, perque malum, per proram ac puppim, & navium marginem discursantes; donec consideravere vultus peregrinae frontis & oris; nec perinde, sicut sepios, investes ac depiles, sed aptissimis membrorum tegumentis, & cum gravitate barbae. Tum enim vero prorsus extra se positi, *Deos! Deos! & non Mortales*, clamare, credere, venerari, sunt orsi. (a)

IV. SED jam pridem, dum nos in Nestoreas has pluresque similes enarrationes, intenti pendemus: & serenitas aërem, & ventus secundus navim, destituerat; in Eum subito rapidissimamque procellam commutatus. Et nauclerus, nec scientiam torquendi clavi, nec industriam laboris, temperati par; remis suis manibus, Oceano nos permissit, ac fortunae fluctuantis arbitrio. Quo factum; ut ab littoribus maris Orientalibus, quae Peruvium nos pervexissent, momento celerius abrupti, longissime raperemur in Occidentalis aëoris vastitatem: & incommendabili dierum aliquot noctiumque cursu (cum Vulturum violentissimi nec punctum de flatu remitterent) plerumque margines Hispaniae Novae, dextram jacentes, legeremus. Paulo post ulterius provecti, Californiae, quae supra Novam Hispaniam ad Occasum porrigitur, Sinus intramus. Ab his ipsis tamen mox dispulsi, Caciâ vento aëros proturbante; transversim in alta maris aliquousque raptamur. Ibi, coortam re-

pentè malaciâ , dierum aliquot ingratiſſimam trahimus moram; non prorsum, non retrorsum, progrediente celoce. Post quæ, recrudescentibus Vulturis, ad continentis Americæ Borealia, deflectere cœpimus; errore tam omnibus manifesto (sed quis, ventis nolentibus, corrigeret?) ut, vectorum quidam, veteri littorum peritiâ, Regiones agnoscerent. Monstrabatur veteranorum digitis, eminus & in extremo maris ac terrarum angulo, QUIVIRÆ Regnum; Archipelagus inter, & Anianum Fretum, medio situ. Qui lustraverant olim, miranda referebant. Canes, leonum magnitudine; cæterum transportandis oneribus habiles, & insuefactos. Tatarraxi præterea Regiam; Senis, majorum nostrorum memoriâ decantatissimi; quique regio jure nominèque Quiviranis præfederat. cujus opum exciti famâ quidam nostrorum hominû; & credulitate temerariâ certis incerta præhabentes, signa reliquerunt, sub quibus sacramento meruerant: ac, præfidiis Mexicanis imminutis discessu suo; post iter longissimum, & millena pericula, Tatarra-xum denique Regem invenerunt, Solio residentem ignobilî, sine vestitu, sinèque gloria, vel apparatu, regnantibus sueto: nisi, quod collum obibat, ære fusilî plebejô (quod cuprum vulgus vocat) ductus plexusque torques. Hæc erat omnis illa Midæ transmarinæ Regia: *tanta fama tam vile crepitaculum!* Celerius itaque desertores illi, quàm spe sibi finxerant, obsaturati; correctâ stultitiâ, pedibusque reprehensîs, Americæ citeriora repetierunt, nec in Mexicum quidquam, præ-

ter longinquæ fidei portenta, reportârunt;
in quibus memorabant Animal quadrupes,
equi formâ proceritatêque; colore puni-
ceo, fronte mediâ cornutâ. Quod cornu,
quia simplex & unius sine flexu mucronis
est; MONOCEROTIS nomen & auctoritatem
illi Belluæ conciliavit. Caput ejus propemo-
dum cervinum, arduâ subrectâque cervice
pedes quoque tibiis, caprearum in ritum te-
teribus, atque macris. Ferox aspectu, sa-
vumque feræ genus, quoties inardescit; præ-
cipuêque, silâdas; cæterum irâ citò defer-
rescente, placabilisque; ne quis multum du-
bitet, de veritate Monocerotis. (b)

AQUIVIRAE deinde littoribus, interspi-
ante Boreâ transversisque tempestatibus
isjecti; vela convertere cogimur in Au-
ros. iterumque, nec multò post, cadenti-
us Aquilonibus, & Euro nos propellente,
mediò decurrimus Archipelago: relictis ad
evam (quas ostendebant eminus periti ma-
ris illius) Insulis Salomonæis, Novâque
Guinéa.

De Salomonæis in hunc modum refere-
bat noster polyhistor. Alvarum Mendavium,
imano solventem portu, post mensium tre-
decim continuam, & directi cursûs, navi-
gationem; in multas incidisse, permagnâs-
que Maris, quod à Divo Lazaro nominant,
Insulas. Eminentiorum, hac tempestate,
nomina memorabat, Iesum, Malayam, Ma-
rtam, Atregâdam, Trium Mariarum, Di-
Christophori, Iacobæam, Zambâmque.
uarum postremam, affirmabat, cæteris
nibus ambitu magnitudinêque præstare.

Sed Mendavius (inquit) priusquam suis singula nominibus insignirentur à posteris, eas generatim, pro jure libitùque Repertoris, SALOMONIS Insulas appellavit. An, quòd ex istis usque crederet ab illo Ierosolymorum Rege; Davidis filio, petiitum & adventum Aurum Ophiræum? an potius fortuitò quocunque mentis lusu, vel arbitrio? Distare porrò dicuntur ab America leucarum spatiò circiter octingentarum; faciliore (quod omnes consentient) ad eas triremium cursu, quàm ab eisdem in Peruvium recursu; propter ventorum & Oceani diversos mores, non æquè recedentibus faventium, atque venientibus ad eas oras. (c)

NOVAM autem GUINEAM (ab Africæ Guinæ quadam similitudine sic appellatam) primus omnium Villalóbùs, anno Salutis MD. IO. XLIII. cum navibus, ad indagandas Moluccas, emissus è recentis Hispaniæ regnis aperuit. & ob hoc Argonautarum Hispanici sanguinis non ultimam afsecutus est palmam. tacolarum nigra corpora; sed agilitate mirandâ, non ingenii minùs, quàm membrorum, prædicantur. Sunt autem, quibus hæc GUINEA continens esse videatur: quisque Salomonas Insulas ei per Chersonesum Isthmumve connectant. (d)

V. SED nos interim, quanquam Nestoreis his narrationibus non indelectati, Peruvium (quod solum quærebat) remis velisque fugiebamus; & in paucis diebus, Archipelagi quoque spatiò decursò, sensim

Ocea-

Oceanum Orientalem, & Indiam Gangetidem intrabamus, quam nunquam destinaveramus. Id ventorum accidit pertinaci malevolentia; quorum indomitis furiis ablata celox nostra; ne Tiphys quidem (Argus veteris magistro) paruisset. Ità toto jactati Zurio Lazaræque mari; Philippinis tandem Insulis cursum advertimus: non invito sanè nauclero nostro; quippe cujus actuaria jam nec contra famem sitimque, neque satis adversum tempestates ac fluctus instructa, manifestè fatiscebat & peribat. Sed libet (priusquam Philippinas ingrediamur) eas obiter describere; sicut accepimus. Sunt Insulae complures, super æquor Divi Lazari per pelagus Indicum sparsæ: feruntque PHILIPPINARUM nomen, commune cunctis, ab Regum, quibus subsunt, nomine: ceterum, præter hoc, distinctis singula nuncupationibus inter sese discretæ. Circumlauntur ab ortu Solis eo mari, quod Archipelagus (velut dixi) nominatur. Ab occasu, Siânis regno Chinæque parte terminantur, & Indiã, quam Orientalem & Trans-Gangeticam dicimus. Ab Austro, Moluccis Insulis & Bornæa stipantur. ad Septentriones autem Cantonè finiuntur. A vicesimo ferè cœli gradu, Boream versùs, inchoatæ; pertingunt ad quintum, super Æquatorem. Insularum porro nominatiores sunt: Luconia, cujus caput est Mánhila: tum Mindanáa, Calamiana, Vizaia, ceteraque, sub harum claritudine latentes. Earum plerásque MICHAEL retexit LOPUS, cognomento LEGASPES (etiam ipse nostris Argonautis

inferendus, ex merito) sub annum reparatæ Salutis Millesimum, quingentesimum, quartum ac sexagesimum. (e) Sed multo jam antehac in easdem penetrârat, Alvarus Sajavédra, nobilis Iason & simul Navarchus: qui, Ferdinandi Cortesii missu, Cinatlâ (maris Zuriî portu) solutâ navi, procurrit in Orientem; Moluccas Insulas investigaturus. Per eam enim occasionem, Mindanâam quoque, Vizajam, ceterarumque nonnullas adiit; quas deinde posteritas appellavit PHILIPPINAS.

Porro causam tam laboriosarum navigationum (præter Regum Hispanorum voluntatem & mandata) splendidam habuere plerique; Famam ipsam ingentium & exoticarum opum, quibus tam Philippinæ, quàm MOLUCCÆ, ferebantur affluere. nec ex vano. namque sanè, quales rumor cantabat; tales, ut plurimum, reperere. Præter aurum, & aromatum copiam; etiam Margaritæ jactabantur, non cujusmodi vulgò sunt in cervicibus & pretio principum foeminarum; sed, quibusdam in Insulis, eâ granditate, quâ turtures ova nituntur, alibi, Gallinarum etiam & anserum partus æquare, dicebantur. Ac, siqua fides idoneis Annalibus; invenere quidam uniones, quales fama cantabat, & in Europam devexerunt. (f) Nos margaritam, nec ad nucis avellaneæ magnitudinem, usquam locorum illorum conspeximus; nec uno grano locupletiores navim reduximus; quam idcirco, diebus pauculis insumptis, ex anchora revulsimus; & in mare priscum propulsumus.

mus. Nam, quæ nos causâ retineret? Non fuerat neque consilii nostri, neque compendii; vel Moluccas intrare, vel adeò Philippinas. Sed nempe, mille locis lacerata velorum carbasa, cæterâque navigationis instrumenta manca; præter aquandi, frumentandique necessitatem, etiam invitos advertere telluri navim coëgerunt. Ad Palmérâ igitur (quæ Mindanâæ, Vizaiaque media prætenditur, folii querni similitudine) descendimus. nam isthæc, uti prima tractûs illius Insularum, sic opportunior, occurrebat. In qua tamen haud ultra biduum exegimus; ac mox antiquo cursui vela reddidimus.

VI, CAETERUM, immutata repenrè magis fides, in anchoris actuariam tenere compulit; nec retrò, nec prorsum, velificandi libertate concessâ, tempestatum culpâ. Nam, præter disturbatum procellis aërem, & furentium Austrorum violentiam, ex obliquo pelagus miscentem; etiam nubes, æstivis incensæ caloribus, inter sese collidebantur: creberrimoque ruptæ tonitrû, fragoribus aures nostras; tumultu Pontum ac Cælum; fulgurum flammis oculos; ignium jactu proxima littorum; & pavore palpitantia corda, verberabant. Insuper etiam tenebris suppressus diei nitor, nocte præposterâ nautarum ministeria suspenderat; nullâ regendæ navis neque spe relictâ, neque modo, vel adjumento. dixissēs, in antiquum omnia revoluta chaos; quodâmq; mox veluti cataclysmo superfundi. Nam etiam, nequid ad malorum cumulum deesset, præcipiti ruinâ fracta nubila (cùm procella, quam Ecne-

phiam dicunt, nimbos impelleret) improbis imbribus descendebant: &, assiduo casu labentia, mari veteri maria nova videbantur affundere. cùm interim & ab anchoris, ancipiti fide pendens, navigiũ nostrum fluctuaretur; in momenta singula ruptis rudentibus: & favo tot fluctuum agitato, saxis littoralibus celox impingeretur. Sylvæ quoque, propinquis prætentæ littoribus, mari magis ad horrorem, quàm ad subsidium periclitantium, incumbabant; non frangendis ventorum incurſibus, quàm augendo terrori, validiores: insanò mugitu tot millibus arborum inter sese collisis, & ramorum fremitu longè latèque tumultuante. Grandi quoque terroris incrementò, tempeſtati nubium, horribilis rupium atque nemorum Echo consonabat. Iam pridem itaque tot maiorum terror, ac vectorum quoque nautarumque mistus clamor, omnia turbaverant; exiguâ salutis relictâ fiduciâ: ne mihi quidem, sicut antehac, animi robore durante.

Quid enim facilius est, quàm, naturâ rerum omni bellante, mente collabi? vel, ubi nam citius ac sæpius, quàm in mari, desperatur? ubi, quot finctus in procella, tot mortes, oculis offunduntur. Quod igitur restabat unicum; ad cœlum, & vota, supplicabundi confugimus. neque casâ prece. Nam, exactò continuos inter nimbos atque turbines, die gemino, totidémque noctibus; lux tandem cœlo, nubibusq; silentium & concordia, rediit: suppressis etiam imbribus, & ventis tantummodo nondum plenâ pace compositis. Horum bonitatem dum opprimur, paucis in-

ois insuper ad corporum curam sumptis horis; aquam & comineatum, fluctibus destruetum, reparamus: quæque cætera sarcientiæ navi desiderabantur, integramus. Sed erat interim exigua ventorum emendatio: quorum, malefido licet durante flatu, relictis à tergo PHILIPPINIS, raptam è retinaculis actuariam, iterum in Peruanum cursum impellimus; remorū improbâ contentione.

IAMQUE mensis alter & alter navigatione processerant: &, quantum tempora, tantum alimenta, diffuebant: dum, prædevorata Peruvii spe propinquitæque, nihil quisque minus, quàm parcimoniam, meditatur: &, absumpto præsentis victu, sibi cuncti futura pollicentur, ad usque luxum & copiam; in tanta præsertim littorum feraciorum expectatione. Sed hæc, quantò sperabantur, tantò fugiebant errabundos; & iter, cum tædio cunctorum, tendebatur in longinquum. Iamque vectorum plerisque sollicitudo torquebat proferendæ vitæ, producendisque comineatûs; maximè, tam frequenti populosoque navigio. Nauclerus igitur, in istam jam pridem intentus, & nunc tam appositam nactus, occasionem; vocatis ad concionem, quotquot in tabularis & transtris erant; in hunc ferè modum verba facit: & ;

VII. PER aliquam multos abhinc, inquit. dies, quiritantium voces & murmur excipio, de prorogata, præter omnium metum ac suspicionem, navigationis morâ. Debet igitur hic ipse querulorum affectus admonere nos; ut incommendis quibusvis impendentibus remedium in tempore

pore comparemus. Et, si quidem mea remigantiaque tarditas incusaretur; si scopuli, si Scylla marisque Syrtes, si naufragia timerentur, quorum discrimen humana depellere valeret industria; totum in me meisque crimen esset, & manus nostra, saluti vectorum conductæ, velut noxia respicerentur: si quando nos, rebus in arctis, langueremus. At nunc, incertis & nullo mortali consilio prævendendis, conflictamur, omnes ex aequo: Fatu scilicet, & Futuro, quæ posita sunt utraque, cælestium in potestate. Numinis volæ dexteræque Venti continentur, non, arbitrio meo; qui nuper, tam secundi, tam fluxiles; ut etiam incogitantes nos Salomonæus ac Philippinus Insulis impingerent: paullò post in contrarium converso successu, nunc plusquam bimestri tarditate nos affligunt. Idem ipsi quoque, qui nunc pravi sunt, in deterius variato statu, fieri praviores possunt: turbinumque mobilitate (quod Superi tamen avertant omen!) forsitan in Australis Oceani, vel Archipelagi Septentrionalis distantissima litora, navim disjicere. Non insueta (mediusfidius!) nec ab humanis maritimisque casibus aliena, loquor. Possunt ista, solentque contingere, gravius, lenius; prout Superi cordi sumus: & si (quod procùl sit!) contigerint, interrogo; Quid facturi tunc simus? Equidem, quod mearum fuit partium, ad hanc usque diem cum fide præstiti. Panamá navim eduxi, laceratam æquoris injuriâ, velis, malo, rudentibus, antemnis, remis, instauravi. penuriâ pressam potabilis aqua, tum & quibusdam utensilibus imminutam, supra necessitatis leges instruxi. Vita cetera subsidia, quorum usus indigebat, importavi. Nihil horum omnium facile deinceps, ne productâ quidem

dem in quartum quintumve mensem profectio-
 defieri potest. Soli victui (vectores mei) soli dia-
 rio, periculum ex futuris eventibus, semper, & in
 omni Ponto, sub omni navis rectore, potest ingru-
 ere. Quis enim gubernatorum ventos unquam?
 quis Oceani fidem, in capistro tenuit? Aut qua-
 nam res est ad obsequium minus nata, quàm
 procella, vel aura? Quantum tempestates, tan-
 tum extendi navigationis mora, potest. & tunc
 (ut oraculò quàm clementissimò vaticiner) nos
 fambimus, tunc inopia succumbemus, qui fero-
 cia maris non cessimus. Certum hoc est, & extra
 controversiam, periculum; nisi paucis in diebus,
 Peruvii littora teneamus. Fingamus tamen cur-
 sūs nostri, vel unicam adhuc, & menstruan-
 duntaxat moram, quot turbela tantisper? quos
 casus agitare puppim hanc possunt? Et tunc vos
 (utcumque provisum mihi meisque sit) expen-
 sia languebitis; ex languore, succumbetis. To-
 ties annona solet incendi, quoties fervere mare:
 nec ulla (quod scitis) in Oceano segetes, nulla fru-
 ges, ut in continenti siccòve, surgunt. granariis
 procul hinc, & horrea. Quapropter, ut ad consi-
 lii mei caput aliquando veniam, ô vectores: Si-
 quid experto prateritorum, siquid venturorum
 presago viro, creditis; jam nunc in medium,
 quidquid apud vos copia: quidquid annona desi-
 det, conferte. Communis omnium vestrum nau-
 clerus, communis etiam dispensator ero: com-
 mune, fano, sit omnium nostrum promptuarium;
 & penus in navi, meâ fide clavibusque, clauden-
 da vobis; &, quoties res poscet, referanda. Ne-
 mo providentiam cujus nunc auctor ego sum, da-
 mnat: nemo sibi metipsi plus in inopia disorimi-
 ne, quàm publico curatori, fidat. Quoties enim
 in tem-

in longum navigatio tenditur; improvidè sibi quisque, gulâ stimulante, consulit: & quantum appetit, tantum absument. in diem, sine futuri cura, vivit; & ante diem rapitur, frigoribus, naseâ, stomachi doloribus: qui primum ex ingluvie; postea sensim ex penuriâ, gliscunt. Tunc igitur promiscundus optimus is est; qui providentia modio victum dispensat. Suâ cujque dietâ, suo cãnone, deinceps vivitor. non ad cujusque libidinem (quæ ventribus, rabidè famelicis, inexplibilis esse solet) sed ad rationis modum, frumentum designator: nec aliâ mensurâ, quàm ad Oceani latitudinem, commeatus exigitor; ut, quoad Ponti cursus, tantum uniuscujusque victus & vita, porrigantur.

V I I I. Non fefellit nauclerus, privato magis suoque quæstui, quàm communi nostrum commodo, disertus esse. quem contra plerique mussitabant; Enimvero non gratis tam ab alto repetitam orationem, huc demum evasisse; Panarium ut sibi, remigibusque mensam, actuaris præclarus rector quæreretur. In hoc ergo studium productas congestasque resuti navigii laudes? Cur igitur non simili sermonis crepitaculo celebratam gubernantis inscitiam, velorum pannucias, mali fragmenta, laterum atque tabularum infirmitatem, pudendos per vastum æquor errores, & invitissimè obtrusas Philippi nas, sedèque fluctuantem ex ipsis anchoris celocem? Cur autem non ab ipso confestim navigationis exordio, propositam profecturu tam infantilem comportandi commeatus conditione? Tunc certè neminem unius alicujus fuisse navarchi remis ac rudentibus illigatum; ut non vel alium reperturus fuisset, in suas leges & commoda, vel
 mari-

maritimum iter in tempora rectiora dilaturus. Sed scilicet haud id agi, ne vectores egeant; quorum nemo non suas necessitates, (antequam alto sese committeret) in consilium vocarit: sed id quari, ne probrosa mendicitatis rector, ne navicularia mancipia, fameant, homines mortaliū omnium exhaustissimi, pumicēque jam dudum aridiores, ac ventorum vacuō pasci consueti. Miserum ipsum, oboeratum, capite censum, animāque sua debitorem; posteaquam domi sua conturbavit, nunc, incitis urgentibus, foris naviculariam facitāre cōpisse; nullisque, ne triduanus quidem, repertis futuri subsidii, ventrem famelicum, & operas jejunas, in navim importasse. Consumptis nucum & amygdalorum corticibus, quos in angulo navigii rosissent; nunc ad mendicationes confugere, subdolō Communis Necessitatu prae-textu palliatas. Ergōne, qui sibi met frugi non fuisset, alieni jam malis (quod fingeret) obviam iturum? An autem alienas, etque curas largiūs, quā proprias, esse consulturas? Cur diuturna navigationis moras, quas ille nobis metueret, non industriā potius succideret; quā ignaviā suā mendaciisque pro-ro-garet? Poneret tamen, & de composito texeret, longos cursus, navis interitum, ejectionem in Insulas ignotas, & humani cultūs expertes. Nempe, tali quoque rerum eventu, sibi nostrū munumquemque navigaturum, sibi victurum eundem ac moriturum; potius, quā circumscriptiori nauclero, remorūque motoribus, in praedam ac direptionem cederet.

ISTA clanculū principio; mox valentiū, & pane cum clamorā rebellione, dicebantur. Tamen, omnibus denique pensitatis; ac maxi-

maximè detrimento periculóque, quod ex rectoris contemptu repulsáque creari nobis posset (nam, cui parcerent, oblatâ frangendæ navis occasione, viles ac venditæ remigum animæ?) tandem in vota gubernatoris descendimus: &, ad præscriptum, annonam unâ cum clavibus comportavimus.

Verùm illicò fraudis exitus in aperto fuit, iniquissimâ diariorum dispensatione: cùm, qui quàm plurimum contulissent in publicum, minimò fruerentur; & è diverso, potissimam victûs portionē ad se nauclerus suóque servos traheret; qui tamen omnes simul, nec semodiu attulissent. Indè rixæ ferè quotidianæ; clamores dissoni; mentes averse; litigiorúmque minacium acrimoniâ, tantum non bellum denique nauticum, mali consilii pessimum excrementum.

I X. INTER hæc tamen, emendatis utcunque ventis, navigatio promovebat. Iámque dies, ex quo Philippinas reliqueramus, diluxerat quintus & octogesimus: cùm ad primos Auroræ radios, nihil jam pridem extra Pontum & nubes aspicere solitis, regio quædam sese procùl ostentare cœpit. Neque tamen, cujus nominis aut terrarum hæc esset, pro comperto tenebamus; nebularum densitate, locorum cognitionem discriminéque conturbante: cùm revera PERUVIUM id esset. Hujus ignoratione, quoad exploratio-
ra deprehenderemus, in altum converso detortóque cursu; maluimus pleno nos æquor-
ri, quàm ignotarū gentium littoribus, committere. Ne tamen in inscitia diuturniore
nautæ perseverarent; dromadem, phaselo no-
stro

astro connexam, vulgóque Gorgonellam dictam, expedire visum est: ad Orientales plagas directò cursu, certiora cognituram. quæ tamen, profugarum more, nunquam deinceps ad matrem, & scilicet actuariam nostrâ, revertit. Tantò pejùs actuariæ consultum, in maris medio fluctanti: nec ullum, cui se tutò crederet, oræ maritimæ locum reperienti: quippe, scaphis jam nullis ad explorandum relictis. Inexploratis autem regionibus insulsi ve, quis navim appelleret; in tanta littorum importuosorum iniquitate? Cum præsertim, super hæc, ingens quoddam illius tractûs Promontorium, in Oceanum inmensò prokursu sic exeat, in cuspidis ritum & acumen; ut incredibilis spatii sinum, molestissimò navigantium circuitu, conficiat. Illic, vorticosò pæne turbine gyratum mare, naves (etiam è remoto propinquantes) impetu violento trahit, ac raptat. Cujus insanâ roinde vi, nostra quoque Liburnica tandem abrepta, nec contra ventos quidquam, neque contra Typhonem, potuit. Ergo nec volentes, neque cogitantes, Pánamæ quondam relictæ, rursus finibus influehamus; volantibus similiores, quàm navigantibus: velocitate tantâ puppi velisque raptis, uti nec ad anchoras quidem jaciendas, aut ad retinacula defigenda, spatium superesset, ac tempus.

In hac igitur fortunæ malevolentia deprehensi, consilium ponere cœpimus: Pánamæne rursus Urbem, (cujus in conspectu æne portûque consisteremus) an æquoris immensum, peteremus? *Posse Pánamæ, quidvis erroribus nauticis peccatum esset, recom-*
-poni:

poni. posse commeatibus vectores, consiliis nauticorum & nautas instrui: navimque tum denique, veluti resumpto spiritu, cursuram acrius & secundius; in loca regnæque destinata. Nemini sententiâ tam compendiosa, præterquam magistro navis, displicuit. Hic enim, remis velisque Panamam fugitans, Suasoriam nostram ne quidem ad aures admisit; Sceleratâ (sicut ipse loquebatur) & æstuosi Portus exsecratione: quippe qui calore suo pestifero sanam adhuc, & morbis intactam, actuariam incendere lue posset. Revera tamen, sapienter rem æstimantibus, manifestus erat; inopia suæ mendicitatisque conscientiam meliora consilia respicere: Vir utique triobularis, quisque probè nôset; fortunæ tenuitate, vix in Panamæo littore cum unius impendio teruntii se cœnaturum; nedum in remotas Peruvii plagas, justis sumptibus, biremem aut triremem expediturum. Tantum impedi commune iussit bonum privati dispendii formido!

RESTABAT nihilominus, posteaquam adversus prima consilia prætractum invenimus, secunda, bonisque proxima, suadere. Sitam esse non ita procul, & ex latere sinistro nobis opponi, NOVAM HISPANIAM: America Septentrionalis regionem amplissimam felicissimamque, salubrem, perhospitam. nostrum plerosque quies & fomentum corporis indigos; illic maritima jactationis lassitudinem deposituros. Interjunctione tam brevi (quæ tamen ad affectorum respiramen esset valitura) non retardatum iri nauticum iter: sed, interpolatum potius, stimulos nacturum. Respi-

cere

aret regionis montana, cultissimarumque tur-
res urbium, eminus renidentes! aspiceret ter-
ra viridis amœnitatem; qua fertilitatis sua
tantum non loquacibus illecebris, proliceret
Hispanos in cognominem sibi provinciam. Quin;
si cetera cuncta tam salutaris diverticuli mo-
menta deessent; nonne ventos ipsos, eò rectà nunc
fluentes ac ferentes (& profectò tunc Ortus
hiberni flamen, Vultur, spirabat) successi-
bus perquam commodis, invitare pariter & in-
pellere?

X. SUGGEREBANTUR ista: sed non
suebant; *Minimè gentium*, clamante naucle-
ro, qui scilicet, non minoris incommodi,
quàm, quod in priore consilio fugerat, metu
(licet id ipsum gnaviter dissimularet) explo-
debat, quidquid in medium omnes suade-
bant: ac pertinaciam suam, tanquam oracu-
um & adorabat ipsemet; &, ut idolum, ado-
rari volebat à nobis.

Ergò longi Senatusconsulti summa deni-
que fuit hæc, & decretum; Ad illud ipsum
Promontorium, quod ante nos situm esset, ut
appelleremus: ventis licet, inter littorum ru-
es atq; flexuras, reluctantibus: & omni ra-
tione, Prudentiâque, reclamante. Quibus
nalis ingens accessit, ad irritandos vectorum
animos, incrementum: æquoris videlicet, tan-
quam in arcto deprehensi, continuus quidã,
in Euripi morem, accessus recessusque mole-
stissimâ vicis alternatione reciprocus. Has
ales Symplegadas atq; Scyllas, huic tali Ti-
thyi Palinurôq; debebamus. Quatriduumq;
solidum illa navis ignavæ tenuit agitatio; per-
opportunum *navarcho* (quem se dici volebat æ-
gaudere.

gaudebat) spatium, ad novam fraudulentiam excoquendam. Eam, simulac suis omnibus numeris vertebrisque constare vidit: non distulit, nobis, longam desidiā pertaxis, proponere; fronte (quod exercitata fallaciz, præsidentisque nebulones solent) inter consilium imperiūque mediā. REPERISSE se, dum veteres per hoc otium navigationes, & loca nota recoleret; reperisse tandem itineris finiendū salubre consilium: & ex omni voto compendium: eorum maximè bonū, qui tardas exosi vecturas, Peruviana regionis aditum per viarum breviora, festinarent. Ad hanc tamen tam insperatam felicitatem, opus fore vectorū aliquot, ad breve tempus, divortio. nec dubiū, quin nonnullis luctuosum id, acerbūq; charorum discessu sodalium & amicorum divulsione sit casurum. Sed meminisse tamen utrosque debere; Nisi per acerba, nunquam ad dulcia perveniri. Solatium autem haberi posse non minimum; partim ex absentia brevitate: partim ex utilitatis, indè proventura, voluptate. Navigium, utique centum ac viginti quinque vectoribus gravatum, pondus sustinere, suis tabulis & lateribus impar; longēque majus. Indè celeritati cursūs (quam omnes exoptarent) remoras enasci. Ceterū, cū in hac sententia nihil non expeditum ac facile futurum esset: illam tantummodo, difficultatem nonnullāque litem fore, quæ vectorum pars naviget? quæ verò navim relinquat? Eam tamen omnem controversiam (si se, rerum expertum, attendant) finitum iri profecto prius, quā capietur. Nam, & illos, qui remanerent, quietius quidem sessuros; sed tardiū periculosiusque portum nacturos: & illos, qui descensionem pratulerint (inter quos,

nisi

quod rectore suo navis carere nequiret, se-
 rte primum ac ducem futurum) aliquantu-
 um quidem ex itinere terrestri molestia; sed di-
 riminis nihil, & contra, lucri plurimum ca-
 uros. Absesse, circuitu littorum hand adeo ne-
 tioso, Portum, Mantæ cognomine celebratum:
 er, propter regionis situm, & dulcium aquarum
 cursum, tum amœnum, tum breve succinctum
 e. Portu Mantæo, coituros rursus in amplexu,
 eos, qui navigii molestias retinuisse, & illos,
 i profectioe terrestri nonnihil pedes exercitaf-
 nt. Hujus consilii temperie, minus posthac,
 iam cum inopia, consiliaturam actuariam,
 victorum multitudine succisâ. Secessuris con-
 à, rerum omnium cornucopias ex continentis
 ulibus & mercatu, præsto fore. Quod si quos
 forum, ceu maritimi victus fastidiò fatigatos,
 pidanæ potius deliciæ, vel dapes exquisitiore
 llicitarent: distare non procul ab hoc ipso, cui
 ne adhareremus, Promontorio, municipium
 urbeculam; ab Hispanis olim exstructam,
 ofessionis Christiana, juris Castellani: dignis-
 namque, propter civium liberalem indolem,
 ea vulgò notesceret. Sed huius quidem, per
 nporis, ex quo divertisset in ea, longinquitatem
 effluxisse sibi nomen. Ab quo tamen,
 am barbara gentis, obvio viatore monstra-
 m iri; dummodo secessus ab littore permodici
 minem pœniteret pigerétue. Sed inter hæc
 amonere se nihilofecius; ne, locorum amœ-
 nate capti, mora vel digressibus nimio plus in-
 lgerent: néve Mantæ portum oblivione vel in-
 ria neglectum irént. Præ cæteris autem illi,
 ibus nec urbecula multum cordi foret, nec
 ad ambulandum durabilis; oram mariti-

nam perpetuò stringere meminissent : ut resipere, quoties postularet usus, ac permutari possent ; per vices aliis aliisque navim relicturis, & relictam denudò resumpturis. Ejus rei gratiâ, se, paulò cunctantiùs meditatiùsque factis velis ; de composito semper littoris margines rasurum : ut, clamore sublato, tesserâve, quacunque nobis collibisset, pariter edita, navigium ipse confestim ad nos advorteret ; nos autem nullâ morâ conscenderemus. Quod bonum igitur, quod felix esset & auspiciatum ! Vectorum dimidium in scapham (quam per quadriduanum otium ex tabulis, & naufragiorum reliquiis, ad promontorium hærentibus, compegerant) sese dimitteret, terras petiturum : dimidium autem turba residuum, navigationis solita compertâque mala, tolerare fortiter insisteret. Sic sentire se, sic velle.

XI. NEMO secundis auribus, neque sine doli mali vaniloquentiæque suspitione, gubernatoris sermonem excepit : palàm etiam plerisque frementibus ; Commeatu per summam fraudem circumscriptis, nunc novas insidias tendi, nunc mentes ipsas & animas & Salutem oppugnari. Quidam etiam clarissimò convitiò barbam & os hominis incéssere ; NIHIL esse Nautis & nunciis sublestius : nihil eorum narrationibus contaminatius, in verba singula fumos & mendacia venditantium. Semper ab illis adferri Peregrina ; tot decipulis insidiosa, quot simplices aures nata sint : his præsertim moribus, quibus receptum jam publice dicto sit ; MUNDUM velle Decipi. Perstitit ille nihiloscius in asseveratione, frontis orisque ferreâ contumaciâ ; contestatus fre-

quen-

uenter omnia Sacra Profanâque: jurans in-
 super ac dejerans tertio quoque verbo Fi-
 dem suam. Quibus tamen omnibus, pondus
 nonnullum inuenisset; nisi perjurio suo
 Iumen etiam ac Superos involvisset. Tunc
 nimiverò labare nonnullorum constantia,
 lectisque; lentè primùm, ut assolet: mox,
 anquam excantatis animis, pronò per præ-
 cipitium assensu, compluriùmque suffragiò.
 caussa stolidæ credulitatis accessit nova, Ve-
 torum nonnemo, terræ filius; & in quam-
 s adulationem mendaciùmque venalis. Hic
 assensu primùm simulato, ne subornatus
 atesceret; deinde sensim, quasi rationum
 aucleri congerie victus & immutatus; ad
 extremum in impostoris sententiam pedi-
 us, ac propalam, concessit; ausus insuper
 facundiâ sine dubio conductâ) multò di-
 rtius copiosiùsque singula confirmare, quæ
 agister navis confinxerat. Pedestris viæ
 immoda, maris tædia, littorum valliùm-
 ue Tempe; cætera præterea quàm plurima,
 ommentis expingere: nec appellatione qui-
 em urbeculæ, quam alter amiserat, præter-
 isâ; cùm Thalassiam eam nominaret. Ne-
 ue simplici nequitia contentus; necuj pa-
 um comperta celebrare videretur; Se verò
 retulit) visa fuisset oculis, non audi-
 duhtaxat lectâve memorare. Lustrasse
 nondam oram illam maritimam univer-
 m; neque sine lucris. Utque plurimùm
 ederemus; se referebat, quanquam sto-
 achi languore confisteretur, etiam nunc
 comitatu cæterorum, eadem loca denuò
 straturum.

Valuit & affirmatio tam audax, & exempli proprii promissum nequam; multorum ad corruptelam potens. Clamare plerique jam, etiam eorum, qui contentissimè priùs restiterant; *Concederet Scapham! praeclideres vinculum ac funem! valeret tarda molestaque navis!* *Se verò pedibus itineris reliquum exactum vos.* *Tantummodo Mantam, ex conditò (flammarum nempe significatione nocturnâ, diurnâ verò Divi IACOBI tesserâ) pars utraque convenerent, ac, quoties navim resumì postularèt usus.* *Et hoc, Ex animi sententia, fidèq; constanter inconcussa.* Quæ cùm fierent omnia dicerenturque: nihil tamen, ne tum quidem, ab animi firmitate demotus ego, stabam petrâ quavis inconcussior; & partim mendaciis indignabar, impudentissimè comminiscens, ut navigio nos dejicerent, ac spoliis ipsi nostris potirentur: partim stoliditatem subsannabam cæterorum, qui certa dimitterent; & incertissima sequerentur. Sic ergò notum Vlysses? An in sola continenti prado nēs impostorēsque, verborum largos esse; promissorum falsos? In Oceano scilicet nullam fluctuare fidē? Non hoc superi (dicebam) non Numen. necque ratio siverint; ut veteri deceptorì, novam, & presentis omnibus perniciosiorem, ad fraudem pateam. Ex hoc enim vero loco, quem naulo meo teneo, nemo me, nisi vel viribus expellet, vel naufragio. Dicebam hæc, & mihi constabam; etiam adversus torrentem, & omnium sententiam, iturus. SED, mirum sanè dictum; Quantum in Amicitia molis sit & ponderis, ad constantiam labefactandam?

XII. ERAT in navi Ioannes quidam, cogn-

momento PEDIOSA; non modò patriâ mihi,
 sed sanguine quoq; propinquò junctus: tum,
 præter hæc, vinculis fortioribus educationis
 ac condiscipulatûs, planissimè concretus.
 Cujus juvenis amoris, mihi tam firmè jam à
 teneris hærenti; sicut charitatem nullam fa-
 cilè præferebam componebâmvē; sic eundē
 nullius postulati repulsâ temerè lædendum
 existimabam. Is, principiò naucleri fallacis
 nugas animoso contemptu rejecerat, & exsi-
 bilârat: ausus etiam, clarâ contestatione,
 peracriter adversùs vâcordiam promissorum
 illius, & vocem & manum extollere. Paulla-
 tim deinde, tot asseverationibus ac juramen-
 tis, & mercato præcipuè teste, quem dixi, de-
 pilatus: ad extremum fractus ac prostra-
 tus, manus mendacio dedit; adversum ratio-
 nis evidentissimam lucem. Et hic, ne sibi solū
 desperet, in partes suas me quoque pertra-
 here connixus; cū argumentorū momen-
 tis parū promoveret; tandem precibus, &
 Amicitix sacrosanctis fœderibus, quæ cre-
 dō commemorabat, aggressus est: iis solis,
 tanquam Hectore fortissimo, pugnans in suâ
 VICTORIAM. Ità, cæterâ firmum & inflexi-
 bilem, Affectu denique (fateor) & obtestatio-
 num improbitate, suas in leges ac vota per-
 luxit. Sic, *Amicam veritatem amiciorē Pla-*
one triumphante; causam optimam tandem,
 & cum causâ navim, deserui: tantummodo
 ne deseruisse Sodalem viderer. In scapham
 traque, constantix transfuga, pedisequus
 amicitix, me cum cæteris demissi, quinquâ-
 ginta circiter comitibus. Cum iis in terram,
 ad lævum pelagi latus procumbentem, ex-

scendi : Nestore meo , cuius tot quondam narrationibus oblectabar , prudentiam simul & celocem suam retinente. Quo factum , ut & aurium mihi voluptas , & discipline fructus , unius absentia capitis interciderent. Nos porro littore , post longum Oceani tedium , alacres potiti ; ne , sine ductu , belluarum in morem , ageremus : universo de numero , profectionis rectorem & itinerum velut modimperatorem , deligimus. Hujus in verba placitaque , quoad Mantæ portus in conspectum veniret ; corpora simul & voluntates (citra sacramenti tamen religionem) oppigneramus.

ARGONAUTICÓN AMERICANORUM,

SIVE

PERICULORUM PETRI DE VICTORIA

LIBER IV.

CAPITVM BREVIARIVM.

L Lectori se purgat Victoria ; quòd per aliquot deinceps libros , regionibus ac locis propria sua nomina non sit assignaturus ; notitiâ eorum destitutus.

11. *Expositis in terram Sociis pedariis ; Victoria , dum in nemore fontanam inquit , in casu lamincidit , crocodili pelle contactam . Reversus autem , Sociorum non paucos invenit repentinis verminibus stratos , & queritantes .* Comment. pag. 26. fin. & pag. 27.

III. *E.*

III. Aegritudinis sociorum causam docetur: quam, inconsulto devorata, poma venenosa praeberant. Remittuntur ad navim aegri. Comment. pag. 27. & 28.

IV. Ceteri progrediuntur itineribus, propter promontoria, difficillimis. Fontem, dudum indagatum, denique reperiunt; reperiōque fruuntur. Comment. pag. 28. & 29.

V. Victoria, contra votum pervigil, secum adversus instantia mala (renitente licet semper timore, & praevalente) philosophatur: atq; in omnē se fortunam obarmat. Comment. pag. 29.

VI. Viarum in progressu locorumque, amoenitati permixta, asperitas. Calor, Situs, refrigeria. Rivus (ac mox amnis) ē rupe geminus, & admirandus. Occursus torrentium fluminūque creber & permolestus: quoniam pacto à viatoribus superatus? Comment. pag. 29. 31. & 32.

VII. Crescentem, cum itineris duritiā, famem, viatores spe promissi ab nauclero oppidulū consolantur; verū irriti. Victoria interim, ac de Sociis nonnemo, pane depositi, seipsos animū magnitudine erigunt. Via radio, plerique optant ac suadent navim, imprudenter relictam; & tunc aliquoties oculis oblata. Comment. pag. 32. & 33.

VIII. Aliis tamen superbe contrā sentientibus, in itinere pedestri persistitur. Famem, radicebus arborum, cancrisque, mitigant. Lassitudine plerique franguntur. Problema: Cur viatores, & quiete interposita, ad iter continuandum acrius resurgant, ac pergant? Comment. pag. 34. & 35.

IX. Spatioso flumini trajiciendo, tumultuaviā ratem apparant: &, qui priores, quiq; posterius transportentur, sorte designant. Relictorum in ripa, superflua, fatuāque cautio, eventilatur. Comment. pag. 35. 36. & 37.

X. Balboas, unus è sociis Victoriæ, in fluminis transitu, loco vadoso, submergitur. Comment. pag. 37. & 38.

XI. Balboas submersi vita, morésque; quibus tam lugubre exitium visus commeruisse. Comment. pag. 36. & 38.

PROXIMUM fuit; semel stultè navim egressis, semper, & in immensum, errare: neque loca tantummodo (quod in solo peregrino ferè necessarium) sed nomina quoque regionum ac populorū, ignorare; quippe, sine ductore gnaro vagantibus. Tantò magis ego, jam nunc in antecessum, isthæc Argonautica mea lecturis, me cupio purgatum; si non, ut hucusque ferè, sic etiam in posterum, suis quæque nuncupationibus, Europæis exoticisve, consignavero. Nam prius, quàm in hanc malorum necessitudinem induiti sumus; ab usque Bætica, familiaria nos nomina comitabantur & ducebant, per gestorum ordinem ac denarrationē. Hispanis, Gades, Pontus Atlanticus, Africana littora, memorabantur. Præter hæc, Canariæ, Mantinina, Margarita; necnon urbes, Carthagéna, Nombrediosa, Panamá, cum insulis Salomonæis & Philippinis; tum cætera portuum ac regionum Insularūque, sub propriis appellationibus, descriptiones; navis vectoribúsque per quotidianum usum extrita.

SED postea, quàm invidiâ fortunæ, nauclerique Panamæi perfidiâ, recto maris ac littorum tramite sumus excussi: tunc enim
vero

Verò fugere miseros ipsa rerum natura, simul cum sui notitiâ, coëpit. mortales, quorū ore, digitōve certa disceremus, vel penitus nulli; vel, siqui rarissimi sub conspectum venissent nostrum, immanes atque barbari: quorum tu non linguam solū ignotam; sed perinde fidem omnem, & indicium, suspecta duceres. Nobis igitur abundè fuerit; locorum intrastabilem genium, & horrida regionum expertos esse. Nec quisquam super hæc (tanquam alioquin vacillaturâ narrationum veritate) nomina, quasi sub testimoniis juratis, quærat. Fatemur enim ingenuo candore; nos hæc ut plurimum ignorare. Cæterum eæ styli sollertiâ nihilominus flumina, solitudines, montes, Promontoria; quin & saltus, præcipitia, portuum flexus, ac siqua præterea viarum erroribus annexa sunt, exsequemur; ut, etiam prætermisâ nuncupatione, gentes illæ (siquid Europæ Romanëve nōssent) sua singulæ loca, suas colonias viciniâque designari, sine dubitatione recognoscerent. Id, quod, in tanta nominum verorum nocte, satis esse debet, ad Historiæ retinendam dignitatem. Sed jam tempus, ad incepta remeandi; gestorūque seriem, per itineris & calamitatum ingens æquor deducendi. quibus lectitandis, ipsa (quod sperare videor) occurrentium rerum varietas, quanquam in tenui sæpe, non tenue tamē levamentum asperget.

II. POSTEA QUAM igitur scaphâ (sicut expositum est) cum sociis proximo littori subductus, arenam atq; continentem tenui; statim, ut è mari vehementer accensio, sabulūque solaribus radiis exustio, sitire molestè

E 5

coëpi.

coepi. neque labor alius prior cupidinem infudit, quàm fontis indagandi fluminisve; cuius haustu dulci calentia viscera refrigerarem. Dum igitur in his curis, & undarum desiderio, cæterorum immemor omnium, incedo; divulsus paullatim à contubernio reliquorum, in loca solitaria, clausâque sylvis, incido. quibus, dum palabundus hæc illæc inerto:repentè casulam reperio, perexiguam, fabricâ materiâque plebejâ structam; pedes longam novenos, nec ampliùs septenos in altum eductam. Ac latera quidem & parietes, non dissidebant ab Americana consuetudine. neque tectum aliter, nisi gentium illarum ad regulam. Cæterùm tegumentum tecti novum, nec unquam ad id temporis à me conspectum, CROCODILI maculosâ prælongâque pelle refulgebat: quam, quisquis architectus fuit, compositè, pèrque conspicuam artem, superextenderat. At super has exuvias, parî miraculo, clypeus jacebat ingens. Is, nequà dilaberetur, neu' ventis aut rapinæ pronus esset: circumfixis ad tecti margines *vexuris*, quasi densâ tutissimâque sepe, diligenter incingebatur. Vexuros Americani vocant, junci quoddam arundinisve genus, sine nodo: quod ab radice paullò crassius, deinde sensim cacuminatur in cuspidem, altitudine scorpionum; contrectatu glabrum planumque, pondere veluti palearum aut accurum: ut aërem te portare credas aut plumâ; non baculum, aut juncum, cannâve. Cæterùm firmitudine constat suprâ ferri robur infractâ durabilisque. Quod equidem non conjecturâ scribo, sed experimentò damni, quippe

quippe vulnere sauciatus non perfunctorio :
 posteaquam, velut in stipula levitate nugatu-
 rus, temerariam volam, per lulum & jocum,
 in culmi verticem violenter impegi; sed mox
 altâ, verâ, sanguinolentâq; plagâ perforavi.
 Terrupi nihilominus (irâ cruorisque conspe-
 ctu dolorem stimulante) noxium septum. &c.
 indimotô Crocodili coriô. (nam & clavis in-
 fixum erat) Scutum tamen deripui: suppositô
 pedibus arboreô truncô, qui jacebat in pro-
 ximo, saxorumque congerie, quorum omniû
 subsidio, nullâ mole, sublatus sum in gurgu-
 stii fastigium. Videbatur Barbari cujusdam
 sive Ducis Heroisve, sive Prædonis, confestâ
 victoriâ, monumentum esse trophæumque;
 quod, stratô vicinis in littoribus hoste, flu-
 viatilisve monstro, sibi debellator ipse sta-
 tuisset. Ea nunc rapina, nullo sacrilegii me-
 tu scrupulove, mihi verterât in corporis mei
 munimentum. Ergo solô vulnere mortior,
 ceterâ latus & novitate rerum alacer, abi-
 bam; simul in expectationem intentus feli-
 citer aquandi, simul in apalis inventi faciem
 & monstra mecum expendens. Ac fluvium
 quidem fontanâque, post diurnam &
 laboriosam indaginem, reperi nusquam:
 ad locum autem, unde digressus principiô
 fueram, relictis viæ prioris vestigiis, re-
 versus; socios tandem relictus sum: unâ
 quidem omnes infelicitate, ceterum di-
 verso malorum habitu sensûque, confi-
 stantes. Nam alios quidem cœli violentus
 calor, & intoleranda sitis straverat, mar-
 cido languore terræ defixos, vel arborum
 radicibus applicitos; tanquam in mortis

viciniam. Alios verò deprehendebam, velut ipso cum funere jam luctantes; huiusque sparsim, furentium ritu supinatoque corpore, volutatos: non sine clamorum & eulatiûs infantiâ. Nec apparebat, procùl propinquique spectanti; *quâ causâ novâ, velut Vlyssis quondam comites à Circe furiali, grunnirent? nisi fortè, (quod tunc suspicabar) venenò vitalibus imprudenter ingestò, vel toxico noxiue germinis cicutâ per errorem absumptâ, baccharentur.*

III. ERRABAM itaque jam pridem, sine voce; non tamen sine lacrymis, & in misericordiam attonito vultu; neque, quid id tandem esset, affecutus, interrogabam me ipsum tacitâ disputatione; *Meos, an alienos, an denique spectra quædam & lemures, aspicerem? Donec ex amicorum nonnemine (què & ipsum sitis torpor & impatientia vix sinebat in verba consurgere) quid esset, didici.* Nam is, simulac me conspexit: ratus id, quod erat, à dulcis aquæ vestigatione regredi; quanquam Clypeum videret ignotum, de Clypeo rogare superfedit: sed confestim, vehementer appetentium more, versus ad id, quod solum expetebat; Et quid tu, Petre? quid? inquit: aut ubi fontem rivumque reliquisti? Nam me quidem herculè, nisi, te monstrante, fontanam hausero: jam, fugiens extremis è labris, anima deficiet. Cùm ego negarem, post sedulam scrutationem, vel guttulum aquæ, vel guttam nactum; & hoc, tardissimè credenti, vix tandem asseveratione graviore persuaderè: in impatientiæ delinimentum ei sum orsus exponere reperti

mapa-

Mapalis, & Corii crocodilæi, clypeisque mi-
 raculum. Deinde; Sed interim hi, qui sic mi-
 serabiliter volutantur, quid? (inquam) aut ex
 quo fonte biberunt? quānam Medea phre-
 netici lasones, potionati sunt? Tum ille; De
 fonte nihil (insit) neque de Colchica sagā,
 libā runt. Vtinam eādē parcimoniā cibos
 quoque vitāssent! Quid igitur? (inquam ego)
 num magicam quampiam, aut aliter scelera-
 tam herbam, momorderunt? Immō, respon-
 dit ille; Non herbam, nec folium; sed ipsam
 arborem, ac peste contactos fructus. Cūm
 enim per littoralis hujusce saltūs (ut sit) avia
 deviaque, parūm certi vagarentur; & alius
 quidem scatebras humectando gutturi perse-
 queretur; alius autem diversis desideriis, quia
 liquorem jam desperaveramus, poma prunā-
 ye suspiraret; quorum succo linctūque, visce-
 rum ardorem commitigaret: infelicissimo
 tandem & verē malevolo Fortunæ favore, si-
 mul plures in frugiferam hujus sylvæ parti-
 culam incidimus. Erat in hac arbutum, po-
 mīs (ut æstate, jam in Auctumnum vergente)
 gravidum. Et erant mala, cujusmodi totam
 Asphaltici lacūs crepidinem in Palæstina præ-
 texunt; colore vivida, carptu prompta, con-
 tactu mitia, gustatūque non insuavia. Sodo-
 mē foetus esse, quamquam in orbe longissimē
 distitō, faciliē conjectāssent: nisi rabida cupi-
 ditas nec modum adhiberet, nec consilium & oculo-
 los. Carpsērunt igitur; & in decerptos fru-
 ctus, nullo prohibente cuncti, quos cruciari
 nunc cernis, præfestinis morsibus involā-
 runt; vescos illos quidem ac prædulces, cate-
 rūm intrinsecus nativā refertos peste. Nec

poterat, priusquam bolum totum glutirent; inter ipsam vorandi moram, eos ex toto fallere latens perniciēs. Sed scilicet, *Indomabilis nihil est ventris impetu: qui*, gulæ pravâ suasionē, duminodo sensum & aviditatem expleat, *inter salutaria noxiâque non distinguit*; ac, deprehensâ quoque fraude, coëptæ voracitatis insaniam absolvit. Et hoc est (inquit) peccatum illud, hæc illa Circe Medæque; quam nunc tantô viscerum tormentô malè consulti luunt.

Secundùm hanc amici narrationem, ego, meûsque PRUDENS, non magis jam misericordiâ, quàm futurorum metu, molles; suadere miseris coëpimus (accedente tandem ceterorum quoque consiliô, qui sani remanserant) ut desertam modò navim, quantâ possent, festinatione repeterent, dispulsuri venenum per opportuna pharmaca: quæ faciliè vel Nestor illis, vel quivis instructiorum vectorum, suppeditaturus esset. hîc enim quid esse tandem: nisi vel rerum omnium penuriam? vel, quod penuriâ deterius, pro medicina luem? Pro nobis autem ex animo solliciti, verebamur & præfagebamus; Quoniam tam funestè nostrum iter, in ipsis statim exordiis, initiatum esset. ne pejore deinceps progressu claudicaret: & ad extremum lapsu pessimo præcipitaretur. Dissimulavimus tamen, quoad licuit: &, contra mentis sensum, *Bona verba* præfati; Superûm illis favorem, omniâque secunda precamur: ac dividimur.

I V. Et languentes quidem, quo potuère gressu, dolorem inter & necessitatē luctante; perfidum

perfidum gubernatorem, ac mare, repetiē-
 re: successu nunquam postea nobis comper-
 tō. Nos verò, quos corporum aliquantō
 major firmitas, in delecti ducis auctoritate
 retinuerat; mutuīs accensi sermonum inci-
 tamentis, insidioso nemore digredimur: at-
 que littoris propinquiora stringimus. Et,
 quanquam jam in noctem vespērā vergente,
 per æqua tamen & iniqua, ferēque per sale-
 brosa loca progressi: sub crepusculum deni-
 que, quandam in convallem deferimur, an-
 gustam, prælōngāque: cujus mons alter
 editior, horridōque devexus situ, latus omne
 sylvis, desupèr incumbētibz, intexerat.
 Erātque sanè, prætèr arcti tramitis mole-
 stias, iter illud tum opacō montium, tum
 depressu vallis; ac, prætèr hæc, squalore pe-
 regrinarum frondium, & tenuitate fulgen-
 tium siderum, cumprimis inamœnum. Suc-
 cessit, etiam evictis jam confragis, labor
 atrocior; Mons novus, in immensum ela-
 tus, & accessu prægravis: tamen si pedes
 etiam recentes & integros accepisset. quan-
 tō difficilior ergò nostris, jam prælatis?
 Eo namque loco (sicut per pleraque Septen-
 trionalis Americæ littora) Promontorium
 à continenti coëptum, asperis, præruptis,
 jugosissique verticibus exsurgens; primū
 quidem commodiores maris oras viatori-
 bus subducit, deinde, non sensim, sed ma-
 nifestā statim præcisione, vastum & editum;
 in mare subiectum propendet. Vnde fit, ut
 neque terram ab lava, vel arenas, indulgeat
 humanis pedibus: & à dextero latere, na-
 vigantibus ex adverso portum ac navalia
 præse-

præsecet; propter immanem cautum celsitudinem. Cum hac nos tamen locorum atque temporis inclementiâ conflictati (quam profundô noctis, & increscentibus cum horrore tenebrîs) omnium incerti passum subingrediebamur; tristî silentiô compositi. Iamque laboris dimidium exactum erat; superatô, summas inter difficultates, Promontorio. quam rupium victoriam ingenti beneficio natura parens coronâset in nobis; si supremis in verticibus vivas undas, è fragore fontis alicujus, promississent. Sed videbatur *ad omnia vota nostra Felicitas esse surda*. nôsque sitis impotentiâ moriebamur; propterea, quòd super assiduam lassitudinem, sudorisque fluxum, etiam æstivæ noctis languor, desideria potûs accenderet. Iamque ferè tolerantix minimum erat, ascendere; fatigari; cum prominentibus saxis luctari; perque tenebrarum ambigua pedes ad scopulos cruentare. Prægravabat enim undarum absentium impatientia. quarum ut potiri tandem aliquando contingeret; neminem nostrum piguit, etiam montis alterum latus, quantumvis per præcipitia disruptû ac lubricum, emetiri: non absque descensû nocturni manifesto discrimine. Sed difficultates omnes, uti cæteris in desideriis ita fontium in cupiditate, vehemens amor deglutiebat.

Sic haud ita multô post noctis medium, superatum Promontorium est. Et, quia paulatim etiam astra, Lunaque nitor se, purgatis nubibus, exseruerant; tantô leviori negotiô planitiem littoris, apertô cœli splendore, contigimus. Quò simul ventum est; ecce, fonticulus!

rictulus! incerto primùm sonitu, velut è lon-
 ginq̃uo strepens, repentè nostros ante pedes,
 gratissimò spectaculò, procubuit. Ejus sca-
 turigo, de scopulo propinquo, modestis de-
 sultibus prorumpens; in subjectam scrobem,
 conchæ simillimam, effundebatur: elegantia
 naturæ mirabili, tanquam artis ingeniò,
 marginatam. Hujus crepido, flosculis cir-
 cumquaque variata, vivòque gramine; simul
 arborum frondibus impendentibus, amœ-
 nissimum frigus, cum umbrîs & odoribus,
 spargebat. Fuisset animus, ad sublustre cœ-
 lum; hœc ludentis naturæ spectaculò, pri-
 mùm omnium oculos pascere. Sed impotens
 venter extinxit hanc cupiditatem; & ante
 cuncta cætera desideria fuit. Irgò, fontis
 circum oram, omnes in orbem & coronam
 strati; quanquam necdum exterso sudore,
 nullâ salubritatis curâ, largiter omnes hau-
 simus: ac per vices, inter se sibi succedentium
 recedentiumque, frigida ductibus ad satieta-
 tem indulgemus; tantò bibaciores, quantò
 per tot jam horas ad reperiendum laticem
 intentiores. Indaginis itaque tædium, po-
 tûs copia, quasi fœnoris quadam exactione,
 pensabat: avarâ voluptate, neminîque non
 ignoscendâ; tantâ præsertim liquoris fluen-
 tis illecebrâ. Nec enim calamus est, neque
 sermo, qui possit illius omnia bona compre-
 hendere; non perspicuum aquæ nitorem,
 crystallo quovis & adamante tralucidiorum:
 non influentis in guttura lenitatem; non
 haustûs dulcissimum saporem; non frigoris
 blandam temperiem; non denique, com-
 mendatam eventu, salubritatem. Ut taceam
 ipsius,

ipſius, quo fons concipitur, receptaculi ſpeciem & amœnitatem; quam non eloquiô Demofthenes, non calamô Xenophon, non penicillô Parrhaſius, adſequantur. Et cæteri quidem ſociorum, ſatis habuère, fontis huius uſuram hauſtu nudô jejunôque capere; quippe, qui præter bibendi cupidinem, & oſ ſiti diſtentum, nihil ſecum attuliſſent; non coctum, non ciudum. At me, Pedioſamque meum, futurorum providos; humanorum caſum & viarum incerti ſucceſſus, admonuerant: uti viatico cibario ſuam quiſque manticam implemus. Quod nos, dum navigio digredimur, non perfunctoriè fecimus. Huius itaque ſollertiæ tunc fructum cepimus: cùm, eſuriente comitatu toto, nos ſoli, poſt largum potum, ſub arbore ſepoſitâ jentavimus; quantum viſum eſt.

V. SUB hæc, peractis munifico Numini gratiis; quoniam noctis aliquantillum ſupererat, priuſquam Aurora promicaret, dormitum pariter omnes concedimus. ſtratis ſub arbuſto fontano corporibus, bini ternive ſomnum inimus; ſed ſomnum plerique, præter me Pedioſamque, planè famelicum: & idcirco (quod Phyſici quidam opinantur) expeditiorem ac pinguiorem. Me verò non tam ventris ſatietas, quàm curarum intemperies, inſomniâ multavit; reputantem, intempeſtivâ futurorum imaginatione; *Quantum certe felicitatis in Batia reliquiſſem? quàm incertam ſortem in America regnuſ perſequeretur? per quot curas, labores, vexationes, mortes? An verò, ſi vel aurei montes, & omnes Peruanorum theſauri, ſine ſcoria fraudèque, certò tandem affluerent; parrem fore tam imbecillam adoleſcentis ætatem ac*

viros, in tot casus? At nunc, dum opes peregrinae
(mendacissimâ fortassis expectatione) per mille
barbaras manus, atque tela, per inhospitas solitu-
dines atque saxa gaeritantur; uno temporis pun-
cto cuncta disturbatum iri. Limam, Cuscum,
Quitum, & nescio quas Peruvii regias inquiri;
quas fortasse nusquam gentium, aut, non nisi per
sepulchrum, invenias. Quod si tam prona repertis
sint transmarina loca, proculque disita; quid ita
non tam facile deprehendi, quae propinquiora sint?
Mante portum? oppidulum Thalassiae? limitem
Peruviana navigationis? Nempe, toto sanguine,
totoque spiritû impendiô (nisi me conjectura ma-
lorum malè falleret) nihil aliud denique, quàm
inania fumosque queri; nec aliud, quàm fumos &
inania, repertum iri: cùm Mortalium cuncta flu-
ida sint, & ventus, ac vapor; & (si perum audire
possumus, ex ore Sapientissimo) VANITAS VANI-
TATUM!

Talibus, & harum similibus imaginibus,
 inquietabam diluculum meum: &, inter
 molestas animi disputationes, laevorsum
 dextrorsumque corpus agitabam. donec per
 injuriam fugatus sopor, pertinaciter absce-
 deret; nunquam eò manè rediturus. Ego
 quoque, necessitatem in constantiam ver-
 tens; vigiliam tandem obfirmavi. mox, ti-
 miditatis meae pudore, memetipsum & igna-
 viam præteritam execratus; *Quid autem* (in-
 quam) ego, parùm virili robore, cum venturis
 terrâ marique malis, muliebriter litigo; prius-
 quam hac in nos incurrant? *Quid igitur tunc*
agam; cùm incommoda praesentia praesentem ob-
ruerint? Quem tum, qualém ve, me geram? Non
ita, VICTORIA, non ita! Tuum te nomen, &
omnis retrò sanguinis tui generositas, ad fortiora
stimulet;

simulet; ad aduerserum tolerantiam adhortetur. Quid, quòd hac ipsa, qua tutè tibi (vates importunus) incommoda precipis; aut nunquam in uniuersum, aut etiam in prosperius, evenire possunt? Nos quidem certè, vano sapissimè timore paratragœdiamur illic; ubi latissimum epilogum fortuna scena dabit. nos intempestivo pavore quàm plurima pingimus, in mentis phantasmate; quorum nec umbram quidem in suo tabulario Divina Providentia præscripsit. Ad summam! MALUMUS interdum timore Fatorum mori; quàm ipsò Fatò.

Dicebam hæc ipse mecum; & dissidentem animum, verbis in hunc modum fortibus, seu firmabam, seu circumscribebam; nonnullo philosophiæ fructu. nam fluctus certè curarum inutilium, utcunque tunc, conquieuit. Nec tamen idèò secundiore fluxu somnus successit; ut ego reor, præterlapsâ jam horâ cupidinéque, quam dormiturus natura lex præsternit; quâque semel neglectâ, frustra posthac ad solius arbitrii tui libidinem stertere coneris. Igitur quietis & ego tandem aspernator; ut primum rubescentis auroræ jubar notavi, corripio cubitu membra; paullúmque pandiculatus, & mox alacres in pedes erectus; Aut (inquam) illa, quæ metuus, Petre, sic accident; uti mente fingis: & ita supplicium tibi struis, ante supplicium. Aut irritus pavor irridet suspensum animum: & ecce, carnificinam, à nullo jussam, spontaneâ stoliditate subis. Quin ergò potius, quid illud est, sub Deo, cœloque, Superùm in manibus relinquis? tu verò latus & hilaris, vivis atque pergis?

Hac sententiâ, tanquam ipse mihi Cato
meus,

meus, aut Cordubensis Stoicus, animum ar-
 mabam : & hiscentem, velut sopitiunculis
 papavere sparsis, in quietem quandam com-
 ponebam. Sed, ut opinor ego : NULLIS Ar-
 tibus mens invita cogitur, ut id velit, quod non
 vult; & hoc despiciat, quod formidat. In univer-
 sum; ipsam potius evertas, necesse sit : aut certè
 pericula, quibus angitur, media perumpas : vel
 denique, nescio quo stupore dementia, cæcorum
 more, neque sentias neque videas; etiam ea, quæ
 sentis, ac vides. Nam, etiam ad Sapiëntia leges
 intellectu jam perducto domitoque; magna ta-
 men adhuc vis & imperium est phantasmatum.
 Est quædam (nescio quæ) tyrannus illarum, quæ
 cerebrum infestant, impressionum : quas, cum im-
 portunitate tumultuantes, & more muscarum
 impudentium advolitantes; quanquam sapere re-
 jeceris, sapius sapiusque rejicere cogaris : fatiga-
 tione, nihil profutura. Certè quidem ego, no-
 tis propemodum totius dissertatione, velut
 Platone quodam, Academiæque præpara-
 tus; & adversum imminentia casuum, super
 omnes Epicuros in Phalaridis taurum, ut pu-
 rabam, animosus : Socios, adhuc altò somnò
 tratos, expergefacio; tardiùsque dicto (sicut
 est in semisopitis) audientes, clamoribus in-
 crepito. Vix tandem in viam matutinam ac-
 cinctos, ultrò sermonum hilaritate (non mi-
 nus ac pedibus) antegredior. Neque tamen
 adhuc, inter tot pectoris excitationes, latran-
 tes in præcordiis sollicitudines satis conso-
 rio. Dicebam sæpe quidem ipse mihi; *Maeste*
virtute, VICTORIA! maeste robore! papa! quid
mani lanienâ juvenile cor fodicas? quid vultu-
rum non necessarium, Promethèô tuimet odiò pa-
scis?

scis? cur toties ipsi tibi non constas? ubi nunc ille, modo conceptus, vigor tuus? ubi meditationis antelucana decretum? Nempe, pristinos in fluctibus, animiq; tempestates resolis; ignavus & variabilis tuimetipsius gubernator! Quin tandem obfirmas? & indivulsô fortitudinis arrepto clavô, cursum, quem inchoâsti, corripis, potiùs salutisq; tua securus? Aude saltem aude nunc tandê: & aliquando victâ desperatione, quod tibi non credis, Deo Providentiâq; crede. vultum sereniorum, si tibi non potes, at Sociis adorna. SAEPE, qui finxit hilaritatem, is induit: & gaudii commentô, verissimè mœstitiâ extinxit. Hæc mihi, similiâque cùm itinere dicerem universô: jâmque probè (sicut opinabar) animi mollitiem duravissim; post multa tamen eodem relabebam; garriente semper, in penetralibus curarum, interrogatione primi pavoris; Quid autem? quid in posterum fiet? Sed comitum nemo cogitationum mearum rixas audiebat; alternante semper spe metûque cordis: & idcirco, totius oris habitu, solutiorum in vultum diffictô; quem & jocis interdum, ac fabularum mixturis, diffundebam.

VI. ADJUVABAT autem non parùm sermonum leporem (quasi suggestâ colloquiorum farragine) regionis ipse situs, per quam tunc progrediebamur: aperiente suprâ nos quidem cœlô pulcherrimæ serenitatis faciem; sine nubibus ullis, & adhuc clementer radiante Sole: ponè nos autem, dextrâ lævâque, jucundissimum maris ac terrarum amphitheatrum expandente viâ. Dextrorsum quippe, littoris ingens spatiositas ostentabat nobis ignota portuum, rupium, atque pro-

promontoriorum; cum infinito Pacifici maris excurſu; certantibus vivaciſſimâ colorum varietate, cum vitrei viroſis fluctibus, ſolarî radiô, confuſique ſplendoris purpurâ. Lævoſum verò non invenuſtiſſe ſpectaculum, pulcherrimarum arborum ſylva capitibus impendens, relevabat ambulantes umbrâ proſectu: cantûque volucrum aures, & aſpectu ramorum oculos, oblectabat. Nec decantant ex obliquo ſpirantes Zephyrônoti; qui ſcintiller concuſſis agitatîſque ſtripium foliis, liem & ardorem temperarent: gratiſſimôque ſuſurri fremitu, confabulantium attentionem interluderent.

Valuerunt iſta nonnihil ad angorum ſolamentum; qui, per intervalla recurrentes, dentidem peſtus lancinabant. Sed non erinde valuerunt ad corporum refrigerium; ſuſtu ſenſim, & meridiani fervoris incrementô, fluentium. Etenim, ſubſidentibus Favoniorum auris, diéque crebeſcente; calor (ut in plaga regionis flagrantîſſimâ) cœliſque vapor intolerandus, languore ſimul & fatigue, pæne ſpiritum & animam interceperant. Nec jam ullum erat intemperantis mali ſolatium; præter ſpem Vrbeculæ: quam pridie navarchus, digredientium credulitati deſcripſerat. Hoc igitur ſolum jam, omnis moleſtiæ refrigerium, oculis inconnivis requirabamus: ad oppiduli mentionem & memoriam (ut *impatiens eſt omnis expectatio*) non ne murmure, plerique ſuſpirabamus; ne ſcâ quidem dentium inhibîtâ, tanquam proximo ſtâtum votorum ſine. Quoties igitur aut ſaltus, reſeſſu nemorum interciſus, vacuum

vacuum intuentibus spatium aperuisset; atque
 eminens renidens aliqua rupes, scopulorum
 inæquali concisione, castelli pinnarumque
 simulacrum expresserat; vel quodcunque de-
 nique spectaculum nitidius obscuriusve pro-
 cul refulsisset: id nos THALASSIAM urbem
 suspicabamur ad illius conspectum ma-
 nus pariter & clamorem tollebamur: donec,
 post innumeras frustrationes, consumptâ
 jam omni sylvâ, nulloque reperto munici-
 piô, *miserorum spes omnis in aquas ac flumina
 recidit.*

Ecce namque! dum omnium inopes irri-
 tique, cum Solis ardoribus, atque vitæ radiis
 luctamur; repente post sylvas, ad itineris no-
 stri sinistrum latus, cliviosior terra primum
 in montes; paulatim deinde, celsius aspe-
 riisque saxosâs in Alpes exsurgere; tum lon-
 gissimô rupium dorso procurrans, cœpit un-
 dequaque fontibus & undarum delapsu sca-
 turire.

Temperamentum id fuit, in tempore con-
 cessum desperationi nostrâ, jam siti succum-
 bentium. Neque corporum id duntaxat &
 gutturis refectioni valuit; sed etiam ad men-
 tis & oculorum remissionem. nam tanto sub-
 inde ludebat artificio fluviorum nativitas, &
 scatebrarum origo; prorsus ut dubium esset;
 manûne sic, an venarum fœrum sponte, pro-
 filirent? Sed unus, præ cæteris omnibus, ri-
 vus, admiratione multâ cunctos suspende-
 rat. Is, è scopulo præcellentis altitudinis ex-
 ortus, latice copioso primum ipsius saxi pla-
 nitientî inundat. Ab hac deinde, per abscissâ
 penitusque derupta præcipitia dejectus; in
 petram

petram aliam priori petrae subjunctam, non aliter atque consultò præparatum in cratèrem, coit. Indè tertiam in rupem, superioribus longè depressiorem, collectus; in saxosam latitudinem, mensæ ritu contratam, diffunditur. Idem autem, posteaquam stagnante vado desedit; extra crepidines, quidquid redundat, molliter egerit: inque canalem lapideum geminum, bipartitis lapsibus, evolvit. Eorum canalium alter laxus ac spatiosus; posteaquam longò sulci tractu, per cava rupis, aquas inoffensas devexit: sub ipsum finem denique, seipso celsius exurgens, & cuspidatim in puppis morem sese surrigens, violentissimo cursû propulsu, vacuum in aërem erumpit; ac figurâ quadam cœlestis Arcus exsilit. Nam, præterquam, quòd etiam in hujus pellucida lymphâ colores ludunt, fulgore Solis incensi; fornix hic aquaticus primam sui partem, velut Indis pedem, in copuli sine desigit. Alterâ verò sui parte, peractò jam hemicyclò, ripis summontanis incidit; ibique profluentem orditur. Esset itaque tam gratiosi spectaculi voluptas insatiabilis; nisi subindè *turbinum impetus* (*semper aquis infidus*) exultantiæ rivi curvamen aut conturbaret, aut abrumperet: nonnunquam utem, majori ferociâ tenuissimum in rorem dispergeret.

At Aquæductus alter, canalis titulo spatioque grandior; & jam pæne fluvii capax; per lata præcipitia, vasto cum fragore dejectis undis, cadentium impetu tumultuque nam collectim deruunt) Nili fluminis Cadúpas assimilat. ac, jam tum à petrae suæ radicibus

diebus inchoato torrente; Mare Zuriū in-
quieto rapidoque procursu, sub legitimi flu-
minis ripis, ingreditur.

Horum, & his non absimilium naturæ lu-
suū erat abundè. quorum spectaculō nos
Thalassia, quam inquirebamus, desideria mi-
tigâssimus. Verū, ut VOLUPTAS in terris
*nulla sine facibus suis fluit; Nec ullum facile
commodum oneris adjuncti vacuum est:* sic ista
quoq; nobis tantilla refrigeria, nō citra mul-
tos curarum æstus steterunt. Nam cū in-
eum, quem dixi, modum plurimi passim fon-
tes, & ex fontibus alvei, rivorūque decur-
sus, occurrerent: ipsā sui multitudine, quan-
tum ex aspectu delectationis, tantum in
transitu molestiæ creabant: dum itinerum
progressus retardant. Augebanturque, cum
ipsis deliciarum incrementis, incommoda
vadandi. Cū enim, qui rivuli principiū
fuerant, paullatim deinceps amnes, & ex
amnibus iusta flumina, fierent: evenire ne-
cessum erat, ut, quas undarum scaturigines,
olim saltu pedisve passu trajeceramus; eas
deinde, processu fluxūs, superare pontibus
aut navigiis cogeremur. Nec unumquodque
fluminum semel duntaxat vincendum occur-
rebat: sed ter subinde, quater, aut sæpius;
quoniam flexibus in Mæandri ritum gyratis
recurrebant; & in semet implicabantur. Sub-
sidiorum interim, nec à publiciis, nec à co-
riaceis pontibus, ac nec à lembis ferè, quid-
quam ad manum erat. Quare, quod unicum
nobis adjuumentum, in arcto deprehensa ne-
cessitas reliquerat; detractis corporum in-
ferioribus tegumentis, ad lumbos usque, gur-
gitibus

gitibus ac vadorum incerto nos committe-
 bamus. Id autem fieri non poterat, absque
 temporis ac profectionis gravi dispendiò.
 quam molestiã augebant saepe fluctuantis vi-
 tæ pericula. Nam, quòd annuum plerique, qui
 sese progredientibus objecerant, latitudine
 pedes ut minimùm duodenos; profundita-
 te, ternos plus minùs æquarent; ultra vires
 & audaciam humanam erat, singillatim eos
 viritùmque perrumpere. cùm præsertim ca-
 tarrahactam undarum, ripis inclusam, suãque
 sponte jam incitatam, insuper alluviones no-
 væ, de rupibus ruentes, impellerent. In vado-
 rum itaque trajectu, connectebamur terni
 ferè, quaternive; consertis indivulsâ fide ma-
 nibus ac digitis. Ità, veluti copulâ catenave
 colligati; ne contrà rectâ gradientes flumen
 invalesceret, progressu sursum obliquatò,
 pervadebamus. Nec enim nos fallebat; eos,
 qui rapidè defluentes aquas secundo pede se-
 querentur, simul cum illis abripi; qui verò
 fluentibus adversùm irent, vincere faciliùs
 & perrumpere. Multum nihilominus, ante-
 quam riparum potiremur, luctæ; plurimum
 formidinis exhauriendum erat, torrentes in-
 gressis: ut, quibus ne sic quidem consertis
 constrictisque; penitus profluentes parce-
 rent. Nam & in saxorum occurrentium ga-
 stras impingebamus: &, in sabuli lubrico fi-
 dum defigere vestigium, magni moliminis
 erat, insidiarùmque plenissimum; trahenti-
 bus ad ima graves pedes levibus arenis. In-
 ter mutuos itaque nexus pariter vadantium,
 nunc hunc, nunc illum insani gurgites sub-
 uebant; aut in gyrum vortices circumage-
 bant.

bant. Quod si quis, misericordiâ suadente, fluitanti manum injiceret; aut, conmissu corporis, allevatum iret periclitantem: copulatione dissipatâ, ceteros omnes efficiebat ad progressum imbelliores; & ipse, cum sarcinæ suæ jactura, discrimini pariter involvebatur.

VII. PRIMIS tamen diebus, beneficiô Numinis, perruptæ difficultates omnes, & superata flumina; sociorum nullo desiderio. Sed, quanquam inter hæc aquarum affatim esset, nec ulla sitis corpora, semper madentia, torqueret; in immensum tamen fames invaluerat: cibis in viaticum aut nullis; aut, si quis unâ portasset, flumine corruptis, ipsâque morâ. Nam plusquam septimum jam diem extra navim agebamus. Quæ, gravia licet ac desperationi proxima; tamen geminô solatio tolerabiliora fiebant. Nam & Thalasiam, toties memoratam, expectabamus in singula momenta; *crescentibus inter ipsos peder, spe, desiderioque* venalium opsoniorum, quibus reficeremur. Præter hoc (nisi malè nos oculi nostri, præstigiæve magicæ dementabant) Actuaria subinde, quam reliqueramus, à dextra se nobis ostentabat: quanquam interdum duntaxat; & id ipsum rariùs, atque longinquius. Suspiciarêris, non tam juvanda, quàm irritandæ cupiditati nostræ, per deridiculum adnavigare; rursumque sese proripere. nec perperam Hirundini navim eam comparâsses, celeriter portuosis littoribus advolitanti; sed protinus celeritate majore revolanti. Scilicet expositorum miseriis insultans (ut erat suspicio) bipedum pessimus

mus nauclerus; puerilem viatorum expecta-
tionem inanibus spectaculis lactabat. Pauci
benignius interpretabantur; fluctibus, aut
iniquitati littorum, hanc inconstantiam as-
signantes, non gubernatoris malitiæ. Quo-
ties porro dies in vesperam, ac noctis vici-
niam, vergeret; videri navis desinebat: ar-
borum, uti nos conjiciebamus, littoralium
tegumenta, vel prominentium scopulorum
recessus quærens; ubi, demissis in profun-
dum anchoris, noctem ageret à procellis tu-
riorem. Id si sic verè gerebatur, & non ex
sola conjecturâ nostrâ; nempe pari, quâ no-
strum iter, tarditate laborabat actuaria. nec
mitius cum nautis mare, quàm cum viato-
ribus terra, tunc agebat. Iamque nos inter
hæc, milliaria magna, non minùs sexaginta,
laboribus insanis, & continuatis erroribus,
exegeramus. Iam nec ad requiem quidem,
somni quæ necessitudinem dato corporibus
spatiò; vires & valetudinem attriveramus:
sic, ut animis plerique, pedibus autem ad-
num omnes, succumberent. Ego quoque
veteris meæ magnanimitatis memoriam sti-
mulòsque, frustra reftricabam. *In membris enim*
collapsis, quomodo se mens erigeret? aut, quò
pactò, deletâ fiduciâ melioris successus, abs se
quidquam sincerum virtus impetraret? Finge-
bam itaque magis alacritatem, quàm reti-
nebam: contentus ad extremum illâ, quam
dura *Necessitas etiam ab Inuitissimis extorquere*
debeat, Ferreâ Patientiâ. Quo fiebat, ut, qui
jam vix halitùs reliquias, & ultimam vitæ
fugientis laciniam obtinebam; tamen in so-
cio: verborum largus essem; spemque fronte
F 3 simula-

simularem ; at corde, dolorem altissimum premerem. Videbam enim nullô negotiô, MALO, quod omnes urgebat, & nemo dispellebat, unius adolescentuli fortitudinem esse parem non posse. Verêque *superba confidentia fuerat; despiciere calamitatem, sub cujus ruinis omnes suspirabant.* cum præsertim extrema fatigatio nonnullis jam animam submovere videretur, in mortis necessitate constitutis. Quos inter juvenis erat quidam, in paucis mihi charus; ac longæ familiaritatis usu devinctus. Hunc jam olim in actuaria malè firmis viribus utentem, solus (sicut interpretabar) societatis amor, & amicitia, quæ nobis intercesserat, dulcedo pellexerat; ut unâ digrederetur nobiscum, & in continentem descenderet. Hic eum, membris quotidie minùs ac minùs coherentem: posteaquam tor insuper salebræ, voragine, præcipitia; præterea montes, ac flumina delassassent: tandem vis mali fregit, & prostravit. Iacebat igitur cadaveri propior, quàm viatori. Sed, quod mireris: hunc juvenem nihilominus, insitus omni mortalium generi *vita jucundus Amor* (qui plerumque solet in extrema sui lineâ venire dulcior) utcunque sustentavit; donec ipsa contubernii cupiditas hominem, cateroquin minimè Timónem aut lucifugam, invitis denique Fatîs omnibus, erexit: ac nòs sequi coëgit. Persuaserat enim sibimet; *Hic ipsò se vivere victurumque; si cum vivis esset.* Procedebat igitur: juvâtque progredientem, quòd, illius gratiæ, nemo nostrum concitatiùs incederet; quippe, qui cerneremus, cum via miserè luctantem, & tantum non ad
mensuram

mensuram ac scrupulum pedes molientem. Idem ambulationis genus nostrum plerisque placuerat, nisi pudor repressisset. Vique adeo non magis torpor universos, quàm planè vendi tadium, occupârat. Exsecrabantur itaque complures, neque tacite, non modò consilium, sed etiam consultorem; cuius perfido suasu navigiò certò dejecti, terrestris itineris ambigua delegissemus.

Hi proinde magnopere cunctis auctores erant: ut ad primum quemque navis recursum, fuscitatis ex composito, de nocte quidem flammis, de die verò conclamationibus; nauclerum sponsionis admoneremus. Urgendum, ut actuariam, omisîs consuetis ambagibus, ad littus adverteret: in quam reciperemur, ut nostram; quam nos malè consulti, velut alienam, reliquissemus. *Nec utique difficilem fore suorum votis navigii magistrum; voluntatis nostra tam clarâ significatione perceptâ. Quòd enim hic, toties hucusque visus, ac toties rursus dilapsus, desideria nostra fefellisset: id utique non illius factum culpâ, sed nostrâ; quippe, quæ nullo nostra cupiditatis indicio præbito, fastidientium potius speciem, quàm ambientium, edidissemus. Et profectò, si quid saperent ii, quibus adhuc pergendum terrâ potiùs, quàm pelago, videretur: expenderent illi vel nunc tandem, quoniam suâ pertinacia cæteros invalidiores præcipitarent? Ponendum sanè temeritati metam aliquando, finemque: neque pluribus laceffendam insaniis indignantem Fortunam; cui prorsus nullo, periculisque certis, per summam levitatem, insultaretur. Quid enim, per Superos hominèsgue! quid tot errorum & amfractionum incom-*

modis quari? quid iisdem declinari? Secutos esse
 protectionis compendia, littorum salubritatem,
 Manta portum, & Thalasía (nescio cuius) ve-
 nalem benignitatem, emporiisq;ue. Tamen ho-
 rum omnium nihil, ac ne casam quidem aut pa-
 forale tugurium, comparere, ne sepem quidem,
 aut fumum (quæ duo tamen neque Scythia soli-
 tudinibus facile deessent) in conspectum afferri.
 Eugisse contra plerósque, quo tempore consilium
 exscendendi capiebant, navigationis nauisq; cur-
 sús tarditatem; annonæ diminutionem ac frau-
 des; nauclerí morosum imperium, & verbosas
 imposturas; pauca, neque fortasse levia, mala;
 nunc autem sexcentis iisque gravissimis, commu-
 tata. Numquid non hoc esse: Cinerem vitare; sed
 ex adverso flammæ insilire? culicem declinare
 morsum; & Hydra bella quarere?

VIII. DISSEREBANT adversum hæc, ama-
 xò cum risu, pars contumacior, & quibus scilicet
 superba præ rectis; ac specie magnifica, præ
 salutaribus placebant. Transgressis, in spes inge-
 ntes, ex orbe patrio diversum ad orbem; nempe
 nunc denique consilium ponendum, an pericula
 viarumque lassitudines, infra quas itas opes du-
 cerent? Anne, cum ex Europa mensium, ac pro-
 pæmodum annorum aliquot, navigationibus A-
 MERICAM sequerentur; nullam ullius discriminis
 unquam oblatam esse speciem? nullam imagina-
 tionem? non formidinis ullius materiam? an no
 tempus quidem ac spatium deliberandi conce-
 sum; Num pro regni Peruani deliciis atque copiis,
 recte mari & elementorum omnium bella susci-
 perentur? Pudendum enim vero (si non alio, sal-
 tem ignavia muliebrisque metus opprobrio) viris
 iuvenibusque nomini Hispanici; si post supera-

tum Batin & Gades : post enavigatum Oceanum Africanum & Atlanticum ; Post Margaritâ , Carthagona , Pánama , praelia calorésque ; si post percursum pelagus omne Zurium , & Philippinarum portus aditos ; post innumera denique naufragiorum in reditu pericula : nunc demum animis pluquam fœmineis conciderent , posteaquam tantum non in Peruvii conspectu , certè jam propemodum in Manta navalibus , & laborum meta , starent. Quid ergo futurum , in occursum beluarum peregrina ferocia ? quid in Anthropophagorum palantium insultu ? quid in cæteris terræ Pontique monstris amorum fore , mulierculis hisce ; quibus parvula famus & insomnia duritia , quibus exigua lassitudinis asperitas , tam citò robur & constantiam convelleret ? Desicerent sanctales & nervo mentium , & callo pedum ; quos tam infantilis ignavia torpescisset ! At se certè per saxa , pèrque flammâs , irretorto gradu perrecturos. Præterea : descriptam à navis magistro Thalasiam oppidulum , magis ac magis in propinquo jacere.

TALBUS , per opinionum varietatem , in partem utramque ventilatis ; ad extremum pro ccepti semel erroris perseverantia decretum est : urgentibus viam terrestrem iis potissimum , qui jam tum ab initio , fictis commodorum descriptionibus , è navigio nos prolicuerant. Et in hunc modum , post longam digladiationem , superior fuit sententia aultior ; quia vanissimâ fortitudinis jactantia speciosior. itaque , minimâ jam actuarie nostræ curâ , progrediebamur : & eodem nobiscum passu , fatigatio , radium , calamitas. Famæ præcipuè , singulorum & omnium viscera

zodebat; ne Thraſonibus quidem illis impatientiam diſſimulantibus, quibus Hercules & Iafon videbantur in pectoribus congeniti. Tanta porro veſcarum rerum egeſtas nos inceſſerat; ut, ne rabies edendi vitalia depaſceret, ad ſylveſtres radices & abſurda quæque, ſolô genita, vellêda converteremur. Hęc, cultris atque pugionibus effoſſa, conciſione minimè curioſâ, ciborum quandam in ſimilitudinem redigebamus. Ex demum cupedia nobis, ex dapes erant; apparatus Perſico potiores. Cumulârunt hanc felicitatem, proceſſu temporis, tanquam auctarium & condimentum annonæ, cancri ſubinde; quos, littorum in vado, maris (uti fit) abſceſſus deſtituerat; rari tunc tamen; & neque tantæ famelicorum turbæ ſuffecturi, neque ſcrutantium ſolertia ſemper opportuni. Nam cùm id genus animalia, non niſi per citimi littoris arenas ſerperêt; eveniebat, ut, ſiqui collectum iſſent, in prandia ſine magna difficultate paulum quid eruerent. cæterùm ante noctium crepuſcula, ſtimulante fame redeuntes eundem ad piſcatum, æſtu maris reſtagnante prohibebantur. Hinc, ne cum undis pariter & inſidô littorum luſtandû eſſet; incœnati potiùs in montibus aut petrarum dorſis, noctes agebamus: ſanè meticuloſas, neque penitùs à beluarum incurſibus immunes. Exactis autem per ſomni ciborûque penuriam tenebris: quotieſcunq; Soles ac dilucula recurriſſent, primùm omniû circumſpectabamus; Ecquod comminus eminûſve promiſſum emporium reluceret? Id autê, poſt infinita ſuſpiria, comparebat nuſquam; ut jam planè Thalaffiæ deſi-

desiderium nemini prudenti posset aliud. quàm puerorum nugæ vel lusus, videri. Tamen cum puerilibus istis cupidinibus, multa virilia robustaque mala crescebant. ante cætera verò, plusquam Erisichthonia (sicut memoravi) fames in dies singulos atrocior. deinde, fontibus paullatim rivisque deficientibus, sitis ingens, ob hoc ipsum quia plerumque secundum pelagus fieri nostrum iter cœperat. æquoris autem vicinia, quippe falsis & corpori noxiis aquis, ad potum nihil conferebat. Quod & siqua subinde fluviorum ostia marcentibus occurrerent; intermixtâ jam Ponti salsedine, nihil ad refectiorem utilitatis afferebant. Vnde, quod, catenâ quadam molestiarum, proximum erat; stomachorum vitium, tabes corporum, corruptelæque viscerum, cum febribus, enascebantur. Sed &, si quos naturæ robustioris, à gravibus morbis inviolatos, quotidianæ tantummodo stringerent ærumnæ: tamen eadem semper, ac sine fine, tolerando; sub extremum etiam ipsi pessum dabantur; utique, posteaquâ neque *requiæ* (quam tamen omnibus animantibus, *unicum in fatigatione solatium*, natura providit) allevarentur. Nam simulatq; membra, viarû asperitate fracta languidâque, planiore solo stravissimus, ad remissionem captandâ; pauxillô respirationis degustatô, reliquû ad iter longè ponderosiores resurgebamus: sic, uti pœniteret nonnunquâ interjunctionis; ut quæ tantò gravamine nobis viæ molestiam duplicâisset. Id, frequens oppidò viatoribus & detestabile fatigationis incrementû; tûc præcipuè gliscit; cum mora productior est quieti concessa. Mi-

rari proinde sæpe venit in mentem; Vnde-
nam principia suâque causas trahat? An,
quod agitatus assiduô motu sanguis, spiritus vehas
vegetiores, quoad ambulationis calor perennat: &
idcirco currendi promptior, ex ipsa sui subtilita-
te, progredi gestiat? Contrâ verò stratus idem cum
universa corporis mole, per cubationis sessionisve
languorem sensim intra seipsum, velut in mas-
sam, spissetur? & ipsâ densitate torpidus, alacritatémque veterem tanquam oblitus; ignavo len-
tore congelascit? An potius, dum in fervore la-
bor est eundi, currendive; minus idem ex ipsâ mes-
suetudine necessitatéve sentitur? remissus au-
tem, & jam tanquam ex professô deses, hebescit?
ut, sicut MORTALES omnes sumus ab asperitate
proclives ad voluptatem; ipsa torpedinis dulcedo
nos sensim plumbeos reddat, & immobiles, ad stre-
nuum conatum? An denique QUIES incendere
fatigationem idcirco creditur; QUIA molestis-
simus contrarium, ad contraria transeuntium,
sensus est? Sed ista viderint, qui se Philosophos
appellant.

IX. Nos interim Thalassiam nihilô ma-
gis æssequabamur; prorsus ut jam fabulas &
apologos mihi loqui viderentur, qui sperare colo-
nias humanas aut civium societates auderent; in
solitudinibus præsertim tam sepultis & abs-
trusis. Eas tamen etiam paullatim, quan-
tumvis arentes, interluere flumina cœpta-
bant; quæ sinistro montium latere decurre-
bant. Verùm illa non duodenûm, ut antehac,
pedum; sed longè latissima, spatiosis alveis
sefe diffundebant. Et, quia procul admodum
ab littore maris Zuriî, quod influebant, fon-
tium origines recedebant; affluentibus un-
dequaque

dequaue rivis, quantô procedebant, tantô crescebant: grandisque cum murmure per confragurupium, & saltuosas voragines, incedebant. Fuerunt ejusmodi fluminum compluria, superatu difficillima; soloque sui conspectu, quoties necessitas trajicere compulisset, formidanda. Ventum erat ad eorum primum, nomine quidem mihi (sicut cætera regionum illarum) incompertum; periculô verò, licet alienô, plus nimio notum atque memorabile. Stantibus in hujus ripa, primum erat, æstimare; vadô transiri, nisi nudatis & expeditis à corporibus, neutiquam posse: quapropter sarcinas & impedimenta seponenda. Sed, cùm ea nobis, ad profectio- nem reliquam, usui pleraque necessitatique forent: excogitanda ratio fuit, quâ, nullo nostro gravamine periculôque, transportarentur. Novam igitur Argûs fabricam non ad Pelion montem, Minervâ dictante, sed ignotissimis in saltibus comminiscente pauperie; proximis è sylvis trabes arborum, temerè jacentes, in materiam advolvimus. Post has, virgulta viminâque cum juncis & genistis, in vinculorum atq; compagum usum, comportamus. Ex ea tota congerie Ratem extemporalem, aut certè Rati non absimilem struem, molimur. Fuere quoque, qui ramorum latiora fragmenta pugionibus ac machæris, in quandam remorum effigiem, destringerent: &, diductis in spatium principis, palmularum ac tonsarum similitudine quadam induerent. Hæc illi Remos appellabant; & ad compagis nauticæ latera scirpeis nexibus alligabant. Hoc opere (quan-

tum per tempus & rerum necessitudinē pō-
tuit) exactō perfectōque; cultum; deinde cor-
porum, ad intimam usq; tunicam, ponimus:
ac, velatis tantummodo, quas pudor jubet,
partibus; indumenta, cum sarcinis omnibus,
in schediam injicimus. Postea, designatis,
qui remigii non usquequaque rudes appare-
bant, sociis: jubemus, ratem ut à capite pe-
dēque propellant. Reliquis autem transna-
tandi lex imposita; demptis duntaxat iis,
qui, tentandorum fluminum inscientes &
pavidi, conatum hunc longè refugerent. his
enim indultum; ut, transportatâ suppellectili,
recepti compage, ligno mallent, quàm suis
brachiis, confidere.

Geminas igitur in partes omnis turba dis-
cedimus. Eorum altera, natandi peritiâ
(nec dubium, quin etiam audaciâ) melior,
nostras exuvias & sarcinas in trajectu comi-
tari jubetur. His admiscentur pavidiorum
quidam; & nonnulli, penitus imbelles, in
ratem cum impedimentis imponuntur. Illis
porrò timidioribus imperatum; ut, ma-
nuum injectu quàm lenissimô, posticæ parti
ratis hærent; quò minore periculo pavorē-
que simul transirent. non defuturos verò pa-
vidis cæteros, arte vel animo firmiores; quin
interim adnatando, vocibus, hortamentis,
& connisu suppositūque brachiorum, suppe-
tias ferrent. Hæc primæ partis erat turba.
Deterior paullò (sicut tunc quidem videba-
tur) alterius cœtus fuit conditio. nam in
hanc erant descripti Sociorum ii; qui neque
robore quidquam, neque natatu, valerent.
Et hi præstolari jussi, quoad schedia fluvia-
tilis.

tilis, primæ transportationis onere perfun-
cta, ripam citeriorem repeteret. Id autem
ut citrà dubitationem, & ex fœderis quasi
sacramentò, sic fieret, à nobis sedulò cautum
est, ac provisum: reputantibùs ingenii mor-
talis incertam fidem; & promissorum, in ho-
ras variabilem, mobilitatem. Itaque, præter-
quam, quòd præcessuros jurisjurandi vincu-
lis adstrinximus, non defuturos saluti no-
stræ: super hæc, quidquid funiculorum & re-
stium, quidquid ligularum, periscelidum, ac
laciniarum in sarcinis repereramus; id totum
sollicitè protulimùs. quæ, posteaquam no-
dis innumeris in quandam rudentis speciem
confuissimus; ad ratis denique pedem deli-
gavimus. Id eò consiliò factum est; ut, quan-
docunq; præcedentium cœtus abnavigâssset,
nos tamen, in citima relictæ ripâ, correptum
manibus funem summâ contentione retine-
remus: &, siquâ perfidiâ (quod fieri posset)
recurso ratis negaretur; eam nos nihilose-
cius, etiam invitis illis, per vim retrahere-
mus. Quod tamen quàm consultò dispe-
ctèque fuerit excogitatum; nunc quoque
tantò post, nondum equidem pervideo.
*Quasi verò non longè fortius priores illi traje-
ctores materiam, sarcinís ac vectoribus præpon-
derantem, retinuisent; si fallere fidem voluis-
sent? & id tantò magis, quantò majorem vide-
rent nostram erga se diffidentiam? Aut, quasi
non (si quis unus ex omni numero fraudem ani-
mò machinaretur) eam facillimè statim & sim-
pliciter expedisset; si per pugionis aciem præscel-
to fune nostrò, ratem ipse porro propulisset: nobis con-
trà, deceptus, in manibus montibum retinaculū reli-
quisset?*

quisset? Quo sanè casu, quid, nisi *vacuam resstem*, & *hiantem frustra spem*, cum nasi *suspensio*, *reportassemus*? Sed hæc in hunc, quem retuli, modum composita sunt: delectique sorte, de generosiorum numero, qui cum prioribus posterioribusque trajicerent; ut neutra pars subsidii suis, & auxiliaribus, destitueretur.

Solus extra delectum BALBOAS quidam (nescias, natandine scientiâ magis, an jactantiâ præsignis) se cæteris omnibus ultrò ducem obtulit. At ego, postremam inter turbam, ita sortis judicio damnatus, ac præter hoc transnandi ruditatem professus; submœstus substiteram.

X. REBUS instructis omnibus; nos, quotquot in ripa restiteramus, OMNIA prospera communibus votis ominamur. Fluitare verò ratis, & urgeri remis, cœpit: sociorum aliis per trabes sedentibus; aliis autem natatu circumquaque, maximè laterum tenus, assultantibus. At nos, ex condicto funem retinentes, festis plausibus (quantum in re tristi potuimus) & confusis in commune clamoribus, alacritatem natantium accendebamus. Princeps natationis, is, quem dixi, BALBOAS, contra torrentis fremitum grassari; fluctuum assurgentium minas provocare; frangere tumentes cum spuma gurgites; & corporis variâ jactatione, tanquam per Orgiorum quandam licentiam, inter undas bacchari. Subinde quoque sponte suâ, perque *proterviam* (eorum ritu, qui more pravo, *Leves artes*, quasi *veras virtutes ostendant*) clementer fluentem amnem, concitare; sedatim.

simque fluxum turbulentâ gyratione velus
efferare.

Iamque cum comitatu ratéque, quindecim
passus promoverat, ut paulatim
aquæ, siquando BALBOAS quietius incederet,
humerorum tenuis assurgerent; nec
ultra: plerumque paulillô supra pectus. Ibi
tum ille (simulando, reor, irridendoque pavori)
per lasciviam & jocum exclamare; *Ni-*
amiam enimvero tandem hanc esse, propterea que
moderandam, fluminis profunditatem! Itaque
crediturum ad eos se; qui, discrimini exsortes, in
ripa desedissent. Cum hoc dicto, divulsus à
suis, ac, per natationis ambages, renatanti
similis; ad nos iter intendit: & (mirum dictu!)
momentô citius in præceps alvei rapitur.
Hic, exiguâ temporis intercapedine, velut obrutus;
posteaquam emersit, voce clârâ sociorum cœpit
opem & manus implorare: sibi discrimen ultimum
impendere. Vocari nos hominem suspicabamur,
consuetudine scurrilitate; familiaribusque per otium
augis. Itaque sæpius licet, *Per fidem, per so-*
lertatem & Amicitiam, & omnia sacra, ro-
gantem; nemo nec amicus, neque socius,
adjutum ivit: cessantibus etiam iis ad o-
pem, ac tanquam scurram deridentibus; qui,
proximè secundum vociferantem, natabant.
Et tamen in promptu subsidium fuerat. Sed,
quâ veniâ mortalibus, frequenter mentiri sue-
vit, nemo fidem habet; ne tunc quidem, cum vera
quærentur: eadem etiam huic joculari lixæ,
semper antehac in facetias & imposturas ef-
fundi solito, nemo manum porrexit eo tem-
poris, quo cumprimis eguisset; & ipse reve-

vera seriò poposcisset. Accedebat ad hunc auxilii neglectum, fatorum quâdam invidiâ; quod nulli comitum, nec simulacrû quidem, aut umbra periculi subolebat; alveo vix ad lumbos, aut summum ad pectus, pertingente. SED interim BALBOAS, iterum tertiumque fundo remersus, posteaquam frustra preces & lamenta consumpsit; ad extremum, inter luctas cum undis, & incerta verba, depressus haustusque profluente; nec à nobis unquam postea conspectus est. Id, occultione quodam, & per impetum citante fatô, ceciderit? an repentinâ quadam pedum nervorumque (velut in natantibus amat) torpedine, spasmive convulsione? num etiam fluviatilis alicujus monstrî (cujusmodi multa Pontus adversis annuum ostiis immittit) morsu retinaculoque? sive quâdemum aliâ causâ, minus hominibus suspicabili? mecum tacitus divinare malo, quàm apertâ temeritate scribere. Potius id agam; ut mores hominis, conjectantium libertati relictos, fide quàm optimâ ponam in propatulo; qui sic habebant.

XI. FUIT BALBOAS hic, Juvenis (si quis alius) ingenio pravô, malè quietô, bonisque dissociabili. Tranquillitatis, jam olim in paterno solo, tam impatiens; ut ex Hispania Peruvium, alterâ tunc navigatione, nullâ magnâ neque gloriæ, neque lucri spe, peteret. tantum, quia malè feriatorum more, nullo loco neque consistebat, neque consistere poterat. Primus hic, bene compositam vectorum in navigio pacem, tumultu turbârat. Primus nauclero, sive venalis, sive gratuitus assentator, nostrum exscensum subscriptione

suâ laudaverat; & itineris terrestris suaso-
 riam declamârat. Idem ipsè Mantæ portum,
 & urbem Americanam, sub ficto Thalaf-
 siæ nomine, sexcentâque viâ commoda, tan-
 quam pro testimonii sanctitate, descripserat;
 vanissimâ circumlocutione, nec dejerare du-
 bitavit; Nullum locorum eorum sibi, per-
 gato quondam oras illas, incompertum esse.
 Quibus figmentorum coloribus, multorum
 comitibus fidem & animos (velut in loco
 memoravimus) ceperat, atque dementârat.
 Unde nec mirandum; in caput illius calami-
 atum nostrarum partem, eamque non vul-
 garem, recidisse: qui malorum nobis omniû,
 quæ tulimus adhuc, quæque feremus in po-
 terum, caput ac principium sese præbuerat.
 Verùm erant hæc, in comparatione gravio-
 rum, levia; propemodumque veniâ digna;
 nisi grandiora miserum flagitia pressissent.
 Nam erat, super hæc, BALBOAS omni vitâ
 moribusque contaminatus: petulantia, vi-
 cisque, quæ dictari solent à petulantia, dis-
 fluens ac dissolutus. alex cumprimis, vetitiss-
 que lusibus, addictissimus; ad portentum us-
 que. Nam probrorum cætera referre, piget
 quæ pudetque. Præter hæc omnia, mens ho-
 minis ab rebus divinis & immortalibus alie-
 na: vixcor, & Numinis contemptor, animus;
 lingua perjuriis polluta; manus ad omne sce-
 lus faciles: os in cœlestia subrectum; & altero
 quoque tertioque verbô, maledicis vocibus Di-
 num Numen, ac Superos, assuetû incensere.
 Neve quis putet; aut quotidianis periculis
 hunc aliquando mansuefactû; aut à *maritimis*
trânis studiis Pietatis induisse: fuit BALBOAS idẽ
 semper

semper, & cis, & trans Oceanum. inter aspera verò Zuriis maris, & iterum pedestrium, aliquantò solutior, atque nequior. Nam, inter hæc, non modò nihil ab alea, lasciviaque consuetudine, discedebat; sed insuper ad eadem pravè facta, nostro de numero non unum, exemplis & sermonibus, incendebat. Quod equidem *hominum genus, ceteros corruptumpentium, vix ulla potest in societate, quantumvis selectissimâ, deesse; promptis præsertim semper in deteriora lapsibus, quoties nefarium magisterium lubrica Inventus adipiscitur.* Hanc igitur BALBOÆ, tam prægravem malefactis, tam onustam pondere flagitiorum conscientiam, quid mirandum, tandem in profundum descendisse? serâ quidem fortasse, semper tamen justissimâ, Numinis iræundiâ pœnas exposcente. Quæ verò scribo, tam vera sunt; ut ea de cœtu nostro nemo (ne BALBOÆ quidem studiosus, aut similis) diffiteretur; divinitus in eum hominem animadversum esse, tam diuturnæ malitiæ manifestum. Cùm præsertim, quo loco periisset, nec periculum revera, nec vortex ullus, nec omnino causâ patesceret exitii, quippe, fluvii peccatò vadò: nec, nisi pectus natantis (maximè post reditum in humiliorem alveum) tingente. Possemus hunc, Argonautarum nostrorum HYLAM dicere; non minùs, ac veterem illum, aquis raptum: nisi tragœdiæ veritas, nimio plus historica, fabulas omnes hinc longè proscriberet: &, in hac morum impietate, verendum esset; ne potius à Megæra nigrâ, quàm ab albâ Nymphâ, juvenis nocens esset abreptus.

Eum

Eum nos piscibus, aquatilibusve belluis, relinquimus; cum isto, quod posuimus, gestorum ac vitiorum illius epitaphio, quod ei nos condidimus, nullâ sanè mortui calumniâ, vel insectandi studio. Namque malevolentiae causas, tantò post, in vitæ sanctioris stadio locati, procùl habuimus. Quæ verò tradidimus; ea, tunc omnibus compertissima, publicèque dispersa: nunc, posteritatis documentò salutarè, dissimulanda silentiò non videbantur.

ARGONAUTICÓN
AMERICANORUM,
SIVE
PERICULORUM PETRI
DE VICTORIA
LIBER V.

CAPITV M BREVIARIVM.

EX interitu Balbœa, caterorum consternatis. Vnde, qui residui in ripa manserant, alio locum transgrediuntur. quibus tamen in progressu torrentes, ac mala, crescunt. Sociorum disoluta concordia, novò periculò coalescit; oblato genti alio flumine: in cujus insulam quandam, propitiis fatus & hospitio, evadunt. Coment. pag. 38. 39. & 40.

11. Insulâ Formicariâ demigrant, in terram continentem: direpto prius è peregrinus arbuscinere quodam siliquarum dulcium. in avidè deprecati. paullo post graviter omnes cruciantur. Coment. pag. 40. & 41. 111. Vno

III. Vno è Sociis, vi veneni extincto, Victoriæ caterique subinde sibi restituntur. Quod genus illud Siliquarum fuerit? Differitur super esculentis salutaribus, & noxiis, specie similibus eorumque prudenti selectu & discrimine, primum deprehensio. Comment. pag. 41. & 42.

IV. Navim suam, quâ exscenderant, præter spem conspiciunt. Signum flammâ vocibusque dant, ex pacto; datûmque sapius iterant: & ad se navem tandem pelliciunt. Sed eorum gaudium in ventos abijt. Comment. pag. 42. & 43.

V. Ioannis Pediosa, plurimum delassati, prece & oratio, ad Petrum Victoriâ; ut in vita ætremo (quod sibi sinxerat) secum persistat. Comment. pag. 43. fin. & pag. 44. ac 45.

VI. Post deliberationem prudentem, Victoriâ Pediosa obtestationi obnuntiat: eumque monitis confirmatum, destituit. Quem Pediosa, mollitiæ suâ damnatâ, tandem sequitur; & ad Socios se recipit. Comment. pag. 45. 46. & 47.

VII. Progressus & iter per aqua iniquaque loca, summâ cum difficultate. Quidam è Sociis apum Americanum, lanceâ confectum, cateris absumendum partitur. Illius cum apro pugna depingitur. Comment. pag. 47. 48. & 49.

VIII. Navim suam Victoriâ, & Socii denud in oculis ac vicinia habent; sed brevissimo fallaciæque lætitiâ. nam eam gemina navis Britannica hostiliter insectata, vertit in fugam. Quadam ibi, de Francisco Draco, & piratis Anglicanis. Comment. pag. 49. fin. & pag. 50. atq; 51. princip.

IX. Navi suæ suorumque, Victoriâ ab Anglis timet; eamque piâ & multiplici sollicitudine prædeplorat. Aliunde verò accersitis solatiis, seipsum confirmat. Comment. pag. 51. princip.

X. Amis-

X. Amisâ jam toties ex oculis & manibus a-
 tuaria suâ, Socii Victoria ad fatuas urbecula
 promissâ spes relabuntur. Sociorû interim nume-
 rus, variis pfectionis difficultatibus & funëribus,
 imminuitur. Coment. pag. 51 & 52. princip.

XI. Iter prolixum, per loca sabulosa, coticulisq;
 instrata Victoria, dum scopularum vertices supe-
 rare cogitur; decepto inter transsultus vestigiô, in
 voraginem horrendam præceps delabitur. Com-
 ment. pag. 52. & 53.

Extincti BALBOAE calamitas so-
 cios quidem omnes; at in diver-
 sum, affecit. Quidam enim illo-
 rum, castô Numinis horrore,
 cum apertissimâ pravitatis vin-
 dictamprehenderent; pœnas pares, ex factis
 aribus, metuebant. Alii contra secordes, nul-
 lû, vel perquam exiguo cœlestium consilio-
 um sensu, superstitionem induebant; tan-
 quam hominis unius funestus exitus reliquâ
 omne flumen infaustis ominibus initiâsset;
 id residuorum transitum. Igitur pars plera-
 que viatorum, adhuc in ripa citeriore mo-
 rantium, omisso fune simul, & transgredi-
 endi consilio; tunc mœstissimâ quiete rese-
 derunt. Et nox quidem insequens, neque
 nobis per somnum, neque per lætitiâ illis
 alteris est exacta: communi luctu; quodam &
 primidine squalentibus universis. Die verò
 ostero, vix aurorâ sublucente, nostrum ali-
 qui digressi, ponè littoris submissiores oras;
 ipsum flumen, ingenti diffusum spatio, re-
 cerunt; ideoque jam multò vadosius. Qua-
 rum clamoribus eorum sibilisq; convocati, di-
 versim alius aliunde convolamus; ac fluvium,
 nullo

nullo negotio, pedestres transgressi; comitibus iis, quos pridie ratis transposuerat, aggregamur. Ità, conjunctò rursus, velut antè cœtu, pluribus humeris, ad plura novâque calamitatum onera, præparamur. Hæc adeò nobis non defuerunt; ut antiquos Herculis labores, & Hydræ decollatæ fabulosa capita, viderentur in memoriâ insculpere. cum semper malis anterioribus mala posteriora, graviora mole, densiorâque numero, succederent. Certè quidem, sicut tunc, ex unico monstro lacustrî, serpentium innumera seges pullulabat; sic apparebat nunc, unâ quadam infinitâ de scaturigine, novos semper, ac sine fine, deteriores amnes subnasci. Quos, dum superare compellimur, pede, natatu, luctamine: profectiorem interim quotidianis obstaculis; socios crebris funeribus; ac tempus, mensum dilapsibus, amittimus. Tardè que denique, sed aliquando tamen, illam tot torrentium corrivationem evicimus; post diem omnino duodecimum, à primo fluminum ingressu: nec tamen hoc ipsum sine numeri nostri decimatione; quippe, comitum nonnullis, manifestæ profunditatis gurgites ingressis, & cæcò fluctuum haustis. Ac videri poterant Balbæ manes plurium paulatim capitum tributa poscere; cum primis autem eorum, quos illi morum ac vitæ similitudo fecisset propinquiores.

Sic afflictis turbatisque: quod in meliori fortuna desperatione proximum esse solet, ordinis omnis, & compositæ societatis nexus est intercisus. Mox, nullo capite, nullo rectore, gerendumque dictatore; successit pro consilio temeri-

meritas: pro fide fiduciaque: mentium & amicitiae dissolutio: pro mutuis inter nos solatiis, animorum moeror; pro comitatu, dispersio; pro pace, discordia; pro sermonum suavi nequ, seditiosa verbosaque jurgia, cum rixis & altercationibus: certatim alium aliò, velut infausae viae causam, & dimissae navis suasionem, criminante. Cum interim revera seipsum quisque justius, pro sua parte; vel, omnes in commune, BALBOAM, ac naucleri perfidiam, exagitare potuissent.

SED inter hac (dictu mirum!) *ab ipsis malis*, aliquod *malorum levamen* emerit; Novae scilicet incommoditatis occursum: & *omnium publicum periculum*: cujusmodi *necessitas*, etiam *mutas animantes societate quadam adstringere solita*, multò magis hominum mentes, à diffidiis, in unum conducit. Ecce namque! perfuncti paullatim torrentibus, (ut nobis videmur) itinere plano, tristitiam securi, progrediebamur: & ob hoc ipsum, *HUMANAE felicitatis vitiò* (*QUAE semper ex prosperis luxuriat*) bellum è nobis ipsis, pericula, sufflabamus; quod foris ab aspera viarum natura defecerat. cum repente, necopinantes, recentem in fluvium, eumque vastatio diffusissimum, impingimur. Hujus alveus crebris, iisque multum herbidis insulis, rarissim interpolatus; sicut specie graminis & arborum invitabat; sic, gurgitibus & periculis ambiguò, deterrebat. Inventus est philominus, ex omni turba nostrorum: qui nullus, nullo BALBOAE, nullo sociorum post se exitio, consternatus; tentare vadum animis auderet. Is, repertò pedum haud am-

G

plius

plius quinorum perpetuò profundò, nec usquam inæquali; primus in terram quandam interjectam evasit. mox voce, manibus, exemplòque suo, cœpit eandem in sedem nos omnes pellicere; crebris hortatibus securitatem transitus, & vorticum vadisque clementiam, interponens: fidem porro suam iurjurandi religionibus oppignerans. Itaq; nemo fuit omnium, quin, *Sequendum*, clamaret; cum præsertim in locum, ubi dux & auctor consilii, citrà grande luctamen & periculum, jam in portu consisteret. Quare detractis, ac super capita levatis, indumentis; amni nos sine mora committimus. Nullum est, ne Colchici quidem Phasidis, aut Scythici Borysthenis, vel Cydni Cilicis, frigus; quod fluminis istius, per quod iter nobis erat, æquare gelu credam; omni nive glacièque rigidius. Adstrictis certè, corporibus pariter & intestinis; multo cum cruciatu stupentium membrorum luctabamur; tantummodòque spatii brevitatem, post progressum longum, nos consolati, mutuis alter alterum hortatibus prætrahebamus. donec in glebam denique cujusdam insulæ graminosam penetravimus. Ibi calentem diem, in tempore locòque, nacti; congelata rigore membra, laxare Solis ardore cœpimus. Sed (dictu miserabile!) nullo quietis aut fomentum lucrò. Vix enim confederamus; cùm nos incivilia formicarum & culicum rostra (quorum illic immanis exercitus stabulabatur) non sine furis aggrediuntur; & puncturis creberrimis sauciatos exagitatòsque, suo fundo quibùsque pane velociùs exturbant, quàm
admi-

admiserant. tanquam intelligerent enimvero, genus id insectorum inhospitale; Nos externos esse mortales: *nec ad sese quidquam pertinentes*. Sentires: cum infelicitate nostra, nos ubique persequente, foedus inisse barbaras bestiolas, ab eaque doctas esse; *Semel miseris, nusquam Patriam, nusquam Amicum, esse debere*. Quanquam etiam Invidia quadam haud obscurâ ratione, stimulatâ videri possent, ad nos infestandos.

II. ERANT enim eodem in loco, stirpium ac virgultorum, nescio quorum, peregrina germina. quorum fructus, nigricante siliquâ vestiti, simulac eos mandere coepisses, gratissimô statim sapore, mellis dulcedinem præferrent. His non leviter, & extimô labiô degustatis, confestim universi conclamamus; *Migrandum quidem, è culisum ista formicarumque fœda coloniâ: non tamen impune, neque sine spoliis, ac rapina; quippe gentium jure: quod omnibus hominibus ex quo permetteret, hostem depopulari*. Nec esse profectò temerè: quòd, in boni felicitatisque partem venientibus Hispanis, insecta Batavica, paludum alumna, bellum moverent; eosque solò communi pellerent. Dicebamus ista, frigidò jocò; sed calido stomacho; quem, alimentum jam pridem avidum, disertior omni monitore fames intestina, stimulabat ad paupulandum. In eas igitur (quas dixi) siquas passim involamus, carptu faciles; & præter hæc, propensâ ramorum liberalitate, se nobis ultrò porrigentes: cum ob oculos & ora nostra penderent. Corruptis manu deductisque stirpibus; pro se

quisque destringimus, quantum esuries, cupiditas, & sarcinæ nostræ capere ferréque possent. Ad extremum, ne diutiùs aut culices formicæque nobis, aut nos illis, molestiā exhiberemus; demigramus; & insularum, quotquot interjacebant, glebīs laborioso transsultu superatīs; per fluminis residuum alveum in continenrem terram evadimus. Id, quò commodiùs assequeremur, ipsa naturæ providentia comparaverat: quæ sparsim, universum per amnem, surrectis velut aggeribus, gramine vestitīs, tanquam gradus quosdam, transituris, ad ulteriorem usque ripam, disposuerat. Sed nihilosecius nonnunquam, aut vestigia lababant; aut, in transgressu, saltus nos fallebat: ut per fluminis subinde partem necessariò trahendum corpus foret. Ibi tum alveus, à primo sui tenore degener; nunc profunditate nobis, nunc incertitudine gurgitum, iniquum se fallacémque præbebat: raptique cæcas in foveas, non rarò subvertebamur. ubi, salvīs quidem corporibus, onera tamen fluitabant; & vestimenta tingeantur. His igitur adversùs putredinem desiccandis; in ripa Solem, & apricò gaudentem tumulum, inquirimus: quoad madentes exuvix derorent; &, ardore consumptus humor, aptitudini veteri tegumen restitueret. Nobis interim (quoniam diei multum adhuc, & pomeridianus calor, supererat) visum est, corpora curare; dispescendoque Soli, locis opportunis & opacis discumbere. Raptim igitur (quia virgultorum illic copia suppetebat) frondes diripimus; sylvestréque sibi quis-

quisque tabernaculum, ad IONAE sub hedera
 meridianis exemplum, componimus. dein,
 per herbas strati, siliquarum fructibus, mo-
 dō collectis, indulgenter ac per genium ve-
 scimur: non expectatā cōnantium lege, vel
 horā. Statim autem, serpente per venas il-
 lecebrā passionis, & in papaveris ritum fu-
 mos in caput agitante; pariter omnes, velut
 ex condīcto, consopimur. Cāterū quie-
 te, neque mulūm durabili, neque corpori-
 bus saluari. Namque vivā quadam pestife-
 ræ VOLUPTATIS imagine, (Cujus semper
principia Dulcia, sed Finis amarus est) non mul-
 tō post somnum initum, expergiscimur;
 spontē suā quidam; alii questibus alios &
 ejulatu suscitantes. Et nonnulli quidem,
 quorum recens ac primus mali sensus glisce-
 bat, viscerum tormina, verminationē-
 que clamitabant: alii divulsionem illūm, at-
 que volvulum. At pars maxima, stomachi
 rejectamentum, nauseam, vomitiones, &
 incusabant, & moliebantur; tanquam cru-
 ciatūs causā simul, & remedium. Inter
 quā dolorum agmina, certatim omnes mor-
 tis viciniam. *Quiritium opem, & hominum su-
 perūmque suppetiā*, invocabant. Paullatim
 deinde, crescente superantēque malo; sicut
 investes intestīque parte plerāque corporis
 omnes decubueramus, dispāsis ad auram in-
 dumentis: itā nudi, de suis quisque tentorio-
 lis proreptamus. Mox, quadrupedum in mo-
 rem, quas modō mater profudit, informes
 incertique voluramur; lamentantes, ac voci-
 bus belluam veriūs, quā hominem sonan-
 tibus, tormenti finem aut lenimen indagā-
 tes.

tes. Quæ cum ex ingenio suo pte nemo reperiret, aut erueret; *ad alienum consilium, miserorum more, mentem vertebamus*: & , ut quisque notissimum amicissimumve sibi finxisset de sociis, eum sibi morbi presentis medicum sperabat; eum votis ultimis inclamabat. cum interim revera, domesticum omnes ac singuli valetudinarium intra viscera circumferrent. Iacebant igitur (dictu foedum ac miserandum!) quadragenii luvenes, ætatis modò flore, corporumque robore valentissimi; tunc verò lymphatis furentibusque nihil admodum distantes: nisi, quòd insaniam cruciatùs, quam depellere non erat, integris tamen mentibus intelligebant; & acriore propter hoc ipsum sensu deplorabant. Tandem, ubi colligi vis luis intra præcordia visceraque cœpit; doloris atrocitate patientiam omnem excutiente, tantum non ad salutis desperationem est ventum. Sine modò modestiæque, plerique ventres pronos per terram, per carecta virgultaq; , per & lapidum aspera trahere, raptarèque; serpentium in ritum: ut vel sic pestem, quam deglutierant, violentis compressionibus eliderent. Alii verò filiquis illis perniciosiss, & impotenti suæ voracitati, maledicere; non sine stomachoso screatu: tanquam vel sic, & per indignationem, extrusuri, quod per ingluviem intromississent. Nonnulli quoque cupere, si via præterea nulla pateret egerendæ pesti, miseriam hanc intolerabilem, etiam alvi suæ profissione, viscerumque diffluxibus, subterfugere.

III. Vix serò denique, post multam agi-
tatio-

tationem, vomitu succedente, teterrimæ for-
dis & coloris proluvium eiectionimus: sin-
gultu creberrimò pulmones, ac totam ani-
mam, succutiente. Quo factum, ut aliquan-
tò commodius ab universis ferè sit haberi
ceptum: quos inter ego, virium ætatisque
processu cæteris nullo modo par, meritò præ
cæteris omnibus *Salutiferū* adoravi *Numen*:
ut, quod mihi, jam in vitalibus mortem ge-
stanti, densissimâ suscitata rejectione, suc-
currisset. Debuisset mihi tantò *gratius*, in
tempore latum, auxilium accidisse quantò mi-
nùs istud ipsum è sociis nonnemini cerne-
bam usui fuisse: quippe, quem post assiduam
vomitionem, dirè laceratò divulsóque ven-
tre, fœdum exitium, omnium in oculis, ex-
stinxisset.

Postea compertum fuit, fructus illos, quos
nos vulgares *SILIQVAS* aut *Ceratia* credi-
deramus; Mexicanici cujusdam veneni fuisse
genus. Hoc indigenæ (salubrium noxio-
rùmque non incallidi) mirâ coctionis sub-
tilitate, redigunt in panaces; morborum
omnium præsentissimum, & quasi dictato-
rium remedium: detractis duntaxat iis, quæ
siliquarum umbilicum & verticem ambiunt,
tuniculis nigricantibus. Eas, unà cum ex-
cremento fungi, fructum coronantis, abji-
ciunt. Istud ergo tam *salutare germen* nobis,
corticem unà cum pulpa vorantibus, *insci-
tia* verterat in *perniciem*; *vulgari stulta mor-
talitatis calamitate*: quæ sape *profutura fugit*:
& *contrà, suum interitum prosequitur*.

Ea res in tempore, nec (ut ego reor) ab-
surdam animo subingerit admirationem;

Vndenam, & quibus tandem artibus, aut prae-
stibus, ille nutrimentorum, qui nunc inter homi-
nes viget, usus, pro recepto proboque sic invalue-
rit; ut eum jam nemo formidet, detrectet nemo?
Cum praesertim, vescorum quadam primâ sui spe-
cie, subhorrida tetricâq; nec in ulla gula delicias
nata videantur: & ea tamen avidè, nec minus
utiliter, expetantur? Eduliorum autem alia, vel
illecebrosa cum primis gustu vel aspectu speciosa,
certum libantibus exitium ingerant: & idcirco
cautè proscribantur? Quaedam denique, propter
similitudinem, quâ cum ciborum noxiis collu-
dunt, minimâ mortis & vitæ vicinîâ, figuram
extrinsecam ostentent? & tamen, subtilitate mi-
rificâ distinguente, seligantur & usurpentur;
rejeclis obfuturis? Quis inter ea, quæ nullam
salutaris alimenti formam præ se ferunt, quis
etiam subinde solâ conspectûs aut attactûs absur-
ditate, dentem humanum absterrere debent: quis,
inquam, degustandi principium fecit? Quis in
plantis primus est ausus intrâ ventrem recondere
snapi, vel piper? quis lupulum? aut cepas? aut
allium? aut absinthium? aut, hodierna dementi-
æ condimentum potabile, tabacum transmarini-
um? In iis, quibus inest anima cum motu, quis
ingluvie primus invadere sustinuit gallum Nu-
midicum, cum iracundia tam inflata; cum collo,
tam monstrosis palearibus invenusto? quis aggre-
di, nullo praeustante dapifero, marinos asellos sal-
pâsve, capitis adeo torvi suspectiq;? quis castores
aut fibros? quis lutras, aut cochleas, aut testudines
terrestres aquatilesq;? scolopacum & gallinaginis
excrementa? porcinum sanguinem, intestinâque
cruore tam lutulenta quadrupedis inserta? Quin
imò, si placet ulterius ire, quis, nullo præeunte, po-
morum

morum quorumlibet grana seminâve demisit in
 stomachum sine metu succretura quandoque vir-
 gula, vel per guttur pullulatura stirps & arbu-
 scula? cùm scire posset in humano tamen ventre
 sobolescere consuêsse vermium, ranarum ac ser-
 pentum eluviem? quippeni granorum etiam, &
 sementis vivacem animam prodituram? Non
 igitur, hac tam parva vulgo, parvô digna consi-
 lio; sed priusquam attentes deliberationis indiga.
 Verùm illa quadam alia, longe majora, panêque
 Senatum requirèntia, quâ nisi prameditatus ag-
 grediatur? Distinguere scilicet, inter nutrimenta,
 facie simillima: dissimillima salute, vel peste: nisi
 discrimen arte penetres, & autilibus nocitura
 disjungas. Quis ille, quis (per fidem) tam cana
 prudentia præ cæteris effulsit mortalibus: qui mal-
 let in mensas anguillam, quàm a guem: cancrum,
 quàm scorpium? murem Alpium, quàm glirem?
 ranam, quàm hortensem rubetam, aut bufonem?
 sciurum, quàm mustelam? ardeam quàm cico-
 niam? alaudam, quàm Herulea valetudinis pas-
 serem? cerebrum ovum, quàm felis? Aut, cui pri-
 mus cibus est humanior visus, carduus atrilis;
 quàm barba lovis? Cujus genio placuit sepia pi-
 scis cruor: & contra displicuit atramentum alumi-
 nis humor? Quis linxit sacchar Canarium, & de-
 testatus est salsuginem? linii solidam, aut crystal-
 li bolum? Quis antehabuit visco succinum? resi-
 na mastichen? odorato minio contusum crocum?
 pruina fatuû salem? friato lapidi Cretico, tenuis-
 simû pollinem, aut farina florem, non minûs am-
 bobus insipidum? Quis præterea primus fonticô
 morbo iactatis humanum sanguinem, adhuc a
 vulnere bullientem, tanquam profuturum propi-
 navit? & è diverso, cruorè taurinum (utiq; longè
 G 5 parabi.

parabiliorem) velut irritamentum insania damnavit, & interdixit? In hac, & alia sexcēta discriminanda, quodnam est datum oraculū? quodnam consultum? Dicemusne; Principē & generis, & mentis hominum, ADAMUM, suos instituisse filios, atq; posteros; quorūnam eduliorum & medicaminum, aut delectum facerent, aut repudiū? Post hunc, Moysen ac Salomonem, mortalium intelligentissimos: longē verō sub hos, Democritum, Theophrastum, Dioscoridem (medicorum Gracia rhinocerotus) alimentorum usum, ac venenum, illustrasse, reseratisq; denuō natura mysteriis, Aegyptiorum scientiā fluxu temporum interlapsam, interpolasse? Quæ si non ita sunt, num propius verum est; ipsum quotidiani gustūs usum, utilitatis ac salutis extitisse magistrū? ac, sicut Republicæ quædam Medicos periclitantur: ipsi porro Medici plantas & succos incompertos, ab ipsa funerū raritate densitatēq; probant improbantve; sic credemus, Hominum fecisse sollertiā? ut ex prægustationum successibus & eventus (tanquam ex Dialecticorum multis Inductionibus) unam denique Conclusionem quandam efficerent, ac sic decernerent; Hæ Dapes vitam servant; istæ minuunt! Ille cibis nutrit; hic interficit! Ut in hunc deniq; modum fieret omnium Publica disciplina; quæ diu prius fuisset Plurimorū periculum ac Libitina. Verū, ut ut hac se res habet; In hoc ipso nos plurimum à brutis animantibus antecellimur; quas Natura solius instinctus, nullō periculorum preludiō, docet; Quæ fugiant alimenta, quæve carpant? Vnde fit: ut nulla præcedentium funerū invidia, cytisum ac dictamnium capra cervique; chelidoniam hirundines; araneum pari, gallina, multaq; cæterarum avium, deglutiant: non in pa-

Utile minus, quàm in medicinam. Sed nempe; quod his animalibus appetitus praeſtat, & ingentis impetus, ob hoc ipſum, quia bruta ſunt: id Homini, tanquàm face praelata, commonſtrare Ratio debet, OMNIUM utilium noxiorumque Modus ac Regulæ. Cujus nos, quoniam neque quendam in pomis nemoralibus, neque nunc in ſiliquis deglu- tiendu, conſilium excluſivimus: idcirco nimirum, juſtiſſima Numini indignatione, periclitati de capite ſumus. Tentare guſtu praeludente periculũ, ſuffeciſſet: poteramũſque (perfunctorio duntaxat pramoruſque delibatis fruſtibus) adhuc intra da- rum omne conſiſtere ſe, quantũ nobis gula, tan- tam gula nos, imperoſſemus. Verũ hæc hæte- nus; &, tanquàm digerendis noxiæ coenæ reli- quis, per problema diſnoſophiſticum, ven- tilata ſunto: priſcæ Sapientiæ ritu. Nunc ad narrationis ſemitam revertamur.

I V. DIES interim ille quoque, complures adhuc ſimiles habiturus, labebatur: &, in occaſum revoluta ſole, crepuſculum jam nocturnũ, cum aliquantillis lucis reliquiis, procedebat. Nobis, rerum pariter & itinere- rum incertiſſimis; perplexiſque, quid age- re, quid omittere, foret ex uſu: repente ſpes, inter medias deſperationis nebulas, aſfulget. Ecce namque! Navis noſtra, per complures jam dudum dies nulli viſa, ſubitò non notari tantũ ac conſpici, verũ etiam applicari, ſonorò remigiò, coepit. Vnde lætitia plero- rumque non vulgaris; ac, velut è naufragio redivivæ puppis, hilarior aſpectus. Confeſtim igitur, ne ſalutis tam præclaram occaſionem morà corrumperemus; ad Signum, ex com- poſito nautis edendum, convertimur. Id quò

fieret expeditius; peropportunè (si qua tamen, ex malis alienis enata, dici debet opportunitas) procella maritima navim aliam ingentem, fregerat. & (quantum vestigia loquebantur cladis) haud ita multos ante dies, Eam fluctus turbinésque, firmā licet recensque compactam, tamen expugnauerant: ac, prævalente tempestatum violentiâ, particulatim ad scopulos littoris illius impegerât, in quo tunc nos diversabamur. Sparsâ navigii reliquâ, partim circum oras promontorii vadosas fluitabant; haud ægrè tamē eruendæ: partim, æquoris reciprocatione longiùs in terram ejectæ, sabulosis & uligine tenacibus locis hærebant. alibi transtra, tabulæ, laterum compages; alibi diffracti remi, lacera cum armentis vasa, subrutus malus, discissæ cum velis antennæ. Quosque præcipuè demirabamur; adhuc rudentes in alga littorali natabant, è cannabi spartóq; penitus rudi, nec ab- similes iis, quos, à manu recētes, nautis restio divendit. Erant autem hæc, quæ retuli, cuncta non modò, per crepusculi fulgorē, notabilia; sed insuper collectu facillima. materies præterea fluitantium asserum (quippe continuis iusta solibus) altrinsecus arida: quæque, mado- re desiccato, promptissimè facem conciperet. Nemo ferè nostrum erat, quin secum fomitē, & flammaram suscitabulum, circumferret; in usus ignium quotidianos. Hujus igitur ministeriò, post modicū chalybis ac silicis allisum, flammam rapimus; eaq; sulphuratum applicitū induimus. deinde repertæ corrasæq; materiæ, quam diversis in littore struibus disposueramus, certatim & undequaq; faces injicimus.

Et

Et ardebat quidem initio pyra non plus unâ; sed igne perquâ luculentô, neq; facile nautarum oculis sese subducturo: si modò vigiles illos apertosque tenere vellent; per umbras præsertim jam ingruentes, & noctis, quæ procedebat, incrementa. Sanèque tesseram istam, in occursum nocturnos, nec aliam convenientiorem, navis magister pactus erat; quâ semel, etiam è remotissimo, conspectâ; vel ipse suam octuariam collucentibus terris adverteret: vel, si prohiberet hoc cûrsus operosior, phaselum aliquem, transportandis nobis, submitteret.

Sed illi viri boni, rogum hunc primum, tanquam ad se nihil pertinentem, dissimulatione transmiserunt: incertum, alienasne, vel etiam piraticas flammæ, suspicati? quas quidem certè marium illorum littora non raras habent: an potius, indicii crebrioris iteratione, nostras cupiditates, & suum occurrenti studium, accensuri? Quâ tergiversatione nos animadversâ, nostram spissamus industriam: ac, quò minùs in nobis erraret nauclerus, aliam ex alia pyram, post illam primam, concinnamus. Idque multam in noctem, & quoad convulsæ navis aliqua fragmina superessent. Quin, ut fidem irrefutabilem invenirent ignes conspicui, sed tamen muti: linguam sermonemque luminibus addimus; multaque, nec obtusâ, vociferatione. nunc viritim jactis compellationibus, nunc unum in chaos densatis clamoribus, protestamur; *Nos esse, nec Alios: Nos, nobis, aut navem aut cymbam darent! IESUM, & MAR AM, ac IACOBUM, (Hispanica tesseræ nomina) meminissent!*

In hunc modum, nihil non improbâ per-
sumpente contentione, tandem ad aures ad-
mittimur; quibus inexorabiles oculi fuerant;
& invicem suscitatis, è navigio, stupparum
incendiis (quas, ut ego reor, indemnâ flammâ per mare sparserant) significatio nautica
redditur; nec sine notissimis remigum hor-
tamentis. Sed, eorum articulatam summam
assequi, distantium longinquitas prohibebat.
Hôc utroque signo nihil nos, omnî per AME-
RICAM itinere, terrâ marive, jucundius hau-
simus. Confestim igitur novâ (quâmque fieri
potuit magnâ) face; nec non vocibus, cantu,
sibilis, manuumque complosione, responde-
mus. Iamque propemodum, fortunæ prioris
oblivione, delere placebat è memoria; quid-
quid famis, sitis, defatigationis, quidquid fa-
stidii funerumque totâ continentî nos ex-
ceperat. inscribere contrâ menti, votisque
præripere, juvabat, quidquid intrâ gemina
navis latera securitatis ac bonorum fluitare
posset. Id enimverò totum nobis in lintribus
adventu positum ducebamus. Lintrem igitur
aut lembum, aut ipsammet adeò navim, in
singula puncta temporum, & ad omnem flu-
ctuum fragorem, præstolabamur. Itaque jam
nihil illâ nobis nocte tardius, nihil adventu
lucis annosius videbatur: ut, quibus præ de-
siderio præque dulcitudine spei, nec sopor ul-
lus, ullâve quies obreperet; fessis quantumli-
bet, & indigentibus. Omnem enim corporis
necessitudinem, animi præconcepta voluptas obsta-
turaverat.

Sed (quæ fides esse solet *opis humana*, cujus
expectatione nihil fallacius) postquam noctem,
quàm

quàm longa fuit, omnem inter spem & gratulationes absumpsimus; aurora tandem exoritur: &, frustra præstolantibus, non phæolus, non actuaria, præstò sunt. Nimirum utraque, cum tenebris decedentibus, pariter & ipsa, maris in alta revolant. Nos autem, uno tunc eodémque momento, sopore, scaphâ, votis, ac salute dejecti (mirum, quàm affectis mentibus?) ad tristitiæ nostræ sollemnia redimus: alius quidem iracundiâ, propter naucleri perfidiam, atrox; alius suspitionibus turbidus, & supervacaneis religionibus, ob incerta casuum; quæ nobis, factorum invidiâ, tam certam opem, jamque portari coeptam, intervertissent. Plerique verò, communis mali miseratione molles, non fletum, non lamenta, cohibebant. *cùm tamen profectò solis nudisq; lacrymis nulla calamitas diluatur; immò per diversum potius, inutili mœrore pectus offundatur.* Itaque ferè vulnèrum animi remedium illud unicum est; *conclamatis primis, ad novas ac posteriores spes accingi.* Quod certè, præsentis rerum statu, multis nostrum (nec enim mihi) THALASSIAE desiderium præstitit; utbeculæ, toties frustra quæsitæ. Nam in hujus nomen ac memoriam relapsi, lyram veterem occinebant; Enimverò littoris illum tractum, cui superincumberet oppidulum, imminere debere; nec ità procùl jacere: proptereaque (nec aliâ causâ) nauclerum reumpssisse solitos suos cursus; eò quòd nos ab itineris destinatâ metâ nôssset prope propius abesse. *Cur enim, velis minimè necessariis, invocaturam navem littus illud; cui sciret, laborum omnium terminum, Thalassiam, confestim impos-*
Tam

Tam speciosis persuasionibus incitati nos, viam malè fortunatam resumimus; ut quibus, post toties delusa vota, jam ultrò dulce fieret, decipi.

V. IAMQUE, plerisque sociorum præcedentibus, ego quoque, sarcinulis compositis, iter repetebam propemodum meimet irrisor, ac planè gnarus; quàm fabuloso propositò, non magis Thalassiam, quàm fictam Utopiam, & Lunæ concava, quæreremus. cùm, ecce, nihil tale suspicantis manicam PEDIOSA, necessarius meus,prehendit: qui tergum meum proximè confectabatur. Hic voce, lamentis plenâ, sistere gradum jubet. Ad quem conversus ego, propemodum indignanter *Et quid est? inquam. num parùm impedimentorum nobis adversi, quotidianique casus, obiciunt nisi tu quoque remoram pergenti facias?* Tum PEDIOSA, vultu tanè multum in funus & mortem flexò, nec absque lacrymis; *Vides, ait, mi frater, eò mihi ventum esse calamitatum: ut aut pergere non possim, aut perire debeam?* Omitto quæ pariter omnes in commune lamentamur: quod Peruviana regna sequimur, semper nos fugientia: quòd Emporium Americanum semper in desideris, & nunquam in oculo, habemus quod fame, quòd siti quod fluminum obicibus, quod vorticosis funestisque natatibus, quod naucleri simul & navis nostra fraudibus, conflictamur. Horum omnium, nihil accuso. nihil aestimo; quoniam apud hunc loquor, qui tolerat hæc eadem; & tamen eorum nihil conqueritur. SED unum est meum, ac singulare, malum, Desessus sum mi PETRE: delassatus, & elumbu, & fractus sum; ad mortis usque viciniam, ac necessitatem. Ne-

que

que pedum est hoc vitium: quos equidem vel invitos cogerem in obsequium. quanquam (medius-fidius) etiam pedum est hoc peccatum; ut qui, superiore succidente mole, jam agerrimè columellarum officium ac partes tueantur. Verùm, sicut dixi: minus hoc est; & ideo minoris estimandum. Animus, animus, & mens, ac vita, deficiunt: torpenteque per omnes venas, & intermoriante, sanguine, non membra nervos inveniunt, quibus robur suum expediant: non spiritus auræque viam; quæ se reciprocantis animæ meatus ac remeatus expandant & laxent. Indicio tibi sit hic ipse meus (inquit) solitò tardior, hiulciórque sermo; quem aliàs fluminis more, citatúmque devolvo. quod tamen ut ut est; adhuc lingua, Numinis magno beneficio, procedit: & hoc solum possum at in via progredi (dicam ingenuè) nec possum, nec volo. Quare constitui, necessitatis adactus lege, consistere: quoque nunc loco sto, stationem sessionemve perennare; quoad aut fatum mihi lucem finiat; aut ipsa dies & mora valetudinem instauraret.

Cùm in hæc P/DIOSAE verba, non Argonautis, non illo juvene, non animo veteri digna, cohorrescerem; & jamdudum displicentis ducere frontem cœpissẽm; tum ille multò lugubrius (ut garrulus, & egregiè simul-lator est, omnis valentium morbus) O mi (sub-jicit) ô, VICTORIA! noli terreri statim exiguo postulató. nam ego majus aliquid abs te confestim petiturus sum. Parùm istud est, quod hic manere decrevi. sic enim vestrum nulli gravi forem. Sed ego, mali potentiâ superatus, cogor proprium nus, etiam alienos in humeros dividere: nec, in loco tam deserto, possum omni sine comite miser esse.

esse. Magnum erit morienti (moriar enim) magnum, inquam, & extremum solatium; sociis (non dicam, opera ministeriumque) sed vel solum alloquium atque conspectus. Et prater hoc Humanum, at quantò magis Christianum, erit; bono sub teste, bene mortalitatem implèsse? quid dicam; etiam convalescere? nam istud quidem gemina gratia foret, atque meriti, relevari, tum ex presentia simpliciter assistentis sodalis; tum multò magis ex alloquio fomentisque, languenti suffectis. Quid te proinde per Numen, perque fidem; per, siquid usquam est amicitia fœderisque, mi VICTORIA, rogo supplex & obtestor; ne, quæso, frustra me sperare, sub extremu deprehensum, sine: neu' permittito, sub tot sacramentorum titulis, obsecrare me, sine successu. Si profectò peregrinus & externus auidus, has tam calidas preces infunderem; si quemlibet obvium, nullòque notitia vinculo connectum, appellarem; obtinere tamen debebam, in hoc rerum articulo, voti mei pondus ac momentum. Nunc ex omnibus tu solus & unus es; non modo gente, natione, patrioque cœlo, qua non vulgaria tamen ligamina sunt: sed planè, super hac omnia, propinquitate mihi, consobrinoque jure, consocius. nec possunt inter sese PEDIOSA, VICTORIAQUE, divelli; nisi vel morte, vel (qua morte gravior est) perfidiâ. nam, quò demum alio vocabulò, nisi rupta fidei, prosequar desertam amicitiam, destitutam cognationem, & sanguinem? quorum utique custodia, reverentiâque, vel inter ipsas feras belluas esse solet sacrosancta. Nam, ne bestia quidem sylvestres, sui generis quadrupedes, lupo leonive temerè concedunt in prædâ; & Alpium colena volucres, sui

coloris ac pennarum aves adversum accipitres, & aquilas, tumentur. Solus hominem homo, sobrium consobrinus, VICTORIA Pediosam, deserum ibit? &, inter vastas hasce solitudines, istis ipsis, quas loquor, animantibus, victimam relinquet: sive rictibus discerpendam, sive rostris & unguibus dilaniandam? Siccine, per summam levitatem inconstantiamque projiciet socium sodalium; paullo prius amicissimum, & semper musuò dilectum? Quid? quod incerta valde mortalium vices sunt? & omnia casus pro libitu versat in gyrum? ut, quæ modò suprâ sunt, paullo post infrâ rotentur? &, quæ depressa videras, assurgant? Ecce, qua me premit hodie, eras tuum urgere caput adversa fors poterit: &, qui nunc miserum repellis; fortasse longè miserior, repulsam invicem feres: ut qui jam rogari, postea roges; & illius perfuga supplèxque fias, cujus nunc asylum, ara, Deus es. Quanquam, quid enim DIs, aris, asylis (priscorum fabulis) mihi, CHRISTI cultori? Lapidés erant illa Numina; materque ducta simulacra: muta juxta surdâque. Sed ego mortalem mortali, intelligentem intelligentem, imploro: quem tamen, post tot obsecrationes, nondum (ut apparet) emollio; cujus rogantis lacryma, perpetuis (sicuti vides) fluente guttibus inanima saxa, petræq;, misericordiam imbibissent. Sed sint sanè prægraves tibi preces hæc: sis flagitanti mihi, sicut esse vidèris, inexorabilis: ac, semel ut omnia complectar, pergas, PETRÆ, quò te cunque, sine me, via feret: si me quò sine me potes. Namque mei (satis scio) memoria, vellicatione conscientia tuæ continuâ, tuos omnes passus comitabitur. Invitum te subsequetur, & latus importunè stipabit, veterrima ne-

titia;

titia, prodita fides, exposita belluis consanguinitas, contempta lacryma; postque spiritum expulsum, umbra manesque mei, sceleratè fugient, flagellum intentantes. Super hac autem omni succedet gravior exactor, certissimus à tergo vindex, Deus qui serias à te penas exposcet: ut cui nunquam non, miserorum spreta preces, bilem emoverint.

VI. Sic mecum PEDIOSA; prolixior ideò disertiorque: quòd me, tum à principio confestim orationis, tum postea declamatione suà totà, deprehenderat; oculis, vultu, manibus, & interdum interlocutione brevi, dissentientem. Immò non semel (& sub extremum cumprimis) palàm atque clarè repudiantis prò me tuleram affectum; pedibus ad iter minimè dissimulanter promotis. Hinc hominis illæ, mendicantium ritu, longa contumacèsque preces hinc undique sursum deorsumque devocata, per obsecrationem, argumenta, quæ, ne gestu quoque suo destituerentur; postquam omnia precandi stragemata consumpsit, ultimò lacrymarum uberrimo proluvio dicta cumulavit: ad motum excitandum. neque contentus manuum, ut fit, osculis (quæ sæpe, per inutilem ceremoniam, etiam amicitia simulatio condensat) collo præterea, cervicibusque meis infunditur, diu pendens; &, ut agere seriò videretur, inharrens, urgènsque. Dixisses, eum jam non rogare, sed penitus compellere me, violentà complexuum stricturà, velle. donec ad extremum (ne quid ad compositam tragœdiam deesset) moribundo simillimus, in terram defluxit. In hoc denique se ratus est causæ

suz

firmamentum, ac totum *Achillem* collo-
 asse; tali corporis ac squaloris situ peroran-
 o. Nec inficias eo: commollisset utique
 uemvis, non inhumanissimum animum, il-
 latus afflicti. quanto potius, propinquum,
 comitum intimum? Etenim, ut, quod res
 proponam: ab usque *Panamæo* portu,
 semper fidum indivulsūque; semper de me
 exclare sentientem, ac promeritum, exper-
 is; intelligebam, quā inexcusabili scelere
 oicerem: si tamen erigere prostratum valerem.
 succurrebant profectō memoriæ, mea quo-
 e difficiliora tempora; morbus, & solitudo *Pa-*
mæa; destitutus item cum perversa *Roas*
unculus meus: & ex hoc, animi remorsi me-
 , aliæque non pauca doloris proprii. quæ
 inde calamitatis etiam alienæ mihi sen-
 m auderent inducere.

Verū, adversū hæc, alia non pauciora
 ctus, jam primum in mollitudinem, indu-
 ant. Ac primū omnium; quod *PEDIOSA*
 n antè, quā me sollicitaret, eandem hanc
 precationem, ad alterius cuiusdam pedes
 posuisset. Id, quod me (dissimulantem li-
 , ac tacentem) minimè tamen fefellerat.
 illo rejectus, nihilominus haud instrenuè
 m produxerat; donec ad me demum, fal-
 iter suppressā repulsā, tanquam recenter
 ictus, decurrit. Nihil igitur in *PEDIOSA*
 vum videbam, si claudicaret: quippe, quem
 em, posse rectum ac promptum etiam in-
 ere; quotiescunque destinasset. Deinde;
 el maximè deploratus, & casu non emen-
 o prostratus, jaceret; animadvertēbam, me
 vando, nihil admodum ei collaturum.

nāp,

nam, quæ spes in me, quæve res, aut facultas major, quàm in ipso? quæ vires? opes? copix? cùm utrumque simul, & ex æquo, pressum tenerent rerum omnium egestas, dolor, ægrotudo mentis; præterea fatigatio, mortalisque cujuslibet subsidii desperatio. *Quin potius, siquid amici cordis, siquid humani sensus reliquum haberet; perspecturum ipsūmet PEDIOSAM, suā sponte: non tantū gratis, sed in super planē perniciosē sibi consortium impensū iri quisq̃, quod utrumque nostrum, fructu nullo, tamen interim pari mortis & interiūs necessitate dānaret. Improbū (ut ne dicerem barbarū & impium) esse; postulare quenquam, ut spiritum ac vitam impendas alieno voto, cum neutrius salutē: tanquam rem nullius asis, tanquam capra lanam, vilissimo pretio stantem, aut proximā quāvis rapinā reparabilem. Illius potius fuisse vel sapientiæ vel officii (cui natus grandior) ætate parcere; si vel maximē VICTORIA seipsum, prior ac volens, in discriminis societatem obulisset, debuissetq̃, potius pestilitate contactorū imitari pietatē; quos videmus, vitam & incolumitatē domesticorum suorum ante suū solatium habere propiusq̃, fortē stantes, demonitione providenti procū arcere: ne, dum incautē ministrant, & nihil agro profint in longū; & seipsos pari lue contaminent.*

Quibus itā mecum per silentium disputatis; bonā sanguinis & amicitia veniā, constitui mollescenti jam animo meo callum obducere; cūque PEDIOSA (quocunque demum rerum exitu) nequaquam remanere. *Malui, semianimem Vnum suis fatiis relinquere; quā Duos vivos in mortem certissimā, exprobrabili temeritate, demittere. Quid autem, in Mortem?*

tem? Videbam, PEDIOSAM posse vivere: sciebam, revaliturum. Nam quorundam hominum ea vis imaginationis est; ut, indulgentia sui, morbum aut erumnam incendant: irrisi verò repulsi, robur ab ipsa necessitate ducant: & quam opem ab extranea miseratione cum contumelia mendicarent; ab semetipsis tandem, induta fortitudine, poscant, & obtineant. Et hoc praestat illis, persuasione propria domitor animus; si vel paulillò generosius insurgat. Id totum, quod dico nunc, sit ex infantium ac puerorum more; quibus quoad plorantibus matres condolent, illi gravius omnia sentiunt, aspernantibus autem iis, aut dissimulatione dolorē tramittentibus; etiam ipsi sensum molestiam spernunt, ac sibi firmitatem inducunt. In hunc ergò, nec alium modum, ego, post interitum silentium, ad PEDIOSAM paucis conversus; Bonam habere mentem, & virilitatem spem jubeo. Quorundam malorum sensum, sicut repentinum & atrocem; sic brevissimum, & idcirco tolerabilem, esse. Magnanimam patientiam, dura casuum fugari; molli verò fugam veri. Non esse respicienda, si qua premant, in presentia; sed in futura porrigendum animum, in expectatione meliorum. Cum bono Deo cœpiam perfectionem, opéque divinâ per multa salebrosa actam; ejusdem Ter Optimi Maximi Numinis subsidio reperturam tandem exitum. Verum in-animam, tot inter incommodorum centurias, incon-
 se spei baculo semper innitendum. Allevaret se PEDIOSA bonus: nec unâ ruinâ, nullôque crô, duos pariter cuferet oppressos. Me, potius exemplum sibi proponeret, quàm, inutilem fune-
 consortem: quem praesertim sciret, adspiceret; lassitudine non dissimili, neque simpliciter,
 enervat-

enervatum: & adhuc tamen, altissimo conatu, licet invalido pede, pergentem. Perrecturum autem me porrò quoque (quod certò sibi persuaderet) tametsi languerent ac conciderent omnes; & vel nullo secuturo, strenuè progressurum. Nec enim alterius me mentis esse, quàm fuerit ille; quem u jam ante me simillima lamentatione conatus esset retardare. Quippeni verò VICTORIAM Pediosa subsequeretur? (inquam) in eo potissimum itinere, cujus capitalis auctor ipse fuisset? cum extremè renitentem, solus Pediosa, Victoriam è navigio non tam eliciuisset, quam planè manibus injectis protraxisset? Quam nunc ille fortitudinem si per imbecillitatem mutasset: at me certè cœptis institurum, dum pes ad progressum, dum trames ad passum, dum halitus ad respiraculum, valeret.

Hæc ego locutus sum, præcisò seriòque responsio. Neque dictis animosior, quàm factò; gradum irrevocabilem promovi: sequente me tamen (nec diffitebor) assiduà deserti PEDIOSÆ recordatione. Recursabant teneræ mollésque cogitatiunculae; nec sine contractu quodam, stricturâque cordis; neque sine tacito pectoris jurgio, quo mihi conscientia, destitutum propinqui nexûs sanguinem, & intimi fœderis contemptum, exprobrabat. Quocirca mihi pudor simul & metus erat, post tergum respectare: ne conspectus destituti sodalis, aut confusionem inflammaret; aut obstinationis conceptæ poenitudinem induceret. Sed inter ista tamen omnia, ratione me ipsum tuebar, atque causæ bonitate; quæ mihi videbatur, non in meo tantum, sed etiam in PEDIOSÆ judicio, vincere debere. Sicque prorsus

rorsus successit. Etenim & PEDIOSA, cum
 controversiam & causam hanc omnem se-
 um, per solitudinem ac silentium, expen-
 eret; denique sic apud se constituit, & rectè
 onclufit; *NEC utile sibi tunc VICTORIAE con-*
sum esse potuisse; neque nunc sanè necessarium.
omnia virtute confici, simulac ad tolerantiam ani-
us obfirmatus esset. Cur unum solum id non pos-
, quod Omnes? si possit autem; quàm fractam
Te, quàmque muliebrem ignaviam; nolle, recu-
réque, quod ceteri cuncti ferant? Has inter
 imet cohortationes animò confirmatò, le-
 are corpus humo cœpit, & sequi: tardius
 imò dubitantiùsque; paullatim deinde for-
 usculè, sanguinis (ut ego suspicor) incre-
 scente vigore, nec dubitaverim, quin &
 probrationis meæ stimuli mentem illius
 genuam suburserint: ut *puderet, non facere*
andiozem ætate; quod videret, ab adolescen-
lo panè, tolerari. Tales inter conatus er-
 , comites dudum antegressos, & jam nec
 estolantes, nec opinantes, tandem assequi-
 r, irrequieto progressu; cœtùmque totum
 credibili gaudio PEDIOSA perfundit. Sed
 e præ cæteris exhilaravit, tacitè gestien-
 m; non modò, quòd utili duritiâ me per-
 cisse cernerem, quidquid volueram: ve-
 m eo quoque nomine, quòd extincti so-
 lis (si quis eum fortè casus abstulisset) in-
 diam effugissem. Certè quidem id saltem
 ecutus eram; ut amarum Amicitiae deser-
 convitium, ex animo meo penitus jam
 cederet: quod alioquin æternò tormen-
 , nullius licet veræ culpæ conscium, pectus
 acinâset. Nec mihi quidquam exprobra-

vit prudens *Pediosa* : sed , quod res erat , secum ponderatō repertōque ; *Sapientissimam* (ut ipse postea nominabat) *contumaciam meam* , laudibus est profecutus . Præter hæc autem , cum experimento didicisset ; *Ad omnia valere sui victorem animum* : superare se , deinceps etiam , perrexit ; & , vires illas , quas prius expresserat ab *Necessitate* , postmodum a *virtute mutuatus* , perduxit ad solidum . Nobiscum igitur coeptum decurrit iter , ad metam usque ; seipso quotidie valentior . Ut proinde videas ; *Nihil esse tam arduum* , ad quod *Humana mens se cogere nequeat* : & , *Animi magnitudine* , plerumque corporis quoque robur vigere .

VII. Sic , omni sociorum impleto numero , per littorales primùm crepidines progredi sumus orsi . Quo tempore , cum lassitudinem nostram consueto more fames gravaret : eodem ipso die percommodum in coehleas , temerè reptantes , incidimus ; mox & in cancos , recedente maris æstu destitutos . In hæc animalia , quanquam etiamnū crudæ , certatim irruimus ; immanē ventris aviditate , nec omissa coctio tam ignis inopiâ (quem è silice , nullo negotio , rapuissimus) quàm impatientiâ calentis stomachi , saturitatem festinantis . Perfuncti verò prandio tam incuriosô , solitis iterum molestiis nos accingimus ; alio quidem itineris flexu , ceterum successu nihilo clementiore . Cum enim appareret , nimio promotoriorū in pelagus procursu , viam in immensas ambages extensum iri placuit , repertō compendiō , longitudinis molestias redimere . Relictis igitur ad dexte-

nam locis maritimis, & æstuariorum uliginibus; deflectere sinistras in oras, & ad interiora continentis, instituimus. Eundem proinde necessarium fuit, per solitudines, Barbatis viciniore; perque devia sylvarum, & opaca saluum: quæ vix unquam solis radiò penetrantur. Erâtque vexationis hujus, quam pedes subire cogebantur, mira, ceterum parum deciosa, varietas: cum, alternante vicissitudine, nunc vallium nos profunda detraherent, nunc montium atque jugorum ardua suscenderent. Passim namque dorâ verticésque sylvestres sese progredientibus interponebant; non, ut aliis in regionibus, aperti viarum cominodis, & industriâ referati: sed tanè naturæ neglectui relictî. Sicut natum erat, primo rerum ortu; sic adhuc horrebat ælulum; sic asperû & hirtum stabat: hinc quidem in immensum surgentibus continuatissimæ clivis; illinc autem abruptissimis, & per omnia vertiginosis, descensibus. Itaque, quantum in annis moliminis suscipiebamus, ad præmia; tantumdem in Alpium altero latere armidinis capiebamus, ad inferiora penetrando. *Nec parum valebat ad molestiam intendendam, omnis propemodum consilii defectus.* enim nemine, nec duce, nec viarum aditus replicante; non callis, non trames; ac nec amictus quidem, aut ungulæ ferire vestigium, crebat errantibus. Primi nos, tanquam annibales quidam Americani, novas Peninas, aut Grajas Alpes, Cottiasve, rescindere compellebamur. Complures autem es ille tenuit transitus; quoad, declivi jam fluminò, Sol in signa mensum iniquiorum

transgredi festinavit. Tunc verò, pro regionum illarum cœlique moribus, aër immani frigore rigère; nubes inhorrescere; tempestates assiduæ ac prædensis imbris fluere; viæ passim invix, lutoque lubricæ, profici-scentibus inhabiles effici. Supererat his tantis incommodis uniusmodi tamen remedium; uti, conquisitis undecunque manuum fulcris, gradum quisque suum constabiliret; subsidio, quo posset, optimò. Sociorum ergo plerique, sicubi perrumpendum in ardua foret, districtis, quibus ad latera cingebantur, gladiolis pugionibûsque, nitebantur. his, in solum defixis, gradûs ac progressûs altitudinem allevare; nec minùs, si quando præcipitia decurrenda, pronos lapsus antevertere committigarève, studium erat. Quibus autem ensis aut verutum deerat; scorpionibus (quos cultris præacuerant) hanc providentiam supplebant. Huic sedulitati non parùm favit ipsa telluris illius indoles: quæ tam scopulos, quàm terrestres, ac sine lapide, montes, glebâ candidâ, calci simillimâ, con-vestierat. Argillæ porrò mollities tenacitâsque, nec ægrè cuspidum fixuras intromittebat; nec semel admissas temerè dimittebat. Hoc igitur maximè subsidio, quamvis inter iniquissimas brux nimborûmque vexationes, pleraque sylvarum evicta juga sunt: & ferò licèt, aliquando tamen, in loca ventum submissiora.

Diei cujusdam propinquâ jam vespërâ, ferè circa medium hyemis (qualis iis in locis esse consuevit, pluviis potius, quàm nivibus, fixa) tenui fluentem alveò rivum quandam attigi-

attigimus. Is secundum eam, quam ipsi nobis explicabamus, viam, placidò susurrò decurrebat. Hujus utramque ripam, densis arduisque stipatam arboribus, umbra protegebat; etiam alienissimo tempore gratiosa: propter foliorum æternum, latèque diffusum, virorem. In istius igitur profluentis crepidine, cum visum esset respirare; pariter confidemus omnes, ac varia fabulamur. BALBO-
*AM alius, &, siqui post eum, aquis hausti, comites abessent, sermone retractabat. alius viarum lubricum, scopulorum altitudinem, montium de-rupta precipitia, criminabatur. Thalassiam ali-qui, tot jam diebus quasitam: ceteri Panamam, & Hispalim, &, ut suam cujque patriam nativitas dedisset, eam inutili recordatione, laudibus in-ælum ferebant; non sine gemitu: quòd pro copiis certis, incertissimas opes trans mare quesitum essent, per tot evidentissima pericula. Quidam denique recrudescens intra stomachum famis, ty-annidem incusabant. Ad summam; ut quisque di-versim afficeretur, ita diversa proferebat in me-
 lium. Nec inopportunus, aut parum amœ-nus, ille locus videbatur quiescentium garru-
 itati: patentibus ad dexteram utcunque lit-
 toribus; &, cum promontorio, maris univer-
 sam latitudinem per obliquum explicanti-
 bus. Ad sinistram verò saltus ingens ac præ-
 densus expandebatur. Eramus in sermonum
 estu medio: cum, ecce, colloquium rumpit
 ac proturbat, asper quidam & quasi multa-
 rum faucium consensu suscitatus, clamor; an-
 grunnitus? Attonuit omnes nos inexpecta-
 tus ille tumultus. Quare, retrorsum flexis au-
 ribus simul atque cervicibus (etenim à tergo*

vox insonuerat) exanimatis similes, auscultamus; Quid novæ tragœdiæ? Dum autem per silentium & inscitiam stupemus; en, alterâ jam, majorêque vociferatione, saltus proximis inhorrescit: non sine fremitu respondentis echûs; nec absque novâ mentium nostrarum consternatione. Nam incerti pendebamus; Barbarôsne, corporum humanorum voratores; an verò belluas, esse crederemus? cùm neutrorû sonus ab alterutro multum abluderet. Diu stabamus, errantes hærentesque, quid tandem esset? &, alternantibus suspicionibus, in varias conjecturas scindebamus. Interim nemini nostrum, vel tantum curiositatis, vel tantum animi fuit; ut rem ipsam, per experimentum, interrogaremus. Solus unus, ex omni numero, quidam Hispanus solô patrêque, sed Maurâ matre satus; promptus callidusque gerendorum, nec timidus inexpertusve discriminum, non quievit: sed jam tum, ad primam exhibitionem, exarsit animò, consurrexitque. Mox, correptâ, quam secum è navi quondam extulerat, sarissâ; prorupit in sylvam intimam, unde tumultus insonuerat: &, ferox oris, audaciæque; *Tigridibus, inquit, aut ursis, bellum intentabo: nisi potius aprorum iste grunniat; aut anthropophagorum furor.* Quem nos, ultrò vadentem in media pericula, corlo suæque fiducia commendavimus; solliciti tantisper de negotii successu,

Sed haud ita multum intercesserat moræ: cùm ille, trementibus etiamnum nobis formidantibusque, supervenit: &, cùm randi clamoris causam pavidè rogaremus;

ipse

ipse latus, & alacer, manibus ac bipenni
 truentatis, oculos ante nostros conflat:
 prodigiosæ magnitudinis aprum humeris ge-
 stans. Erat quippe Miloniani roboris vir,
 Hispano. Maurus ille. Cæterum aper, quod
 formidabilior appareret, palpebris oculis-
 que mœstum fulminantibus, & dentium
 rictu minitabundò, recenti de cæde palpi-
 tabat.

Nos, è trepidatione non vulgari, laxissi-
 mum in gaudium effusi; gratamur *Herculi*
no. novo, novi Suis Erymanthii victoriam: jube-
 musque, cupientissimis omnes auribus, ro-
 tius prælii nobis ordinem expromere. Tum
 ille, projectâ nostros ante pedes, in medium
 belluâ, posteaquam etiam in editiore colle
 consedit; *Audite comites!* inquit. *Mopla-*
vos, aut grassatorem credebatis. En, venatorem
habetis! pro transfuga dimiseratis: & hem, mi-
item atque victorem recipitis. Si, præter hæc
am grandia, quiddam adhuc aliud à me vultis,
aut admittitis: audeo vobis insuper & ducem iti-
neris, aut certè fidum indicem, præstare. Nam,
nisi publicus rumor fallit; à portu, quem Divi
Francisci nuncupant, haud procul absumus. An-
liebam enim jam olim Panamá; vicinos illi por-
ti barbaros, qui maritimam orientalem accole-
rent, apris abundare. canebatque fama; saltus
horum & lucos, non plus caduæ in focos,
quàm ferinarû dapum in lances, subministrare.
Quod equidem hodie verum, ex usu factoque,
comperi. Dum enim suscitati grunnitûs semitam
locum persequor, cursu, furore, lanceâ; dum
tui primo primam quamq; belluam deovo-
erater expectationem, in gregem aprorum dex-

sum incurro, vicinis in arbutis pabulantium; ac pro pascuorum regno, juxta suum morem, praelia miscentium. Et ceteri quidem porcorum syluestrium, ad meum ac fulgentis lancea conspectum, externati; notos in recessus, cum rancore, refugerant. Vnus solus hic, quem videtis, vagrandus porcus, qui mihi visus est auctor & incentor fuisse belli, locò, quo stetit, restitit: fugæ turpitudinem etiam in indole brutâ detestabilem arbitratum. Quin ultrò se ferens obuiam, spumis & fremitu professus est hostem; ac provocavit. Cum autem ego, nihilò dejectior animo, gesum manu quaterem, & passu ferociore contra tenderem: ille, rabio densatâ, toto cœpit impetu ruere, tantùmque non ritu fulminis, in meâ pernicië effundi. Mihi, tanto rerum discrimine, locus, vires, solitudo, multâque praterca, lava se dare. ceterùm opportunitati duâ modò stirpes esse; quæ, truncò firmo crassòque, distabant inter sese tam exiguâ sitûs intercapedine: vix ut transitum, etiam macilento corpori, præberent: nisi, quâdam arte, tortis lateribus incessum obliquares. Post hæc igitur arbores confesto; relicta nihilominus mihi vibrandi librandique ferri libertate, simul autem & vulneri, siquâ se bestia propius inferret, tempus ac locum speculor. Inter hæc fremere bellua, multùmque ringi; dentes & iram colligere; ferox in pedes ac setas insurgere: fulgurare scintillantibus oculis; exundare rostro; nec aliud, quàm mœum interitum, meditari pariter ac premere. Sed fortior fuit genius meus, quàm apri fortuna. nam inveni tandem aditum, ac duelli compendium: & in temerè ruentis fera caput securim, altius elevatam, universis viribus adegi. Sic furentis cervicem, vulnere, quod videtis, unico, mediam diffidi:

collapsūque, cum plangore, stridentēque sanguinis fluxu, totum aprum ac plene, confeci. Nunc igitur cum vobis in cœnam (inquit) & comestationem unā mecum epulandum, appono quoniam omnes nos (sicut ego reor) jam pridem, esurimus.

Secundū hanc narrationem ac munificentiam, iterum bipenni belluam invadit; &, complures in partes dissectam, uno convivio simul ac semel donat absumentam. cū ad hoc, alii quidem sarmenta congererent; alii verò flammās, in vacuo saltus latere, Pontum versūs, suscitarent: quidam denique, verutis stipitibusque confixam aprugnam, igne torrerent. Neque tardiūs nos prædam aggredimur, quā ille mactaverat: utique posteaquam omne periculum, & feræ rabiem, jam flamma domuisset: & gulæ collecta cupiditas, omnis præteritæ famis solatium, in tam delicata dape, quæreretur & inveniret.

VIII. ADHUC in his epulis eramus, mutuāque gratulatione tam inexpectatæ saturitatis: cū subito, geminatâ lætitiâ, de loco littoris editiore, quem in cœnam occupaveramus, Navim illam (aut veriūs, ut ludere libet, ARGONOSTRAM) conspicimus. Eam, ex alto mox propinquius se ferentem, constitit; esse sine dubitatione nostram; aplustrium colore signisque; contabulationis & constrati formâ; nec non ordine numeroque remorum. Hæc, cū promontorii (quod nos insederamus) oram scrupulosâ pæne diligentia legeret; & nec palmulâ tenus ad ulteriora maris exerraret: visa tandem est, colligere paullatim vela; mox & demissis antennis,

nis, sub illius ipsius oræ recessibus, anchoras
 & noctem meditari. Nec aliter, ac nos suspi-
 cabamur, fecit: contractis supparis, & ad
 uncum religato rudente, stationem exorsa,
 Sustulimus nos voces pariter atque manus;
 & ab nostris vicissim agniti, salutamur, ac sa-
 lutem reddimus: fortasse non sine tacito
 naucleri stomacho, vel execrationibus; ut,
 quem vel inscium, certèque nolentem, casus
 solus aliquando votis nostris impegisset. Id
 utcumque demum haberet se; nos lintrem
 clarâ significatione flagitabamus. & illi,
 nullis jam ad dissimulandum relictis effu-
 giis, scapham expeditum ibant. Sed re-
 pentè *desideria, jam in portu stantia, mala for-
 tuna convellit*; quæ nos pertinaciter inse-
 stabatur, spemque totam nova calamitas de-
 merfit.

Ex portu namque, quem postea comper-
 tum fuit, Divi Francisci fuisse, digressus
 myoparo quidam hosticus; cùm Austris se-
 cundissimis propelleretur, actuariam no-
 stram, in Septentrionali littore quiescen-
 tem, remis cœpit, velisque passis insequi. Nec
 fallebat nos, eminus hæc omnia speculan-
 tes. Quare, clamore pariter sublatò, nostros,
 in quanto discrimine desiderent, docemus
 & hortamur; nihil dum eorum suspicantes.
 Et hi quidem principiò cunctabantur, *in-
 dolis humane stultitiâ; qua, quidquid fieri nol-
 let, fieri posse, tardè credit*. Quare nec voci-
 bus nostris aurem, nec hortamentis fidem
 tribuebant: donec, utriusque partis in ocu-
 lis, oneraria præterea grandis, ex eodem,
 quem retuli, portu solvit; sic manifesta, nul-
 lius

Itius ut conspectum fallere, propter machinæ molem, posset. Ea, celerrimis promotæ remorum velorumque conatibus, piraticæ navis vestigia, cursu nihil intermisso, pressit & institit. Apparebat, nullâ dissimulatione; prægressam esse prædatoriam illam primam; ad diripiendam actuariam Hispanam, & nempe, nostram illam: subsequi verò navim frumentariam, posterius digressam, ad spolia prædæque recondendam. Quæ mens piratarum, cum vel serò tandem nauclero nostro vectoribusque pernotuisset: tum enim verò, discusso languore, ruptæque morâ, revellunt anchoras; retinacula præcidunt; antennas & vela restitunt. mox, per transira confidentes, contentissimo brachiorum nisu, navim in altæ rursus maria rapiunt; & simul effugiunt. Ità, non nostram minùs, quàm hostium, expectationem eludunt. Neque tamen abstulit prædatoria Liburnica (quippe, cui propter levitatem, agilior & cursus esset, & circumactus) nostram fugitivam, assiduo remorum tractu, consectari; demùmque tantum non prorâ suâ puppim illius urgere. De successu verò, neque tunc, ob longinquitatem, neque postea, nisi perquam serò, constitit. De piratis autem, earumque gente, plenius, & jam tum, liquebat.

Eà namque tempestate, prædones Angli, majorum suorum Argonauticam æmulati, plerumque pelagus Americanum infestabant. Ii, Britannia digressi portubus, quæ vergit ad occidentem insula; posteaquam Cantabriæ littora, Callaicósque sinus, & oras Lusitanix,

circumassissent: postmodum in apertâ maris Atlantici provecti, suprà Tropicum usq; Cancri vela promovebant. quin & Æquatorem, mediò Bratiliam inter & Æthiopiam limite, secabant. Hinc, audacissimo flexu terram, quam vulgo dicimus *Australem Incognitam*, delibantes; meridiani maris angustias irumpebant: &, perstrictò latrociniiis *Frētò* quoque *Magellanicò*, Philippina Propugnacula, faucibus iis imposita, vel ridebant, vel eludebant, impunè præterlapsi. Deniq;, prosperimè penetratis illius Euripi flexib⁹, ex arcto tandem, in æquoris Zurii vastissimam libertatem proruperunt. Ibi, nota jam conductaque, sinuum maritimorum receptacula suggesti; totius Pelagi (quàm latè Zephyro Notòque perflatur, & Aquilone) tyrannidem ac possessionem affectabant. Et hinc quidem celocibus speculatoriis; aliunde verò paronibus & onerariis emissis, littus Americanum omne, sed præcipuè Peruanum, infensabant. Quin & in alto persequi dispoliarèque soliti, quidquid vecturæ conspexissent; naves tamen Hispanienses, præ cæteris omnibus, hostiliùs adfultabant. Non primus quidem, potissimus tamen recentis hujus audaciz vexillum extulit *Franciscus* quidam *Dracus* (a) Thalassarchus Anglicus. Is, consilii (non item constantiæ) sociis, Gulielmò VVinterò; quisque non ultrà, quàm Æquatorem attigit, Humfredo Gilberto, post natū Christum anno c15. 15. LXXIIX Britannia majore solvit: &, nondum exstructâ, quæ nunc Magellanicas custodit angustias, Arce; per illius freti periculosas ambages, evasit. Hinc autem

universo

universo percursô mari Pacificô; se celeberrimorum quorumvis Argonautarum numero vel inseruit, vel etiam æquavit; ad Quiviram usque, desinentis Americæ regnum, progressus. Ibi Tataraxum quoque regem (cujus aliàs meminimus) ac rusticana prætoria lustravit. Caterùm non multò post, frigoris favitiâ depulsus, in Britanniam suam, & Londinium refugit; clementioris cœli plagam. Illic Elisabethæ se reginæ, suamque navim, non nisi tribus ex omni numero vecto-ribus amissis, stitit: *equestribus donatus* insignibus, ob industriam; quâ *domitorem equorum Neptunum*, domuisset.

Ex ejusmodi proinde piraticarum censu, duæ, quas supra retulimus, naves, exemplô successionêque Draci, nostram insectabantur: veluti postea Limæ comperimus. Sed intentiùs in spoliū est incumbere visa dro- mas illa: quæ fugientibus nostris pertinaciter inhæsit. Eam, sine controversiâ, navis nostræ magister, non fugâ, post notatum periculum; sed præmaturâ declinatione, priusquam in arctum veniret, evitâset: siquid usquam universo cursu recursûque, de Britannis auditum esset; posteaquam è Panamæ navalibus solveramus.

I X. SED hæc quidem, in hunc modum, hætenus gesta sunt: & nimirum uno temporis eodémque puncto, res ac spes nostræ destructæ. Nos igitur, non jam navi tantum, sed in posterum omni planè navigationis expectatione dejecti, regredimur ad tristitiæ consuetæ seriem. Neque dubitabamus; actua-riam nostram, utpote debilem, ac strenuo re-

Etore destitutam, imparem futuram Anglo-
 rum exercitatissimo myoparoni : qui, *si ni-*
hil aliud esset in audaci pertinacia, classiariis
 saltem, bellicisque prædiis, instructissimus
 navigaret : *magnasque, tam procul à domo,*
spes & animos portaret. Illa navis victrice ; quid
 tum nostris, quid Hispanicâ gloriâ, futurum ?
quem prædonum spiritum ac triumphum, tot sue-
cessibus tumentium ? Vrebat ergo nos, ac me præ
 ceteris, non tam jactura supellectilis, in actua-
 ria relictæ (quanquam esset ea non parùm
 luculenta) quàm Orthodoxi décoris dispen-
 dium ; inter indignissima sectariorum latro-
 cinia. Plurimum quoque conferebat ad mœ-
 roris incrementum, nostrorum, si caperen-
 tur à piratis, aut trucidarentur, luctuosus
 interitus : cum plerique tamen eorum es-
 sent innoxii. Nam magistri quidem navis,
 ac remigum ejus, crudos perfidosque mo-
 res, intelligebam, omni malo dignos, &
 exempla novissima promeritos. Deplorabam
 nihilominus eorum, utcunq; detestabilium,
 infelicissimam sortem ; cum non sine causâ
 timerem ab eis, aut certissimam à religione
 defectionem (in vita tam corruptâ) vel alio-
 quin contaminatos mores : &, ab eorum im-
 pietate, penès externos infamiam. Ad extre-
 mum verò, *scdum eis exitum, qui plerumq; sco-*
lestos assequitur, & cæli jacturam, metuebam.
 Quæ cum ob oculos semper versarentur :
 misericordis cujusdam sensûs teneritudine,
 non gemitus, non suspiria ; subinde verò ne-
 que lacrymas, tenebam. Sensim tamen, in
 his lamentis, aliquantillô solatii videbar as-
 spergi ; quod erat ejusmodi, Si victoriam
 omni-

omnino Britannis fata destinâssent; nos inter hæc, mirificâ Numinis clementiâ, qualicumque securitati fuisse sepositos: ut, *quos extra navim periculûmque maturè, Providentia potius oculus, quàm naucleri malitia, constituisset.* Gratulabar igitur, & in sinu gaudebam; nos (quotidianis licèt ærumnis exercitatos) tamen hæreticæ captivitatis antevertisse necessitatem, & opprobria. Latabar, periculosisioribus conscientie naufragiis exemptos, in sinceræ Religionis posse libertate vitam exigere. Quæ cum mecum, silentiô non incuriosô, perpenderem, & examinarem ad solidum; non poteram, quin, medios inter luctus, pro levamine versarem ac reversarem illud magni viri celeberrimum paradoxum; *PERIERAMUS, scis, NISI PERISSEMUS.*

X. SED inter hæc, comitum alii, parùm jam de Navis eventu solliciti, spes novas à sua Thalassia, totiesque repetitâ crambe, lacescebant; at profectò non minùs etiam tunc, quàm semper antehac, fallaces & irritas. Ponerátque meritò (vel serò tandem) alienatæ mentis suspicionē incurrere, quisquis Oppidulum illud comentitium, aut sibi polliceretur, aut aliis prædicaret. Cum enim littoris oram quandam certam designâssent gubernator Navis; à qua leucis Hîspanicis non amplius tricenis senis, abesse Thalassiam asseverâssent: nos, stolidè creduli, regionis illius universâ situm non tam obieramus, quàm velut hippodromo quodâ circumtriveramus: & in uno quodâ amfractu, diem jam plusquàm vicissimum, oberrabamus: *eâdem* (quod vulgò dicunt) *in chorda circuloꝝ: semper in semet redeunte.*

Quare

Quare spe sub extremum ad incitas redactâ, jam non modò nauclero nemo, sed nec ipsi sibi, de Thalassia, credere debebat : cùm præsertim nec simulacrum usquam mœnium, ac nec umbram, quisquam aspiceret. Labebatur interim annus, vires, vita : cùm Sociorum aliam partem annes haurirent ; aliam æterna fames premeret : ac perfrequenter etiam sitis, inhabilibus jam pridem ad potandum undis. Dulcibus enim absumptis, aliæ non suppetebant : nisi, quas maritimi Sinus propinabant, aut æstuaria : pestem utique magis, quàm aquas : utpote malè gratâ noxiâque salsugine vitiatas. Accedebat his malis, corporum ultima fatigatio, mentiûmque tædium : quæ duo non paucos prostraverant, ad profectionis residuum jam depositos, & , si duraret in longum labor, conclamatos. Quidam & pro funeratis ac sepulcristis, à tergo, sine teste, sinèque siticine, relinquiebantur. Etenim : ut quisque supremè se, planèque mortaliter, habere, testaretur verbo, vel ipso languore loqueretur : in eum, de communi consilio, Sacerdos immittebatur, Romani ritûs ac Sacrorum (nam & Sacerdotem nobiscum, totius itineris comitem ac solatium, trahebamus.) Hic, auditis vitæ delictis, extremis (quoad liceret) sacris expiatum, & communitum ; de reliquo, Superiorum ac suimetipsius curæ commendabat : Îmortalitati transmittendum. At moribundus quisque, vel arboris proximæ trunco reclinis : vel, propter progressûs impotentiam, rupi cuilibet applicitus : lentè fugitivam, inter suspiria, trahebat animam :
donec

donec exhalaret. Sic is ad plures (ac scilicet suorum facinorum forum & tribunal) ibat : nos autem, eo relicto, viâ, quâ cœperamus; ne, trahendo moras opis incertæ, nec illius vitam proferremus : & iter nostrum, funeribus assidendo, per stultitiam hebetaremus.

Hunc in modum, imminuto variis casibus nostrorum numero, non perinde res adversa breviabantur. Potius, acriore siderum indignatione, produci sunt visæ: cum locorum multiplex asperitas progressum inter-scinderet. Aliàs enim, amnium stagnante vadô, palustria carecta gradum aut mergebant, aut distinebant; interdum æquoris restagnationes, cogeant ad sicciora per ambages deflectere, quod ipsum tamen sine salebris, & pari ferè locorum iniquitate, non fiebat; ac, præter hæc, citato sæpe cursu, non tam peragendum iter, quàm vorandum erat; quòd metus esset, ne cunctantiùs incedentes, æstus Ponti, Lunâ concitatus, intercluderet: aut (quod funestius futurum erat) necessario sopori vacantes, eluvione superobrueret. Tempestatis quoque, cœlique mirabilis inæqualitas, cum terrarum squalore certabat: intolerando nunc quidem frigore (quanquam citra nives) sæviente; nunc autem ardentiori Sole littorum arenas incendente, quo ritu ferè, plagis in Europæis, Februario mensè, diebus aliquot sub meridiem calor fervet; manè verò, propinquoque noctis, rigor aëris, & Aquilonum horror, recrudescunt.

XI. VENTUM, hæc inter, multâ viarum
remo-

remorâ , quendam in continentis tractum , Libycis vastitatibus , & Ammonii Iovis solitudinibus , æmulum. Iacebant enim pariter , & assurgebant , arenosa tesqua ; nunc quidem per planum , destitutis abcedente freto glareis : aliàs , montibus in immensum editis ; quos itinere toto , vento cumulus pulvis , conglomeraverat. Plusquã undeviginti miliarium spatium , hic talis regionum habitus occupaverat ; viatorum pedibus (interdiu cumprimis , & æstuante meridie) multum infensus. Etenim , præterquam quòd lustrantes cum soli lubrico plantas , torridum æstu sabulum exurebat ; etiam oculos , assiduo candore præstrictos , Sol percussus occæbat. & hoc circà diei ferè medium , ac pomeridianis fervoribus , eveniebat. Accedente verò vesperarum & noctium frigore ; pro calore gelu succedebat ; non ablato , sed duntaxat commutato , malorum sensu. Magnum insuper , ad molestiæ scrupulum , addebat austarium , illius arenæ peculiaris asperitas ; à cæteris ejuscemodi sabulosis sitibus plurimum abludens. ea namque coticulis passim acutissimis , ac lapillorum tessellis , novacularum aciem imitantibus , intersternebatur : quarum (barbarâ sanè) subtilitate plantæ pedum nostrorum proscissæ , continenti sanguine rorabant ; atque campum , per se cæteroquin nitidum , cruore foedo commaculabant.

Cæterum , post labores immensos , evictis his littorum Syrtibus ; cùm , *expectatione meliorum* , suam quisque *patientiam falleremus* : in viz mala , longè deteriora , tandem induimur.

mur. Stabant innumerabiles, inter ipsa maris æstuaria, scopuli; sic, ut dextrâ quidem Oceanus, sinistrâ verò montes insurgerent Alpésque: propter immanem altitudinem prorsus impervia. Solum igitur, & unicum restabat iter, per cautes quasdam, in medio constitutas. Sed hæc quidem & ipsa multum ardua, disrupta, concisaque: sic, ut naturæ quendam lusum crederes; nisi feræ tragicaque molestia tandem enascerentur. apparebátque, grandem quampiam, & unam, infinitæ latitudinis rupem, in quàm plurimas scissam columnas abire; rudes & infectas, ac spatiis inter se perquam inæqualibus disjunctas. Præbebant istæ, (procùl intuentibus) speciem quandam editissimarum turrium; aut, cujusmodi Cairus Ægyptia pyramidas atque cippos erigit, latissimo campo surgentes: immò qualis, Penæum ad amnem, in Thessalicis Tempe, dextram quidem ad oram Olympus mons, & Iovis Ara; sinistrâ verò, supra Boëbeidem paludem; Ossa mons alter porrigitur: innumerabilibus concisus scopulis, & tanquam naturæ ferrâ fissus; quorum iuga verticésque, disparibus intervallis inter se dissident. Tales erant, nec aliæ, cautes illæ; per quas solas tunc via: cæteris circumquaque marî (sicut dixi) vel Alpium naturâ, clausis. Accedebat ad hanc difficultatem; quòd saxorum ea, de quibus memoravimus, spatia, nihil ad terrestrem profectiorem sic ei tramitis, nihil nudi vestigii, reliquum fecerant; quippe maris interfusi stagno, vel interluctis sinibus excursu, totas voragines infe-

rins


rius occupante. Vel nusquā ergo, vel per eacumina scopulorum, iter suscipiendum erat. Verū & hinc rursus, ex horrore præcipientiorum, crescebat asperitas: cū, nisi per transitus, &, *sape destinata fallentem, audaciam*, superari capita rupium nequirent. Compluribus autem nostrorum hominum vertigo cerebri (tam periculoso suspensioque transitu) tenebras offundebat: & vel *solus cadendi timor, certa ruina; formidoque* tam atrox, mors ante mortem, erat.

Sed, quid in hoc tanto rerum articulo, tentes? omittas? quid prius aut posterius capeffas? Perrecturos, ex omni parte, pelagus & saxa, conclusos tenebant: retrogressuros autem, formidabilior descensus, & pronior lapsus, excepturus erat. Conclamatur igitur, omnium concordi sententiā; *Pervadendum, in utramque fortunam! &, Quod bene felicitérque verteret, incertis salibus certissimum interitum declinandum!*

Itā laboris ac periculi factum initium, fortunatum plerisque nostrum, quoad dies fuit ac lux; quæ scopulorum intervalla nitore distingueret. Verū haud multò post, vespéra nebulosa, collectæque nubes, omnia proturbârunt; in copiosum & continuum effusa nimbū. Horrorem hunc geminavit fœda nōx, tenebris procellæque terribilis; ac, super hæc omnia, Ponti stagnantis repentinus affluxus. Iamque circumquaque nos frigus, tremor, pluvix, ventorum assultus, & lapsum assiduus metus, constrictos tenebant: in tam densa præsertim caligine, pelagique fremitu; tam eminens, quàm ex propin-

pinquo, reboantis. His tamen omnibus incommodis, cæterorum comitum Fortuna superior fuit. me solum, ex omni numero, fors deterior, ad insectationem sibi solemnem, seposuit: tanquam *victimam*, ut reor, *albam*, ac suis jam pridem notis designatam. Id in hunc, quem describam, modum, evenit.

Nox erat adulta; nullumque jam, extinctis sideribus, tuti periculosique discrimen. Erant autem etiam tum scopuli non pauci, neque prioribus mitiores, superandi. Dum itaque, sociis antegressis, postremus ego, rupem, nescio quam, ex illa, quam tunc insitebam, petrâ, cautè prævestigo; dum eam gladioli cuspide per obscurum prætento, distantis intercapedinem exploraturus: generosè tandem (an verò temerario potius impetu?) saltus audaciam concipio; nondum ad solidum examinato (quis enim in tenebris possit?) discrimine. Sed fallente, per saliginis infidum, metâ, deceptoque salientis passu; præcept in horrendam, ac scopulis circumquaque clausam voraginem, devolvor.



ARGO-

ARGONAUTICON

AMERICANORUM,

SIVE

PERICULORUM PETRI

DE VICTORIA,

LIBER VI.

CAPITVM BREVIARIVM.

I. V. *Voraginis & periculi, in quod deciderat, hypotyposin Victoria proponit. Com. pag. 53. fin.*

II. *Apprehenso scopuli ramo, Petrus vitam inter & necem pendet; formidine frigoribusque, propter vestium penuriam, circumfessus. Interim, relabente mari aestu, voraginis unda incrementis, Petro propiores fiunt. Comment. pag. 54. & 55.*

III. *Ergo sortem ille suam miserrimam, inter mille timores ac discrimina, deplorat: suis eam peccatis acceptam ferens.*

IV. *Matutino crepusculo in rupis verticem evadit, quieturus aliquantisper. Sed excludunt somnum, vulnorum multitudo, & acrimonia; quam insuper aestuarii salus liquor incendit. Comment. pag. 54. fin.*

V. *De Scopulo Victoria descendit: tardeque repertis comitibus, casum suum nocturnum suspentibus exponit. Comment. pag. 56.*

VI. *Progredientibus, post incommoda alia, campus offertur sabulosus & per eum decurrens, pluvialis torrens. passerum frequentia celebris. Dum pyram adversus gelu adornant; sub arente materia ovorum pullorumque, copiam reperiant. Comment. pag. 57.*

VII. *Victoria & Sociorum, ex inventis prater spem obsoniis, insolens latitia, atque coena. Comment. pag. 58.*

VIII. *De*

VIII. De nocte castra movent: & post complurium horarum continuatum iter, exigua ca-
pta quiete, in montem arduum labore magno eni-
suntur. Cateri sparsim se prosternunt: Victoria,
noctis nimbose metu, altiora securioraque latibun-
da meditatur. Comment. pag. 58. & 59.

IX. Companerosa, Sodalis & cognati sui, egre-
giam indolem ac mores Petrus describit. Cum eo,
in Alpium celsissimum verticem ensus; tectus
nocturnum sub frondibus accipit, admirabili na-
ture providentia prae paratus. Ibi somnum ipse or-
ditur. Comment. pag. 59.

X. Companerosa, etiam ipse ad quiescendum
compositus, morbo repentino gravis, obruitur: cu-
ius tardam tamen fidem, apud excitatum & sta-
machantem Victoriam invenit. Eum, vix tan-
dem, ad accersendum Sacerdotem, permovet. Com-
ment. pag. 59. fin. & pag. 60.

XI. Petrus, ad vestigandum in tenebris Sacer-
dotem, excurrit. Eum, agre reperiunt, adducit. In
decumbentem Companerosam solatur: & posthac,
universae prioris vitae noxas explicantem, officiose
audiat: Victoria, inter hac, alibi somnum resu-
munt. Comment. pag. 61.

XII. Exomologesi Sacra peracta; Victoria ad
Companerosam, jam solum, solus revertitur. Ille
petrum complexu & oratione meditata diffu-
sique aggreditur (nam à Comentaroli fide,
auctorisque primo stylo Hispanico, recedi-
t, nec in hoc, nec in X. capite, praecedente, con-
sultū vitium est: ubi sermo rhetoricus, & supra
horibundi consuetudinem prolixus, aliquot
nplet paginas) In eo suum contestatur amorē:
prema mandata dat, pro se, & ad suos. Petit ab
ut ad vicinā mortis luctam se juvet, & confir-
et. Com. pag. 61. fin. pag. 62. 63. 64. 65. & 66.

XIII. *Victoria petenti morens gerit moribundumque, ad supremum usque vite punctum animat: proposita maxime Divina misericordia fiducia, De paræq; potentissimo Patrocinio. Symbolo Apostolico hu pronuntiatio; Companerosa exspirat. Comment. pag. 66. & 67.*

XIV. *Petri, extincto Companerosa, multiplex mæror, formidines, perplexitas. Eiusdem in somnum ipsa mæstitia relabi cupientis, monstrum cervical. Comment. pag. 67 & 68.*

XV. *Recurfantibus, cum insomnia, sollicitudinibus & angoribus, locum Victoria mutat. De Insomnia causis. Companerosa tandem sepulchram, & omne supremum officium, pro virili sua, præstat. Comment. pag. 68. & 69 princip.*



ROMINENTES passim è scopulis cuspides atque gastræ, me delabentem, undequaque perstrinxerant. Corpus igitur, vulneribus hinc indè proscissum, undis fuorelabentibus infero; quibus miser, non immergor solum; sed, coeuntibus supra caput fluctibus, intumulo. Quid tunc mentis mihi, quid sensus fuerit; nemo tragædus exsequatur Vincit calamitas sermonem, miseriæ gravitas calamum, recordatio narratioque fidem: utique, cum me traherent in profundum undæ, cum raperent in gyrum suum vortices; cum me corporis ipsa moles nunc deprimeret, nunc allideret; cum modò spes & conatus allevarent, mox imbecillitas & desperatio subruerent; cum me circumfremerent aquis pulsatæ rupes; cum nox exterreret, atque tenebrarum horribile chaos;

chaos; cū super hæc omnia, natandi rudem, (& in medio tamen gurgite fluctuantem) mors manifesta circumstiteret. lætabam nihilominus brachia, quantumvis indocta; *proque tutela vitæ, cujus tenacissimum esse desiderium solet*, vires omnes & copias ad vocabam. Cūque luctarer cum insaniētis ætuarii fluxibus ac refluxibus; quantum aquarum, nisu pedum manuumque, repellebam: tantundem propemodum hiatus faucium invitus sorbebam. Tali modo, cœlum inter & Tartarum, inter sacra saxūque, vororum & desperationis medius, pendebam: nec spes erat ulla socialis auxilii. nam è tanto barathro succlamantem, quis (quæso) fluctibus obstrepentibus, exaudiret? aut, quis tiam, post multos clamores, exaudito, suppetias latum iret?

II. Plurimo nihilominus *labore*, quo pleaque *pretiosa comparantur*, denique Salus consistit. Omni namque membrorum consensu, natando, scandendo, reptandoque; vix erò tandem in petrarum quendam velut ratum prominentem, sum eluctatus. Illic cæcambis, semianimis, & vix animæ reciproandæ validus; præter hæc autem novorum discriminum pavidus, memet defixi. Sed tuoniam principio, quietis aut commodæ rationis spatium, negaverat arctitudo loci; ex saxo pendere compulsus sum: dispassis in saxum brachiis, & universo corpore scopum illum amplexatus. Hujc ego quàm arctissimè connexus; & jam non digitis tantum pectinatim complicitis, sed etiam genibus ac tibiis strictim appressis; exspectabam,

quid in posterum circa me fata disponderent? Iste totius ferè noctis status ac situs fuit. Quo tempore (cæteroquin per se satis omnium formidinum feraci) non uniusmodi trepidatione, nec simplici lamento, præcordia concussi; vultu frigidis interim saxi applicito: tergo verò turpiter, adversus insectantem me casum, obverso. Verùm initio quidem, tacitis questibus, & intus tantum sonorus; silenti tibiâ mihi funus meum ducebam: non ausus, præ pavoris vi, ne pedem quidem, ac neque labia, morare: nedum altis plorâtibz indulgere. Verebar enim, nequam, ex Fortunæ choro, Sortem iniquam, immemorem hucusque mei, vocali nimis luctu suscitare: & in caput meum etiam ipsam provocarem, ad novam infligendam calamitatem. Contentus itaque, silenti formidine palpitare, desiebam, propemodum muliebriter (confitendum est enim) noctis horrorem, propinqui maris fragorem, fluctuum allisorum mugitum, ventorum inter confraga luctantem tumultum, miseræ stationis infidam possessionem, & sexcentorum agmina malorum. Sed præcipuo tunc erat sensui brumofus aër; asperrimo frigore, penetrabilisque statu, sævus, utpote nocturno tunc gelû. Cujus contra rigorem, jam neque patientiâ quidem satis armatus eram, velut antehac, nam ad indumenta corporis cætera quod attinet: profectò plusquam seminudus agebam: intimâ duntaxat tuniculâ, tibialibusque, præter femoralia, contactus. Femoraliū porrò materies erat, tela carbasina tenuissima; verecundiæ potius, quàm muni-

mento

mento medii corporis, excogitata. Quamquam enim, adversi matris & auræ peregrinæ providus, vestibis quoque laneis corpus involveram; idque jam tum ab exordio navigationis Americanæ: tamen id genus tegumentorum assidui per eos dies imbres adeo madefecerant; ut, hyeme præsertim nocturnâ, densè congelascerent. Quare, ne somnos meos in media glacie (velut miles cataphractus in ferreo thorace) capere compelleret; pridiano vespere, quidquid laneum gestaveram, membris detractum, ex quadam arборе suspenderam: si fortè tantisper aurâ quapiam clementiøre desiccarentur. Idem ipsum autem comites quoque mei fecerant; præter unicum mystam nostrum, cujus supra mentionem intuli. nam hic, futurorum omnium callidus, Sagum suum gossypinum, prudenti constantiâ, sibi retinendum duxerat.

Sic igitur nudatus, frigore plusquam Hyperboreo moriebar; ob stolidum subsidiorum rejectum, quæ sola tunc protegere potuissent. Ibi casus adversos, & tempestatis iniquitatem incusabam; qui peccatum potius & incuriam meam debueram. Sed incusabam planè sine successu: *quiritabâque* (quod vulgò dicunt) APUD NOVERCAM; id est, Fortunam. Hæc etenim, nullâ, ne minimâ quidem, mei misericordiâ; non modò de duritiâ suâ remittebat nihil: sed etiam asperius semper insurgebat. Iam enim, incrudescente maris æstu, tumidiùs undæ se tollere; jam gurgites, Lunâ concitati, volvere sursum pupas, ac sarmenta trahere; jam primò

pedes atque talos tingere, mox suras ac genua vincere: tum exsuperare femora, paulatimque lumbos circumluere; nec dubium esse mihi, quin illicò, caput quoque vitamque meam petiturus, veniret Oceanus: & idcirco prævium hunc maris æstum, in me velut percussorem, immitteret.

III. Tum enim verò, circumfidentibus undequaque me Diris; non ulterius in potestate, non in silentio, gemitum habui: sed, elidente vocem doloris sensu, prorupi clarissimos in ploratus, & Hoc nimirum, inquam, hoc restiterat unum, miserrime VICTORIA; post peragratum terrarum ac maris ambitum, ubi perire millies poteras: ut inter ignotissima solitudinis scopulos, inter turpissima Ponti spuma, pelagique se purgantis foricas, ingenuum spiritum profunderes? Et hoc (prò malum) nullo teste, nullo testamento, nullo propinquorum oculos occudente, nullo pereuntis suprema mandata, vel voluntates, excepturo? Morieris ergo? quòdque malè preparatis amarissimum esse soles, morieris. Interitu tam properante, spatiumque vivendi tam accisò? Pròh legem ultimæ necessitatis ferream! pròh fatorum inexorabilem decursum! Ecce, jam ultimum pendentis animæ filum hora suprema succidet! Ecce, jam confestim aut hæc petra, cui coherco, fluctibus subesa dissultabit; millèque fragmentorum ruinis, avulsum me superobruet: aut, occultâ vi citatus, æstuarii gurges, caput infusum toto mari sepeliet; aut certè, si elementiore fluxu stagnum constiterit, nec presentis alvei mensuram egredietur; tamen delassatum me, jamque fessâ brachia dudentem, proximò quoque maris recursu secum abripiet: abruptum-

quàmque devehet in ultimas Oceani furentis oras.
 Tunc illic (si forsitan adhuc spiravero) confestim
 aut unda vincet, involutum aliquâ Charybdî,
 vel Syrte (sicut multos) aut maritima certè mon-
 stra, cetèque vasta, deglutient: aut tandem (si
 vel invitius prorogare spiritum, in aliquo deserto-
 rum littorum compellar) incursabunt in me sex-
 centorum spectra manium; è tot insepultis nau-
 fragiis oberrantium: infestabunt damnata bar-
 arorum umbra, velut ad littus Arabici Sinûs,
 Cimmerii maris oram assolent. Hi me scele-
 rati lemures (jam ante semianimem & pracon-
 sumptum) mille terroribus, etiam sine vulnere,
 mactabunt. Heu me! quis hujus tam acerba for-
 tis necessitudinem? quis tot malorum sarcinas,
 tot mortes, humeris meû, prorsus imparibus, inje-
 cit? Nempe, quod millies conqueror, & nun-
 quam tamen adhuc emendo: nempe, Peregri-
 nitatis puerile desiderium, oculorum damnable
 curiositas, patrii soli vilis charitas, clausa mater-
 nis obtestationibus aures, contemptus supplex a-
 munculus, desertus nuper in solitudine Pediosa,
 excentâq; cetera vita solutioris errata quorum
 hunc omnium, seras quidem, at meritissimas & in-
 extricabiles pœnas expendo, reus VICTORIA.

I V. T A L E S inter querelas, paullatim un-
 de stagnum suum, & Nox tenebras, finie-
 ant. jamque sensim & Aurora nitorem, &
 luculi propinquitas aliquam salutis aperi-
 e fiducia, cœperunt. Ego, quantulamcunq;
 repusculi lucem, velut opportunissimum be-
 neficium, non gratis amissurus; manu quidē
 revâ, rupem (sicut eam comprehenderam)
 petineo: dextrâ verò, superiora petræ digitis
 extento; sollertissimèque saxi conditionem

exploro. Reperio tandem scopuli caput, non modo sessionis capax; sed, si cui libuisset, etiam incubitûs atque strati: sic exporrectâ faxi per planum mensurâ quæ grabati quoddam simulacrum exprimeret. Quo comperitô; minûs jam minûsque casuum pavidus, componi per silentium ad quietem instituo: tumque primum, valere iussis complorationibus, nihil utique correcturis, totam caute[m] inscendo. deinde (si fortè fortunâ succederet) somnum molior; ac mox ordior. Et erat dormituro locus non planè tetricus; ut in hoc rerum stau, corporisq[ue] fatigatione. Sed scilicet; nec tum quidem ullam indulgente cessationem adversâ sorte, vel (nescio quo) nigro fidere: post minimum soporis gustum, strato miser excutior. Abrampebat nempe quietem, doloris immodicus sensus; quem corporis, in latera reclinati, pondus exasperârat. Cujus ego dum causas & origines, ad plenior[em] lucem, exploro: video femoris dextri, cui superincubueram, tractum omnem, decem immanibus plagis confauciatum; vulnerumque pleraque palmari, non minûs, longitudine spatiosa. Plagas eas, nocturno casu per prærupta scopuli collectas, primus (ut fit) doloris ardor obstupefecerat; & tanquam in sensûs quandam obliuionem adduxerat: utpote sanguinis, recentis adhuc, præcalido bullienteq[ue] fluxu. quare sensum tantisper sopor aliquis, & velat dissimulatio, primum mali furorem repressit. At, postea quàm, superinductô gelu, cruoris æstus ille confedit; durante nihilominus & fluitante vuln[er]um hiatu; tum enim verò do-

tor atrocius favire, totaque vi coepit instaurari. Sensus acrimoniam inflammavit insuper maris aestus; qui, receptis licet, multumque de minutis fluxibus; tamen undæ salissimæ reliquias, in tot plagarum fissuris & rimis destituerat, sævâ salsugine mordaces, nam, venarum & fibrarum intima pervadentes, exsugebant pedem implacabili lanienâ. Non erat tamen hoc ipsum *insalubre planè malum; nec vexatio prorsus sine fruge.* nam ex feruida falsi liquoris penetratione; sanguini, post longum dolorem, tandem stupor, vulneribusque coitus, provenire: nec multos post dies, universo corpori sanitas. Ut ad eò videas (mirificò numinis consilio) *Nihil esse tam expertu malum; quod non olim aliquo boni fructu committigetur.*

V. ORTO, clariùs aliquantò die; postquam & maris abscessu retegì siccum, & aperiri viarum libertas est coepta: de rupe pedetentim ad planiora me demitto. Paullisper deinde, deficientibus scopulis, rupiùmque connexibus: ecqua tandem circà me loca sint, dispicio: cœtus simul humanos, ac Sociorum turbam indago.

Sed nusquam mortalia confortia; nusquâ socialis globus; ac ne vestigiū quidem humani pedis. Solitaria cuncta, mœstissimique silentii squalore muta. Siqua fides est igitur miseris, & omni subsidio mortali destitutis, inter inhumanos locos; intremui non mitius, quàm inter ipsas præteritæ noctis tragedias. Imò, tanquam fulminatus & cœtus, horridius emarcui; Tandemque, Tandem (exclamavi) *totum me, funesta calamitas, & ad*

Tartari fundum usque, demersisti! Toto malorum Oceano me perfudisti; ne tabulâ quidem, ad enatandum, naufrago VICTORIAE relicta!

Neque diu tamen ploratibus indulsi; sed, urgente deteriorum formidine (*qua plerumque succedere malis primis assolent*) in pedes me conieci: concitòque prorsum cursu, volitavi veriùs, quàm properavi; nullâ femoris afflictî curâ: PEDIOSAM interim, & quidquid nominum cognominumque veniret in buccam, inclamitans. Neque despexere clementia sidera lacrymas meas, quæ PEDIOSAM mihi, sociòsque, paullò pòst reddiderunt; nondum (ô factorum in me lusum!) ultra spatium, quod æquaret sagittæ jactum, antegressos. Horum infusus amplexibus, (*latantium plurimùm, & invicem me lætitiâ respergentium*) dupliciter oblector: & quòd humanis aliquando vultibus, &, quòd tam inexpectatis, incurrissem. Mox & alloquium exorsus; *Vos verò, quid?* (inquam) *aut, ubinam præteritum noctu egistis? nam me quidem fallax & sinister transsultus, intrâ mortem & vitam jecit; cum paludibus, ut reor, inferis luctantem.* Cœpi deinde compendiò totam eis cladem meâ adumbrare. Sed posteaquam (*ut DULCIS est omnis, aliena præsertim, calamitatis historia*) rogare sunt orsi; ne tantùm adumbrare, verùm penitùs depingere, vivis coloribus, casum meum, aude-rem: indidem & ego sum aggressus totam, ab alto, ruinæ meæ narrationem. Notavique; stupere plurimùm, & horrore comas arzigere, quotquot ab ore pendebant meo. pen-
debant

debant autem ad unum omnes; & ii præ cæteris, quibus absentis VICTORIAE desiderium atque cura, ne quidem per quietem (ut dicebant) decesserat. *Tametsi; Quantulum quietus hoc ipsum fuit?* (inquit PEDIOSA) quam etiam nos, continuis nimbis, gelû, tempestate, terroribus exagitati, transgimus; pendente semper inter formidines animâ? Tamen in-terim unô gradu minor nostra fuit quàm tua mi PETRE, calamitas: quod nos adversus diracuum agmine pugnavimus; tu viritum, & duellô, congressus es.

VI. IN hunc itaque modum, omni recollectô cœtu; moras cunctas abrumpimus: & colloquentes simul pergentesque, littorum mitiora persequimur: id unicum alter alterum hortati; *Nequis nostrum deinceps Thalassia meminisset: ceterum alia potius omnia speraremus. Thalassia recordationem ac mentionem ex animis, oblivione sempiterna, tanquam hæresin, exsculperemus.* Quod cum inter omnes pariter convenisset; & jam nemo non Thalassiam exsecraretur, tot errorum nobis causam: reliquis omnibus difficultatibus, spererat, nos pares futuros. Igitur, inter aspera quamvis & enormia viarum; duravit tamen incedentium labor: qui, cum primâ luce cœptus, ante cadentem diem finitus non est. Interim, præter incredibilem fatigue, nimborum quoque molestia, famésque graviter viatores cruciabat; sed intolerabilius multò sitis, incedendi contentione (sicuti fit) incensa. Vetustissimum hoc incommodorum nostrorum, ac jam toties memoratum, id est, aquarum dulcium penuria, non senescebat;

sed toties pane, quoties meridies & profectio, novabatur. Verum tunc quidem, quò tardius inexpectatiùsque; tantò gratius & cumulatiùs est remedium, divino munere, repertum.

Ecce namque, luce jam inclinată, planitiem ingredimur spatiosam, & longè latèque sese porrigentem; cæterum graminis, & cunctorum gignentium undequaque nudam; ac sterili tantum sabulo nitentem. Campum universum non filices, nò ulla lapidum pondera; sed arenæ tenuissimus pulvis, instraverat. Super glaream porro, lignorum arenarium, & assularum, ingens copia temerè jacebat. Quisquilix purgamentaque torrentis hæc erant: qui, sinistrâ solitudinis illius extremitate, devolutus celsis è rupibus; impetu rapaci secum devehit, quidquid circumcirca sylvarum virgultorumque corripuit; nec arboribus quidem, & grandioris trunci stirpibus impunè prætermisissis. nam & has, subest radicibus, in comunem ruinam trahit. Quoties autè, solitas egressus ripas, per arenosum illud, quod descripsimus, æquor restagnat: simul sese receperit, id genus retrimenta, glareis hærentia, relinquit. Ea postmodum Sol nactus meridianus; potenti radio, durabilique siccitate, torret: & in incendia præparat.

Hanc nihilominus, tam incultam locorum faciem; observavimus, etiam Avium nonnullarum patriam esse, certève coloniam. Namque passim super farmenta tignaque dispersa, passerum exercitus, naturali voluptate, confederant: & siquando pedum nostrorum strepitu, vocumque sibilis, inquietarentur; aërem

ærem omnem agminibus implebant, nunc
 citimam, nunc ulteriorem torrentis ripam,
 oberrantes. Siquid igitur etiam hoc ad Ar-
 gonautica nostra pertinet: *hic Amnis*, noster
Phasis erat; non *Colchicus*, sed *Americanus*: hi
Passeres, nostri (si superis placet) erant, aut esse
 debebant, *Phasiani*. Sed istos quidem Passeres
 oculò votisque sequi, facilius erat; quàm ma-
 nibus & aucupio consequi: cum tamen, inter
 hæc, edendi cupiditas stomachos omniù di-
 rissimè lancinaret. Cujus autè alimenti spes
 esse poterat, in loco tam inculto? vel, *quis, cū*
volantibus, cursu per auras certaret? Proxi-
 mum igitur fuit; cum cibi desiderium nequi-
 res, saltem aquæ cupidinem mitigare. Si-
 mul omnes itaque torrentem, obliquo stre-
 pentem alveò, meridiem inter & orientem,
 petimus. Ibi pileis nonnulli; quidam inhian-
 tibus labris, profluentem excipimus. Ità,
 sui quisque ventris jejunium, ebrietate fri-
 gida consolamur. Venit post hæc in men-
 tem oriofis; rigentes artus & corpora, mul-
 torum jam dierum noctiùmque gelū con-
 stricta, calore laxare; ne, receptum intestinis
 frigus, & nullo resolutum fomento, vitalia
 tabefaceret. Hujc proximum erat; eadem
 opportunitate vestimenta quoque, continuis
 imbribus & hyeme fluitantia, persiccare.
 Rapitur ergò, morâ nullâ, flamma de fœ-
 mine: sarmentisque temerè super ripam ob-
 viis, injicitur. Iamque calor & ignium ali-
 quantum erat: tamen, ut id ipsum perenna-
 ret; lignatum plerique longius progredimur.
 In eo labore dum toti sumus; dum fascēs &
 materiem, in spem universæ noctis, corra-
 dimus:

dimus: miro Numinis ductu, trabes, vetustate corruptas, & ramorū congeriem quandam, eluvionis abscessu destitutam, invadimus. ibi, quoniam lignationis longæ compendium videbatur oblatum; in una simul strue, cumulum omnem ramalium, & virgultorum, subjectâ manu stipitibusque demolimur. Rem credat, fide majorem, & exemplo carituram, afferre: tamen afferam; quia sic verè gestam, & nobis omnibus experimento gratissimo compertam. Sub proturbatis quippe truncis ac stirpibus, primum flammæ fomenta reperimus, quæ sola conquirebamus. deinde nutrimenta victumqueprehendimus; quem nemo nostrum, ne voto quidem, præconceperat. Sub purgamentis enim illis sylvarum, Ovorum infanda copia latebat: ac præter hæc pullorum non una centuria; sed ut plurimum adhuc plumâ carentium.

VII. *Quod igitur in successibus expectatio-
ne superbioribus, vulgo solet; ut nec animus sese,
neque vox capiat: statim clamor, & impatiens
moræ latitia; tum complosio manuum, & so-
ciorum omnium accitus, atque concursatio,
celebratur. Totis campis hi clamores vigent,
& crebrescunt; Io! volucres, & ova! gaudium
& felicitas!* Quod porro juveniliter exultan-
tium mos tenet; in medio gestientis latitiæ,
non tam frui capto, quàm circa supervacuam
fruendi curam occupari: plurima pars no-
strorum, cœpit anxie nomen avicularum,
numerum ovorum, partitionis æqua jura,
requirere. quidam etiam; *Quanam sylva
tot ilignis verubus, ad assandam ferinam, esset
suffe-*

suffectura? pueriliter sciscitari. Prorsus, in orbe gaudium non reperires; quod tunc ad *Hilaria* nostra componeres. Non tam exultanter diu circumflessa munitionis aut urbis opulentiam, legiones invadunt, post expugnationem: non liquidiore voluptate, qui thesauris insidiantur & montium divitiis, auri venas, & naturæ sinum aperiunt; quanto nos gaudio, post longam famem, inopinas illes epulas involavimus. Quid multis? Dividere prædam in capita placuit. Sic, æqualitate servatâ, denæ repertæ sunt in singulos aviculæ. cæterum ovorum numerus, sicut iniri propter copiam nequirit; sic partitio non ad Themidis rigorem, sed ad cujusque vota lubentiamque, processit. Nam, *quantum concipiscere quisque potuit; tantum & habuit*. Nec est dilatum convivium. illico, comessaturis similes, in contubernia colligimur. Et, quoniam in medio focus erat; recens contractis farmentis luculentus; eum nos confessu circumvenimus. Clamosi pariter & negotiosi; pars pullos pugiunculis transfixos, aut cultris, ad flammam circumagere; pars furcillis, aut virgultis bicornibus, ova sublevare; lentâque frixurâ torrere. quidam, acubus perforato putamine, sustentare; secundum ignis viciniam. Nonnulli (sicut *diuturnitatis impatiens est omnis fames*) volucres, nullâ verum curâ, digitis extremis corripere, rogoque, quâ vivaciùs exæstuabat, obvertere; nec adustionis nidorem habere pensi. Reperti quoque; qui, sive per oblivionem, sive properandi studiô, strangulationem prætermitterent: misellôsque pullos, spirantes adhuc

& pipientes, incendiō truculentō cruciarentur. Eos porrō sic semineces, vel in palpitantia frustra divellebant: vel totos simul & indiscerptos, uno bolo conficiebant; p̄ne Scythicā quadam aut Brasilā vorandi barbarie: nisi, quōd eos inclementior longē *fames*, crudelitatis absolveret; *cujus impatientia moras omnes exsecratur*. Ut ut est tamen; fœdum hoc erat, & spectaculi parū Europæi negotium: cū tepidus de mento, déque dentibus & gingivā, cruor deflueret. Itā (ne multis excurram) ad summam omnes intenti; discursare, fatigari, coquere, frigere: maxima pars ovorum pertusione strepere; cæteri concerpere, manderéque, nullo tumultuantis lätitiæ temperamento. denique planē *se rerum dominos, & nunc tandem in Fortuna sinu sitos*, arbitrari. Sic, in unum coniectus compendium, dies ille; prandio pariter atque cœnā, saturos absolvit.

VIII. PLACATO ventre: posteaquam & fluvio rursus, iteratione frigidæ, sumus refectioni; cibique præteriti reliquias diluimus: amicula quisque sua, secundū flammās deficcata, resumimus. Deinde, persolutis Numini gratiis; *quod neque dignis nobis, nec opinantibus, epulum apparasset*: iter pridie cœptum, instauratis animis, repetimus. Ut autem pridianæ moræ damna celeritate pedum corrigeremus: tametsi profundum jam noctis ibat, viam alacritate tantā premimus; ut tenebrarum omne, magnūque præterea subsecuti diei spatium, ambulatione perpetuā connecteremus. Duodecim ipsas horas, nullā requiete, nullius stationis interjunctione, labori

labori suffecimus. adeò nempe *proxima salu-
ritas ad firmitudinem contulit*

Excepit (regione fabulosâ tandem decur-
sâ) pedes, jam sensim fractos & flaccidos,
promontorii maritimi procurfus novus. Hic,
saxis & sylvis asperrimus; viarum tramitem,
adhuc utcunque tolerabilem & explicatum,
intercidit, ac propemodum impervium effe-
cit: impenetrabili locorum vastitate. Sale-
bris & confragoso squalore, saltus omnis
horrebat: anteriora potissimum, quæque
dextrum ad latus recesserant, nec quidquam
iniquius illâ rupium sylvarumque, nunc in
montes tumentium, nunc in voragines re-
cidentium, inæqualitate. Cæterum ad læ-
vam surgebat montium continuum jugum;
arduum in summo, superatûque pertinax;
non tamen ultra vires & spem; quippe cli-
vis interdum supinæque situ mite. Vertices
autem, quamvis multum in nubes porrecti,
non tamen ad usque desperationem emine-
bant; si cui modo pes & mens ad constan-
tiam superesset. Ascensus porro, solum erat
anicumque deterioris viæ remedium. Ven-
tum ad hunc locum erat; quo tempore, jam
in altissimis stant^{is} sole, spatiis paribus ve-
esper & ortus distabant. Nobis, quanquam
properandi mille causas habentibus; tamen
ibidem aliquantisper interjungere, visum
est. Terrebat, fatigatione languidos, mon-
tis aspectus, in immensum se surrigentis;
neque dubium, quin, si mox profectio pre-
meretur; etiam robustissimum quemque, vi-
res deficerent. Quare, provido decretô, se-
cundum ipsas jugi radices, considemus.

Et

Et alius quidem, taciturno decubitu, membra marcentia dispandebat; *sermonis* (opinor) ut in magna *fatigatione* solet, *fastidiô*. Fabulis alius, & alternis alloquiis futura vel fingebat, vel contemnebat; donec denique, quieti finem, & novo labori principium dandum, robustiorum nescio quis, proclamavit. Igitur, nemine communem miseriam auso detrectare, sine mora cuncti consurgimus: ac, resumptis pedibus animisque, contra montium ardua reptamus. nec enim itineris presentis alia conditio, vel modus, afferebatur. Plerique, defixis retrorsum gladiis, verutisve, terga fulcientes; connitebamur, summâ relapsûs cautione. Sic agrè tandem, & inter anhelitus vix revocabiles; post horam ferè quartam, quàm laborem cœptaveramus, in Alpem evadimus. Sed lociorum quidem plerique, defectis viribus; non expectato cacumine quo cuique loco visum est, in subjectis vertici colliculis fruterisque consedere. Pignorum hic numerus fuit; & inter eos etiam PEDIOSA meus: non aliàs (post nuperam defectionem) torpidior contusiorque. Sed nunc veritus erat, imbecillitatem mihi suam deplorare: credo, ne denuò satyram audire; meumque, sibi mollitiem exprobrantis, os excipere compelleretur. Ergò, nullo neque dato, neque reddito verbò; sine cuiusquam interpellatione, sub arbusta proxima defugit. At ego, non contentus latibulis obviis; spe commodioris occasionis, diverticulum aliud investigo. Iam enim, præceps in noctem vesper: & cœlum omne, lunæque nitor, se nubi- bus, & opaco tenebrarum, induerant. super
hac,

hæc, ventorum etiam, è mari proximo frementium, impotentia nos proturbabat: & impendens capiti sævus imber, securissima quæque consilia, præ facillimis, mihi dictabat: metuenti, ne (jam antè plus satìs examinatum) negligentia salutis, novâ perniciæ subrueret. Sed, *humanitatis indole (quæ socialis est, & consortiorum amans) sine comite nolebam esse felix.* Eum appositè mihi sors, & ipse rerum eventus, assignavit.

IX. ERAT IN comitatu nostro, Iuvenis quidam, virtutis eximix, disertusque cum primis & facundiæ diffusæ; præter hæc, mihi, (ceteroquin amicitiarum æstimatori rigido) dilectus in paucis. Hic oriundus ab Hispania, sed natus Pánamæ, gente patritiâ, parentibus ac majoribus ordinis senatorii; familiâ, tum Americanis in terris, tum & apud nostros, clarâ præminebat. Nomini parco; ne propinquitati sanguinisque tanti juvenis, crebriorum illius memoriâ, dolorem refricem; & utcunque sepultam jam, inductâque recordationem, significantiùs hõc stylò, quàm consultiùs, exulcerem. Moderatiore temperamento, neque tamen penitùs conficto; propter arctissimum *sodalitii* nexum, *Companerosam* eum nuncupabo. Vocabulum hoc, & historix fugabit obscuritatem; & nominis gentilitii supplebit dignitatem. Is ergò talem, me secutus erat, nullâ suâ luculentâ spe, sed potiùs mei charitate; cuius usu capi cœperat. Digressus paternâ domò, siccis genis; rectusque per omne Pacificum, & Archipelagi profundum, ultrò citròque; non cursu tamen, non recursum, non tot discriminum con-

fictu,

Anctu, depulsus à cœptis est; ob id unicum,
 à latere meo ne divelleretur. Ad extremum
 (quod stupeas) cùm è navi me PEDIOSA, suis
 violentis obtestationibus, extraxisset; COM-
 PANEROSA, solò mei studio, non ullâ melioris
 fortunæ spe, consecratus est; in omnia sortis
 utriusque, prava secundâque firmus & obsti-
 natus. In me (fatebor ingenuè!) non reperie-
 bam; quibûsnam meis pròmeritis aut orna-
 mentis illectus ille, plus uni mihi, quàm cæ-
 teris omnibus, tribueret? At tribuebat certè
 quidem; & plus soli, quàm uniuersis, id, quod
 ego gratæ potius amici memoriæ; quàm
 ostentationis vanæ sterili gloriolæ, relictum
 ad posteros velim. Sociorum porro nulli mo-
 lestus aut asper: sed interim nulli quoque
 mancipatus, aut juratis affectibus illigatus,
 colebat omnes; adamabat unum. Hujus au-
 tem discriminis specimen, in ipso (quem to-
 ties pono) PEDIOSÂ nuper ediderat; manife-
 stum & indissimulatum: cùm homini lan-
 guoris jam ultimi (sicut suprâ retuli) suppe-
 tias imploranti, COMPANEROSA nec manum
 porrexit, nec aures adèd vel animum infle-
 xit; quanquam nominatim accersitus & in-
 clamatus. Id non inhumanitate reor, sed pru-
 dentiâ quadam gestum; ne scilicet comitatu
 nostro moram & nodum innecteret. nam &
 me viderat instantem itineri; proximèque
 subsequenterem.

Hic igitur tunc etiam à me seungi, piacu-
 lum habuit; quem cernebat anxîâ sollicitu-
 dine discursare, munitiori secessui perve-
 stigando. Restabat Alpium illarum editissi-
 mus vertex; multis adhuc passibus, & animæ
 luctu.

Iustâ, superandus. In hunc (vix adhuc tenui
 luce superstite) perreptavimus: premebátque
 mea præcantis vestigia COMPANEROSA; vi-
 rili dissimulatione. Nec me pœnituit suscepti
 laboris; operæ repertô pretiô. Quanquam
 enim (ut præaltâ tum brumâ) creberrimis
 imbuta nimbis humus; ne summis quidem
 à jugis uliginem, & palustre cœnum excluder-
 et: quanquam, præter hæc, uterque nostrum
 (telæ spissioris penuriâ) lineis duntaxat ami-
 culis operiti, cunctas hyemis injurias excipe-
 remus: tamen misericordis naturæ providen-
 tia, nobis in ipso montiû apice genus quod-
 dam arborum exoticum præparavit; in taber-
 naculi formam. Erant hæc, stipite truncôque
 præquam alto; ramorum densitate foliosâ;
 nec adhuc frondiû virorem æstivum brumæ
 vis destrinxerat; quippe stirpiû æterni veris.
 Commoditatis porrò tutelæque caput erant;
 termitum ac pendentium furculorum flagel-
 la, betularum in ritum, ad terram demissa;
 totaque stirpis extremitate quaquaversum,
 velut per circulum, defluentia. Diceret; arti-
 ficiô frondatorum, aut aliquo sylvæ Geniô,
 structa tentoria: vel certè, civili Naturæ ma-
 nu, frondium aulæ suspensa; nobisque thala-
 mum in somnos adornatum. Nec tamen, nisi
 duorum, capax erat intrâ ramos, spatium: ut
 hoc ipsum crederes, contubernio VICTORIAE,
 COMPANEROSAEQUE, nec aliorum, præpara-
 tum. ubi (quò securiores ageremus) velut
 sepes quædam prætensa virgultorum, arcebat
 extraneos: superflora verò, prædensis foliis
 frondibusque connexa, cœli minas, ac tem-
 pestatum injurias, excludebant.

Sub

Sub ejusmodi nos arborum unam aliquam, quæ cæteris adversum imbres impetrabilior apparebat, concedimus: silentiô tamen mirifico compositi; veluti præsentirerum sorte contenti magis, quàm hilares & læti. Tum, *conceptis ad Deum Deiparâmq; pro more nostro, precibus; mox & conscientia rationibus strictim excusis;* soporem captamus. Et somnus quidem capiti meo, tot malis fesso, statim illapsus est; successu profundo. Non hunc pluviarum assidua ruina; non nocturni frigoris acrimonia; non insomnia, vel dormientium imagines, disjecere. Potiùs placidè pinguis, ac molliter (ut sic dicam) obesus; in posteram usque lucem, nisi fallor, duraturus fuit: si per contubernalem licuisset.

X. SED nempe COMPANEROSA noster, *quietis appetentior, quàm constantior;* jam tum ab initio decubitus, concussum gelû fatigationeque corpus, à latere cœpit in latus versare. Non multò post (adhuc me semivigili) gemitibus concisisque questibus ululare: suspiriisque subinde vocalibus, subinde malè constanti silentiô suspensûs; suam juxtà, viciniq; noctem, infestare. donec ad extremum, importunâ vociferatione, VICTORIAM, VICTORIAM! inclamando; meum quoque soporem destruxit. *Vt impatiens est omnis inopinatò fractus somnus; cùm præsertim ex alto perturbatus est: ego (fateor) expergefactus, non solum amicitiam insupèr, sed nec meipsum in arbitrio satîs habui. Certè quidem, non sine stomachi notis, clarè sodâlem increpitans; Et quid hoc (inquam) tam serò noctis nugarum est, COMPANEROSA? Scilicet, hoc erat, quod*

utrique

utrique nostrum convenerat; ut, à turba sepositum, & quieti factum natūque penetrabile scrutaremur: ne tu nos quiescere, nève respirare sineres, tuis deliriis? locari namque suspicabar hominem; tam opportuni diverticuli commoditate gestientem: cū præsertim in vocabulo VICTORIAE, perplexus inter serium ac lulum sermo delitesceret; & nominis geminatio, tam in latitiam posset, quàm in compellationem, trahi.

Verū ille, nihil immutatis vocibus; iterum accersere VICTORIAM, iterūque, perseveravit. *Quam in operam?* (inquam ego) Tum ille; *Supremam* (ait) *ad operam*; & *ad animam*, iam utique fugientis, abscissum, nam, ne nescias, PETRE; morior! ac, primoribus in labris, paullo post egressurus, spiritus sedet. Accede proinde, per, quidquid sanctum est; &, siquando cunque sincera fide diligentem te dilexisti nunc, in tanto postrema necessitudinis articulo, palam hoc fas obsequio; quo pretiosius nec ab Amico possum, nec ab ullo mortalium, apisci. Sta, sta, (quæso) saltem ad latus meum; ne prorsus solitarius exspirem. Qui te consciō quoad licuit, vixi, te quoque teste, cū necessitas exegerit, moriar.

Hæc tam horrida, quanquam ille, verbis in omnem gravitatem compositis, ingereret; adhuc tamen mihi per mimum & facetias fieri videbatur; cunctanter credenti. Nec enī erat vero simile, tam properè, nulloque novorum casuum insultu, defecisse juvenem: præterito die totò perstrenuum, & itineris generosum. Nisi fortè (sed cui succurreret, omnia tunc suspicari?) soli, de toto sociorum numero, venenum in ovo pullove pridiano, per for-

tis malevolentiam, obtigisset? Quod tamen,
 eum tam tardâ peste, vel quômodo, sciret?
 Rursus igitur (et, mutæ familiaritatis si-
 duciâ, rigidius) COMPANEROSAM aggressus;
*Per fidem, inquam! si potes, quiesce! si non po-
 tes; at alienam saltem quietem ne vexa! Silen-
 tiô sopor; non fabulis, neque Saturnalium âpi-
 nis, ducitur.* Cui COMPANEROSA, sermone
 simplicissimam in mœsticiam deflexo; *Vel-
 lem, vellem (inquit) mi VICTORIA, Saturna-
 lia nunc potius, quàm Februa, Lemuriâque,
 vel Funebria, luderem! Haberemus nos crastini
 saltem usuram & fructum; ad mutuuum animo-
 rum solatium, consuetique sermonis refrige-
 rium. Quanto redimerem, etiam unius diecu-
 la voluptatem; quam in amici fideli sinu depo-
 nerem? Nunc vero procûl, procûl illa vetera?
 longè, sermonum sales, animique per lusus dis-
 fusio.* Quæ, cum dixisset ille: *mox (velut
 ambages longiores perosus) Se loqui, disse-
 ruit, in summam constrieto sermone: quod so-
 lum tunc & unicè loquendum esset: quodque res
 ipsa cogeret. In foribus mortem esse cumque
 morte, facinorum omnium recordationem: quot-
 quot unquam ausus foret, in omni retrorsum
 vitâ. Subjecit; Ab his citari se, dicturumque
 causam: Illâ si caderet, pœnas, incendiâque
 sempiterna, depensurum. Si quid igitur in me
 sensûs amici, siquid (christiani cordis ac visce-
 rum esset; irem cursitavimque protinus: ac vo-
 torum suorum epitogum implerem. Sacerdotem,
 qui per omnia maria terrasque nobis inhaesisset;
 etiam nunc ad anima suâ luctam ultimam per-
 traherem. illius in aures se conscientiam suam
 effusurum. Et (per Superos) siquid in me sub-
 fidia.*

scilicet, siquid spei resideret; omisiss aliis omnibus, properarem! Nunc enim Anima negotium agi.

XI. FECIT serii doloris fidem COMPANEROSA; quod non solum ultimis moriundorum votis, verum etiam vocum imitamentis, uteretur. Igitur ego (nihil praeerea cunctandum arbitratus) consurgo strato: digressusque loco, graves imbre frontales, ad aperiendum exitum, manu divello; sed non absque larga meipsum tinctura. Perruptis arbustis; ad inferiora montis, pavidò cautòque gressu, me demitto. Nam & spissa nox erat; & nullum à sideribus, aut face, subsidium). Dextrâ deinde sinistraeque, prorsum ac retrorsum, omnia virgulta, frutices omnes, excutio: latebras obvias, & petrarum prominentium recessus, digitis praetrectatos, exploro. cùmque per viarum lubrica saepius cespitarem; caute frequenter totaque mole corporis, alacrescebam. *Sacerdotem, Mystam, Reverendum,* veteris insuetisque vocibus, evoco: qui nusquam tamen erat. Etenim is in remotiora, prudens & callidus pacata noctis, abstruserat. Errâssem igitur ego; conatibus clamoribusque supervacaneis, ad ipsam usque (sicut eor) Auroram: nisi sociorum non nemo perigil, sub arbustis in id usque temporis (incertum quâ causâ?) perstitisset. In hunc ose me casus & error impegerunt; nihil tale suspicantem. Et hic, intellectò, quem & cuj ellem; subtiliter repertò latibulo, me perdurit ad virum illum ipsum, quem indagabam.

Gen-

Confestim Sacerdos, quanquam placidum
 stertens; meas pro Sodali preces, & supre-
 mam decumbentis voluntatē, ut decuit, ad-
 misit. Ergo cubitu se proripere, moras omnes
 abrumpere, comitem se mihi jungere; non
 viā tantum, sed & doloris, pro dilectissimo
 multis COMPANEROSA; denique properare
 prorsus, & omnia pro munere viribusque
 suis, cœpit expedire. Posteaquam autem &
 ad arborem, à me commonstratam, penetra-
 vit; statim jacentem, quem videre non pote-
 rat, tenebris prohibentibus: ex gemitu, deque
 familiari vocis sono, recognovit. Ibi, salute
 datā receptaque, solari languentem, est or-
 sus: &, quoniam eum credebat, supra morbi
 magnitudinem ac periculum consternatum;
 sategit animos addere juveni. mox, arteria
 temporūque contactu, salutis arbitria col-
 ligere; dejectæ menti, spem incolumitatis
 certam addere: demum cuncta facere, dice-
 réque; proludiō rei seriæ dexterrimo, comi-
 tatēque penitus ad illud tempus accommo-
 datā. Progressu deinde sermonum ac solatii,
 stimulare morbidum instituit (tamen si spon-
 tē talium cupientem) currentique calcar ad-
 dere: talibus ferē monitis; Ne tamen inter ha-
 sibimetipsi, néve salutis suæ rationibus deesset; ut
 cunque tandem ægritudinis fata caderent. Non
 utique fore quidem hunc morbum internecinum
 sed tantisper tamen, neque Mentis & anima cu-
 ram, obfuturam: immò, plurimum potius a-
 utrumque profore. Valetudines, etiam prostrat-
 as, allevari frequenter & resurgere; conscien-
 tiis expiatis. quantò certius igitur, hac prævi-
 menti lustratione, mediocri sanitatis tentamen

non dispulsum iri? Talia memorabat; quæque
extera, trahendis ægrorum animis, valida
sunt, ad immortalitatis curam: quæ sanè,
sacris præfecti, debent in illo tanto rerum ar-
ticulo, non solum cogitatione; sed & usu lin-
guæque, trita circumferre.

SED nempe nullius omnino molis fuit,
 COMPANEROSAM oratione proœmiôve præ-
 parare; quippe spontè jam suâ cupidum di-
 minorum; & idiplum, nec aliud, festinantem.
 Si sermo quicumque (quantumcunque pius)
 edundans tunc, & longior justò, videbatur.
 igitur interfatus tandem Sacerdotis oratio-
 nem; *Quasò, Domine! potius ad rem (inquit)*
& nucleum rei pergamus; omisus corticibus præ-
rationem. Dum per mortis adhuc moram licet;
mortis præparemur, & Deo: tua quidem pietas,
proximi mei auscultandus; ego verò, fideliter enar-
andus. Fiat (inquit mysta.)

Secundùm hæc COMPANEROSA negotium
 editur, omnium ponderosissimum; totius (ut
 mihi quidem ex mora temporis videbatur)
 præterita juventutis & ætatis accusationem. In
 o iudicio dum uterque toti sunt: Ego, qui
 antisper satisfactum amico crederem, ad *Ara-*
que deducto; præsentiam meam illis surripio.
neque corpus duntaxat, sed etiam aurium
minutum quemque sensum, ratus subtrahen-
lum; propemodum irascebar COMPANERO-
AE; nonnihilò clariùs, & panè cum clamo-
re, suam causam tractanti. Ne reus igitur,
tiam unici percepti criminis, apud me pera-
erer; longius secedo; repertòque, quod com-
modissimum apparebat, quietis aliò diverti-
culò, somnum intercisum cupidè resumo,
connectoque.

XII. Soporis, quantus sufficere poterat, relibato fructu; sub noctis medium ex-
 pergiscor: & ad COMPANEROSAM, valetudi-
 nis illius anxius, reviso. Ducebant me lan-
 guentis ad locum (etiam sine facibus & si-
 deribus) ipsæ jacentis lacrymæ; claro cum sin-
 gultu densatæ: necnon, intimis & sensibus
 proruptæ, lamentantis voces. Sociabat, proli-
 xo sermonum tractu, cum DEO cælicolisque
 colloquia. jamque gloriosissimam TRIADEM,
 & cum MARIA IESUM, ingeminabat: aliàs
Misericordiam; & mala voluntatis veniam, ex-
 poscebat, interdum, latè resonante manûs
 ictu; pectus & præcordia, tanquam per vindic-
 tam, afflictabat. & quid multis? Totus erat
 in pœnitundine delictorum; tantâ, quantam
 egomet fatis meis exoptarem; quandocun-
 que, decursis vitæ spatiis, illa mihi superven-
 tura sunt. Accedo proinde; dimoveoque, sicut
 antehac, pluvia fluentes ramos: qui (velut di-
 xi) virgîs ad solum usque flaccescentibus, de-
 pendebant. Nequid autem formidinis ille,
 vel erroris, adventu meo, conciperet; voce
 mihi familiari facillimèque recognoscendâ,
 praloquor; PETRUM adesse VICTORIAM! simul
 placidissimis me passibus intrò fero; proxi-
 mûsque secundam decumbentem consisto.
 Solus erat, & sibi planè, suffque curis relictus.
 digressio jam, ad suum cubile repetendum.
 Sacerdote. COMPANEROSA, simul me sensit
 gaudiò, quantum spiritus semiextinctus ca-
 peret, exultans; *Cælestes* (exclamat) *tibi gra-
 tiam, mi PETRE, referant; quando mortales pa-
 rem referre non poterunt. Nam solus tu fugien-
 tem jam animam, extremâ, quoad potes, lacinia*

retentas.

petentia, & inhibet. In hac dextram suam de-
extera mea, nexibus intimis insertans; lavâ
medium me circumplectitur. Multum inter
hac (ne me quidem sicco) collacrymatus;
morbi sui sedem ac violentiam orditur de-
scribere. sed inultò tamen effusius amoris in
me sui magnitudinem ingressus exprimere.
simplicibus obviiſque verbis, in hunc ferè
modum disseruit, & Debet (inſit) hoc ipsum eſſe
tibi pro teſſera ſinceritatis meæ: quod per multa
membra potiùs & interciſa ſermonum, non phale-
ratuſ perioduſ, & in ſeſe cum artificio reſtuentibuſ
circuluſ, ad te verba facio. Diſerta ſatis hæc erunt;
ſi ſatis ex affectu. Quod manuſ implico manuſ;
quod amplexuſ corpus amicũ inſtringo; quod,
ſicut animi dictat ſenſuſ, inornatam orationem
texo, cum neglectuſ ſacundia: velim, mi VICTO-
RIA, candori magis meo, quàm morbo, tribuaſ.
Quarquam, extra controverſiam! poteſ tu mor-
bo quoque tribuere: qui proſectò verba nō que-
rit, ſed ex raptò ſumit. Amor autem (quò ma-
gis etiã languet, quàm valetudine) potiùs, quid
dicat, quàm, quemadmodum dicat, intentuſ
eſt. Quod ſi vel maximè nunc eloquentia locuſ
eſſet, & tempuſ (quod tamen jam totum Anima
debetur) quid, obſecro, tali rerum mearum arti-
culo, ſermonibuſ expreſſiuſ tibi depingerem, ad
Amorem conteſtandũ; quàm, quod jam olim factiſ
repreſentavi? Sunt enim Facta, non Verba.
Fidelis amicitia: viva ſigna. Conatuſ autem
ſemper ſum, familiaritatiſ noſtra certitudinem,
quotidianiſ experimentiſ tibi ſub oculoſ ponere.
Teſtuſ animi conſtantiæq; mea tuamet conſcientia,
mei ſermoniſ huiuſ approbatrix veriſſima. Teſtiſ,
tamini major exceptioneſ fidèq; Deuſ; ſecretiſ-
K 2
ſimorum

simorum quorumque sensuum discussor & arbitrer incorruptus : quem utique nunc irritare mendaciò formidarem , ad illius tribunal mortis iturus ; ubi totius praterita mortalitatis mea iudicium ac censura peragetur. Testes denique veritatis , quam proloquor , tot , quot viarum omnium comites ; non PED-OSAM . non alium quemquam , pectori meo tam firmum infixum fuisse radicibus ; ac VICTOR-AM meum. Cæpit hic Amor ex eo statim puncto ; quò primum notitia tui gustum delibavi. Crevit deinde familiaritate quotidianâ ; donec in sanctissimum Amicitia fœdus , sacrosancto nexu glutinèq. coaluit. Et huius magni compendium fructumque tuli , nec unquam pœnitendum opera pretium. Possum enim deorare tibi , PETRE , magnâ iurijurandi religionem. Tot itinerem inter fastidia , tot inter adversa tristitiæque , nihil unquam , presente te , molestum mihi : nihil asperum toleratu visum. Usque adeò nubem nebulamque mentis omnem , spiritus ille meus dissipabat ; quem intuebar adversum quævis pericula subrectum & arduum. Animi mei (si quando subreperet) mœstitudinem , difflebat alioquiorum tuorum aura ; turbatumque cordis statum , obtutus tui serena lux componebat. Hæc mihi commoda conferebat præsentia tua . quæ verba mea , velim non in adulationem , hoc præsertim tempore ; sed in testimonium veritatis , bonamque partem , accipias. At è diverso , tam delicti mihi capitis absentiam (etiam brevissimam) accipiebam dolenter ; & , (si qua fides est , impatienter amantibus) propemodum ad procorum , sed honestam tamen , intemperantiam : cui quævis mora , longum tempus est. Ut totum semel expediam ; Ego sine te : mihi quoddam exilium.

& extrema Thule; vel siquid aliud est remotioris
 insularum in Orbe vestro, videbatur. Et sanè nunc
 etiam, dum loquor, dum hora mihi summa de-
 veluitur; non tam amara mihi mors est eo nomi-
 ne, quòd à corpore spiritum divellit. quid enim
 privatum, & solus lugeam illud, quod universio
 ex indixit? Efflictim autem, eò potius titulo,
 orqueor; quòd hac ipsa suprema necessitas à so-
 dali sodalem avocat: & violenter abscindit. Non
 est igitur, cur te cruciet magnitudo languoris
 mei: qui, quantumvis vehemens atque gravis;
 mi tamen desiderio remissior est, & multum in-
 tra cupidinem iut. Quòd si tamen hac ipsa mor-
 ti vis & acerbitas cresceret, alterò tantò, quin
 & decuplò: si (quod vulgò jactant) etiam im-
 perilli Phalaridisque tauro gemerem; sine du-
 citatione tibi persuaseris, id ipsum mihi toleratu-
 rum, quin & latum, fore: si morbis meis in-
 volumitatem tuam; si morte vitam salutemque,
 adimere contingeret. Unius etiam discula lucem
 tibi prorogare, vel interitu meo, gestirem; tametsi
 Testoris, aut Mathusala cujuscumque annos, habe-
 am in arbitrio meo. Sed scilicet; aliter visum est
 superis, aliter horis meis; ad vita precipitum
 festinantibus. Harum invidià, non tantum ju-
 ventus & ætatis omnis flos; sed etiam paullatim
 sermo, succiditur: immò (quod utroque mihi
 dulcius erat) tui fructus. Et jam dudum ad ar-
 boris hujus, quâ tegimur, radicem, mors adstat.
 nam ascia; truncatura vita mea, parum frugi,
 scilicet. Iam manum violentam, jam penden-
 tem & libratum ictum, intentat; non aliò magis
 nomine crudelis & inhumana; quàm, quòd, hoc
 ipso tempore, sub unam eandemque plagam, duo
 vulnera simul destitit; & ferrum in Tuam non
 minus.

minùs, quàm meam cervicem, torquet. Te namque, comitum omnium (absit verbum invidia, instantiàque !) fidelissimò spoliatum it; dum me perimit. Te, te, pane deinceps ad solitudinem redactum; inter ancipitia casuum destituit: incertum, ac pendente animi; patriòne sepulcro potiùs, an peregrino, sis inferendus? Tametsi, quantula tui tui vel felicitas esse potest, & gloria? vel damnum & infamia? Vita, vita me tua (PETRE) magis in futurum, quàm occubitùs, miseret. Hanc inter alienos, ignotos, barbaros, deges: & (quod vel unicum satis esse potest ad miseriam) extra matrem, & Hispalim; extra florentem numeris omnibus domus tua fortunam: quibus in locis, neque VICTORIA suis virtutibus deesset; neque virtutis suum pretium & aestimatio: quippe conspicuò cum primis Europæorum hominum in theatro. Sed hic, in America (nescio quibus) latebris, in quibus, vix ultra tres litterulas, omnis eruditio se tollit; qui te celebrabit? In hac morum & gentium incivilitate (qua recti boniq; studia, raro suprà vulgus aestimat) quid adolescenti, politico patriis institutis? quid pietatis cultori, dignitatis pollicetur? Quod igitur sæpius jam dixi, dicamque porrò, quousque spiritus proferetur: De me ipso, quod laborem, nihil est; utpote, cuius jam pridem peracta meta sit. At in te, PETRE, tuàque pericula, ceu capitis mihi multò pretiosioris; meus dolor omnis mea cura, sollicitudoque consumitur. Hinc etiam fit: ut, hac ipsa stimulante tui curâ, te magnopere rogem; Ne (quod in amicissimorum funeribus assollet) interitum meum tam pressè feras; ut vitam quietemve tuammet disturbes. Divellimur quidem & manifestum hoc est: ac divellimur spatiò, quò distantius reperiri nullum potest; Mortu ac

vinæ, Spirantium & Extinctorum, Lucis atque
 tenebrarum. Sed istud corporum duntaxat est, ocu-
 lorūque divortium: quorum utrumque, fluxis
 in rebus, & ipsum fluxum est. Animorū autem
 & sanctorum affectuum, æternus erit inter nos, &
 indireptus nexus. nam & ego tui memoriam,
 quantam indulgebit futura mihi vita, sollerter
 tuebor: & Tu sepulchri COMPANEROSAE mentionē,
 ad omnes aras, crebrā deprecatione, renovabis. Illic
 spiritum, subterranea supplicia promeritū, miseri-
 cordi lacrymā refrigerabis. hoc ego te, per quidquid
 divinum ac sacrosanctum est: efficitim, & obnixē
 rogo; memento, quæso, memento mei sæpe, VICTO-
 RIA! mecūque caterorum omnium, quibus adhuc
 apud manes debitum & nomen restat expungendū.

ILLUD insuper (quoniam agrius sensim agrius-
 que verba submolior) extremum abs te peto, mi
 PETRE; quod, obsecro, ne detrectaveris. PANAM-
 AM reversus (revertēris autem sine controversia,
 non ita multo post hæc) propinquos necessariōs-
 que meos, excessum meum edocere, ne cuncteris. Et
 quoniam quorundam in Panamensium ære nomi-
 nibusque sum; nomina, creditoribus conventis, dis-
 solvas. Poteris autem è patrimonio meo; quod pe-
 nēs curatores & consanguineos meos desidet, con-
 sulari (sicut scis) senatoriæque dignatione conspi-
 cuos: & cateroquin ab opibus luculenter instru-
 ctos. Ad horum nihil, difficiles eos aut pugnaces
 reperies; quippe, juris omnis non modò consultos,
 sed etiam tenaces & accuratos. Quæ cum roga-
 ret COMPANEROSA; simul, mirificā memoriæ
 fide, singulorum, quibus obstrictus esset, no-
 mina cognominæque recitabat. Crederes; ex
 accepti tabulis eum lætitare. Cujus industrie
 proinde tam religiosæ, nec ego quidem deesse

volui; sed continuò palimpsestis meis cha-
 ris, per stylum, intuli; necujus mihi credito-
 ris nomen & jus intercideret. At ille pergere
 sustinuit; & lacrymis interfluentibus; *Is ead-*
em (inquit) *urbe Matrem quoque reliqui, patro-*
jam vivis exempto; miseram, quantum quidem ad
hoc pertinet, & superstitem fati stinerique meo.
Quam equidem, molliora de me promeritam, do-
rus filius reliqui; peregrinitatis aliquo, sed tui ma-
jore, studio pellectus. (& hæc cùm diceret; ex li-
 milis admissi recognitione, mentem etiam
 meam, quamvis non id quærens, transfige-
 bat: teneriore quodam desertæ parentis sen-
 su suspirantem) *Hujc* (pergit ille) *verbis meis*
supremum vale dices. quod equidem de calamo
maluisssem, quàm ore transmittere: si tam manus
adhuc ad officium epistola; quàm vox ad manda-
ta, sufficeret. Futurum fuit hoc scriptum, geni-
trici pars magna solatii; quantumcunque post se
relinquere possunt extincti. Fuiisset aliquamdiu
dulcium materia lacrymarum, manus filii; ma-
tris, etiam in morte, memor & reverens. Nunc il-
la tamen flebit nihil secius (sed amariore luctu)
domus sua duplicem ruinam: ut, qua sub unum
ferè tempus & viduitate jaceat, & orbitate, pro-
strata. Tu tamen illius afflictum caput allevabis,
PETRE, fulciòsque: si matri, pro COMPANERO-
SA, quem amiserit, teipsum, filium longè navio-
rem (neque dubium, quin etiam probatiorem)
substitueris; adoptione meâ (siquid ea tamen in
jure civili valet) in omnia Filii familias solemnia
transductus. Te mihi subrogatum volo; declaro-
que. Denique tantum (ait) quod supremâ tibi lin-
guâ mandarem; nec plus, habui. Nunc, quoniam
ad lineam ultimam meus halitus decurrit: & au-
gustissima

gustissima voluntas, cui parendum est utique, me suum in forum evocat: vel omnino deinceps, mi VICTORIA, sileamus; solis cogitationibus DEO loquaces: vel, si quis sermo placuerit, de Numine, divinissimæque TRIADE, de IESU, Deiparæque, Superisque, commercium sit universum, ac solum. Sed tum præcipue; cum, arctius meante jam spiritu, suprema lucta, vitam inter & interitum, ingruerit (Ingruit autem prorsus, inquit, deficitque lingua ministerium!) Tunc voces atque nomina; tunc apophthegmata pia sententiâsque, religiosi clamoribusingere; quas expiranti Christiano, scis, esse necessarias. Itâ, securior pariter & animosior, excedam.

XIII. HAEC fatus est æger; eloquentiâ, suprâ morientis morem ac fidem, proluxa; sic, ut complures adhuc in horas, aut etiam dies, duraturum spiritum suspicarer, lāmque mecum tacitus itâ constitueram; in languente COMPANEROSA plus imaginationis esse, quàm discriminis; utpote tam præter promissa sua, facundo; cum, repenti juvenem linquere vitalis calor cœpit. Tunc percommodum, perfractis aliquantis per tenebris, atque frondibus; lunæ nitor redierat. ad cuius splendorem licuit universum morientis habitum contemplari: qui tam funebris jam erat; ut planè tandem mihi, discedentis è vita, fidem faceret. Tremere manus; palpitare præcordia; pallore sudorêque gelidò totum subluui corpus; oculorum acies hebetari; labia, subeunte cæruleo lurore, suam purpuram dimittere; dentes ad horrorem rigere, nudarique; contentius laboriosiusque; meatus animæ trahi. Lacrymis ergo teneritudine nati-

vâ sublabentibus ; fûgentem sodalis spiri-
tum. quibus poteram, verbis aggredior, atque
prosequor, *Meminisset in primis, cujus manu po-
tentiâque productus : cujus sanguine recuperatus ;
eius lavacro regeneritus, in spem ac ius Filiorû Dei
venisset! Ad illam eternitatus beata possessionem,
hanc unicam esse viam, hanc portam & vestibulum ;*
IN CHRISTO IESU vitam, in eodem obire
mortem. Si fortè, diffidentia pusillanimi, sua vi-
ta rationibus diffideret : allevaret animum, &
suos mores præteritos innecteret inculpatus CHRIS-
TI moribus pauculósque suos annos, triginta
tribusque nostri Servatoris annus, innocentissimè
transactus, illigaret. Quòd si præterea factorum
& interitus horrida fugeret : pro comperto tene-
ret ; Excessum è viris, terrorum omnium formi-
dabilissimum esse, videret ; sed profanus dunta-
xat & impiis. Piorum autem, & qui toti Deo
niterentur, abitu : funere CHRISTI regis, & il-
lius in CRUCE doloribus, consecratos ac demitiga-
tos esse. Si verò, super hac omnia, scelerum illum
multitudo circumstaret ; si præcipiti adolescentia
lubricum & errores mentem concuterent : adesset
promptissimum adversus pavores omnes robur,
CHRISTUM eundem ; flagitiorum nostrorum vi-
ctimam ; & scilicet FILIUM DEI, propter nos affli-
ctum & excruciatum. Esse præstò, conscientia de-
littis astuanti, refrigerium, è QUINQUE vulne-
ribus ; ceu totidem Fontibus, perennè salienti-
bus. An verò frustra, nostros ob oculos, pendere
DEI Misericordiam ; dispassus brachiis, ad reos
omnes amplexandos, qui modò complexum am-
biant ? Hanc enim verò promptam semper & ala-
cram respicientibus ; interdum in ipsa morte vi-
vaciorum elucere visam. Et verò magni & effi-
cacibus

facibus exemplis. nam, cur alioquin sub CRUCIS
 trabe meretrix MAGDALENA, suspensi pedes strin-
 geret; & fluentem cruorem lamberet? cur hostes,
 qui Gloria Regem in crucem sustulerant, eum
 ipsum culpa deprecatores sensissent, quem habere
 debuerant accusatorem & vindicem? cur, nocens
 tot homicidiorum. Latro, sub Paradisi promissis
 ac pactis absolueretur? cur, Inferis debitum ac de-
 votum caput, repente pro pœnis sempiternis, ater-
 na Cœli pramia reportaret? Non posse, neque
 delictis nostris spem; neque spei delinquen-
 tium, CHRISTI clementiam, claudi. nam eo-
 rum alterum esse sine legibus, & limitibus: alterum
 omnino sine fundo. certèq; vel unicâ Misericordia
 guttulâ, sincerèque dolentis lacrymâ; cupidinum
 omnium & Tartarorum incendia potenter extin-
 ctum iri. Respiceret etiâ (siquid orthodoxa pietatis
 imbibisset) respiceret MARIAM, Dei parentem! sem-
 per illam quidem resipiscantium patronam, sed ta-
 men suprema potissimum hora, presentem & fa-
 cundissimam advocatâ. Misericordes illius oculos
 vix efficacius ad nos ullâ re trahi; quàm indimotâ
 spe virginis subsidii: quotiescunque mortaliū ex-
 spectatio, ceteris omnibus opibus se destitutam repe-
 risset; & sub optima Matris pallium convasasset.

Dicentem hæc, interpellare sustinuit COM-
 PANEROSA; morituris jam & hiulcis vocibus.
 nam; In CHRISTO semper (inquit) Virginèque
 Matre, fiducia mea summam defixi; vivens; de-
 fixam & ratam habeo, moriens. Eâ sinè, nemo
 religiosè spiravit unquam; nemo feliciter exspira-
 vit. Hoc ego, sicuti verbo profiteor; ità pectore
 semper conceptissimum retineo. Sed tu, VICTO-
 RIA, tamen interim (adjicit) mihi testis assiste;
 qui religionem meam, & hominis Catholici notas,

ad posteros omnes, clarâ significatione cupio un-
 gatas. Vides; in plura verba non vigere vocem
 meam. Ergo tu mihi Symbolum Apostolicum
 lentè vocalitèrque præi. Sequar equidem, quoad
 potero. Libenter ultimo COMPANEROSAE VO-
 to inorem gessi. néve pietati tam serix deess-
 sem; *Duodecim Articulos* (myfteriorum no-
 strorum compendium) semel clarâ recita-
 tione, mox iterum, & clariore, sum præfa-
 tus. Ille verò, præloquentis verbis ad sylla-
 bam inhærens; duravit hætenus: quoad se-
 cundæ Symboli recitationi meta fuit. Tum
 enim & illi respondendi finis institit; concide-
 nte linguâ. Quod ego, simulac sensi; pro-
 pius applicitus, majore vi, vocisq; sonò, Ie-
 su nomen, ac MARIAE, morientis auribus in-
 gero. Deprehendebam interim totius hali-
 tûs internecinum silentium. sed, ut eum de
 manifestiore vitæ fugâ convincerem; oppo-
 no labiis manum: &, animæ nullis depre-
 hensis reliquiis, statim *Mortuum* proclamo;
quia mortuum (nec aliter) sentiebam.

In hunc igitur modum, diem supremum
 explevit, amicorum intimus, COMPANEROSA;
 natus ac factus in omnia corporis animique
 decora: quanquam nondum ad plenum acto
 septimo decimo vitæ suæ natali.

XIV. Visum est; oculos extincti, prius-
 quam penitus obrigescerent, ex amicitia re-
 cèptâ lege, supremum claudere. Dum in eo
 pietatis officio totus sum; enimverò tunc
 primum me (prius animosum firmumque)
 cœpit sevens quidam horror circumfidere. nec
 mirum; quippe funerum funebriumque nul-
 lo nec usu magnopere, nec adeò conspectu,
 præpa-

præparatum. Spissabant eam formidinem (humanae trepidationis ingeniô) præter inane cadaveris terriculamentum, simul multa cetera: *veruntamen vana pleraque; tantùmque pueris ac mulierculis ad timorem grandia.* Talia fuere: Luna splendor, paullo prius redditus, & mox iterum fugitivus; tenebrarum insolens densitas; noctis residua deforme silentium. præter hæc verò, recrudescens stillicidiô nimbus; & ventorum sonantium procella, sylvis implexa: tum ramorum inter se pugna collisio; foliorumque seditiosus fremitus; & frondium ramenta, non sine strepitu, divolitantia. Super hæc autem, omnibus gravior malis, *Solitudo: formidinum omniû genitrix.* In hac enim; ne fortè COMPANEROSAE spiritus, suo tribunali digressus, me spectrò circumageret: metus ineptus opprimebat.

Quod in terroribus igitur (*aque vanis verisque*) solet esse proximum; id mihi tum usû venit. nam sudore frigido, per omnes prorupto venarum meatus; *artibus omnibus, totoque corpore, succutiebar.* Immò; Quid prius tunc, quid posterius adgrederer, aut quorsum omnino me versarem: penitus exactum cum animo non reperiebam. Nam, & deserrere Sodalem extinctum, genus videbatur impietatis; &, eidem assidere, vel adversum intueri, mortis nova quæpiam species. Quamquam igitur, supervacaneô mentis scrupulo, non raro mihi veniret in mentem, dubitare; num omnino jam animam egisset Sodalis? an quædam adhuc spiritus particula scintillaret? *credere tamen multò malebam; quàm,*

explorante contactu, *scire*. Quod unicū ergo supererat, quodque tam amicitia, quam timoris legibus, satisfaceret; indulgebam effusè fletibus: & Amicissimi juvenis rapti desideria, cum mentis incredibili dolore, retractabam. Sed iterum in animum, iterumque redibat dubitatio; Prorsusne vitam compleret ille, cujus animam, tanquam meammet, amabam? Hòc perplexæ cogitationis æstu raptus; post horæ propemodum intervallum, ad jacentem revertor. Mox, *vincente metum amoris magnitudine*; manum meam nudam nudo cadaveris pectori (neque negligenter) apprimo. Dictu, creditūque mirum! Sive prodigium istud fuit, tam cunctanter recedentis vitæ; sive (quod propius verum est) mixtâ formidine, nonnulla tactus delusio; sensi planè calor tenuissimi, quasi favillam aliquam; sub emortua cute gliscentem ac palpitantem. *An potius, (quod sapius usu venire cernimus) digitorum tangentium nervi subsultarant? & , astuantibus ipsâ trepidatione venis; motus proprii corporis, visus est motus esse cadaveris?*

Sed, quidquid illud fuit: id non multò post in teporem, mox etiam in frigus ac rigorem migravit; qualis funeratis genuinus & perpetuus esse solet. Itaque tunc primum bonâ fide credere sum ausus; COMPANEROSAM planè vixisse. Quid facerem? non poteram è fati hominem, nec artibus ullis, neq; votis, revocare. Proximum erat igitur; ut perditum, ducerem perditum: & extinctū, inter depositos relinquerem. Ac sanè crescebat, ex ipsa mentis inductione, mens & audacia; tractan-

traſtandi jam, & ultrò citròque verſandi ſu-
neris; tanquam per indemnem aſſuetudinē.
uſu collectam. Ergo, mœſtitiā atque curas
in quietem; & fatiſcentes oculos ab excu-
biis in ſoporem, inſeſto. Sed capiti, multis
imaginibus laſſato, pulvinus in ſomnum de-
erat: nec præſtò tamen erat congruus lapis,
aut ceſpes; quem cervici ſubjicerem. *Neceſſi-
tatis igitur uſus ingenio, quæ nec abſurda qui-
dem repudiat*; COMPANEROSAE jacens corpus
(memorati quidem lugubre, ſed tamen ve-
rum!) tranſverſim, cervicalis more, diſpo-
no; diſpoſitòque, militariter, occipite tenus,
ſuperincumbo.

XV. VERUM, talibus fultum plúmâs to-
rum, non quies ulla: non ipſa naturæ fatiga-
tio dignabatur. Nox quoque (quantula fuit
reliqua) tanquam *exſecrata ſub ſcapulo Chri-
ſtiani tam barbarici ritûs ſtratam*; diurnas in-
quietudines, & pervigiles æſtus, ingerebat.
Erátque tanta curarum importunitas; ut pro
ſomno vigiliam, apertis ac pertinaciter didu-
ctis oculis, frequentarē; haud aliter, ac Theſ-
ſalicò quopiam veneficiò contactus. Duas
plus minùs horas ea tenuit inſomnia: cujus
tandem indignatus pervicaciæ, locum illum
& arborem, quam occupâram, relinquo; tan-
quam magicis carminibus prædevotum. Ho-
ſpitium autem novum indago: repertòque,
quod mihi commodiſſimum erat viſum, ad
repetendam quietem me compono. Verùm;
etiam illic inimica me ſors invénit, & invi-
dum ſomni ſolum. Ferreos, ac vigilare perti-
naces oculos, ad uſque principiũ lucis, tene-
bam; contumaciſſimò rigore ſuſpenſos ſur-
rectos-

rectosque. Dictu mirum! ne concludi quidam dignabantur: quod tamen, etiam simulantibus somnum, facillimum esse solet. Id quod tum (& antehac sæpius) venit in mentem, admirari; quibus de causis homini quies, etiam in summa dormiendi necessitudine, non succederet? An, quod per curas, & formidinum astus: humor, quem soporando cerebro physici necessarium perhibent, absumptus & exsuctus est? An potius legitima requietis tempus, natura sui horis ac terminis circumscribit? quod ipsa nec anticipari patitur, intempestivò, vel affectato, torpore: neque, si spontè venerit, superbo neglectu præteriri. quod tempus tunc, quoniam jam dudum volárat; simul etiam cupidinem quiescendi, somnūque totum, unà secum auexit. Quidquid erat illud; ad pervigilium, tanquam devotionibus, damnatus eram. Accedebant autem ad hanc impotentiam (præteritò metu non minùs importuni) motus cogitationum; &, super extincto sodali, cum inquietudine recursantes affectus: qui mentem identidem vellicabant; mœror, miseratio, tenera desideria, suspiria gemitusque, de præcordiis intimis prorumpentes. his, spiritum COMPANEROSAE, qualiscunque tunc, & ubiubi regionum esset, inter cœlestes an subterraneos? cupiebam ad nos remeare. Simul, (quod stultissimum quidem erat: sed, imaginibus agitata menti, penitus insculptum) tricabar adhuc, & cum credulitate mea priore litigabam; Veréne jam, ac totus COMPANEROSA, de vivis abiisset? Cùm revera, de juvenis interitu, dudum omnis natura conclamasset. Inter hæc itaque,

que, similiâque deliria, consultanti mecum;
 An surgerem, & experimenta funeris cer-
 tiora caperem? an verò pertenderem, sopor-
 i sumendo? nox, horæ, somnus, & cuncta
 quietis irritamenta, de manibus in solidum
 effluxêre. Sic desperantem; ipsum tandem
 diluculum, (quantum esse, continenter plu-
 ente cœlo, potuit) excitavit ad labores, diur-
 nasque sollicitudines. Curarum prima po-
 tissimâq; fuit; extincto supremum officium,
 & funeris religionem, impêdere. Sed hoc
 quidem per compendium, ac pæne per Sa-
 turam (quod ajunt) præstare cogor: æquè
 manibus auxiliantium destitutus, & exse-
 quiarum instrumentis. Extraho corpus ar-
 dusto; jam sanè plusquam exanimatum. &
 quoniam me ligo, sarculúmve, quæque cæ-
 tera fissionis sunt adminicula, defecerant;
 ad gladium, quo latus accingere solebam,
 verto manum: sed malè memorem, & irri-
 am. Nam ferrum, inter turbam & vesti-
 menta, reliqueram; proximo cujus com-
 mendatum. Tellurem igitur (quà tractabi-
 liorem illam deprehenderam, ac sequacio-
 rem) digitis emolior: unguiúmque labo-
 riosis conatibus, argillosam glebam in tu-
 nulum aperio; legitimúmque corpori con-
 titorium. Hujc infero cadáver: illatúm-
 que, repositis, quos effoderam, cespiti-
 bus, solterter induco. *Deficientibus etiam un-*
guis lustricis, & aspergillo, funeribus solemni;
substituto calidum lachrymarum imbrem, ex
oculis meis. Sic universum socialis humatio-
 nis obsequium claudio: flexis, ad extremum,
 super monumentum poplitibus; unà cum
 precamur

precatione. Talibus autem raptam animam
 votis & affabar & prosequabar: gemitu po-
 tius ac mente, quàm sonoris vocibus, prolo-
 cutus: &c; *Proficiscere (dicebam) anima Chri-
 stiana, de mundo! De corpore digredienti, splendi-
 dus Angelorum cœtus occurrat! Ignores omnē,
 quod horret in tenebris; quod stridet in flammis;
 quod cruciat in tormentis. In Paradisum te de-
 ducant Angeli! suscipiant Martyres: & in ci-
 vitatem sanctam Ierosolymorum te perducant!*
 Hæc, è funeralibus Hupalsensium libris, de-
 cantari sæpius audieram: ex opusculo quo-
 que precatorio, quod *Hortulum Animæ* vul-
 go nuncupant, familiariter edidiceram. Quæ
 tunc commodum, & in tempore, *Commen-
 dando* Sodalis quoque *Spiritus*, subierunt ani-
 mum; mœstum licet, ac tot unius noctis ca-
 lamitatibus multipliciter oppressum.

ARGONAUTICON
 AMERICANORUM,
 SIVE
 PERICULORUM PETRI
 DE VICTORIA,
 LIBER VII.
 CAPITVM BREVIARIVM.

I. *Victoria, regressus ad Socios, Companerosque
 narrat excessum. Aqua dulcis penuriam
 in sueto cibo supplent, & consolantur. Comen-
 tar. pag. 69.*

II. *Mon-*

II. Montano descensu prolapsus Petrus, spinis Americani rubi pedem induit. Comment. pag. 69. fin. & pag. 70. princip.

III. Præter corporis reliqui lacerationem, tres paliuri aculeos in planta deprehendit: quorum duos, mox evellit, tercio non sequente. Petri multiplex atrorūque dolorū sensus; quo tamen sa-ruiente, interim ad Socios utcumque regreditur. Comment. pag. 70.

IV. Ioannes Pediosa, ad languentem Petrum adductus, alloquio humanissimo desperandum allevat. Spinam tertiam, superstitem, illius ē planta evellit: cujus granditas, & dolorū sensus, describuntur. Comment. pag. 71.

V. Vulneris intolerabilem sensum, Victoria consulto, sed medicaminis spe, incendit; intincto marinis aqua sauciato pede: neque sine fructu. Mox, regressus contentione irritatam plagam, ob- ligat: secundum littus corrui, & obdormit. Comment. pag. 71. fin. & 72.

VI. Experrectus, Pediosam excitat: cum eo Socios ceteros antecedit; & crudis vescitur can-criis. Flumen quoddam ingens introgressi, regre- diuntur, amplitudine alvei periculūque deterriti. Subinde ceteri quoque superveniunt; numero ta- men admodum imminuti. Quibus placet, ratem in amni tractum cencinnare. Comment. pag. 72. 73. & 74.

VII. Cancris, temerē inuentis; neque multū post, fructibus peregrinis (ad fluvium, & in ne- more, quæ describuntur) Socii pascuntur: ē quo- rum, per formicas exesis corticibus, etiam sitim restinguunt. Ratem operosē, tardēque admodum fruunt. Petrus à ceteris, deliciarum causā, in- temus secedit. Comment. pag. 75. & 76.

VIII. In

VIII. Inter hac illi, rate expeditâ, flumen transmittunt; & in maris altum abreptantur. Victoria posthac, è nemore suo redux, suos nusquam inventos, frustra vocat & inclamat. jamque solus in ripa destitutus, calamitatem suam seris seriisque lamentis prosequitur. Comment. pag. 76. & 77.

I X. Victoria, ab Sociis tandem, eminus conspectis, tranare fluvium jubetur, adolescens nandi penitus insciens. Pediosa, & vexilliferi quondam sui, cohortationibus animatus; tandem preces ac vota Deipara Virgini nuncupat, felici trajectui impetrando. Comment. pag. 77. & 78.

X. Numinis clementia, Mariaq; patrocínio iuvixus Petrus fluvium, discrimini aliqui plenum, omni sine periculo, atque etiam labore, superat: sociisque gratulantibus restituitur. Comment. pag. 78. & 79.

PERACTIS in hunc modum infertiis, monte degredior; & ad plana sociosq; me recipio. Quibus, posteaquam COMPANEROSAE supremum inopinumque inorbum; mox etiam excessum & exsequias, ex ordine retulissem: affectio tenera plerisque lacrymas prolicuit. quibusdam etiam, similis fortunæ metus est subortus; repentina fata paventibus, in tantâ rerum humanarum incertitudine. Placuit nihilominus profectio- nis instaurandæ labor: & (si fortè se fors nostra corrigeret) expectatio successuum meliorum. Sed nempe tædiorum laborisq; non minus illo die, posteroque; quàm præteritis, exhaustiendam veniebat. Per virgulta primum

primum & fruticosâ loca (plerumque multum intricata) penetrandum erat: cum interrim, collapsas inediâ vires, non panis, non ferina, non aliud mortalibus sœvum nutrimentum, erigeret. Necessitatis itaque subigente lege; tandem arborum plantarumque sylvestrium radices, cultris exsculptas, in cibum vertebamus; insuper habitâ stomachi nausêâ; quæ tam insolens pabulum refugiebat. Cæterum his radicibus, quantumvis rudis & insipidis, tamen istud inerat commodi; quod, pluviarum per omnes illos dies noctesque defluxu continuo, germina fibræque subterraneæ cunctæ permaduerant: profundissimè demissis in solum imbribus; & ad intimum perrigatâ terrâ. Quô fiebat; ut, nimis jam exactis, liquoris tamen & succi copia, nobis fontanæ penuriam efficeret tolerabiliorem: sitisque remedia suppeditaret.

II. VENTUM inter hæc est ad montis cuiusdam immane dorsum; præceps, abruptum, & arbutis atque fruticetis horridum; cuius extrema littore maritimo frangebatur, ad dextram enim, crepidinis ingenti tractu, Pontus procurrebat. Illis igitur jugis Alpestribus descendendum erat; deruptis ut plurimum præcisisque confractis: sæpe lubrico, sæpe lapsibus, ac pronâ ruinâ, subversis vestigiis; gressu prorsus ancipiti molestissimoque: neque simplici tantum incommodo. Namque, nec providere satis concessum erat, adversus casum; obstantibus in decensu virgultis; &, quoties corporum motus prægravârat labantes; irrevocabili, longoque ruinæ tractu, per præceps auferebamur.

mur. In fine, vel ad extantes arborum frondiumque stipites proturbati; vel non provisis obviorem veprium aculeis impacti, perelutabamur.

Me quidem, ad omnia mala sortis puncta natum, calamitas nec ad mare quidem & littus; nec ad Caelum & Paradisum, ire sine SEPTEMBER, permittit. Ecce namque! novam supplicium tormentumque, pedibus inflictum! tanquam poenarum nihil in vulneratione proximâ, laceratô femore, contigisset. Dum enim (haud ita procul littore) reliqua declivis dorsi, properatione male consultâ, decurrere, breviaréque conor: ipso festinationis studio, velut impetu propulsus, detrudor; ac præceps devolvor. Inter decursum porro, cujus cohibendi jam nullo modo potens eram: plantarum unam, exaltatam, ad paliuros obstantes peratrociter affligo. Genus est hoc Indicæ spinæ sylvestris; truncô pariter ramisque spissis: aculeis autem, non qualibus Europæ, brevibus, macris & semidigitalibus; sed in præcrassam longitudinem, & veruti figuram, exeuntibus. Sentires; cum solo barbarico, germinis etiam hujus mores & formam, concordare.

III. TAM lævâ tunc igitur peste, vi moréque totâ devolutum pedem, indueram. Sed (quod in atrocibus plagis usus fert) ad primum recentis vulneris calorem, aut nihil, aut vix notabilibus punctiunculis, indolui: quippe stupente sensu, sanguinéque fluxum dissimulanter suspendente; propter ipsam penetrationis immanitatem, & al-

itudinem. At, simulac de lapsu gradum re-
collegi; plantis, &, ut opinabar, incessus
officio pristino, restitutus: tum enim verò,
tum primum diris intimisque cruciatibus
mactari sum coëptus. Statim itaque, pro-
ximâ quâque captâ sessionis occasione; pe-
dem faucium exporrectum, oculis atque ta-
ctu sollerter exploro. Tres reperio truci-
santos è ligno mucrones, clavorum instar:
qui cruore largo, non jam rorabant, sed ad-
rivuli propè morem scaturiebant. Nam am-
bulandi standique pertinaciâ, pressum ini-
tione sanguinem, protervè prolicueram. Eri-
go statim, reluctanti licet plantæ (spinae-
dicam, an planè radios duos?) & eos ipsos
scilicet, qui manûs extrahentis imperium
promptius secuturi videbantur: quique præ-
cipui doloris incendium suscitarent. Eos
cruoris, non tam profluvium, quàm impe-
tis quidam, velut è siphonibus propulsus,
consequi coëpit.

Sed parva visâ sanguinis jactura; dum o-
mni plagæ se furor remitteret. Ea, tertîa su-
parte, resederat adhuc intrâ nervos. Præ-
ter plurimam enim reliqui corporis lacera-
tionem; unum insuper in calce telum sævie-
bat: quantò latentius profundiusque, tan-
tò confidentius, & implacabiliore cruciatu;
Nitebar equidem & tertiam istam spinam
ruere: ceterum, linquentibus animi mem-
orûmq; viribus, irritò successu. Quid; quòd
epris præfracta radix, non permittebat se
rehendi? manûmque correpturam, intra-
tabili latebrâ fugiens, eludebat? Quare de-
peratâ tandem evulsione, cesso; paliurum-
que

que retineo. deinde, quod unicum supererat,
ad littus atque socios, claudicantem gradum
adurgeo. Quò posteaquam testudineis pas-
sibus pervēni: reperi comitum plerosque, sed
aliū alibi; super æquoris marginem spar-
sos, appulisse. Quærebant suam singuli quic-
tem atque situm; suis quisque rationibus ac-
commodum. ego verò, remedium, atque me-
dicum. Nam tanta fuit infixi doloris rabies
& crudelitas; ut nullo me loco conquiesce-
re, nullo recreari solatio, pateretur. Vix spi-
ritus, & vitalis aura mihi meare: linqui
mens atque præcordia: vultus crebris pallo-
ribus albari; fugere vigor & acies oculorum.
Ad summam! semianimis, ac pro deposito,
jacebam. Nec erat hæc muliebris & evirata
quædam imbecillitas. Causæ, casusque san-
ctæ graves; non valetudinem tantum, sed & ani-
mam, obsidebant. Inprimis; reliquæ ter-
rorum atque consternationis, ex recenti
COMPANEROSAE funere. dein, moles ac
languor itinerum: tum, corpus universum,
rhamnis & stipitibus concisum; ac (super
hæc omnia) defossa, sub ima solea, nequam
& barbari furoris spina: quæ fluentem ex
aliis undique vulneribus cruorem, alio no-
vo, dolosiorēque tormento, cumulabat. Ad
hæc; biduana jam inedia, sudor ex ambula-
tione peramarus, ac perpetuus tridui præ-
cedentis nimbus. Hujus, tametsi denique
finiti; tamen assiduus mador, nullis unquam
solibus, nullius pyrae fomentis, ab amictu
pellēque depulsus fuerat: cuius proinde ge-
lido rigore, tametsi roboris aliquid habuiss-
sem, tamen amissilem; propter continuam
illa-

pluviam & squalorem. Ac neque tunc quies horum, quæ dixi, malorum finis. Nox nimis quarta jam adrepebat; non minùs atroci pluviam minax & inhospita, quàm antecedentes sese præbuerant.

IV. Tot igitur simul incommoda, meam dolentiam, veluti conjuratione, prostraverant; nec, quid priùs posteriusque facerem, occurrit: donec PEDIOSAE mei demum in mentem venit. Illum tunc, per devia periculaque littoris me quaeritantem; immodica sollicitudo longiùs abstulerat: ac (*quod in ura nimia plerumq; fit,*) viarum error intricaverat. Et hoc ipsum ignorabam ego; sed (ut iosephus) inscitiam, non improsperam. quoniam alioquin & hoc PEDIOSAE malum, ad augmentum fuerat mei doloris valiturum. Sed ergo, velut dictum est, errorum hominis ignavus; cum, tanquam unum de comitatu, turbaque mixtum, inclamo. Cum non responderet: suspicatus id ipsum, quod erat; è proximè stantibus unum quempiam precibus egredior; qui mihi, pedibus capto, PEDIOSAM accersat. Et ille nec tardus, nec infelix indaginum; socium, paullo post repertum, adducit: multis quaeritantem, lamentantemque, quòd neque casui meo (nam exponerem homini) neque levamini, præstò fuisset. *Quin etiam, tanquam vagum (inquit) per circulatorum te quaesivi; cum littus omne circum, ac promontorii prærupta, cursitarem. ac pertransisse palarer adhuc, & VICTORIAM, VICTORIAM! inclamarem; nisi noster hic, rejecta manu reprehensum, in viam reduxisset. Iura fuerat, in excusationem allaturus ab-*

sentia suæ. Sed ego, colloquii protractionis hoc tempore fugitans, & moræ cujusvis impatiens: Non hac hora, neque locus (inquam) apologiarum, PEDIOSA; sed ultima necessitatis est. Ut totum simul scias; Itineris contentione, pluvius, madore, fume, præterea mentis deliquio, cunctiq; calamitatis mole, pressus jaceo: tanquam aliquâ de cælo strage, vel omnium in me factorum ruinâ, pessandatus. Non halitus, non vires, ac ne sanguis quidem, superest: quem ego, plurima corporis laceratione, copiosum profudi. Siquid autem hujusipsius reliquum est; illud, intrâ planta vulnera concretum, deterrimo pure taboque me torquet. nam, ne nescias: tribus prælongis, trucidisque spinis, pedem hunc, ecce, per præceps affixi! (inimul, sicut principio statim, ita nunc iterum iterumque, plagas ei commonstrabam.) Harum alteram, ac rursus alteram; quia manifestius prominuerant, evelli confestim ipse, meopte Marte. Tertia, quæ pedi fixa restat; tuam, frater, opem, tuas manus expectaret; si vel prehendi, cecè defossus aculeus, se permetteret; vel ego tantum roboris, ad pedem distendendum, rententarem. Horum neutrum cum fieri posse confidam; quod his proximum est, PEDIOSA; Moriar, sicut & nudius tertius COMPANEROSA noster: & ad beatæ mortis leges, per animæ suprema, præparabor; quemadmodum præparatus & COMPANEROSA fuit. Tu proinde Sacerdotem accerses: ego vitam meam anteactam expiabo: quæ planè jam vergit, & extrema spectat. De corpore, post excessum; ut voles, statues. Facilis erit in litoribus & arena, sepulcri gratia: quam tu propinque tuo (tanetsi de te quandoque sequio-

Equiora merito) nullo paratus, nullis impendiis; exstrues. Explebunt omnia pietas, & manus tua: quam cadaveri meo non gravatè commodabis; veteris immemor offensa, tuumque secutus morem: quo semper in Bono Malum vincere conuevisti.

Talia prolocutus, effundo lacrymās; & ad parem fletum jam pridem etiam PEROSSAM impello. Ceterùm ille multis & rogabat, & contestabatur; Non id videri sibi erum momentum: nec eum esse Fatorum articulum, defungendum ut foret. Omitterem modò tractum & effoeminatū animum (nam reddidit ille mihi, quanquam mansuetissimè, vetera mea verba; quibus usus quondam in languorem ejus fueram) Potius, adversum tam desperata mentis decreta, novā firmitudine perus erigerem. Tentanda prius omnia; quàm ad vitæ neglectum, & mortis obstinationem, evolaretur. Ac profectò nec paucos, nec in febres, liquisse vitam, non ob aliud, quàm, quod prius animum destituisent: obitus nullaque vi, neque causā; sed imaginationis solius vigore, rabięque.

Cum in hæc ego negarem ac pernegarem; iteriùs aut passum unum, aut adeò pedem e promoturum (nec enim posse) millièsque potius demoriturum, quàm unicam etiam occinpedam progressurum: Pediosa primùm repens corrigit. Mox, ubi se collegit; Atque, non id (infit) disputatur, Ambules? an obsideas? sed id solùm, Moriari? an supervas? Hoc ipsum enim vero volo, mi PETRE, anere te, loco, quo manes: & jacere situ, quo es, immotum & imperturbatum. At ego,

chirurgi susceptis interea partibus; veprem, totius mali caput, è pede proliciam: & hoc ipsum, tra-
ctu quàm fieri poterit, indulgentissimò. Matris,
dices, non medici; multòque minùs, carnificu,
hanc fuisse manum.

In hæc verba, quanquam & antehac pro-
 nus ad id consilii; tantò promptiùs acquievi
 suadenti: quoniam in PEDIOSA cernebam,
non linguam magis, quàm affectum, loqui. tan-
ta morum erat in eo juvene sãvitas; tantus
ad opitulandum sensus ac pietas. Ergò; Fiat,
inquam, fiat sanè; quod primum omniũ opus
factu censes; etiam me subscribente. Cùmque
dicto, plantam homini plagamque præbeo:
simul os & patientiam; ad quemcunq; crucia-
rum, animosò silentiò, devorandum. In quo
fortiùs profectò locutus sum, quàm præstare co-
gitãram: eo metu, ne me rursus, ut fœmi-
nam, sodalis argueret. At ille, tardè qui-
dem, nec sine doloris acerrimo sensu; tamen
soleam sauciatam aggreditur. Mihi, cùm eju-
lare prorsus jam esset in mente; tamen vox
& Animus, præter spem, constiterunt: illé-
que serò, sed tandem tamen, ex intimo pun-
cto sentem extraxit. Horridus is erat, me-
diusfidius, ac prolixus: &, siqua fides est
experto dimensòque; Calamis scriptoriis
habitiior spissiòrque.

V. POSTQUAM autem, adgratulante pluri-
 mùm PEDIOSA, doloris sævitiem concoxi;
colore magis, quàm animo, mutatus: primò
cruorem, largè fluitantem, non sine sensus
stupore quodam excepi. Mox injeci manum
ipse sedi vulneris: &, utrâque palmâ com-
pressis plantæ lateribus; sanguinem ex inti-
mis,

mis, & quàm profundissimè, prorumpere
coëgi. Sed sensim, subintrante diductam pla-
gam nocturno frigore; pes ulceroso quopiam
horrore cœpit obrigescere, simul cæterorum
quoq; vulnera membrorum recruduere; non
simplici, neque contemnendo, cruciatu. Sed
me perinde nihil, ac languor & lassitudo,
contuderant; planè viribus fractum ac de-
fectum. Itaque, totus in quietem intentus;
PEDIOSAM jubeo (quoniam jam nox in-
gruerat) in proximo somnum capere. nec
enim, quod amico porro præstare posset, de-
beretve; reliquum videri. Cæterum ego, sicuti
stratus eram, ità decumbo: *per solitudinis si-*
lentium indulturus dolorum secreto. Simul, si-
quis fortè sopor plagarum sensum, inexpect-
tato superventu, fallere dignaretur; in in-
certum intentus, jacebam. Sed me tunc
quoque, vetus illa mearum noctium infesta-
trix, insomnia circumfedit: cujus contuma-
ciâ factum, ut mihi nec à dolore mentem se-
vocare, nec adeò saltem oculos submittere
liceret; quod minimi tamen, etiam quietem
simulantibus, laboris est.

Subiit denique, sic pervigilem, nuperi ca-
sus utilis recordatio; quando, nocturno per-
scopulos delapsu, fœdè femur & corpus o-
mnine proscideram; & mox tamen compen-
diosam, ex subterlabente salo, medicinam
excogitâram. Cùm igitur de pari successu ne
nunc quidem diffiderem, in tantâ præsertim
pelagi vicinitate; connisus utroque cubito,
stratum allevare corpus adgredior: sensim-
que totâ mole membrorum in pedes erectâ,
gradum subargo; proximi littoris alluvio-

nem persecuturus. Sed neque pes imperio parebat, vulnere tardatus: nec, ad æquoris tutos accessus, ulla fax, aut Lunæ nitor, subsidio veniebant: per nubes interim & redi-
vivas pluvias extincto cœlô. Ne grallis quidem sulcare gressum, datum erat; ob penuriam. Quod unicum ergo poteram; gladiô, proximè receptô, tanquam fulcrô, subnitor. *pro Lampade verò, viarum duce, Spem bonam, & Genium tutelarem, assumo.* Comitibus hiis, prætentando manibus simul pedibûsque salebras occurrentes; tandem ad rupem quandam pertingo, litoralem; & quantû ex alluentium sonitu fluctuum conjectabam, pelago superimpendentem & immerfam. Ad hujus extantem quempiam procursum, per tenebras, ac temerè delatus; scopulum, brachio toto fortiter circumplexum, astringo; semisessitantis situ, quoniam aliter non licebat. Afflictum autem pedem undis subterlabentibus intingo. Confestim, salis acrimoniâ plagas subeunte; concreta sanguinis liquefieri, solvique cœpta; simul, inflammatione nervorum, doloris vigor incendi, cruciatu grandis; cujusmodi, nescio, Spartanûsne quissquam, aut Calanus Indus inter ignes, sine gemitu dissimulâsset? Pervici tamen ego, (siquid solitario, testibûsque destituto, creditur) nihil quiritans; ad horæ quartam, plus minùs, partem indimoto retento crure, perpetuos inter morsus saliti gurgitis; donec satisfactum patientiæ pariter curationisque visum. Tunc etenim, damnatô tam atroci lavacro; derepere scopulô, veterisque

rrsque requietis coloniam repetere, sum ex-
 orsus. Neque nihilô remitti dolor; paulla-
 tîmque, dilutâ sanie, venarum recolligi vi-
 res, & robur nervorum pedestrium instau-
 rari. Quod lenimentum (opinor) sibi con-
 stitisset in longum; nisi mea temeritas ac fe-
 stinatio, nullo remediis indulto spatiô, con-
 tinuô profectionem resumpisset. Sic ambu-
 lationis contentio, laceratâ planta, doloris
 sensum, jam utcunque compositum sopi-
 rûmque, refricuit & irritavit. Quare pro-
 gressu, quem institueram, antiquatô; sta-
 tim in proxima maris crepidine, secundum
 rupem, subsidere compellor; temporisque
 potius, quàm meis legibus, obsecundare.
 Quid autem porrò, demitigando vulneri,
 per opaca noctis aggrederer? Venit in men-
 tem, intimam corporis tunicam, lino tex-
 tam, conserpere. Quod equidem nulla morâ
 (ne mox fortè poeniteret) facio; laciniâm-
 que molliculam saucio pedi circumvolvo.
 Sic sanguinem, modò largiùs stimulari coe-
 ptum, supprimo: statimque doloris ali-
 quod, nec mediocre, temperamentum suc-
 cessit.

Cæterum non eodem vel temporis vel re-
 medii compendiô, corrigi valuit reliqui cor-
 poris imbecillitas: utique, corde potissimum,
 post tantum undique dilapsam cruorem, ve-
 hementer imminuto. Cujus proinde debili-
 tatione; cùm, obligatâ plantâ, rursus in vi-
 am me darem: pauculos post passus exactos,
 relabor; exanimi similis. Ibi tum, quoniam
 mari proximus, irâ ferente casu, jacebam;
 sicuti concideram, immoto situ noctem

eam, quàm longa fuit, universam perduro: ne quo corporis ulteriore promotu vel agitatione, subjectum in pelagus devolverer. Illic, non ut antehac, inclementi sum usus sonni fortunâ. nam haud ita multum ante crepusculi principia, quasi per lusum consopitus; stertere præter morem, sum exorsus.

VI. POST temporis aliquantum; nondum etiam plenâ luce, suscitator ipse mecum, & consurgo. Mox PEDIOSAM, adhuc in propinquo pridiano quiescentem, expergefacio: vocibus amicissimis, sed cujusmodi vulgò tamen alacres convalescentésq; tollere clamorem solent, increpitem; *Quousque, frater? (inquirebam.) Quin potius effricamus tandem oculos? & grabatò tam molli proripimur? Agè verò! sodes; &, quia pes laesus cæterarum aquare cursum non valet; ambulemus, quoad vires permittunt, in antecessum. Ità, quam egressu multum priores; tamen nihilominus non sine mole, sub extremum comitibus subsequitur, in contubernium conjungemur. Non repugnàvit postulatis bonus PEDIOSA; sed (ut erat ad assensum facillimus) Crucis figurâ frontem consignans, & stratò corpus allevans, statim est iter ingressus. Cæterorum autem compellavimus neminem; ne fortè per turbam consurgentes illi, me debilem suo more præcederent, atque destituerent. Et jam ambulationis aliquam nactus eram assuetudinem; redditâque membris & poplitibus firmitate, paullatim solidiùs incedebam. Planta quoque, cum suo vulnere, satis me clementer habebat: nec jam quidquâ omnium tam atrociter nos, quàm fames, infestabat.*

Càm,

Cùm, ecce! prater spem & solitum, singulari Numinis beneficiò, littoris quoddam in vadum incidimus; quod cancerorù copiâ, velut de composito, perque lusum, exundabat. In eos ego confestim, nullâ sauciati pedis habitâ ratione, per aquas saluginosas, irruo. Punctò temporis, obsonium nactus idoneum atque copiosum; prædæ *partem unam in posteras necessitates, recondo.* partem autē alteram, nullâ coctionis curâ facultatēve; sicut aquis extraxeram, sic crudam, in stomachum demitto. PEDIOSA verò ineus, quanquam & ipse famelicus, nec oblatam sortem repudians; tamen non tam vescebatur, quàm epulantem me respectabat & ridebat; *utpote, non ita muliò prius enori certum; & nunc tam strenuè comessantem.*

Porro tales inter lautitias, alacriùs aliquantulum promotò passu; sub ipsum ferè meridiem, ad fluvium appellimur, ignoræ (sicut in plerisque cæteris) appellationis. Is, Septentrionis è plagis ac montibus, longò devolutus tractu; posteaquam, in progressu, complurium rivorum fontiumque bibit accessiones; ad extremum, propter amplitudinem, æstuarii more diffunditur; vastus ac spatiosus alveò; Maréque, quod Zurium seu Pacificum nuncupant, quovis ostio sinûque validior, irrumpit. Ponti vestibulum quoddam, atriûmve, nominares. Sed nobis quidem (quâ parte se passus amnis est adiri) spem fecerat, ex ipsa sonorâ latitudine; posse totus vadò superari. Nec enim, quæ spatiò valent ac strepitu, flumina; perhibentur vulgò cum insidiis profunda. Nos igitur, (*quod*

hene feliciterque cederet) amnis alveo nosmet
 comittimus. & hoc quidem pedestres; quo-
 niam & navigiorum inopes, & uterque nan-
 di rudes, eramus. Facilis principio, pacatús-
 que transitus, molestiâ cariturus erat; nisi,
 quam falsus torrens, ex æquoris propinqui-
 tate mordax, læso pedi creabat. Ac nec unda
 quidem immodica, lumbis altiùs corpora
 tinxerat; etiâ illic, ubi summa fuit; donec
 ad fluminis ferè medium ventum est. Nam
 tunc & altitudine crescente, non sine vorti-
 cibus; & aquarum impetu violenter obvia
 raptante: labor progrediendi deprehensus
 est, manifestè temerarius & irritus; præfer-
 tim, omni transitûs instrumentò subsidió-
 que nudatis.

Celeriter igitur (dum adhuc res & pericu-
 lum sinerent) retrogredimur; in ripa citerio-
 re, quam reliqueramus, socios, & consiliû,
 præstolaturi. Neutròq; frustrati sumus. Nam
 & comitum aliquot interim eodem jam ac-
 cesserant: ac cæteri, super alium alius, adven-
 tabant. Qui verò convenerant: compertâ,
 relatu nostrò, discriminis magnitudine, de-
 cernebant in medium; ratem in trajectum
 instruere. Nec defuerunt salutari consulto
 multæ manus: quantumvis ad paucitatem
 redacto nostrorû comitatu. De numero quip-
 pe juvenum quinquagenario ferè, quos na-
 varchi mendax promissum navi quondâ ex-
 truserat; ad viginti quattuórq; capitum no-
 men, omnis turba reciderat. Cæteros omnes,
 ad hunc usque diem, alium itineris labor; a-
 lium fames, ac dulcium aquarum penuria;
 quosdam etiâ fluctus & incerta gurgitum.

in flu-

in fluviis æstuariisque, deleverant: si *Novem*
soles excipias, ex universo cœtu. Iuvenes hos,
 natandi peritiâ præfidentes: spes compendii,
 redimendique circuitus desiderium, ab no-
 stro corpore divulserat. Id adeò, diebus pro-
 ximè lapsis, evenerat: oblatâ sinûs, nescio
 cuius, maritimi commoditate, tanquam via-
 rum breviariò; cum tamen reverâ potiùs am-
 bages essent. Nec id odiò fastidiòve nostri
 fecerant; sed intempestivâ sanè properatio-
 ne, profectionis aliquando tandem (velut
 dixi) claudendæ. Quorum ego casus, & exit-
 um, in tempore percensebo. Tantisper, suis
 erroribus eos & ærumnis relictos, stylo diffe-
 ram; & operis ferè decursui seponam.

Nos interim (ut ad narrationis semitam
 revertar) in unum collectos cœtum; fabrica
 sollicitudineque ratis, distentos habebat. Cu-
 ram injecerat assiduus annis aspectus, & pe-
 riculi provisio; ne fortè compages parùm fir-
 ma solidâve; néve futilibus vietisque vincu-
 lis, aut fragili sparto, composita: néve cate-
 ris ad trajectum armamentis destituta, ve-
 ctiores mergeret citiùs, quàm transportaret.
 Cum primis ergò trabium circumspectus, &
 ramalium cum delectu congeries; diem il-
 lum residuum, ac posterum univèrsum, in-
 sumpsit.

VII. SED, priusquam materiem contrahe-
 remus; primùm omnium colligendæ pastu
 vires, & instaurandum robur erat; utpote, tri-
 duanâ jam inediâ plerisq. nostrû fatifcenti-
 bus. Statim autem, ac citra negotiosam inda-
 ginem, succurrit famentibus, illa, toties jam
 antehac opportuna, cancerorû piscatio: quos

tunc, per ripam vagantibus, fors & fluvii vadum obtruserunt. Adeò verò redundabat, inter tot licèt captantium manus, edulium: plurimùm ut me pœniteret, quòd in alimentata postridiana die toto caneros circumtulissēm: jam pane situ putres, & insuper portatu graves: cùm tamen eandem nunc prædam, nullâ meâ molestiâ, nactus essem & recentissimam, & perquam copiosam. Adeò nempe verum est, quod prudentes ac pii vulgò ferunt; *Qui nimis in posterum diem solliciti degenerent: eos & præsentem perdere.*

Post hæc, è chalybe raptam flammam, foliis arefactis excipimus; &, tostis perfunditoriè, morèque nostrò, cancris vescimur; cùm priùs in orbem temerè consedissemus. Hæc nobis erat cœna: quanquam alioquin necdum planè vespera vèrgeret; & ad noctis viciniam multum horæ superesset. Sed placebat nempe, jentaculum, prandium, ac vespertinam mensam, conjunctis in unum ferculis, connectere: nec prætolari *tempora convivandi*, sed facere. nam horum utique *leges non curat Inedia.*

Pastis saturisssque, restabat; etiam sitim placare. cujus tamen importunitatem fluvius, qui sedare debuerat, incendisset. Nam à maris affinitate salsedinem etiam ipse, non disparem, imbiberat; acrem prorsus, & mortaliū potibus inhabilem.

Sed, mirò modò, casus, & enimverò Numen, etiam huic malo remediū ostenderunt; cùm per amnis crepidinē, ratis causâ, lignatū vagaremur. Id ejusmodi fuit. Paullò suprâ locū, ad quem accesseramus; amœnissimo na-

kuræ prodigio, Fluvius, quem dixi, tanquam arcu quodam ingenti sinuatur. Is, quotiescunque soles (ut tunc, nimbis desinentibus) inciderent; vivam exprimebat ac fluentem iridem: fulgurantibus ex ulteriore ripâ, quasi per picturam, aquis. At pars amnis citerior (& scilicet ea, quam tunc insitebamus, ripa) semicirculi figurâ, fluminis secuta flexum; sylvâ prætendebatur densâ viridantèque: cæterum incomptæ stirpis arborum. Earum fœtus, Europæis minimè gnarus, clypeos imitatur; umbonis, ac reliquo formæ simulacro; nisi, quod omnis longi procursus expers, exactâ rotunditate, scutû aut parmâ antiqui moris effigiat. Cortex illius prætenuis gracillimusque; tenaci nihilominus duritiæ mallogranatum Indicum æmulatur. Grana ventre gerit nivei candoris: pulpam autem ambit, omnî saporis dulcedine comendandam. Hujus ut plenius experimentum sumeremus; ramos hinc indè, sanè prægravidos, quatimus, & excutimus. Ea cœnæ fluviatilis erant supplementa; rarâq; (ceu desertis in locis) mensæ secundæ bellaria nobis exhibebât. En autem! iterum nos, ac tantò molestius, sitis incessit; arefactis, ut reor, mellito gustu faucibus. Ergo fontanam ibamus, per nemus, indagatum.

Id dum facimus; dictu mirum! quodque prima vestigantium cupiditas non adverterat; universam illius sylvæ superficiem, ejusmodi, quæ descripsi, pomis constratam, deprehendimus. Venti (ni fallor) & ætas, atque dierum antecedentium nimbi, dejecerant. Ea mox formicæ, velut non omnium temporum annonam, subodoratæ nactæque; rostris ca-

tervatim invaserant. Erant enim hæ bestio-
læ, non Europæarum in morem, graciles, ac
pusillæ; sed vægrandes, & obesæ: præterquam,
quòd populosæ quoque, non viritim aut sin-
gillatim; sed per ordines & exercitus, ince-
debant. Non erant autem contentæ deliba-
tionibus, fructuúmve semesorum demorsi-
bus: verùm, ingluvie memorabili, depopula-
bantur interiora quoque medullitus: fibris
etiam atque granis, ad nudum usque puta-
men erosis. Supererant igitur volvæ tantum-
modo fructuum, atque cortices: quos ipsos
tamen ambedere per esuriem, & quasi denti-
culis quibusdam circumscribere, sunt ausæ.
Perterebrare verò, vel penitus absumere;
propter tegumenti duritiem, non sustinue-
runt. Quidquid igitur intestini spatii vacuū
in pomis his fuit; id, toto passim nemore
sparsum stratúmque, continentes tot die-
rum ac noctium imbres impleverant. Con-
charum diceres testas, aut cucurbitulas, aquâ
refertas. eratque lymp̃ha (quod stuperes) tam
lucida clarâque; minimas ut in ea glareo-
las, ac propemodum atomos & pulvisculos,
numerares. Nobis (ut, quos eo maximè die
pluviæ defecerant) apta res visa. Palmis enim
ac volis; interdum etiam pileis, excipere sue-
ti pluviales undas, in hunc usque diem: tunc
nativos hos cratêras, atque phialas, veluti
divino munere substituta pocula, sustolli-
mus. Sublatis, sinè mora pariter omnes in-
hiamus: & aquam verè dulcem, tanquam ne-
ctar, certatim exsugim⁹ exhaustim⁹que; non
absque formicarum præconiis: ut, quarum
aviditas non modò suæ fami, sed & siti no-
stræ,

stræ, prælaborasset. Paullò post, aliquantâ
jam collectâ sylvâ, conquieturi digredi-
mur : & in amnis viciniâ, sub arbutis, de-
cumbimus.

Postero die, cum primo diluculo, manus &
operam fabricæ ratis accingimus : partitîs-
que, quæ quisque sustineret, operibus, ac dis-
tributâ materie ; laborem cœptamus. Tardè
procedebat opus, propter ipsam, in tam in-
gens periculum (ut sit) districtam curam :
ne fortè fluminis amplitudini, vastitatîque,
structuræ parvitas parum responderet. Simul
etiâ defectus artis tardabat ; quippe manibus,
fabrilium insolentibus, & inexpertis. Nam-
que, dum *alius alium*, rudem rudior, *docere*
connititur, quod nunquam ipse didicerat ; multi-
tudine, malè cohærente, dissonique clamori-
bus, *proturbabantur*.

Inter talia, dies etiam alter sensim absum-
ptus ; nec tamen opus ad coronidem perdu-
ctum : donec aurora denique tertia colluxit.
Ea finem fabricæ, remósque rati, dedit. In-
eam, dum sarcinas socii comportant, ac stan-
tes, quod fecerant, contuentur : diversis ani-
mi sensibus, alius alium insectando, commen-
dandòve, distrahebantur. Ego verò, quoad
trajectionis legitimum signum ederetur ; tan-
tis per in sylvam proximam, corporis causâ,
digredior. Mox autem peregrini nemoris mi-
raculò, necnon ipsâ solitudinis amœnitate,
longiùs longiùsque protractus ; ad saltûs in-
teriora, per otium, penetro. Quo loco me,
non sociorum tantum, sed & *meimetipsius*
oblivio (speculantium vulgato vitio) circumvé-
nit, & obruit.

VIII. At, posteaquam ad me, velut è somni profundo, reversus sum: celeriter represso pede, stultitiam ipse meam ac stuporem inculcare cœpi; quòd longius comitatu secessissem. Ergò, relictâ sylvâ, regrediebar. Iamque ripam & locum, in quo ratis & socii steterant, recuperâram. Et ripam quidem stationemque, quales reliqueram, tales adhuc invêni. Ratem autem sociosque meos (prò malum!) non invêni. nam abscefferant, & certè nusquam id locorum comparebant. Miser itaque pariter atque miserandus, non temperavi lacrymis; sed cum clamore, *Pediosam & Hispanos*, citabam. Nemine verò respondente; suspicari, quod res erat, cœpi; Quoniam, nullo prius monitò, digressus fuissèm, & taciturno passu cunctos fefellissem; videlicet immemores oblitosque mei; quin etiam, nec advertentes quidem, transitum amnis indixissèm. Mox, commoditate non ferente moram, abnavigâssèm. Caterùm in eo fallebar; quòd, obliquo trajecissèm flumine suspicatus, comites in ulteriore ripa requirebam; oculis, voce, manibus, ac pilei jactatione signis editis; ejusmodi solent relictis, vel remotius dissiti. Tandem (quanquam omnino seriùs) ipsâ mora, vagusque circumspectus, commonstravère ratem mihi, sociosque desertores; jam pridem in æquoris alto volitantes. Etenim (velut postea didici) transverso cursu fursùm principiò, sicut ars navigandi dictabat, ratem impulerant; magnâque manuum & remorum contentione, laborârant; ut ripam amnis, è regione positam, contingerent. Sed quamvis placidè primùm domitis aquis, ad
vorum

totum conatus flueret: posteaquam tamen ad alvei medium perveniri coëptum est; rapidi fluminis ablari violentiâ, nec propositum tenuère, neque ratein. Hæc enim, secundo delapsu, ripæ tractum omnem citatissimè prætervecta; mox & ostium amnis, eodem abrepta cursu, subiit & infedit: donec, contra destinatum, & clamorem vectorum, in alta pelagi raptaretur. Videbam id ego tandem; magnisq; vocibus eos revocabam. neque latebam clamans. Adverterant enim aures animosque plerique sociorum; & me destitutum miserabantur. Præ cæteris autem PEDIOSA, pro suo VICTORIA receptando, totus erat in obtestationibus & labore. SED, qui adversus torrentem conatus valeret? aut, quanam tam fleu-
anima facundia mari impetum reflecteret?

Dum ergo condolent illi; dum per confusum responsant, & obtusis vocibus advocant; dum in regressum palmulas & remos flestant: momentò citius in Oceano ratis constitit. Vidisque, mortalium desertissimus (nulla sanè sodalium, sed meamet culpâ neglectique) calvam factam omnem opis occasionem. In lacrymas ergò, quod unicum tunc relictum erat, plenâ jam flendi libertate (quia nemo videbat) resolutus; *Et quid igitur?* exclamo. *Tot Ponti casibus superior, tot morbis, navali conflictui, Philippinarum erroribus, scopulorum & spinarum salebris, viarum vulnerumque languoribus, & ipsi morti, superstes; in hoc tandem, iracundis mihi sideribus, sum reservatus; ut in saviſſimæ fluminis inhospitâ ripâ, destituerer? ut me nemoris unius blanditiæ circumscriberent, & post oblectamentum brevissimum*

finum, Americâ simul atque comitatu; quin & salute vitâque, dejicerent. Hanc mihi vitam certò certius, vel avida nutrimentorum fera montibus decursura; vel, inter horrida vallium solitudinûmque, mœror elidet, ac tristitia tabes: aut ipsa denique dies, rerum omnium inopiâ consiliantem, finiet; si modò locò tam barbarò persistendum sit. Est autem omnino persistendum, misserrime VICTORIA! Nam regredienti, quam, obsecro, spes? quæve subsidia? Progredienti contrà, superandus immanissimus fluvius: vincendi gurgites, primò statim vortice, natationis inscium, in præceps contorturi: post hac autem, in exitium manifestissimum raptaturi. Nempe; Tantum malorum creat, desertâ communitate, privatum genium sectari! Cujus herculè secessionis nunc pœnas, nec immeritas, dependo.

I X. FLEBAM equidem hîs, & horum similibus, questibus; moriendi non dubius: cùm socii tantisper, extra fluminis ostiis que rapacitatem jam constituti, retrorsum vertere ratem cœperunt; quippe, segnioribus paulatim aquis, quâ pacatior maritimus fluxus incedebat. Sensim ultimæ fluminis oræ, quantis fas erat, conatibus adnavigabant. Iamque tantâ propinquitate, cis, & ultrà, consistebamus; ut alternas hinc & illinc voces mittere liceret, ac remittere: nisi, quodd adhuc sermonibus, insania gurgitum, & latè tumultuantis amnis sonitus, obstreperet. Clamabat ergò PEDIOSA meus, non securitate suâ latior, quàm discrimine meo conturbatior; *Sequerer, sequerer! &, quoniam unica patèret per alveum & undas via; per alveum &*

audas audacter penetrarem quò locò mansuetior
 adhuc fluvius incederet, ei me committerem;
 priusquam ille maris confinio misceretur. Teme-
 ritatis quidem esse genus: cum vecturâ posui cor-
 pore solitario gurgites & Euripos invadere. Sed,
 adminiculis necessariis subtractis; id profectò
 proximum esse, Necessitatis stare legibus;
 quumque consilium ad illius ingenium componere.
 Si non possem, quod vellem; at vellem, quod
 solum nunc possem: ac me scilicet profluentè
 crederem, natationis audaciâ conceptâ. Succes-
 surum haud dubiè; dum modò conarer. At si
 timere, cunctarique, perseverarem; defluxurum
 interim (unâ cum amne) tempus, occasionem, ra-
 tioneque suam. Si confestim hoc, & in calore de-
 cretè, tentarem; utcumque conatus succederet, me
 tamen hunc, ratione dictante, prudentèrque, susce-
 pturum. Certèque, periclitari cum ambiguo, sa-
 pius esse, quàm, cum ignavia manifestâ, perire.

Dicebat hæc, & acclamabat, PEDIOSA. Pe-
 diosam verò cuncti, qui tunc ratem infede-
 rant, secuti; me consensu summò, magnisque
 vocibus, ad nandi confidentiam incitabant.
 In his primas facilè tenebat Hispanus qui-
 dam, excelsi vir animi; cuiusque sub vexillo,
 certamine navali quondam, quod gestum ad
 Margaritam insulam memoravi, steteram. Is
 me, tanquam olim in ferrum, & piratas Sco-
 ticos; ita nunc in audaciam & aquas, stimula-
 re; brachia jactandi modum, & artem, emi-
 nus commonstrare; fluminis opportuna, quâ
 parte mansuetiùs vadosiùsq; decurreret, digi-
 tis & baculo designare; trepidû adhuc & dif-
 fidentem, tanquam suæ militiæ degenerè, in-
 crepare; prorsus denique, verbis & argumētis
 omnium

omnium locorum, animum hæsitantem ver-
tere. Docere præterea (persuasibilius, quàm
veracius) fluvium spatio profundoque sui
longè, quàm appareret, minorem ferri. Ne-
timendum esse quidquam: præter ipsum Timorem
Eò, simul ac semel, per animi magnitudinem, dis-
pulsò; rem omnem in expedito futuram. Iunces
levius plumæque nataturum; si generosè semei-
nandi diffidentiam abjecissem. Illà solà, nec alià
facile sarcinà, corpora degravari: quā demptā,
fluminum & sinuum victorias, jam vix artem fo-
re; sed promptitudinem magnitudinēque men-
tium: paullatim autem, & ad extremum, perdu-
ctis in consuetudinem brachiis, merissimum ac pu-
rum putū lusum. Quòd si verba sua probari vol-
lem: enimverò se testem, se vivum ac certum ex-
emplar, inspicerem. Bati quondam (aut, nescie-
quo præterea violento flumine) subversum se
cùm de cæteris subsidiis omnibus desperassèt, salu-
tem tandem ab istis (quæ monstrabat) brachiis
& ab animi robore, sumpsisse. Sibi tunc nec opi-
tulatum quenquam, nec instructum, ac nec ad so-
latium quidem adstitisse cùm extremè tamen pe-
riclitaretur. At mihi sociorum hortatus in ripa;
mihi dictamina, tótque manus, præstò stare. Se-
ipsum insuper (ne dubitarem) siquid adversi con-
tingeret, adfuturum in loco temporēque. Se, cor-
pore fluctibus immisò, contraventurum periculū
meum; etiam cum sui capitis discrimine.

Quod Vexillifer meus; id ipsum & omnes
affirmabant: ut adeò jam pudor esset, & ir-
reverentiæ cujusdam incivilis specimen; Adver-
sum tot amicissimè monentes, gerere clausas a-
res. Non me tamen interim fallebat; ab il-
lis nonnulla magis ad plausum, ac persuasio-

nem; quàm ad sensum animi, verùmque, ja-
 tati. Memineram etiam; non paucos, & ex
 hoc ipso quidem sodalizio, super ad plures
 abiisse; vorticibus & alveis haustos. Illis, in
 imillimo casu (quod in infelici BALBOA vi-
 deramus) principio jocum & lusum fuisse,
 tamen fluviorum: post autem in pericu-
 lum interitumque vertisse: *cum in oculis meis*
mergerentur, ut Icari; qui se prius auribus no-
tris, cen Dadalos, venditarent. Hæc ego, quan-
 quam probè callerem, sic se, nec aliter habere;
 nihilominus erubescbam, tot fortibus viris
 ostendere toties pallorem meum. Cùmque
 reputarem ipsè mecum; *inter multos Nanfra-*
tos, non deesse, qui vel sine tabulis enatarent, æ-
nopte (quod ajunt) Neptuno: constitui denique
meo animo meo; Non tam illorum adhorta-
 tionibus, quàm DEO T. O. M. me credere:
 quippe, *cujus in manu sita, cujus è digitis pendula,*
ferretur omnis mortalium incolumitas. Quod si
 tamen mea salus huic ipsi Numini cordi non
 esset; si fortè decrevissent æternæ leges; PE-
 TRUM VICTORIAM ab innominati fluminis
 aquis præfocari sepeliriq; *Præstare profe-*
cto; perire SEMEL, quàm periclitari SEMPER.
 Quæ cùm mecum per silentium, atque brevi-
 ter, expendissem: Sociis (tanquam Senatus-
 consulto clauso) respondeo; *Futurum me li-*
berenter, eorum in arbitrio: confestimque, quæ ju-
berent, secuturum. In hæc mea verba, cùm
 plausum omnes manu, voce, remisque tolle-
 rent; nequid ego tamen, impropitatis cœli-
 bus adorirer; positis in ripâ genibus, ad
 augustissimam DEI Genitricem, hunc in mo-
 dum, vota nuncupo; tacitéque lacrymâ in-
 fusus;

fusus; O, Mater, inquam, ô Virgo: rerum
 omnium (ex Filio tuo) potens, & universitatis
 hujus Imperatrix! Tuum, ab incunabulis meis,
 magnum semper apud me nomen, ingens auctori-
 tas, & plena venerationis majestas, fuit; esseque
 debuit. Hujus affectus pia fiducia; quod a Filio
 tuo Divino, meis absterrentibus delictis, non an-
 sim: Abs Te supplex contendo nunc, & efflictim
 exposeo. Succurre misero; ser opem destituto;
 fove firmaque debilem. Sentiat presentissimam
 tuam, in aquis, dexteram hic PETRUS: sentiat
 opitulatricem Reginam illam; cujus Nati ma-
 num, in stagno Galilaeo, quondam est expertus
 Apostolus, mei nominis. & sui collegis, princeps.
 Ecce, profundum fluminis alveum! ecce, vita
 mea certam voraginem! Sed te, MARIA, Te
 presente, te suppetas portaturâ; nihil eorum ex-
 paveo. PROFUNDIOR OMNI gurgite, tuæ Mi-
 sericordiae sinus est: potentius omni nau-
 fragiô tuum Sidus, ô STELLA MARIS! Af-
 fulge mihi, clementissimô tui favoris jubare.
 Tuos, illos tuos, gratiis exundantes OCU-
 LOS, ad pericula mea desleste. Nec immemori;
 Domina, nec ingrato, beneficium impenderis.
 Nam, me curante, meis assibus; ut primum in
 Templo Christiani ritus figere pedem licuerit;
 sacrificiis illic aliquammultis, Filius tuus in-
 cruenta PATRI suo victima litamenque fiet. Hoc
 votum esto! Sic tu, gloriosa Regina, periclitan-
 tem adjutes; sicut ego tibi, servatâ salute, pro-
 missam hostiam exsolvam: Tuoque nomini gra-
 tus semper & addictus persistam. Quod si verò
 de mea salute secius coeleste decretum statuerit;
 & VICTORIAM, placuerit, unda succumbere:
 Tu tamen hanc, Patrona Mater, animam con-
 tamina-

*aminatam, tuis satage precibus emaculare. De-
 cende favoribus, ac facundia: demumque, flucti-
 us his elutam, in divina clementia portum
 transporta; perpetua REQVE LUCEQUE frui-
 am. Satis incolumis enataro; si spiritum meum
 extremum, ad eterna severitatis, ac Iudicii, sco-
 ulum non afflixero.*

X. Sic precatus ego; jamque pridem
 ilium versus in hominem, vix ut eundem
 agnosceres: toto corde corporéque robur
 indueram. Dicam iterum, dicta licet mi-
 um & insuetum! Novos spiritus, nervos
 illos, & inusitatum pectoris vigorem, as-
 umpseram. Jamque, *Numinis ac Mariae bene-*
fició, tantum animorum erat collectum; ut,
 vel nemo stimulare, ultrò periculum au-
 erem. & flumen illud (quanquam latissi-
 mum) non ultrà, quàm rivum, ducerem;
 unico saltu superabilem. Haud ergò lon-
 gis cunctandum ratus; ne fortè (more suo)
 desceret recens impetus: DEO *Ter Maxi-*
mo me committo; quem profectò, sentie-
 am, in me spirantem, & animos sugge-
 rentem. Post hunc, Magnæ Matri, cujus du-
 ricem agnoscebam manum; & ad extre-
 um amari, me credo. Sic periculosi moli-
 minis opus, Quod bene fortunatèque ver-
 ret! aggredior: signo tamen salutaris
rúcis, ex veterrima Christianorum care-
onia, præmunitus. Rideant licèt, & ex-
 odant, orthodoxæ pietatis pariter &
 ispani nominis osiores; quibus omnis
 MARIA, deque Divorum interpellationi-
 bus & auxiliis sermo, nugæ sunt, & Phrygiæ
 pulx. Majoris equidem, historia veritatem
 nudam;

nudam; quàm illos omnes, suis cum libris, facio.
 Stylus hic, tam mei juris est; quàm illorum
 arbitrii, nasus eorum atque sanna. Siqua fi-
 des igitur, cœlum atque Deum testanti: si-
qua calami vel sermonis auctoritas, homini nul-
lum habituro mendacii pretium, nisi supplicium
 sempiternum; non tranavi (lector) transi-
 flumen; sed placidissimè fluxi. Quod verum
 esse; tot spectantium in ulteriore ripa, tot
 obstupescantium, religiosum testimonium
 firmare potest. Quid igitur erat? aut in quo
 facilitatis hujus compendium vertebatur?
 Etiam hoc non dissimulabo; nequâ parte be-
 neficio cœlesti minùs gratus reperiar. Ecce
 namque! Tamen si (contrà, quàm PEDIOSA;
 contrà, quàm Signifer meus ceterique, pro-
 miserant) nec amni sua profunditas, nec pro-
 funditati sua pericula manifestissima deef-
 sent: mihi tamen tunc, ad hæc omnia despe-
 ctanda, tantopere mens divinitus obfirma-
 batur: ut vortices etiam, & latentibus petri-
 illifos fluctus, nec pili facerem. Quin & à so-
 ciis animorum accessio non mediocris, feli-
 citatem transfluxûs adjuvabat. Succlamari
 namque cuncti; velutique nautico quodam
 classico proritare, manibus, ore, complosioni-
 bus. Præter hæc, laudibus, & omni blandi-
 mentorum arte, tanquam adhuc trepidan-
 tem, incitare. Denique prorsus omnia face-
 re, quò discriminis sensum & contemplatio-
 nem obruerent; & si fieri posset, ex omni co-
 gitatione mentis evellerent. Cæterùm, reve-
 ra nihil opus his omnibus fuit, apud animum
 meum: quippe pavore, per ingens pectus; &
 natationis inscitâ, per cœlestem alacritate-
 tem

m, correctis, & suppletis. Ad summam!
 ensu mentis in DEUM evibratô; cateram co-
 titationum ac timorum turbam, in citima
 pã reliqueram. Simul oculis inconnivis,
 aspectu Sodalium defixis; COR meum
 quod solum & unice prius palpitaverat) in
 VINÆ VIRGINIS manus deposueram: utri-
 ne forti paratissimus. Et depositum illa,
 m fide, fovit: fluentemque me, subjectis
 asi palmis suis (itã prorsus sensi) molli-
 è sustentavit. Sic in fluminis ripam alte-
 m sum transpositus: transitu non modò se-
 rô salvôque; sed per omnia facillimò, vo-
 ptatisque pleno. Quæ dum fiunt, etiam id
 agnoscere dem̃strabar; quòd, pede tam atro-
 cer sauciò, non tamen *ullâ nervorum convul-*
ne contractûve (natantium vulgari malò)
 que vulneris sensu, tentarer. Mirati sunt
 socii: quorum etiã rudissimus quisque,
 anquam ceteroqui divinorum incurius;
 men divinam in hoc negotio manum, &
 ARIAM *Thaumaturgam*, eminus cominûs-
 e clamabat. Posteaquam autem & in ri-
 m, præsentiamque comitum, evasi; certa-
 n omnes in gratulationem & gaudium
 umpere: me, pro se quisque (sed præcipuè
 DIOSA, Vexilliferque) dexteris atque com-
 exibus, instringere: meum factum laudi-
 s in cœlum ferre; non tam, quòd sibi suis-
 e monitis, quàm, quòd Deo Deiparæque
 r votum (quod eis strictim retuleram) con-
 nter inhaessem. Positis & ego confestim
 ripa genibus; Numinis opem, in Aux-
 ATRICE manu Matris ejus, adoravi: nota-
 tus, & licuisset, amnem tam prodigiosè

transmissum, æternæ memoriæ columnâ; ve
 Aræ monumentô. Sit saltem ille mihi (quod
 nomine caruit ab omni retrorsum avo) deinceps
 annis nominatissimus: dicaturque posteris,
 DIVÆ MARIAE *Eluvium*. Qui, dum
 fluat; dum prono cursu pelagus intrabit; si
 cultus mei, sit religionis erga COELI Regi-
 nam, perenne signum & ostentum. Attigis-
 sent utinam hujus obsequii venerationisquæ
 punctum, etiam veteres illi, Iasonis comites
 ARGONAUTAE! qui (si Cedreno fides est, &
 idoneis auctoribus aliis) Æde magnificentis-
 simâ suis manibus & impendiis, ad culmen
 perductâ: suo more, nescio quod, Oraculum
 interrogârunt; *Eccuj Tutela nominique sum-
 opus consecrarent?* His (Deo, velut Sibyllas, si
 & illius oraculi Sacerdotem implente) re-
 sponsum; DEIPARÆ *dedicarent*; quod Græci
 per vocem THEOTÓKON exprimunt. A
 Iason, ac Socii; *fabularum* (ut idololatraz
quàm veritatis & futurorum, intelligentiores
 Templum illud Cybeli, turrigeræ Deorum
 Matri, jussere sacrum. Sed emendavit erro-
 rem, multis post sæculis, Christiana posteritas;
 veramque THEOTÓKON fabulosæ Deûm
 genitrici substituens; delubrum illud, Zeno-
 ne rerum potente, vertit in splendidam
 famosamque DIVÆ MARIAE,
 Christi Matris, Basi-
 licam.

ARGONAUTICÓN
AMERICANORUM,

SIVE

PERICULORUM PETRI
DE VICTORIA

LIBER VIII.

CAPITVM BREVIARIVM.

Recpto Victoriâ, religatâque rate; progressi
Hispani, alium in amnem incidunt rapi-
ssimum, longéque superioribus formidabilio-
rem; & procùl venidentibus glebis ad Insularum
nozem, sparsum. Comment. pag. 79. & 80.

II. Ex virgultis viminibûsque, quæ de scopu-
summini prætentis dependebant, oblata amnis
transcundi ratio; à Pediosa impugnatur; à cæteris
approbatur, & recipitur. Comment. pag. 80.

III. De virgultis ac fruticibus penduli, ponē
suprem, sursum versus, ingenti spatio, & incredi-
bili audaciâ laboréque, per fluvium enituntur.
submersis duobus; in diversas denique insulas di-
versi, post improbos conatus, & intolerabili sub
flu, evadunt. Comment. pag. 80. & 81.

IV. Qui primam in Insulam exscenderant;
acerdotis facetissimi optimique suâsu, vestes, flu-
mine corruptas, ad nocturnos ventos ex arbus-
to suspendunt: & cursu membrorumque agitatione
multâ, calorem corporibus quarunt. Comment.
pag. 81. fin. & pag. 82.

V. In Sylvulam insula refugientes Hispanos,
alicuius enormis magnitudinis agmen adgredi-
tur.

M 2

tur. hi morsuum importunitate, nemore Socios, quanquam contrà-bellantes, exturbant, ac mutare denique locum compellunt; frigore propemodum enectos, ob nuditatem. Comment. pag. 82.

VI. Frigoris acrimoniam Sacerdos temperat, partim festiui joci; partim, receptâ sub pallium suum expansum parte Sociorum. Verùm, quietis consilium interrumpit formicarum rabies, exotica granditatis. De Pediculus Pharaonicus. Comment. pag. 83.

VII. Prioribus evitatis, calamitas tertia gravior, miseros involvit; maris exastuantis eluvio. Desperantes de salute Socios, Sacerdos adducit, ad vestimenta repstenda: quæ illi, Bacchanalitis ritu, sibi circumponunt, necessitate adacti. Mortem opperientes, eventus rerum melior consolatur; æstu pelagi sensim in littus retrofluente. Comment. pag. 83. fin. & pag. 84. ac 85.

VIII. Orto die, vulnera inflicta recognoscunt: mox, universo superato flumine, Sociis etiam ceteris aggregantur. Sed dum, continenti totâ stagnante, procedere porrò nullâ ope possunt; retrogredi, veterem ad locum, constituunt: Pedioso maximè consilio, & nonnullorum pollicitationibus inducti; qui humana in vicino subsidia spondebant. Regressi, magnâ cum difficultate, locum nemûsque pristinum, sed non & ratem suam, reperiunt. Comment. pag. 85. & 86.

IX. In nemore illo, quattuor Americanos, eosque Christicolas, deprehendunt; quos, post eorum nonnullam trepidationem, Hispani mutuâ salutatione complectuntur, deque vita conditione interrogant. Comment. pag. 86.

PLACUIT sub hac; ratem, quæ
 socios transposuerat, non dissol-
 vi (quippe nullâ tunc ignium ne-
 cessitate) sed potius, deligatam
 ad palum littoralem, in usus ca-
 pilque secuturos relinqui. *Quid enim? si quis*
forte rerum deterior eventus, ut esse multi possent,
ad eadem loca nos redigeret? In quoniam tunc sub-
ditum, nisi rate veteri, futurum? Fuerâtque fu-
 turum consilium hoc non penitus impru-
 dens; velut in loco memorabitur.

Sed interim nos iter, triduô propemodum
 interruptum, resumimus; more suo sanè mi-
 erum, invium, & multorum occurſu palu-
 rium locorum, quin & rivis, intercisum. Er-
 go progressu tardissimo, spatium viæ perexi-
 tum emensi; sub tertiam denique pomeri-
 anam, ad novas appellimur difficultates,
 præcedentibus omnibus intricatiores. Amnis
 hic erat; amni superiore nec angustior, nec
 impetu vorticibusque mansuetior. Descende-
 rat autem mediô, Septentriones inter & Oc-
 cidentem Solem, limite; locorum tali positu,
 ualem nunc exsequar. Dextrâ, littus erat
 curii maris, arduum, præceps, inaccessum
 omnibus (credo) sæculis. Ad levam; ipse, quem
 ixi, fluvius, rupe perpetuâ, plurimum editâ;
 uodque caput incommodorum; utrimque
 eruptâ, nec ullis ascensibus descensibusque
 operabili, prætensus. Et ibat in immensum,
 copulorum longitudo; nec erat, eorum fi-
 nem & exitum oculis assequi: quanquam in-
 amplissimum spatium conspicuô delabentis
 amnis tractu. Tantô porro furore cursûs, &
 quarum impetu, fluvius ad cautes frangeba-

tur : ut non modò prætermeantis fremitus fieret auribus horrore; sed etiam incurrentis resultus esset oculis miraculo. Nam rehebantur, & in passuum faciliè vicenorum altitudinem emicabant undæ; quotiescunque petra paullo vastior & asperior prominere. Tunc enim spumabant, personabantque late crepidines: ac vel aspectu tantum, tumultuque, locorum ignaros consternabant. Et tamen, inter hæc tam plena formidinum, transcundus amnis erat; nisi regressum malles; quem tunc utique detestabamur. Hærebant itaque cunctis, ad undas has, aqua: cum hinc quidem impervium Oceani littus, illinc autem horridæ truculentæque rupes obstarent, vix damis ibicibusque perreptandæ. Quòd etsi cujquam tanta fuisset ad natandum fiducia; quam nos, præconsumptis jam viribus, utique perdidimus: nulli tamen lacerti, nulla robora, tam vastum aquarum interval- lum evicissent; tantâ præsertim gurgitum profunditate, quantam omnes cernebamur; totque gyris, & turbinibus cæcarum voraginum, per amnem sparsis.

Inter tot arcta deprehensis; unicum occurrebat, & id quidem ipsum præquam anceps; sed, ut in tali rerum articulo, planè necessarium. Id eiusmodi fuit. Apparebant eminus, in amnis superiore parte (quæ Boream spectabat) complures per omnem alveum insulæ dispersæ; vagæ, nullo sitûs ordine, legæve; tanquam minores quædam, in Ægeo novo, Cyclades. Hæ, procùl æstimantibus, videbantur nec loci spatiò contemnendæ; nec adeò sitûs intervallis inter sese disjectæ; quò minùs in
aliam

iam ab alia promptus transgressus aperire-
 ur. Ità, spes erat; posse, de citiore quaque,
 on difficulter in remotiorem persultari, sine
 culento discrimine; dummodò primam ex
 s insulam assequeremur. Verùm hæc sanè
 am procul, & Hispanam ut minimùm leu-
 m, aberat; natatu laboriosissimo superan-
 m. Præter hæc autem, tametsi reliqua cura
 a prona forent, & in expedito; conflictan-
 um erat adverso cum flumine; quod, etiam
 mptâ celeritate, tamen solo secundo de-
 xu suo, contra se natantes tendentēve,
 ffaret ac frangeret.

II. HÆC, quanquam in hunc, quem retu-
 modum, essent constituta; tamen ipsa na-
 ra, clemens quoddam, adversum tot aspe-
 temperamentum obtulisse videbatur. Dum
 im anxii stamus, & in consilia varia men-
 m dividimus: quod prima trepidatio, mo-
 vitioque suò, cæcutientibus absconderat;
 ligentior subinde contemplatio monstra-
 t auxilium. Vidimus enim tandem; rupem
 lam, flumini prætensam, quàm longè flucti-
 us allueretur, virgultis ac fruticibus præve-
 itam. Et virgarum quidem viminumque
 onnulla, jam ævo squalida, vitalisque succo
 estituta: cætera verò viridantia pleraque,
 egetis etiamnum medullis. Ea, promiscuis
 ater sese flexibus implicita, consertaque;
 erpetuâ quasi sepe sic colligabantur: ut unū
 orsus, & unius stirpis radicisque germen,
 apparerent. Dependebant porrò, magnam sui
 artem, isthac fruteta, fastigiis in flumen
 ronis: sic, ut vitilia profluentem (ut sic di-
 am) aut biberent, aut certè delibarent.

Exclamat, his conspectis, unus aliquis de
 cœtu nostro, gratulabundus, & ; Bonam, in-
 quit, fortunam ! Quin, omiſſâ deliberatione, mo-
 ram omnem abrumpimus ? & immittere torrentis
 corpora geſſimus ? Ecce, natura matris ingenia,
 funes ! ecce, natatûs retinacula, remulcôſque ! qui-
 bus, tanquam in helciariâ navî, contra torrentis
 imperium enitamur in tutum. Corripiamus, ſo-
 cii, corripiamus utrâque manu virgas : deinde pe-
 dum motu, ſubremigemus. Primus ego viam vo-
 bis, & modum, aperiâ : vos autem, ſuâ quiſque
 ſerie ſubſequimini. Non abſurdum (inquit Pe-
 DIOSA) conſilium : niſi, ſicut ipſi cernitis, nihil his
 virgultis fragilius ; nihil viminum iſtiusmodi ſi-
 de, fluxius exiſteret ; ſiquis præſertim in frondes
 inciderit, jam aridas aut marcentes. Adhæc, cor-
 pora noſtra, tot incommodis exhausta, tot itine-
 ribus, & innumerâ laſitudine proſtrata ; quo-
 modo durabunt ad tanti ſpatii continuos ac pen-
 dentes conatus ? quô robore ſuſtinebunt inuſita-
 tum, inhumanum, & pleniffimum exitii ſuſpen-
 dium ? hæſuris è ſarculo tenuiſſimo molibus cor-
 porum, ad leuca longitudinem ; quæ tamen præ
 gravitate vix jam ad via terreſtris unicum ſta-
 diolum ſufficiunt ? Præter hæc, illud miror, non
 tibi, non cæteris, in mentem venire ; quod ta-
 men propalâm in oculis eſt : Amnem hunc, im-
 menſo, nullique (ſaltem noſtrum) comperta pro-
 funditatis ; ad rupis præcipuè radicem omni ſun-
 do deſtitui. Simul igitur illapſus ſis (illaberis au-
 tem, in tanta virgultorum inconfantiâ, facilli-
 mē) nulla mora, nullâque tergiverſatione, rapie-
 ris in alveum : ſcendes ut lapis, & interibis ut
 naufragus. Quin itaque potius, quantulum ad-
 hæc diei reliquum eſt, illud hic ſeſcitando conte-
 rimus ?

rimus? & in craftini lucem aliquid melius exspectamus?

NEGARUNT OMNES; in PEDIOSAE tam desperatam sententiam, se concessuros. Immo; *quare non potius* (succlamat alius, ac, ni fallor, ego) *statim nunc, & ab hoc puncto, difficultatem omnem vel perumpimus, vel finimus?* Qui nihil perat, nihil & desperet. Quod si verò morientum est: in aquis profectò præstabilius est, luctando cum fluctibus, ac fato celerè, defungi; quàm in continenti littorèue, siccos, famelicos, omnium gentes, cum lento pondentèque cruciatu, contumescere. Valeat vita, longumque valeat; si, tot inter mortes prolatanda, duret. Sin autem quarenda salus est; per faxa, per undas quaratur: ut res magna magnò nobis constet.

III. In hanc posteriorem sententiam cum essent omnes; ne PEDIOSA quidem ad extremum secus auso; *tanquam in arena captò consilio*, de ripa desilimus in fluvium. & primus in periculo, qui primus in periculi suadela uerat; undis, lumborum tenus, immersus, ambabus manibus frutices comprehendit. Atque nunc quidem altior, nunc depressior; modo corporis dimidiò superior, interdum supra scapulas, & ad colli confinia, demersus; utroque pede, strenuè natatum adjuvante, iam præceps promovebat negotium. Tum elictis, quæ primò prehenderat, viminibus; & aliis ad alia sursum versum se transjiciebat, irrequieto corporis subsultu. Quod autem auctor operis & consilii, sub omnium oculis, idem omnes, ad illius exemplum compositi, naviter agebamus: urinatoriâ pæne meritate viam, cæcos inter fluctus, nobis

aperturi. Par omnium labor, par clamor & alacritas, invicem hortantium increpantiumque; nunc voce, nunc sereatu, subinde plausibus atque sibilis; & si quibus aliis signorum stimulis ardor incitaretur. Omnes in idem intenti negotium; sed non iisdem, sicut ego reor, affectibus: cum alii quidem verò magnanimitatis sensu gestirent; complures autem (& inter hos ego quoque, meūque PEDIOSA, si bene suspicor) pectora, formidine trepidantia, jocō diffingerēt atq; verbis, coactā fortitudine simulatis. Non est (mihi credite) non est omnino calamus, qui cum arte possit; neque sermo, qui cum facundia dignitate se speret expressurum: quantum tunc molis, quantum luctu, sit exhaustum, mediis in undis; cum, supra continuam defatigationem, nos etiam sarcinæ nostræ vestimentaque, scapulis innexa, degravarent: cum mador fluvii, cum temporis hybernus rigor, intolerandō gelu corpora stupefaceret: cum spuma, cum alga, cum lutum & profluentis squalor, oculos atque capita cooperirent: cum, deceptis frequenter lippitudine prospectibus, destinata semel vimina prehensuras manus eluderent, atque præterirent: cum creberrimè sicca, vel arentes virgulae, pro firmis ac viridibus arrepta, defringerentur; fractaque, simul molem corporum ingurgites abriperent. In quo sanè tanta salutaris erat & interitus vicinia; nihil ut ad perniciem promptius esset ac certius, quàm parvula modò cunctatio. remedii contra vix quidquam aliud, quàm incredibilis celeritas, in sarmentis recentissimis comprehendendis.

Id porro contingere nulli poterat, absque corporum agilitate dexterrimâ; subfilientium ac resultantium, semperque de frondibus pristinis ad frondes, & spes, novas transfugientium. Inter quæ tamen, singuli gurgites nos admonebant inevitabilis fati; quod nos maneret; tam utique spatiofo fluminis æquore, sexcentorum jam funerum sepulcrô. Quod enim aliis ante nos exitio fuisset; idem & nobis esse posse: quotiescunque natantum aliquis petræ radices, & virgarum fascem, de manibus omisset. Id tandem è nostro numero duobus evenit; quos virgultorum, æquò longiùs distantium, attactu frustratos, sub oculis nostris repentinus hausit interitus; hand absque gemitu nostro. nec enim facultas erat, neque consilium, succurrendi periclitantibus; quippe nemine nostrum non suffinet malis occupato. Suam unusquisque Scyllam, suas Symplegadas vitare, totisque nisibus excutere; magnum opus habebat.

His tot incommodis, tandem etiam vesper supervénit; nebulosus, & in noctem caligine divergens. Cujus proinde rigore solito. (nam adhuc brumæ tempus ibat) horror æris intendi coëptus; amnem, suo pte genio prægelidum, hyeme plusquam Scythica paulatim adstrinxit. Ità manus æquè pedesque, non minùs acrimoniâ discruciatos, quàm stupore frigoris illigatos; ad laboris constantiam plurimùm languefecit, ipsa tempestatis intemperies.

SED nempe, *Nihil est necessitate potentius: nec aliquid, Desperatione meliorum, contumacius.*

Harum utrâque factum est; ut, inter incredibiles, & priscis Heroibus non erubescendas, difficultates, assiduâ contentione nataremus; ac, post tertiam tandem exactam horam, quàm orsi laborem fueramus, ad Insularum primam (uti destinâramus) appellermur. In hanc, qui ceteros labore præcesseramus, undecim evasimus, reliqui, quoniam loci spatium non eâdem commoditate turbam omnem erat excepturum; Insulas proximas insedere: prout cujque visum, bini, ternive; raro singuli. Sed tunc quidem locorum, quem quisque ceperat, faciem ac situm; & quorûnam feraces essent, dignoscere, temporis vitiô, non licuit. Nox enim, quæ plenis statim tenebris superincubuit, prospectum omnem extinxerat.

IV. Quod optimum Natura providit; ut, ubicunque calamitas, illic etiam mixtura levaminis reperiretur; id neque nobis tunc ex toto defuit. ERAT enim in contubernio nostro SACERDOS; & is ipse scilicet, qui COM-PANEROSAM, amicum meum, in supremis nuper expiârat. Vir imprimis facilis, comis, morûmque civilium; & in utrumque forum insigniter facundus. Nam, quantum sermone valebat in divinis, quorum ex officio suo dignitatêque satagebat; tantundem eloquiô pollebat in humanis, & quæ nostræ tunc curiæ. Rigidus ipse quidem, sed sibi duntaxat: minimè gentium autem censoriæ rusticitatis in alios. Non (ut quidam interdum) indulgens sibi suisque vitiis; torvus autem aliis, luridus, tetricûsve. Multò minùs acerbus atque lividus; aut morum omnium, quos

in seipſo fortè nō reperiret, exagitator. quod
equidem genus hominum, iratō creatum
cœlō, jam pridem (opinor) exegiſſet è mun-
do mortalium conſenſus; niſi malis inter-
mixti boni, communi ſecuritatis umbrā ſe-
cum etiam noxios tegerent. Quidam enim,
ex hac ſeveriorum tribu, Catonūque fami-
liā; ſimplicitatem induerunt indocilem: &
innocentiā ſuam manifeſtam, ſed ad mitiora
fleſti neſciam, etiam læſis probant. Alii verò,
ſimplicium imitamentō; ſub ſceleſto ſuper-
cilio, ſanctimonix figmentō ſe circumpo-
nunt: ut impuniùs ſæviant, latiùſque deci-
pant. Nihil ingenii talis, in Myſta noſtro:
ſed pius, familiaris, ſincerus; jocosum ſuo-
rum innocuis ſalibus, tum antehac univer-
ſum iter noſtrum condierat: tum illius ma-
ximè diei miſerias attemperârat. Lætâ pror-
sus indole, facetâque ſvaviloquentiâ; tristi-
tix nubem, quæ plerorumque mentes cir-
cumvolabat, ſux frontis & oris ſerenō diſſi-
paverat. Hic igitur talis, in eandem nobiſ-
cum inſulam aſcenderat. & tunc magnopere
nobis auctor erat; ut, primò quoque tem-
pore, ſuas quiſque veſtes, ad intimam uſque
tuniculam, poneremus: utpotè madore triū
horarum continenti fluxas; & idcirco venti,
qui tum ſiccior ſpirabat ab Aquilonibus, in-
digentes. *Effè ſingulorum amiſtus, ad ultimam
uſque ſimbriam atque licium, non modò fluvis
graves; ſed inſuper eluvie, face, lutulentâque tor-
rentis algâ, pérlicos: & à dependentibus fruti-
cum ſordibus inquinatos. Periculum eſſe mani-
feſtum; ne ſæva noctis bruma celeriter eos con-
glaciaret. Ità liquorem ſimul, lutumque i ſi-*

mulac Borea flatibus adstringerentur, corporibus non cohasura tantum: sed etiam penitus impactum iri. Penetratio verò violatioque caloris intestini viscere; siquid adhuc apud unumquemque virium, siquid animæ vitalis superesset, motum & extinctum fore. Quin potius igitur ex hoc (inquit) loco, tanquam balneas inituri, facinus apodyterium, seu spoliarium? ac nempe, quoad honestas id permittit, renudamur? Et quoniam nulla neque foci, neque rogi copia nunc suppetit; cur non, brachiorum & universi corporis jactatione, calorem provocamus nativum? Id, quod in frigore stupefactus, & pene semimortuus, vavicularibus ac remigibus, videmus frequenter, & ridemus. Multum (mihi credite) comites, multum in omni re valet membrorum exercitatio. Sed tamen agitatio crebrior congelatis præcipuè cerebris atque cordibus medetur, o frigida, mihiq̃ dilectissima, capita!

Secundum hanc philosophiam; SACERDOS, quod suaserat, princeps ipse fecit; destrictoque sibi, quidquid vestimentorum attulerat; ea duntaxat membra cum cura velavit, quæ retegere verecundix sacrosanctæ leges prohibent. Sequimur nos; ad omnem illius sensum semper flexiles & obsequentes: tunc autem in tam intricato casuum nostrorum labyrintho, (tantum non, ad usq; sacramenti religionem) homini jurati devotisque. Tactu deprehenderamus, & confuso quodam conspectu; sylvulæ nonnihil eam insulâ habere. Suspendis igitur, ab obviâ quavis arbuscula, tegumentis; de cætero, nullâ cœnandi curâ memoriave, Lupercis atque Saliis simillimi discursamus. Et nunc quidem capita rotantes,

tēs, Baccharum & Manadum in ritum; nunc autem lacertos & humeros agitantes; aliās, in altum sublatīs plantis, irrequietā succussione, subsultimque collisīs talīs: calorem arte molimur, quem nox invida nobis negaverat. Deinde, quia cum tenebrarum progressu Septentriones horridiūs spirare cōperant: sub nemoris interiora, quā pax aëris major videbatur, refugimus.

V. SED, nequod etiam hoc loco commodum Afflictis, sine morsu molestia, procederet; in media sylvā nos, familiare domibus malum, excepit Pulicum exercitūs. Hi nempe tellure, semper illic humentā, semperq; putidā squassentive, progeniti; simul, ritu suo, connubiis in immensum excreverant. Ibi congruam, & natalibus suis, & alimentis, humum adepti; glebas uliginosas persultare; non vixitum (ut sic dicam) sed ingentia per agmina; scandere plantulas; & in stirpes ac ramos eniti; foliaq; depascere. Tunc autē, humana subodorati corpora, turmatim excursionibus se dare; nuda, caloremq; spirantia, membra latenter & palām incurfare; latera, suras, femora, totūmq; corpus vellicare, prāmordere, terebrique more perfodicare. Denticulorum autem, tanta nō modō barbaries erat; sed etiam cupiditas ac tumultus: ut ipse multitudinis in pastu consensus (sicut in bombycū convictu fit) aures nostras clarissimo sonitu stridorēque morsuum pervelleret. Vermiculos serum dixisses, mori folia derodentes. In quo sanē mendacii me non facilē quisquam arguerit, cui persuasum erit; & omnem esse Pulicem impudentem; & hos Psyllos, Europæis fuisse

fuisse multò grandiores; innumerabilique copiarum colluvie centuriatas. Nos igitur dolor simul, obscœnusque strepitus; & potissimum indignitas, impunè grassantis pestis huius, exstimulabat. Cùmque nec manibus, neque membrorum volutatione, sordidam luem profligaremus: frondes ac ramalia certatim ar busto diripimus; &, in multipedes illas Harpyjas classicò cantatò, per tenebras pèrque furias, truces & implacabiles inimici grassamur: vulneribus, cœdibus, cruore, strage. Nec erat animus, conquiescere; nisi prius, detestandæ gentis internecione, contumeliæ nostræ litatum esset, satisque datum. Dixisses; *Pygmaeorum esse contra gryes bellum: aut Egyptii Pharaonis adversum cyniphas ac ranas conflictum.* Sed (vel Manichæis assentientibus) *INFIRMA* contra *Pulices* est omnis mortalium potentia: minimique censûs *Insecta*, maximarum virium superbiam provocant, & irrident. ut manifestè videat Homo; Quousque Numini contemptu provolutus sit? utpote, qui jam infra Pulicem jaceat; cùm pantheris alioquin, atque Leonibus, in Paradiso jugum injecisset. Quid multis? Fortiores nobis, turpes bestiora fuerunt; inundante (sicut fit) inter ipsa verbera, multitudine; quam nos tamen principio, sicuti pulverem atomosque, spreveramus. Apparuitque tandem, verum esse vetus illud, & Atticum; *CONTEMPTUM Hostem nocere.* Denum etenim, æquè victoriam, ac nocturnam quietem desperantes; abjectis ut plurimum armis, receptui canimus, vasâque colligimus. Mox, illius Insulæ digressi nemore; sedes in eadem alias, & alia castra, quar-

querimus; postque inultum inter tenebras errorem, locum palustrem, aliquantò remotiorem, capimus; & insidemus. Neque tamen ulli nostrum venerat in mentem, suspicari; *Nos ovum* (quod ajunt) *cum ovo*; *Seriphumque cum Gyris, commutasse*. Nam & illic malum, nequaquam immitius, advenas; sed adhuc in latibulis, exspectabat. Tantisper nos, ignorati damni nullà formidine; quieti somnòque pariter omnes inhiamus, & componimur. Sed nulla tergo culcitra, nullum collo cervical, præter uliginosum terræ solum; non corpori tegendo lodix, non stomacho refovendo stragulum. Tantummodo frondes adhuc quibusdà nostrum erant in manibus, atque rami; quos, ab recenti Pulicum prælio cruentatos, & jam foliis decussis imminutos, attuleramus. Tenacissimum id scilicet noctis solatium restabat; ac sopori potius profigando, quàm conciliandæ quieti, factum; maximè, cum à vestibus nulli ferè nostrum quidquam subsidii tegminisve superesset. nam eas, fluctu graves, & adhuc (velut retulimus) ab arboribus suspensas, aura desiccabat.

VI. SOLI Mystæ nostro, peregrini gossypii penula (ventorum pariter, & imbrum, luminumque, contemptrix) in scapulis hæserat: elementorum etiam, &, quæcunque nascuntur ex eis injuriarum, victoriis, itinere toto spectatissima. Biberat ea quidem, & ipsa, proximi fluminis plurimum. Sed, citò sibi restitutam, & assiduâ ventilatione defacatam, Sacerdos humeris circumposuerat; ramalibus abjectis. Hic, postquam humi corpus,

corpus, tanquam grabato quodam, stravit & extendit: homo, sibi semper simillimus, jocosa liberalitate potestatem omnibus fecerat; idem sub operimentum, si quis veller, veniendi. Conditionem duntaxat unicam, sibi seponebat; ut, *Quoniam PALLIUM breve cunctos, & totos, operire non posset*; Sibi, velut legitimo possessori, Lacum OPTIMUM, & utique MEDIUM, nec invideremus, nec prariperemus. Etenim, AB SE IPSA Charitatem, bene compositam, incipere debere: quanto magis igitur æquitatē atque iustitiam? Æqua lex erat: & idcō, nullā morā, gratiam oblatam, & exceptionem annexam, acceptamus. Certatim omnes, quotquot Sacerdotem tunc circumstabamus, Lacernam ejus (utcunque spatiosam) subimus. Illum autem, velut inter nos modō convenerat, medium recipimus. Mihi satīs erat; caput, omni frigoris injuriā vexatum, intrā vestem recondere; tanquam adversum ventos Asylum. Réliqui verō corporis tutelam casui permitto. Non dispar erat PEDIOSAE, cæterorūque, pro sui tegumento, cura. Nam, quā sibi quisque laciniam, injectā fortiter manu, corripuerat; eam tenacissimē retinebat. Cæterū, malē cohæsuram quietem, in tam arcto plurium strato; Flamen noster connectere sermonum suorum lepore sategbat. Id erat unicum morosa noctis levamen. Nam de somno quidem, magis magisque conclamatum, in singulas horas, videbamus. Ejus omnem deniq; spem ultrō projecimus: utique, posteaquam (deterius pulcibus malam) Fornicæ suis proreptare latibulis cœperunt;

erunt; compressione, sicut reor, nostrâ pro-
 titatâ. Nam ut primûm corporum decum-
 entium motum, & quantulumcunq; cohæ-
 rentium calorem illâ persensere; tanquam
 familiaris & æterna locorum palustrium co-
 lonia, suas inquietari sedes dolenter tulere,
 nôxque, velut de castello suo periclitantes;
 ortis suis omnibus, & cavernis subterraneis
 gressâ: per centurias ac legiones adversum
 nos tendunt; & prælium non tantum indi-
 unt, sed statim, vix datô signo, committunt.
 Nec erant ex vulgaris, Hispanæve magnitu-
 dinis bestiola: sed vastâ, gibbosâ, ventriosâ;
 dentibus præterea morsuque præferoces; &
 quando quem illuvie contaminâssent, pe-
 netrabilâ tabô contagiosâ. Prorsus, memo-
 riam mihi refricuerant illorum ingentium,
 in ARABIA PETRAEA, cimum; quos PHA-
 RAONIS vulgò PEDICULOS dictos; (a) ferunt
 esse vulneribus & pustulis infligendis effron-
 tes, sævos, & implacabiles. Hos ajunt, cor-
 poris mole mures avellanas æquare; propter
 hæcque difficillimè domari: nec deleri, nisi,
 quos nactus manu sis, malleolis ferreis (sit
 tylo reverentia!) contuderis; aut, saxi violen-
 tius ictibus, ad suppositum saxum eliseris; non
 ne claro sonitus fragore. Simili ferè gran-
 ditate corpusculorum, nec dispari peste, nos
 exercebant tunc FORMICAE barbaricæ. Qua-
 rum proinde tyrannidem, ut effugeremus;
 etiam hoc altero damnato diversorio, mœsti
 emigramus; & verissimè miserabiles, atque
 impuncti. Postea, quoniam noctis plus quam
 diemidium supererat; ad spes alias, & hospi-
 a nova, convertimur.

VII. SED, *ut ubique* PAUPER Domi; sic nos, è diverso, Pauperrimis æumnosiores, omnium extorres oberrabamus; ingruente statim tertiâ, super pulices formicâsque, calamitate; per fluctuum eluvionem. Ea neque pedis ullum vestigium in siccitate reliquerat. Cùm enim fortè sub illud ipsum noctis punctum, statis Lunæ conversionibus, concitaretur Oceanus: æstuarium amnis, pelagique vicina, cursu solito refluebant; & exundabant. Ergò, fluminis impetu retrogradò, non modò maritimum littus, & ænnis ostium, restagnabant; sed omnis circumquaque continentis campus, insulæ, colles, atque ripæ, natabant. Ecquis igitur, mediis in aquis, lectus? quis sopor, aut quæ requies esset? cùm in momenta singula salus in discrimen adduceretur? cùm ad omnè halitum, interclusus formidine mortis spiritus, tanquam in naufragio, fluctuaretur? Restabat igitur; ut moreremur. Et in hoc ipsum, quo pacto quàm mollissimè contingeret, jam curam intenderamus: omnium obliti cæterorum, & ipsius vitæ sollicitudine proculcatâ; cujus utique nulla jam subsidia reliqua cernebamus. Iam in mentibus, jam in oculis obversabantur, omnia pereuntium mala; gemitus ultimi, dolor cedentis animæ, pallor extincti vultûs, postrema lucta, conclamatio, funus, sepulchrum, & sandapila. Tantummodo; quibus modis tumulum honestè subiremus, non minùs anxie quærebamus: quàm olim Iulius, in curia Romana casus; ut quàm decentissimè caderet; sinu vestis ad ima crurum deductò. No-

ois autem, quò minùs eàdem verecundiâ vîram poneremus, nuditas obfisteat; quippe nullo penitus, nisi subligariis indumentò, velatis. Reliquum enim corporis habitù, ex arbuſto primæ ſtationis (velut retulimus) ſuſpenſum; nullius humanæ ſpei vel opis vilebatur, poſtliminiò recuperare. Nam omnes jam amnis Inſulas, & extantes glebas, atque locos, exæſtuans Oceanus operuerat. Unica ſola, quam tunc occuparâmus, formidarum incurſu pulſi, ſedes (exigua cæteroquin terræ congeries) in collem ac tumulum vecta, caput ſubrigebat; ſubludentibus undis indemerſum.

Ex hoc loco (quoad ipſe quoque fluctu ſubſurgente vinceretur) ſupremam horam experiebamur: ad unum omnes non tam inſeritûs avidi, quàm certi. Sed negavit Myres noſter, toties mihi memoratus, ſæpiſque poſtea memorandus; *Occubiturum ſe nuditate profanâ. nec enim id addecere Sacerdotis majestatem; nec adeo Chriſtiani cadaveris orare reverentiam. Si proſectò ſe Numinis impetum è vivis evocaret: cum indumento ſe committiturum; & quidem candido byſſinòque, deſcripto voluminis Apocalypſici: Ne ſuæ Conſuſio nuditatis appareret, coram illo tribunali. Quod itaque bene proſperèque ſuccederet! ſe nequius illud, in quo ſindonem ſuam ſtolâmque reliquiſſet; etiam invitis, & repugnantibus quîs, reviſurum.*

Hæc dicentem, & dicta factis exſequentem, omnes ſubſequimur; nullo recuſare periculum illud autò, quod ſacrum Deo caput ante ſanctos adiret. Ac certè, nos quoque com-
môrat

môrat operimentorum dispendium, jacturâ
 que palliolorum & thoracum:gratîs utique,
 nec ullius comòdo,cateroqui periturorum,
 inter undas. *Neque defuit animosus conatus,
 eventus boni prosperitas.* Nam,eictis vadò flu-
 ctibus; suas quisque lacinias interulâsque,
 deripimus ramis illis, ex quibus eas pridie
 suspenderamus. Non erat autem operosum
 admodum; suas ab vnoquoque vestes reco-
 gnosci, distinguere:quippe,sublustrî paulla-
 tim nocte,redditisque, cum mediocri splen-
 dore, sideribus. Caterùm; quia, siccatione
 vixdum inchoatâ, cunctorum amicula foris
 adhuc squalido madore rorabant; intus au-
 tem penitîs, tanquam fluviò, natabant: ea,
 tanquam per histrioniam, aut superstitionē,
 invertimus. deinde corporibus inducimus,
 eâ cautione; pars ut exterior,quam aliquan-
 tillum jam venti desiccârant, fieret interior,
 atque cuti scilicet applicaretur. è diverso ve-
 rò subfutum tegumentorum, quod aura sic-
 canti minus hucusque patuerat; quia totum
 aquis fluebat, foràs versum, flabris Aqui-
 lonum exponebamus: siccitati promoven-
 da. Sic, quisquis nòs tunc notorum igno-
 torumque deprehendisset, in tam mimico
 vestium habitu; vel magos nos credidisset;
 vel Cingaros Ægyptios, aut fatuos, & insa-
 nos; aut hæc omnia denique simul, unam in
 colluviem concurrentia. *Tanta nempe Necessi-
 tatis vis est, & absurditas; quoties ad summum
 venerit!*

Sed, ut ad nos redeamus: in hunc larvati-
 modum, bacchantibus similes, per æqua,
 per & iniqua restaguantis fluminis regredi-
 mur;

mur; veteres ad locos. Ibi, quem aggerem prius tenueramus; eundem nunc, ceu Tumulum, ac veluti mox sepeliendi, resumimus: In singula temporis puncta memores, atque prompti; Diluvii quamcunque sortem, eum exitio corporum, excipere. Nec id abesse procùl poterat; utique, posteaquam omnibus jam circumcircà superfusis; Insula nostra communem calamitatem nec recusare deberet, nec effugere valeret. Noachæum omnes cataclysmum, aut Deucalionis Thessalicam illuviem, animo proponebamus; & lamentabamur. *In exundationibus enim, gradatim incrementa surgere tumentium aquarum; & post longam dissimulationem, tandem (ac repente) parem unâmq; fieri vallium, camporum, & montium conditionem; etiamsi vel Atlanticis jugis, aut Armenicarum Alpium verticibus, aquarentur. A furente Pelago cuncta vinci, conegique solere. Nostrum autem illum, in quo tunc consisteremus, clivum collémve; quantulum esse? quàm non difficulter Oceano superabilem? ut, si Catoniana verius terræ VERAUCA; quàm humulus & agger, dici deberet.*

Verùm certè; Quod nemo subinde sperat, id obliquo fit: ac frequenter ibi SERVAT Deus; ubi semetipsum Homo dudum abjicit. Nam, ecce! dum stamus; dum diffidimus; dum & ita nos tædet, & mortis metus angit; conversis siderum affectibus, Lunæ malignitas mendatur. Statimque melior nos Hora cœcit respicere. Gurgites enim, pedetentim emiauti retróque lapsi; suum Pelago statum, nobis autem spem salutis aliquam & animum, reddiderunt.

VIII. INTER hæc, diluculô quoque red-
eunte; dies omnia singulâque, fide clario-
re, corperat aperire: bona juxtâ malâque, la-
borésque residuos, & ærumnas præteritas,
ostendendo. Non ultima præcedentium mo-
lestiarum, in corporibus omnium (spectacu-
lô nimis manifestô) patebat; pellibus nostris
membrisque, pulicum ac formicarum mor-
su, foedum in modum, proscissis ambesisque.
Purulentis quoque tumoribus sensim, in spe-
ciem utrium, inflata corpora; pustulas & ver-
rucas contrahebant. Idcirco concedenda do-
lori mora, dum is defauiret, erat: interimque
nihilò secius profectionis labor (etiam iavi-
tissimis) resumendus. Eum nos dum urge-
mus; insulatim, sicut pridianô vespere, per-
que gradus, glebam de gleba transsultantes,
tandem in dexteram amnis ripam, quâ por-
tuosiores eam quodammodo deprehende-
ramus, exponimur. Hic comitum nostro-
rum reliquias, à nobis pridie divulsas (velut
memoravi) multum alacres atque gratulan-
tes, recipimus. Iis, sicut ipsi narrabant, cit-
cuitus quidem longior; & ambages nata-
tionis, plus aliquantò inolis attulerant,
quàm timuissent. Sed vadum interim (ad-
versô licet flumine) non paullò clementius
ipse casus aperuerat. Nobis contrâ, trans-
gressu fluminis obliquô, compendium qui-
dem viæ quoddam; sed iniqua paludibus æ-
stuaria, sed cinices, sed barbaricæ noctis
plena cubilia, provenerant. Ità mutuas in-
ter miseriarum narrationes, respirabamus:
recollectô quidem cœtu sociorum læti; sed
gaudiô (quod in fortuna pendente solet)
neque

neque solido, neque diuturnitatis capaci. Iam hilaritudinem nostram interluebat, turbabatque, tot aquarum luridus aspectus; totis antrorsum, circaque campis, & omnino, restagnantium. Earum & abscessum opperiri, longum erat jeiunumque futurum: & viarum progressu vincere; supra res fuerat, ac salutem nostram. Quae porro retrò jacebant; ficciora quidem pleraque, peculiarumque parciora, semet offerebant: ad regressu, quasi per cusuſdam labyrinthi sum, reterenda. Nihilominus, *quarere tutiora: quam fortiora, malle; necessitatis dictamen est visum*: & si vivere decrevissemus, error perniciosus emendandus erat; nullò cœori fœdisque, nullâ laudis, aut turpitudinis, habitâ ratione. *Quem enim nos visum, irrisurumve: tantâ viventium solitudinem? Sed & si conspiceremur: prestare profectò, absannantibus os praeberè; quam periculis vitæ, inutili progressu.* Comuni proinde consilio decernimus; relegendum pridianum per universum; labore quidem multo, sed non dubiè profuturo; si modò pristinos amicos & vires utcunque retineremus.

Quid enim? retrò quidem gradiendum fore, eadem virgulta riparum, & amnis discrimini; quæ duos pridie socios mersissent. Sed relegendum tamen iter, non (ut tunc) omnium parvis signariis; verum, ingenti difficultatum commidiò, natatoribus jam expertis & exercitatis. Atreæ cœlò, non (ut nuper) turbidò tenebriçque; sed planè solaribus radiis illustri. Tum quique quod caput esset facilitatis; non (velut tunc) adversis, atque cum impetu repugna-

tari undis. Earum violentiâ magis, quàm he-
culè fruticum fragilitate, duo Sodalium funera
contigisse. Nunc autem secundissimò, spontèque
nos promoturo, flumine regressum patère; ne
tam labore manuum expediendum, quàm suo-
pre successu decursurum. Contrà verò, si pro-
positum hoc omitteremus; Quid tandemir hac ste-
rili torrentis crepidine, quid in tehare fluctibus
absorptâ, praesidii? quid alimentorum repertu-
ros? homines famelicos, senes, depositos; &
quibus (ad summam) anima penderet, ex ulti-
mo. Parcarum stamine? Sed è diverso, locum,
pridianâ festinatione decessuque destitutum; an-
nonâ simpliciter, ac natura gratiis, affluere:
Pomis utputa sylvestribus; quæ nemini, mori-
turo fame, nisi fortè superbissimè delicato, lebe-
rent in odium venire, siue fastidium. Ut au-
tem alia decessent omnia; Nonne Canceris saltens
(exclamat PEDIOSA) saepe stomachi rabiem
in pacem redegit; alimentis utique tolerabili-
bus? crudis autem & incoctis, an igne prapa-
ratis, quid refert? Quis enim IN summa fa-
me subtiliter distinguit? Et tamen profectò
tam parabili nutrimentò, nec ille locus defici-
tur; quem nos tamen malè grati priores con-
tempnimus. ac super hac, si satès oculati fui-
ssis, fructibus abundat arboreis; dulcissimis
(utî nôstis) ac sui copîâ complures in dies sus-
fecturis.

HÆC Pediosa dicebat, non tantùm, ve-
ritate rerum eliciente vocem; verùm, ut ego
reor, etiam nonnullo dolore stimulante,
spreti nuper consilii sui. Nam is restitan-
dum in ripa citimâ, nobis auctor extiterat:
fritas quidem tunc, & explosus; sed, ut
— exitus

exitus postea monstravit, nemini poenitendus: si prudens consultor, ante pertinaciam fuisset.

Fuere secundum hanc PEDIOSAE commonitionem, etiam nonnulli, qui memorarent, quod hucusque semper suppresserant, ignavo damnosoque silentio. tunc autem, sero sapiente facundia, praedicabant; sive, quod revera sic essent experti, sive probabiles tantum conjecturas secuti. Referant autem; Sibi, cum secessu forte nemoali, solitudinis interiora rimarentur; ab obviis quibusdam agrestibus cibos villatios suppeditatos; ac, super hac, itineris emetiendi vestigia commonstrata; siquam casuum necessitate reverti compelleremur. Proinde, sine controversia (nec ita procul) videri; pagos & incolas Americanos, per vallium camporumque cultiora, spargi. Neque magnopere dubitandum; quin *Novem* *los Hispanos*, ab nostro coetu diebus superioribus avulsos, situs regionis aliquis aeternior, & indigenarum humanitas, peremerit: comperta deinde liberalitate, tantumam per hospitii foedus ac jus, irretierit & illigavit. Illos enimvero, lautitiis jam catos, paulatim non solum calamitatum veterum, sed nostri quoque penitus oblitos; plebebris coloniae melioris inhærescere. teluris Americanæ bonis, ac fortunis, adglutinatos, mendicitatem sociorum per ludirium inter sese traducere.

Talia, sive cum fide referentes, sive quod in medio malim relinquere) per ja-

stantiam, & ex composito, blaterantes socios: multitudo cætera non implacidis auribus admittebat. Dissimulatô societatis inofficiosa vitiô: quod rem tantam tamdiu pressissent, conclamamus pariter; *Pariter omnes, unde veneramus, remeaturos!* Simul sarcinulas in humeros ac super capita tollimus. Mox, unô pæne jactu saltûque, corpora flumini demittimus. Deinde, periculô quantumvis minore (quoniam cum flumine, secundum amnis cursum, defluebamus) conrisu tamen laboréque vix explicabili, ripæ spatium omne remetimur; virgis ac samentis priscis inhærentes. Post aliquot demum horas, aquis æquè sudoréque madidi, martinum illud ostium totum evincimus: & itinere pedum compendiosiore, quàm pridie, deferimur ad primum illum torrentem; quem à me prodigiosô natatu, cæteris autem à sociis rate tumultuariâ, docui superatum. Hunc, cum rapidis prius incitatum undis reperissemus; secundum ripam sollerter obimus: vadum, siquod se nobis offerret, inquirentes. Id, Numinis insigni beneficio, quâ parte diffusior amnis incedebat, negotiô nullô reperimus: statimque, sine trabium ulla compage, pedestres, & alveô non invitô, trajicimus. In hoc *Providentiæ Divinæ fautor oculus*, & prona commodis nostris sollicitudo; nec inopportuna nobis fuit, nec in obscuro. quippe vadosô tunc fundo, præter spem omnem, feliciter, & in ipso tempore, commonstratô. Namque jam pridiana ratis illa, quam, in ulteriore continentis orâ religatam, destitueramus: aut

abdu-

abducta superventu vectorum recentium, difflexerat: aut (quod propius fidem reor) violentis aquarum incurfibus, præteritâ nocte dissoluta raptâque, perierat. Quidquid id erat tamen: nos præsentî trajectûs successu contenti lætisque, *quod amissum erat, amissum ducimus*: ac, secundum amnis marginem pedetentim descendere, concordēs; postremûm illi, quem præteritâ luce deserueramus, luco gratulantes ovantēsq;e, rursus impingimur. Eum, ex arborum virore, fructuūque compertâ fertilitate; statim, & facîle, recognoscimus.

I X. SED, ecce; nemoris in ipso penetrali, cuius amœnitas me pridie, de comitatu pellectum, avocârat: *Viri Quattuor* jam stabant. Priores hi tunc in occupanda destinatâ sede: cæterûm non aliâs nobis antehac conspecti, vultu verò, formâque (quantûm apparebat) Americanâ, naribus diductis; obrusôque, vel introrsum presso naso, more gentium illarum. Hi, simul nos, tótque juvenum advenarum globum, ex adverso tendentem, derepente conspexêre: paucitatis suæ diffidentiâ, peregrinîque roboris (ut fit) formidine, confestim attonantur. Protinûsque, velut fulminis contactu stricci; priusquam omnino congregerentur, alius aliò diffugiunt. Quâ trepidatione de numero nostrorum, nescio quis, externatus; sicut in re multûm insolenti solemus, per admirationem exclamat: & *I E S U Bene! quid hoc (inquit) terroris est? Isti mortales, nos Hostes esse suspicantur; cûm Hospites tamen & Amici simus!* In quæ verba, barbari, jam


olim fugitivi, simul pedem referunt, simul errorem suum corrigunt : ultróque se nobis sistunt. Inter hæc, dum exactius nos considerant, & (ni fallor) Cruces etiam Caravacæas, de plerorúmque renudatis collis, contemplantur : continuò metum vertunt in fiduciam ; & rusticitatem, in reverentiam quandam civiliorem. Mox & alloqui nos salutaréque perhumaniter instituunt, dialectò Peruanâ ; quam etiam nostrum haud pauci, cùm olim Panamæ versarentur, nec per transfennam, attigerant. Igitur : O (conclamant) ó *Iuvenes optimi ! Sic in CHRISTO nobis, sic in Christi MATRE, semper salvi sitis & incolumes ; uti vos, inimica gentis stiperem, eminus suspicati sumus : & piratas esse Britannos credidimus : cùm vos interim Europææ religionis flos, & haud dubiè gens Hispana, sitis. Illos alteros detestari formidareque, juris gentium est : sicut, è diverso, nationem orthodoxam diligere complectique. Rationis hoc, & Evangelica legis, præscriptum est : Amare fratres. & hic animorum nexus, CHRISTI discipulorum publicum est, ac receptum signum : sicut Catholici nota nominis, Hæretico perfido nec AVE quidem dicere. Gratia cœlesti regi ! cuius divino munere, cuius innocuo cruore, Nos etiam, Americana Barbaries, nos populorum & rerum ultimi, qui sedebamus quondam in Tenebris, umbræque mortis, respersi sumus : qui, divinorum pariter humanorúmque rudes olim, nuper admodum per Castellanos Lusitanósque Doctores, Lumen, Religionem, fas & aquum, adspeximus. Ea nunc cuncta simul, Angli prædones (si vota perinde fluent, ut naves eorum) ereptum &*

extin-

extinctum eunt. Quæ, cum illi dixissent; nos, invicem salute gratulationeque redditâ, feciscitari pergimus; *Ecquod hominum genus? unde domo? quibus vita rationibus & institutis? quid denique, tam procul Insulis Britannicis semoti, stomachi vel bilis adversum Anglos, conceptum ferrent? quare tam acutum querelarum origo simplices mentes insedisset? Num lasi, damnisve laceßiti frenderent? An ex fama potius, & amulorum obreclatione navibus indignarentur Puritanis?*

Ad hanc interrogationem, is, qui de *quatuor* Americanis videbatur animosior, ac fervidioris ingenii; *Quid multis?* (inquit) *Nos indignamur, & ex damnis, quibus per Britannos mactati sumus; & ex famâ, quâ pessimâ laborant, hac quidem tempestate.* Simulque, postquam nos audiendi percupidos se nactum videt; ad narrationem plenam, se labiis, vultu, statûque corporis, componit. Nos autem, umbrâ simul nemorali, quietisque studio provocati; confidemus in circulum.

At is, medio receptus confessu; sic apud intentos, exorditur.



N 4

AR.

ARGONAUTICÓN AMERICANORUM,

SIVE

PERICULORUM PETRI DE VICTORIA,

LIBER IX.

CAPITVM BREVIARIVM.

I. **S**enior è quattuor Americani narrare orditur, suam & consortium suorum vitæ conditionem, captivitatemque; Anglicanus sub piratis aditam. Eos, unâque Franciscum Dracum, execratur. Comment. pag. 87.

II. Subnectit deinde; Suggestum sibi ab Hispano quodam nauclero concaptivo consilium; ad libertatem, per præfecti absentiam, commodâ fraude repetendam. Ejus Oratio hîc ponitur. Comment. pag. 87.

III. Addit; Quibusnam rationibus, de fuga modo dubitantes captivos, idem nauclerus animavit, & impulerit; refutatis eorum timoribus. quem item latibulo receptumque locum suaserit? Comment. pag. 87.

IV. Recenset insuper; Se, gubernatoris illius monitis obsecutos, lignandi aquandique specie, navi Britannicâ digressos: &, captivitate ruptâ, in illud ipsum nemus feliciter delatos esse. Præbent iidem quattuor viri occasionem Hispanis, sciscitandi super nauclero illo Panamæo; qui Victoriâ atque socios ejus, perfidè navi suâ emove-

noverat. Commentar. pag. 87. fin. & 88.
incip.

V. Narratur à piscatore Americano ; quid
super inter nauclerum illum Panamaum , ac
Britannos piratas , quòque successu, sit gestum.
Comment. pag. 88.

VI. Novæ rati molitio ; novique & exoticæ
emi. Tellus stagno passim infusa ; post , tumuli
collesque sabulosi, sociorum iter plurimum tur-
ant. Comment pag. 88. & 89.

VII. Pediosam siti confectum , refocillatu-
us Victoria , cum aliis duobus abijt, remotam ad
pluam. In via deprehendunt (sed inscii) fero-
rum hominum impressa sabulo vestigia. Victo-
ria nudipes spinis ac fruticibus , denuò gravi-
ter plantas afflicta. Commentariol. pag. 89.
& 90.

VIII. Egerrimè jam progredientem Victo-
riam , miserati duo comites , ad Socios remit-
tunt. Redeuntè , tertius quidam utrem extor-
quet ; & precedentibus duobus se comitem jun-
git. Quos omnes , quo casu interceptos , vero si-
mile sit ? Victoria, reversus ad ceteros, cum il-
lus puteum effodit ; verum , aquis ad usum inha-
bilibus. Comment. pag. 90. 91. & 92.

IX. Ulterius progressus cum sociis Victoria ,
post triduum incidit in signa luculenta , ex qui-
bus colligunt , Tres illos aquatores ab Anthro-
phagis devoratos. Eorum igitur exitio illa cryma-
si, ipsi ad loca devota, & intiora, deflectunt. Com-
mentar. pag. 91.



MARIS hujus, quod vulgus ZU-
RIUM, vos autem PACIFI-
CUM appellatis; in cujus nunc
littoris viciniâ sedemus: pacem
disturbat nemo, præter inquietum
Anglorum discursum. Hi procul, alium
in orbem, alio penitus ex orbe, veniunt
ad nos in myoparonibus: nullâ salutis no-
stræ, sed solâ prædationum curâ; pestiferò
cumprimis thalassiarchi cujusdam exemplò:
quem à suis DRACUM intelligo nomina-
ri. Ferunt; hunc equidem alterâ suâ, quam
ad nostras plagas adornavit, navigatione,
Panamam incurfasse; Nombrediosam vete-
rem ejusque templum, in cineres magnam
partem vertisse; Castellam Auriferam, &
omne Peruanum imperium, affectâsse; si vo-
ta processissent. Verùm; antè decennium
plus minus (a) ad Portam, quam vocant
BELLAM, conversis velis, mediò tandem
maris cursu restitare coactum: ac, quam-
vis ingentibus rei perficiundæ spebus infla-
tum; obscœno repentè fluxu viscerum, &
ventrem & animam exegisse. Visum est in-
præsens pacatius aliquantò pelagus; inter-
ceptò morte, qui fluctus & arma moverat.
Sed nunc latronis illius maritimi conatus
vestigiaque premunt (per aliquot jam an-
nos, ab Regina gentis illius funere) nov-
Latrunculi: minorum quidem illi nomi-
num; sed scelerum successuumque vix in-
feriorum. Hi namque, non contenti spo-
liis grandibus, aut onerariarum opulent-
direptionibus; etiam tenuissimas opes, a-
pau.

paupertatem capite censorum, incurfant:
 corripuendis lembis; ac trahendis in mi-
 serum servitium iis, quibus omnis ex
 arundine lineaque spes pendent. Ecce nam-
 que! *Quattuor nos*, quos videtis, mariti-
 mae regionis hujus indigenae; ceterum jam
 olim CHRISTI cultores, & religionis
 Romanae; PORTUM æquoris Zurii, quem
 ARIAE vulgò nuncupant, piscatu frequen-
 tabamus. & hoc quidem ex instituti no-
 stri vitaeque conditione. Fortè sic usus tu-
 it; ut ad littoralem oram (nec ità procul
 coloniâ nostrâ) phaselum exerceamus; &
 etia sagenamque spargeremus: cùm ex
 transverso, non prius observatus, pirata
 Britannicus, in nos ab alto decurrit.

Quid expectatis deinde? Nempe *quat-*
tuor senes, inermes, & repugnare prorsus in-
 validos, unâ cum celoce, sine mora lon-
 giore, capit; mortalium vilissimos, & na-
 vis Anglicae, non nisi pondera, nullos in
 usus valitura. Sed scilicet, id genus pradoni-
 bus; quidquid ad numerum accedit, ad com-
 modum etiam accedere videtur: ac, prater hoc,
 plerisque mortalibus, (orbem & Solem exte-
 rum affectantibus) pro vera gloria saepe Va-
 nitas placet. quâ fit: ut, ad suos reversi;
 quando victorias & opulentiam nequeunt, pe-
 regrina captivitatis homunculos, tanquam
 per circum & triumphum, ostentent. Id ip-
 sum, animo Piratae decretum infederat;
 in Angliam ut nos suam deportaret. Iam-
 que permultum temporis, oberrante per

Oceanum onerariâ , defllexerat; sine præda , spoliisque novis. Præfectus autem paronis , intermissis in præsens insidiis ; pro furto raptiisque , littus ; pro recentibus periculis , quietem respectabat ac patriam. Nec id absurdum prætextu : quippe , subigente feroces animos , tum vel maximè , rerum necessariarum inopia ; quâ singulos in dies gravius conflictabamur. Ecce verò ! secundissimis coortis flatibus ; in hujus ipsius littoris , in quo nunc stamus , viciniam , subducimus navim Anglicam : atque religamus. Indè ; quia nondum etiam omnis cœlo decesserat hyems : pars vectorum classiariorumque lignatum & frondatum ; pars (dulcibus absumptis jam undis) etiam aquatum excendant. Ac nec archipirata quidem sibi temperavit ; quò minùs , explorandæ viridioris continentis illecebrâ , phaselo prætoriâ littorum semota peteret.

Inter hæc igitur ; cùm prædonum detestabilem præsentiam , & oculos , felix casus nobis submovisset : ad salutis consilia mentem convertimus ; in hunc , quem dicam , modum atque fraudem.

II. ERAT in eadem tunc hólcade nobiscum , nauclerus quidam præsignis ; Hispanus gente , moribus ac religione bonis omnibus probatissimus : cæterum captivus etiam ipse , velut nos ; & indignæ sortis. Hunc , jam olim per mare PACIFICUM annonam ac mercimonia vectantem ; Britannus noster , injectò per vim uncò , victor attinuerat : & , quanquam armis reluctantē ; unâ cum oneraria , cùmq ; vectoribus , in potestatem atque servi-

servitium, pertraxerat. Processū deinde temporis; tametsi compede religatum, magisterio navis & clavo, propter spectatissimam gubernandi peritiam, applicuerat. Is talis ergo, posteaquam, abcessū Præfecti cæterorumque, nos pane solos secum relictos conspicit; gnarus etiam ipse (quantum satis est) Americani sermonis, nos mœstos ac desides, ultrò priórque perhumaniter affatur: ac. *Tristes (inquit) & invitos, jam pridem vos video, neque miror: quippe captivos; & in hostica navi servitutem toleranties. Vultus vester, animum vestrum loquitur: conceptamque mente nubem, profitetur frons, ruga sulcata, morosoque silentio restrictus, & parvus, sermo. Nec aliud impræsentiarum ipsa ratio vobis, & avida libertatis natura, dicere debet. Quin itaque, si verè servitium istud execramini (sub tam perfido præsertim capite) si vitæ prioris amœnitatem ex animo suspiratis; si viri denique, si fortes, si conjugum liberumque, memores estis: rem pulcherrimam tentatu? & ergastulo fædo, per honestissimam fugam, vosmet eripitis? Patet, ecce! patet janua felicitis supra votum occasionis: absentia, nempe, detestabilis archipirata; prædonum & epibataram digressio, remigum, Anglo juratorum, miraritas: paucissimus denique, per transtra navigii sedens, Corycaus ac speculator; & hic ipse (ne fortè fugere dubitetis) somnò marcidus & oculis auribusque clausis. Ad me quod attinet; videtis ipsi ferreos hosce tibiæ nexu; qui me stringunt & inhibent, inexsolubiles: promptum cæteroquin viribus, & animò paratissimum, ad idem ipsum Numinis beneficium acceptandum; & vobiscum unà jamjamque dilabendum. At vos.*

sine catenis estis; ac prater hoc paucissimi numero; proptereaque conjurare tantò fidiore; simul & fallere, discedereque, securiores Quid? quid nec opus quidem est aperto profugio? Pratentui capite, maritimas necessitates, quæ multa sunt: ac, palam omnibus, dicite; Nondum etiam plenè depulsâ brumâ, Verni temporis inconstantiam instare, rigidas auras, immite perfidumque cælum, & tempestatum Aquilonarium turbamenta, vestris aquoribus anniversaria: vobisque, tanquam indigenis, ante ceteros omnes, notissima. Talibus frigorum incommodis, non simplici, neque collectitiâ frondatione; sed, cum industria copiâque defectis sylvis, obviam eundum esse: caduâque plenâ lignatione subruendas, in focorum & camini nutrimenta. Porro vobis (nec aliis magis) in tota navi, compertissimos esse littorum salus, in materiem habiles ac feraces. Vobis potissimum, omnia dumetorum ac nemorum excussa tritâque penetralia; velut laris domestici non minùs, quàm piscationum, studiosis; utpote, quibus, gelû confectis, ex aquarum usu continuo; culina, tempestivusque calor, multum cordi sint. Hæc si jactaveritis; velut boni communis perstudiosi, nemini non exscensionis causas probaveritis: dimittetque vos; etiam si quis ceteroquin adversatus esset, rigidus observator.

III. ISTHÆC nobis Hispanus (inquit Piscator) At nos adversum illa (pergit) Haud absurdè captivis (inquimus) nec invitis, consilium ministraves. Sed, quo tandem eventu? quibus itidem vita subsidis (si, semel relictâ frumentariâ navi, solo sterili nos commiserimus) famelicam & exesam animam trahemus? Finge super hæc, immò, sine dubitatione crede; Praefectum myopa-

myoparonis (ut sanè furiosus, & in conjecturas pronus est) posteaquam in navim redierit, comperto quattuor captivorum digressu, quod res est, suspicaturum. Propone tibi, graviter animo, velut assolet, exarsurum. Puta: dubio procùl, emissurum adversus nos scapham; quæ fugitivos vestiget: mandaturum in nostra capita sicarios, ferrum, mortem! aut (si quàm clementissimè nobiscum agetur) imperata daturum armatis; qui persequantur; qui deprehendant; qui de fuga repressos, in flagra, fustes, ac vincula retrahant aternorum nexum. Cedo, quid tum nobis? quid tergo, cervicibusque nostris, & pedibus, fiet?

At ille; Nihil (inquit) & nugæ! Nam secessum quidem vestrum ego, communis necessitatis colore palliatum, purgabo: Defensoriâ quàm fascundissimâ. Caterùm absentia vestræ moræque longitudinem in lignando; Præfectus ipse (siquid adhuc humani sapit) aut casibus assignabit, qui multi varisque negotiis intercedunt: aut tribuet errori viarum, atque nemorum ambagibus. Immo fortassis ultro, tanquam deceptus & avius; misericordiam, ac mollem animum, impendet. Interim ego, gubernatoris jure, causas aut inveniam, aut faciam; ob quas, velut ex Oceani ventorumque lege, naves in altum ab littore detruam. Nec Archipirata propter quattuor Senecionum corpuscula (quæ forsitan ipsa mox atas dissolvat) cuncta maris & cæli commoda, sub ictum dabit; longâ vestri vel indagine, vel expectatione. Cùm præsertim prædonibus, servorum aequè facilis sit, & iactura, per casum: & reparatio, per novum plagium. Tantisper vos (citius, quàm dum hac eloquimur) recuperata libertatis amor, ac pedes, domestici larvæ cupidine vivaces; longiâs

longius pridem abstulerint : quàm , quò piratarum spes & conjectura sequi possit. Verum , de-
mus hoc tamen vestro scrupulo : concedamúsque ;
Cuncta , qua vos metuitis , eventura : quàm facile
patet , quàm propinquum & compendiosum , in
saltus vicinos , & in montes , iter ? Hos simulacra
ramitibus vobis notissimis , penetraveritis . quot
(quæso) vastis illis in recessibus , amfractus ? quot
tesqua , salebra , latibula , subterque terram mon-
tani specus ? In iis , quoad scrutantium primus ar-
dor deferbescat ; nullò penitus discrimine metú-
que desidebitis. Quòd si verò requiritis ; quid
post hæc omnia spei sit ? ecquod asylum , aut mun-
itus locus , qui vos profugos receptet ? etiam istud
ex me discite. Progressu vobis ad littora , Peru-
vio propinquiora ; quæ Solem orientem maritima
regio contuetur : longa quidem , ac deserta conti-
gens , jacet. creberrimu præterea paludibus , &
astuariis , interfusa ; sabulóque difficilis : inter-
dum autem etiam sylvis implexa. Labor hic via-
rum , supra fidem quidem ; sed non supra vires
est : & tamen omnino devorandus , præsertim vi-
rus , salutem ac libertatem quærentibus ; quorum
utique commodorum cupidine , mortales etiam
ferrum , & invia , perrumpunt. Post hæc verò
superata , paucissimorum impendio dierum ;
MONTIA jacebit in conspectu , TURRI maris Por-
tus omnium opportunissimus. Secundum hunc
autem , emporium , omni rerum copiâ dives ac fe-
lix ; civibus insuper , ad omnem humanitatem
factus atque natus. Iste scilicet malorum omnium
terminus , iste servitutis finis erit . ac vindicta.
Quæ vos utique , vel cum sexcentis periculis , malle
debetis . quàm sub profani ritus navarcho cor-
poris atque conscientie tyrannidem. Ad me verò
quod

quod pertinet : equidem salutaris consilii gratiam à vobis nullam aliam postulo ; quam mei , meorumque vinculorum , in meliore fortuna vestra qualemcumque memoriam.

IV. SUASIT hæc Hispanus , prædatoriæ navis gubernator , nobis , omnium consiliorum nudis : & , in tot argumenta jam finè controversia credulis , tandem planè persuasit. Statim ergo , ne CUNCTATIO , solitio suavitio , bene consultata destrueret ; navì Britannicâ , cum asciiis culleisque (tanquam postremi lignatorum aquatorumque) digredimur : paucis tamen prius , & inter lacrymas , Hispanum complexi. Cæterorum , non modò tricas nemo ; sed neque sermonis rémoram , aut interrogationem minimam , ausus interponere : dimisère nos , de mente vel professione negotii nihil ambigentes. quia nos cum tam manifestis operum instrumentis , & simplicissimo digressu , contemplabantur. In hunc igitur modum , tanquam lignicidæ simul & aquarum ministri , densâ sylvarum petimus : quaque maximè visus lucus impenetrabilis , concordî silentiò nos recondimus. Dum latemus autem (nec multò sub fugam nostram) stimulante , sicut opinor , gubernatore : vela prædones faciunt , sine nobis. Idque , sive , quòd non sentirent absentiam nostram ; sive , quoniam (quod propiùs fidem est) non magni penderent. Idipsum tunc nos fecisse piratas , suspicati ; præsertim humanæ vocis nullo percussu deprehensò : tandem de nocte , tenebrisque latebrarum , in lucem & aëris apertum prorumpimus. Deinde , cursu per semitas notas ignotâsque continuò ; demum hunc,

hunc, in quo nunc à vobis inventi sumus, locum ac sedem tenemus: hilares equidem ac laxi, quòd hostem evasimus; lætiores autem, quòd ad amicos. Hispano verò nauclero (primo libertatis nostræ suasori, magistroque) quid postea factum sit, aut futurum? quanquam illi, pro meritis in nos eximiis, evenisse quàm optima volumus, ac vovemus; tamen, ex quo digressi sumus; in ignorantie pariter ac metu, pro viro sumus. Nam illius nationis homines, & quidquid Philippis paret, Britanni pejus reliquis omnibus ode-runt, & accipiunt. Et hæc nobis senex de-narrabat.

REFRICUIT autem, ultimis historix suæ verbis, memoriæ nobis antiquæ navis nostræ; quam jam pridem ex omnium animis desperatio deleverat. Tunc verò subire mentes ea cœpit cogitatio: Ne fortè, piratarum etiam ipsa spoliū facta; jugum & arbitrium Anglicanum subisset? Quid tum igitur (popularibus maximè nostris, quibus adhuc refertum navigium erat) quid sarcinarum nostrarum reliquiis accidisset, in suspensio tenebamus. Itaque, cùm interrogare, visum esset operæ pretium; primus (ni fallor) ego, piscatores aggressus; *Et quàm dudum, ajo, myopæronem vos, ac servitutem, intrâstis?*

Hic illi; *Si menstruum* (ajunt) *aut paulillò productius spatium, diuturnum est* (ut sanè Cæcivitatis omnis, etiam brevissima, cervicibus ingenuis annus & xvum est) *dudum in illud ergastulum incidimus. Idipsum tamen, si vobis medicum & arctum tempus est* (quippe patriâ, parentibus, ac propinquitatē jam forsitā atatem carentibus)

entibus) fatemur; nos exiguo dierum noctium-
 que numero, sine liberis atque conjugibus nostris
 degere. Tam modico nihilominus intervallo, mul-
 ta magnaque mala vidimus: nec ea siccis oculis.
 Inter cetera, religionum contemptum; captas, ex-
 ilatas, demersasque dromadas, & liburnicas; ra-
 ptas virgines ac matronas: abstractos, contra fas,
 in nefas ingenuos. Experti furta sumus, sacrile-
 gia, latrocinia: nec non cruorem, ac cades; si quis
 fortè, jure gentium & natura, defendere suas ope-
 ras ausus esset. Quanquam pauca tamen (subdit
 quattuor viris is, qui narrationem primam
 pertexuerat) immò vix ulla navis, insolentia
 Britannorum obviam ire sit ausa: prater uni-
 tam (quam quidem sciamus) actuariam, Hippa-
 tiensis, ut ferebant, vectoreibus onustam: viris,
 ut ad resistendum alacerrimis, sic ad victoriam
 omnium felicissimis. Erat autem illa navis, ut ex
 ejus rectore ceterisque signis, & aplustribus, colle-
 ctum est; Panamæa. Quæ cum ille diceret:
 nemo sociorum ambigebat; quin nostram is
 loqueretur Navim, & eam ipsam: quam &
 Philippinis recursantem, perfidiâ fraudéque
 gubernatoris (sicut sæpe dictum est) nos per-
 exscensum reliqueramus. Hunc ergo sermo-
 nem interfatus PEDIOSA noster, in pesca-
 torem verso vultu; Narra, narra, quæso te; sed
 simpliciter (inquit) ac fide tuâ; quid nauclero,
 bipedum scelestissimo, deterrimùmque malorum
 commérito boni casus successerit? Simul raptim,
 ac velut per tumultum, omnes nos, alius ali-
 ter, mixtis questibus; facinus Panamæi gu-
 bernatoris aperimus; cum quo compositus
 gubernator Hispanus, ipsorum conservator;
 tanquam DEUS ad LUPUM, conferri posset.

Con-

Conclamamus simul; Indignum esse, vitam ei (necnon victoriam) prorogari: quem nos, pro noquam factis, jam dudum condigna supplicia, novissimis exemplis expendisse sperassemus: & certe saltem naufragio, scopulis, marinis belluis, aut, aliter indignante cælo, deletum.

V. His auditis, senex; Si, quod narratu, verum est (ait) ut esse, non dubito; scilicet, etiam in illum contaminatum hominem congruere, manifestè video; quod adagiò populus frequentat; In Deterrima quæque capita, fortunam optimam delabi. Nam ecce! legentem Zuri: maris littora Panamaam biremem, speculata piratica Britannorum; haud multò post, quam nos in servitium incidimus: validis cæpit remis, & omnigubernaculi conatu, persequi. Porro, cunctantibus his celeriter; & illi majori celeritate fugientibus: ad extremum Anglus quoniam onerariam suam animadvertibat, ad sperata spolia tardioris esse moliminis; celocem emisit, propulsu circumactûque precipitem atque volubilem. Hanc, ut tanto validius navim Panamaam incesset; abuncis ferreisque corvæ, & harpaginibus, providè circumprimis instruxerant. cæterum fiducia successus, quam successu, meliore. Cum enim in congressum amba naves cominus venissent; prior quidem certamen est ansa celox: Nec tamen ideò vestrorum animos fregit. Dum enim hinc fistularum glandes, ferrata tela, superbi clamores; illinc autem, pro salute dimicantium, serius ardor, major virum copia, grandis & Hispanus animus, promptæ manus, & creberrima missilia, volitant: post diu pendentem Martem, Angli tandem vestratium saxis & imbre lapideò, depelluntur. Namque, futurorum cati; petrarum & scopulorum fragmen-

fragmentis, ingentique congerie filicum, Hispani
 carinam & tabulata sua, passim intraverant:
 &que, consumptis armorum ceteris auxilium, in
 hostiles vultus & pectora feliciter effuderunt. At
 Britannici, cum dedecore retusi; terga victoribus
 & gloriam concessere; longius refugi, quam, ut
 Iberici funditores porro sequi possent, aut saxis
 suis attingere.

Succlamamus in hæc omnes; O, nequam
 hominem, nauclerum Panamæm! ô fortunam,
 auspice candidiore dignam! ô fidos, & suo guber-
 natore sanctiores, socios ac vectores! Mox locô
 (quem in circulum interim occupaveramus)
 confurgimus; & ad curas antiquas, à brevi
 quiete, convertimur; ecquam deinceps viam?
 & quibus adminiculis ac praesidiis insisteremus?

VI. Post singulorum dictas auditasque
 sententias; aliud malorum levamen non ap-
 paruit; quàm, ut iterum navigaremus. Ergo,
 exâ materie; piscatores quattuor, ratem in-
 gentibus compactam truncis, instituunt, &
 absolvunt. Eam, ne gurgitum incertô, vel in-
 torto vorticum, fluctuaret; geminis in loco
 proræ rudentibus, totidem etiam in cauda
 ratis, revinciunt, ad angulorum extremitates
 deligatis; &, hóc vinculorum tractu, totam
 fabricam inter aquas librant reguntque. Nec
 tamen, inter hæc, clavi qualisqualis curam
 omittunt; eo tractante gubernaculum, qui
 de quattuor senibus peritior videbatur. No-
 bis porro, ne quis prorsus, in molimine na-
 vigationis tam operoso, cessator esset; singu-
 lis in manum dant vexurum. quo nomine
 (velut suprâ retulimus) arundinis quoddam
 genus Americanæ designant; valido crassô-
 que

que stipite solidum. Hi pro remis atque con-
tis nobis erant; ratis progressui stimulando,
Iuvit tam audaces & laboriosos conatus, tan-
dem aliquandò faventior fortuna, prospero
successu: transvectosque per amnis latitudi-
nem, priùs incompertam, & tunc novis un-
darum accessibus adauctam; exposuit in eam
regionem, quæ debuerat esse ripa: quanquam
(ut fatear) haud omnino discriminum im-
munes. Quod enim de cataclysmo vates ille
cecinit; id ipsum & hîc repérimus. Adhuc
Omnia Pontus erant, atque flumina: *Pontóque*
sua littora deerant; & fluminibus suis agger
atque terra. Nam quâ parte, diebus superio-
ribus, continentis planities, latè prata viren-
tesque campos explicuerat: ibi nunc, exa-
fluante maris eluvione, circumquaque refu-
sus Oceanus incedebat; non minùs dûtum
millium spatiò passuum. Nullo telluris tu-
mulo, nullo colliculo renidente; planè vetus
illud, & *madidum*, *Noachi sæculum* representa-
ri videbatur. Igitur, dimissâ rate (quippe,
quæ per soli stagnantis iniquum vadum, ac
brevia, promoveri nullo modo potuisset) pe-
des navigio substituímus: ac, plurimùm den-
sato labore, nunc quidem latentibus impa-
ctos truncis atque saxis: nunc cæcis foveis
haustos, per horas aliquot æstuario toto tra-
ximus. Ventûmque foret ad desperationis
necessitudinē, nisi simul nox ingruens, simul
mare sese reſorbens; miro Numinis benefi-
cio, repentē nos, nec cogitantes, adjuvissent.
Cum enim paullò priùs (tanquam in Oceani
gurgite, cum Polyphemo Siculo) liquidum
iter carpsissemus; plerumque lumbos atque
latera

latera tingentibus aquis: de nec proviso de-
cedens, & in se refluns maris ætus, nobis in-
decubitum qualequale stratum; & exiguan-
tatem temporis intercapedinem, ad quie-
tem, indulgit. Sic acta nox est.

Neque tamen dies insequens, ærumnarum
ultimum hunc *Ætæum* esse passus est; sed re-
tentium *curarum theatrum* nobis aperuit.
stabant enim, seu primævo naturæ genio:
seu (quod potius reor) creberrimis Ponti re-
fursionibus, aggesti conglomeratisque colles
& tumuli; littorali glareâ sabulôque sur-
gentes. Hi, sparsis circumquaque clivis,
montium nonnullam valliumque speciem
repræsentabant. Hi perrecturis nobis (vel-
les, nolles) sese scandendos offerebant. Mi-
hi, virium ægerrimo, nova pestis, nova mors;
ceterorum cæteris, quanquam paulillò fortio-
ribus, tamen multâ fatigatione confectis;
quibus, in molli fluidoque pulvere, calami-
osus ascensus; & morosior sæpe molestior-
que delapsus, obtingebat: reciproca clivo-
rum, decliviumque, vicissitudine. Summa
eandem miserrimi laboris fuit, jugorum qui-
dem arenæque finis; sed corpora languore
tracta, spiritus longò jejuniò macer, vixque
iam pendens: ac fauces, undæ dulcis inopiâ,
iam biduum triduûmve solidum fatiscentes.
Et hîc igitur, *Necessitatis dura lex* interjunge-
re nos subegit; longioris itineris impotentes.

VII. SED præ cæteris omnibus (ac certè
plus quàm me) *PEDIOSAM* meum suis impa-
tientia prostrârat. Apparebâtque; sine celer-
imo refrigerio, juvenem optimum haud de-
viâ magis, quàm ipsâ de vita, periculum adi-
turum.

turum. Illius ergo piâ miseratione, mecum tacitus ac solus in consilium descendo; de latricis alicujus potabilis indagine. Neque tam longæ deliberationis hanc rem arbitratus, quàm pedum potiùs ac laboris: ad spes repentinas confurgo; vixdum paucillô quietis delibatô. Nam eminus, ante meos oculos, saltus ingens jacebat; ac perquàm frondosus; & ob hoc ipsum (more nemorum remotiorum) cærulâ reidentis amœnitate, nigrorem inter virorémque certante; propter foliorum densitatem. Et hæc sylvæ quin irrigua fontanis aquis esset, hinc inde scaturientibus; nulli dubium esse poterat, qui saltum Americanorum, ad *mare Pacificum* jacentium, vel tenuem notitiam haberet. Sed, quanquam sitirent omnes; tamen omnes torpebant: & idcirco de toto comitum numero, vix unum tandem & alterum, in aquationis societatem, infelicissimâ facundiâ, pertraxi.

TRES ad manum erant utres coriacci; quos, navi Britannicâ profugi, piscatores ad nos attulerant. Hîs igitur ipsis, pro numero, tres instructi juvenes, consensu vadimus; cæteris nostris, excursionem nobis prosperam, magis optantibus; quàm sperantibus. Erat viæ principium aliquousque, terræ clementiâ, placidum arque molle. quod tamen, quantumvis æquum; focii mei, tanquam asperrimum, calceati peregerunt; consiliô salutarî quovis in casus intenti. Mihi verò contigit; nudis ire, tam tibiis, quàm pedum plantis. Quanquam enim, quotiescunque per scabra, salebrâsque pergeremus; pedes totos etiam ipse convêllem operire, vulneribus decli-

declinandis : si quando tamen (ut sapius) pa-
ustria nobis, aut arenæ littorales, ac sabu-
um, occurrerent; molestiæ redimendæ gra-
iâ, pedestriâ tegumenta ponebam. Tunc ti-
ialia pariter, & soccos, de cingulo potius,
quàm de crure soleaque, gestabam; ne gla-
eis (ut fit) lapillisve, neu' salugine putidô-
ne luto, refertus hic amictus, plus eunti gra-
aminis, quàm opis, afferret. Tantummodò,
ab hoc ipsum tempus, calceos ne de zona
uidem, veteri more meo, suspenderam; sed,
quòd itineris initia tam oculis, quàm pedi-
bus perplacerent, ad PEDIOSÆ sarcinas con-
emptim penitus eos abjeceram. Hòc nudi-
edum ritu, per campos primùm æquabiles
cedebam; tantùm non delicatè: certè-
ue sine notabili progressûs mole. *Charitatis*
nim, adversùm sitientem PEDIOSAM, *affectus,*
elestiam omnem demitigarat. Non multò ve-
post iter inchoatum; arenosos iterum in-
eos est ventum. Illic humanorum vestigia
dum observavimus; ingens regionum igna-
solatium; & accolarum (ut rebamur) haud
à procùl distantium, argumenta non ob-
ura. Sustulimus ergo pariter cum voce ma-
us: ac TER OPT. Numini gratias habui-
us; quòd in loca culta paullatim deducere
os cœpisset: sed (pròh dolor!) ignari rerum,
inmemores humanorum eventuum La-
rinthi. Quippe, quì possemus iisdem vesti-
is, tam ad Caci latronis antrum; quàm ad
erculis Servatoris Aram, deduci. Postea
idem sanè compertum est; nec Hispano-
m pedes ea viâ signa, nec omnino Chri-
anorum, impressisse: sed illac vagatos bar-
O baros,

baros, Americæ cultores; &, quod omni terrore tristius esse debuerat, verissimos Anthropophagos incessisse. Quanquam enim procul locis iis (& ad hybernium scilicet Soli ortum) Brasili degant, humanæ carnis voratores; procul quoque Caribes, Canibalésque, paræ farinæ mortales, ad Orientem æstivum absiti; Tamen Occidentior etiam America; nec non, quâ parte Boream, Hispaniolam, *Hispaniâque Novam* respicit: eorundem gulonum imitatoribus non caret. Et hi, nec audaciâ Brasilis, nec robore virium; multoque minùs, morum atque dentium feritate, cedunt.

Nos interim, futurorum ignaros, & ideo Periculum, tanquam magnam felicitatem, adorantes; nihil isthac consternabant. Immò, præcipiti passu, ruebamus ignotum in discrimen, destinatamque menti sylvam; tanquam veriti, tam præclaram occasionem damni facere. Sed Sylva quidem illa, quæ jam dudum ante nostros oculos, ac longò tractu, steterat; subduci repenti nobis est cœpta: posteaquam ipse vestigiorum ductus, nos ad arbutum quoddam deduxit, quod itineris ferè circa medium surgebat. Id, spatiò loci diffusum, & amplum; atque præter hoc virgultis, præcelsisque thyrsis subrectum ac densum omnem nobis ulteriùs positorum nemorum prospectum intercluserat. Ad ea tesqua nos, humanorum (de quibus memoravi) pedum notæ, semper adhuc arenis immanentes, pertraxerant: à quibus, ad scrupulum usque gradu gradum confectante, nusquam exorbitaveramus. Erant autem tesqua verius
quàm

quàm arbuſta dumetáque; difficilia profe-
 ſſo perplexáque; ſed tamen perreſturis vin-
 enda neceſſario, perrumpendáque. Quæ
 progrediendi difficultas ſimpliciter comites
 neos; at me graviùs, & duplici malò, ma-
 ſtabat. Nam, quòd virgultis internatæ ſpi-
 næ, dumíque, rhamnorum in morem horre-
 rent; non poterat nudato corpori, per me-
 dium eorum tendenti, contingere progreſſus
 indemnis: cùm præſertim, avò longo bru-
 niſve derupta, paſſim acuta ramalia, ſpino-
 áque fragmina, ſemitam omnem operirent.
 Et hoc tantum incommodum, Socii quidem
 mei manibus duntaxat (utcuñque veſte te-
 ſtis) excipiebant: digitisſque modicè cruen-
 tatís, dum vepreta perfringunt, viam aperie-
 bant; inviolatís membrorum reliquís. At
 mihi dextrâ ſimul ſiniſtráq; dimovendi ſen-
 es, ſimul pedibus undequaque renudatís
 roterendi: corpus univerſum, vulneribus
 proſciſſum, largo ſanguine pingebant.

Tunc ergo demum reputare cum animo
 neo cœpi; quàm abſurdè, quàmque negli-
 genter & improvidè feciſſem: qui, *tam proli-
 um in iter, tam breve conſilium attuliſſem*; &
 dverſum tot vulnera, non ſaltem corio
 quod minimi tamen negotii fuiſſet) ſoleas
 obarmâſſem. Et ego quidem, aut incuriam
 neam, aut ſtultitiam; aut etiam (*quod IRA-
 ris tritiſſimum eſſe ſolet*) *infelicem nativitatis*
neæ STELLAM incuſabam. cùm inter hæc ta-
 men, de me Stellarum opifex optima quæque
 idera Fatáque diſponeret: & ex ipſa cala-
 mitate mea, ſuo more, Salutem (ſed retrogra-
 o tramite) provocaret.

VIII. PRINCIPIUM incolumitatis meæ, tanquam insequentium bonorum semen, ipsi Socii jecere. Quibus tamen ego, mirabili Divinæ Providentiæ circulò, periculorum a mortis initium, inscius invitûsque struxi; dum & ego meum illis consilium approbavi; nec minùs illi mihi suum. Sic est autem actus: & priores illi, tragœdiæ suæ stravere scenam; *Quid tu, miser* (inquiunt) *VICTORIA? Tu tantò sanguine* (nam cruentatos pedes videbant) *tantillam emis aquam? & omnium laceratione membrorum, exiguum alieni gutturi refrigerium investigas? Scimus enim, & negare non potes; te non tam pro teipso, quàm præcipuè pro PEDIOSA tuo, sitire. Miseret autem nos* (mediusfidius!) *& multum tui miseret; adolescentis, in omni contubernio nostro tenerrimi, minime tamen omnium, atatula tua parcentis. Quin tu potius, PETRE; quin aliquando temetipsum respicis? Revertere, per quidquid divinum est! siquid nos, siquid tuos, & matrem, atque adeo PEDIOSAM ipsum amas. Nam hunc tu, siquid humani patereris, tot ipsius causâ plagis confectus; tecum unà confecturus esses. Hoc ergo potius, cuius nos auctores tibi sumus, fac; & redi, si sapias. En, utres (uti vides) nostri, capacissimi sunt, tuoque, propemodum in duplum, ampliores. Ex istis ergo tu, utûsque PEDIOSA; quantum voletis, tantum bibetis: simulac nos, fontium potiti, recurrerimus. Tantum nunc, amabo, revertere!*

NON fuit difficile, PERSVADERE reditum homini: quem hinc quidem tot difficultates; illinc autem tot promissâ circumstarent, ac preces. Statim itaque vale dicto, gradum simul utrémque refero. Sed, ecce, medio regressu, comitum

comitum alius quidam, ex iis, qui subsederant, contrà graditur. Eum exemplum utique nostrum, ac sitis improbitas, de quietis desidia, tanquam veteris quodam, excitat; ad aquarum dulcium indaginem. Is ad me prior; *Quid est (infit) piger? & tu reverte-
ris? quantùmque video, casò, tam ventre, quam
utre?* Cuj, cum ego raptim, & per compen-
dium, caussas mei reditus detexissem; *At mihi
(clamat ille) longè mens alia, major animus est.
Contra tesqua, contràque spinarum morsus (sicut
ipse cernu) pedum arma robusta sunt: calceique
utissimi: sed uter nullus. Tuum igitur culleum
mihi cede. Tu verò, quò cæpisti tramite remeare,
remea.* Simul, utre de manibus extortò meis;
ipse quidem præcessores duos cursu persequi-
tur; & ad sylvam designatam contendit.
Ego contrà, pæne mœstus, eò titulò, quòd
inutilis ad omnia viderer aliis: sicut institue-
ram, retrò pergo.

SED, ô lusum eventuum admirandum!
Nam ego, quem sensum jam, etiam ipsum,
aquæ penuria torquebat, & enecabat; inter
ipsos vitæ supremæ tractus, in tutum vitam
reposui. Socii contrà, qui mortem fatique
necessitudines, utroque pede, fugiebant; in
mortem invenerunt. Nam, quæ potest alia,
de tribus illis aquatoribus, in cujusquam
animo, conjectura vel suspicio, residere;
quàm, eos explevisse diem suum? & id qui-
dem per violentiam, alienamque barbariem?
Interitus quidem certè satis clârû visum
indiciû est; quòd nec illo, nec adeò posterò
die, quisquam illorum ad nos revénit. Ad
summam! ne tertiâ quidem lucè (quam ne-

mo facilè, jejunus, desertis in locis, trahit) recurrere; quanquam ad meridiem usque Sociis præstolantibus; & oculos cominus eminùsque, tanquam in redeuntibus, inutili circumspectu vibrantibus. Omnes igitur, socialis opis desperatione tandem subacti, de triumphu aquatione pariter actum conclamamus; & eodem ipso, quem occupâramus, loci tractu, terram egerere sollertes; refossis cespitibus moliri puteum instituimus.

Neque defuit aut operi suus fructus; aut suis successibus instrumenta laboris. utique posteaquam, infatigatâ contentione, gladiolis pariter nostris, & piscatorum ascis (tanquam sarculis ac ligonibus) terræ duram indolem expugnâvimus. Tandem enim, ad pedes circiter septenos demissô fossionis labore; scatebra cœpit affluere.

Verum, *nequando nobis ullum, naturæ cœlive beneficium, sine facibus affunderetur*; eantium invidiam, quam itinere reliquo toto sensimus, etiam in hoc fonte gustavimus. Erat enim, quantuscunque scatebat humor; turbidus, crassus, lutulentus; ac, præter hæc, marcido putore luridus, & insuavis. Ad summam! insipidus latex; ac (si verum confiteri volumus) cloaca veriùs, aut Stygiæ falsugo; quàm fons, aut Arethusa Sicula. cadaver denique potiùs, & tabum undarum quàm scaturigo venâque viventium Aquarum. Sed scilicet; *Ante cupiditatem Necessitas fuit!* Quâ proinde nos perpellente, consultius est visum; etiam deterrimis potiùs refici: quàm, per superbum fastidium, cum extremis incommodis conflictari. Sustuli

mu

mus igitur veriùs, quàm hausimus, frustra palustria : quòdque spes esset, cum tempore defæcatâ fontanâ, limum in fundo decessuum ; omnes, ac totos, pileos undâ replevimus. Ego verò futura sêraque satietatis impatiens : neque contentus rore, tardissimè proventurô ; statim immineo cupiditati præsentî : strophioque, quod adversùs narium fillicidia circumferebam, immersô ; quantum humoris supererat, ex limoso latice colligo. Deinde bibulam findonem labris meis applico ; lentissimôque fugendo ductu, potùs aliquid prolicio. Sed profectò tardè liquor, & inexorabilî quasi morâ procedens ; propter spissam ac palustrem uliginem, mihi pumicem veriùs, quàm spongiam aut lintreolum, aquâ tinctum, referebat. Donec ad extremum, vix ac ne vix quidem, gustulum magis, quàm haustum, extorsi : Pauculîsque stillis volam primùm, mox fauces utcunque subrigavi ; non rigaturus, nisi, pressè confriictis digitis, inter utramque manuum palmam sudariolum, madore roscidum, divexâssem. Tunc enim tandem expressam lympham ingessi gutturi siticuloso ; propter extremam quidem necessitatem nihil respicienti ; sed revera tamen sordes illas nauseanti. Fastidii porrò, tunc ructantis, gravi sensu mox ventriculus discruciarî cœptus est ; stomachi penetralibus eversis, ad vomitûs usque revomitûsque turpitudinem. Itaque factum est ; ut jam atrocius esset, *Bibisse, quàm sitisse tormentum.*

IX. CAETERUM nos, collectis vasis ; quoniam per ferarum metum, & incerta casuum

à barbaris, parùm tutum erat, iis in locis moram trahi; profectiōem omnes uno pede resumimus: sciscitantes interim, & alternis interrogationibus admirantes; *Ecqua tro Hispanos illos, à nobis ante triduum digressos, aquatio, vel exitus, excepisset? Quo nunc ergo loco? quibus indigenarum studiis, aut animis, uterentur? Vivine spirantesque circumirent? an potius, expletâ mortalitate, cum pluribus, in seculo diverso, degerent?* HAEC dum inter nos ipsi, vario sermone, nec sine misericordiis curis, agitamus; repentè, nihil minùs cogitantes, ecce, pedibus in unum aliquem de tribus utribus, impingimus; temerè jacentem ante progredientium oculos; & (quantum apparebat) ab aquis adhuc intactum. Etenim corneâ pæne duritie rigebat. Agnovi nihilominus (ô lusum & varietatem casuum stupendam!) agnovi meum ipsius hunc, nec alterius, fuisse culleum; aquandi causâ, postremo de fociis, concessum: velut suprâ memoravi. Conspectô, recognitôque testimoniis omnium, aquali (qui nunc tamen tam neglectim projectus jacebat) intremuimus equidem, animo suspensi; *Quid tandem aquanti socio calamitatis incidisset? Eâmq; sollicitudinem auxit, oblata non multò post, eâdem viâ, Panis bis cocti crusta; barbarorum, in maritimis Americæ, solemnibus, nec à nobis ad id usque temporis conspectus, cibus. Ea, quasi per despectum abjecta, voluptatèque melioris epuli fastidita; volucris nunc duntaxat in pabulum, aut mendicis, jacebat. His accessère, præter cæteras funesti latrocinii conjecturas & argumenta; passim ad tri-*

cena

cena millia passuum, itinere toto dispersa conviviorum signa : relictis suis in cineribus ignes ; & , adhuc semustis stipitibus scintillantes, foci : denique, ne sim longior, cunctæ feralis latitiæ cæremonia ; quibus Americani (quoties humana corpora deartuant, atque glutunt) cum indulgentiâ nepotantur.

Enimverò plenissima tunc demum omnibus facta fides est ; Quòd, tantò post, nemo trium illorum ad nos remearet ; eos, citrà dubium, à barbara palantium manu cæsos : & ad flammam, ac lignea verua, lentis, pro more, circumactibus assatos, & absumptos. His ergo, *cum Quietem in solo terræque sua*, fors improspera negasset (quippe truculentò latronum ventre tumulatis) nos REQVIEM tunc pariter omnes apprecamur ; & REQVIEM quidem, in patria meliore, SEMPITERNAM. Fluunt interim certatim, per mitissimi cujusque genas, piæ lacrymæ, lugubrèsque ploratus. Simùl, in hæc, crudeles terras, crudeles mores ac mortes, execrati ; celeri fugâ, totòque pedum studiò, demigramus : & (relicto, quem primùm institeramus, viarum calle) per amfractus obliquos, in loca devia desectimus. Ut tutius autem falleremus, sine vocibus, sine vestigiorum ullo sonitu, per silentium compositissimum digredimur ; & , affectatè ultro semitarum erroribus, insidias Anthropophagorum, quæ plerumque regias tritæque vias insidere gaudent, impræsentiarum feliciter eludimus.

& irridemus.

ARGONAUTICON AMERICANORUM,

SIVE

PERICULORUM PETRI DE VICTORIA

LIBER X.

CAPITVM BREVIARIVM.

I. *D*ivinam erga se curam, Petrus animo grato recognoscit, & adorât: quæ se ab anthropophagu servâsset. Immani fame stimulatî Socii, vertuntur tandem ad crudos cibos, & avium cadavera: ad quæ devoranda, Victoria se sacrâ profanâque Philosophiâ inducit & confirmat. Comment. pag. 92.

II. *D*urante eâdem, & crescente, inediâ; Petrus colubrum conficit; confectumque, clanculum cogitat absumere. De Cubanis serpentibus, mira. Comment. pag. 93.

III. *V*escentem Victoriâ, duo sociorum deprehendunt; invidentque. His ipse, de colubri aequali portione litem moventibus, præda partem concedit: reliquâ totâ ipse fruitur. Comment. pag. 93.

IV. *A*d trifidum, ingentemque fluvium perveniunt. Quem, dum, extemporali compactâ rate, ad corporum alimenta conquirenda, Quatuor è Sociis trajicere conantur; fractâ scopulosam ad Insulam rate, in gurgites excutuntur. Comment. pag. 94.

V. *N*aufragorum territi clade cæteri, ultimam ad desperationem, lamenta, mortisque cer-

tam expectationem, convertuntur. *Victoria* vero, etiam ulterius progressus tristitiâ, in solitudine sepulcrum sibi conchylio effodit. Ad illud subeundum, se præcatione supremâ comparat. Comment. pag. 94. & 95.

VI. *Petrus* in conditorium, quod sibi fecerat, descendit: ibique compositus, mortem ac tribunal divinum, præstolatur. Cur crediderit, sibi summam horam instare? Sepultum, *Sacerdos* tandem jocis feriisque resuscitat: & invitisimum licet viribusque destitutum, ad Socios reducit. Comment. pag. 95. & 96.

VII. *Reductum*, ac frigore prope enectum, *Socii*, exstructam ad pyram, rescipiunt. Is, ex calore conceptâ siti; postulat aquam ex fonte, quem interea comites in littore proximo aperuerant. *Aquator*, pro unda Cancros apportat, & uberis obsonii latum nuntium. Comment. pag. 96. & 97.

VIII. Ad cancrorum capturam, inter tenebras, concursant omnes. Eos ad rogam, maxima copiâ, referunt; coctisque, ad plenissimam saturitatem vescuntur. *Petrus*, non ventre tantum, sed & vestimentis impletis, ad ignem nocturnum sedens, consopitur. Comment. pag. 97. & 98.

HINC ego primùm, collectâ (velut post longum somnum, deliquimve) sapientiâ; Numinis agnovi circa me sollicitudinem. Tunc, defixis humi poplitibus, illius adoravi Providentiam: ut, quæ me per eadem discrimina, cum iisdem comitibus, in idem vadentem exitium; non tamen eodem voluisset interitu mactari. Quibuscum si calcatus ambulâssem; in mortem minimè du-

Liam profectus, & corium perdidissem & vitam. Ita SALUTI multis saepe fuit; Neceffariis caruisse: contra verò damno pestique, Copia. Sed interim Socii (dum ego gratias perolvendis intentus sum) progredi, festinare, pedum omni connifu laborare, prævolitareque; propterea, quòd locis tam suspectis moras trahere, stolidum apparet. Eos ego nihilominus celeriter confectatus, tandè assequor; ac, necubi divulsus eorum consortio (sicut quondam) in vetera mala reciderem; vestigiis socialibus religiosè posthac inhæreo.

TRIDUI fuit iter, per inculta vastaque lapidum fragmentis loca, perque sabulosas terras: nullo victus humani, nullò potius, subsidio; quippe rerum omnium, quas natura flagitat, sterili nudaque regione. Tantummodo pauculæ, quas (ut reor) gravis aër dejecerat, volucres, hæc illac jacebant sparsæ: jam pridem putore graveolentes; & in tabum, exedente die, semiresolutæ. Sustulimus nihiloscius earum fluentia cadavera; crudaque, sicut erant, invasimus; utique, posteaquam nec ignis tunc ad usum, nec adeò chalybs ad manum, aut fomes fuit. Nam ignium omne suscitabulum, sociorum quidam secum abstulerat; ex eorum numero, qui complures ante dies à nobis perierant. Itaque truculenta, verèque lupina, fuit illa gulæ rabies; quæ nos ad hanc necessitatis obscœnæ deduxit ingluviem: cum, in tam absurdo pastu, mista pariter coirent, hinc edendi desiderium, illinc glutiendi nausea; cupidoque simul, & horror ciborum, nos torquerent. Sed mihi tunc in tempore profuit; jam olim in teneris

teneris APOSTOLICA Gesta, Divo Lucâ scriptore, volutasse: non quidem ad vitam pro CHRISTI legibus impendendâ: quod fecisse fertur ex eorumdem lectione, DOMINA, Sacerdos quondam superstitionum; postea Martyr. Non (inquam) non ad sanguinem tunc fundendum, illa me lectio stimulavit; sed ad vitalem potius spiritum prorogandum. Succurrit enim tunc memoriae meae, Linteam illud cælô demissum; omni quadrupedum, reptilium, alitumque colluvie refertum: & in mentem venit vocis illius, super PETRUM in ecstasi tertium devolutæ; SURGE, MACTA, COMEDE! *Quid tu?* (dicebam egomet mihi; fastidium animi mei, per victoriam meimet, increpitans) *Hæcine morticina notissimarum avium, spurcissimis illis peregrinisque monstris, APOSTOLO propinatis, sordidiora tetrriorave sunt? Aut tu, PETRE, PETRO sacri collegii Principe, melior, major, dignior? Quin SURGIS itaque tu quoque? conviviumque, nullius indigum lationis, ac jam ab ipso Fatopreparatum, absumis? Pretende tantummodo manus alterius digitorum oculis: & eos operi, manu vero secundâ, dentibus oriq; tuo frustra, qua nunc nauseas,ingere: putâque, tanquam certum; Te nequaquam incoctam, aut vitio scatentem, volucrem: sed Aprugnam gratè putidulam, sed vitam, sed salutem, sed multos annos, devorare.*

Dicebam ista, dissidenti licet, multumque discordi, stomacho; quin etiam, creberrimâ rustatione, jam in antecessum, reluctanti. NEC enim INVITAM Naturam rationibus ullis coëgeris; Vt libenter acceptet, quod ab inti-

*mis abhorret : utque sordes ac fastidium , ver-
tat in delicias & voluptatem. Ego tamen
nihilò segniùs intrudebam (etiam recalci-
tranti gutturi) totas mortis reliquias ; quæ
mihi , partitionis jure , de volucris cessæ-
rant. Et , quanquam defluente per gingivas
sanie ; vermiculisque , de corrupta carne , sub
dente crepitantibus ; tamen generosè , velut
per summum Genium , quidquid inveneram ,
abligurivi ; dictitans subinde , quodammodo
per Intercalarem sententiam , ipsi mihi : NI-
HIL , mi PETRE , nihil tam INSIPIDUM
esse potest ; quod IMPROBA fames non stoma-
cho conciliet !*

II. EVIDEM hanc philosophiâ tantum
profeci ; nihil ut esset , quod post eam diem
non vescum & utile ducerem. Irritavique
potiùs (si confitendum verum est) quàm
consopivi placavique , famem ; primæ da-
pis istius audaciâ. *QUIS enim , RUENTEM
semel in vetita gulam , sistat ; tanto viscerum
incendio ?* Necdum igitur penitus consum-
ptâ volucrum Libitinâ ; dum (velut aliud
agens) huc illuc oculos meos circumfero ;
derepentè COLUBRUM observo ; non con-
temnendi corporis tractu , se de vicino sco-
pulo gyrantem. Non eram tunc memor NE-
STORIS illius mei , prisca navigationum
comitis : quem sæpius narrantem audieram ,
cùm diceret ; *IN AMERICA , mi PETRE ,
non tantum in usu sunt cibi , natura dictamine
pretiosi , probatique : sed scito ; Tam inhumana
hic nihil esse , quod non humanos ventres
intret. Nam & sui generis ortusque mortali-
bus , indigena pascuntur : ac præter hæc etiam*

SERPENTIBUS. his Brasilorum populi quidem epulantur; sed innoxius: & non pauca praeterea gentes hujus caeli; si non tanquam delicio, certè tamen, velut alimentò. CUBANOS autem Insulanos, jam non Anguibus duntaxat, sed propemodum Draconibus victum exercere, perhibent; vagrandibus quidem illis, at venatu captique facillimis: molli pelle, mitissimâ carne; præpinguibus atque crassis: venenorum interim ignavis, ac proin indemnibus. Addebatur etiam; Ex illis vastis Serpentibus nonnullos esse Carnivoros; sverôsque deglutire bestiae quoddam quadrupedis genus, magnitudine partim leporum, partim vulpium Europæarum. quod animal *Gwabini* quicquid vulgus indigitat. Fuisse quoque; qui septenas octonâsque meminissent id genus animantes, ex unius Colubri Cubani visceribus, ante coquinam, erutas; ac miraculo convivis transmarinis fuisse. (a) Talia complura mihi NESTOREM retulisse, frequenter postea per otium mecum retractavi, tunc autem eorum nihil in memoriam erat; dubitaturò ceteroquin, tam periculosa fidei tentamentum subire. Maluissimè, haud dubiè, credere; quàm experiri. Sed, quid facias in fame, reliquorum omnium immemori; tantumque sui sollicitâ?

Contestim ergo, nullâ carminum aut incantationum curâ, solus ac silens, in anguem conspectum insilio. Pressum pedibus, & occupatum, præfoco: reluctantemq; collo, caudâ, sibilis; gladiolò meò, quo tum scipionis vicem per ardua nitebar, contrucido. Deinde, postquam cum cruore simul venenum (si quod

quod infuit) lentâ compressione destrinxi, torumque tabum non negligenter elisi; persuasi mihi tandem; quidquid in Colubro pestiferum latuisset, id ad innocentiam usque defluxisse. Quare post eandem (in qua prædam oppresseram) rupem, suspenso me gradu refero; tantumque non, clam sociis, suffuror. Illic dentibus, adhuc quidem avidissimis, cæterum modestè mandentibus, ac sine vescendi strepitu laborantibus; viperam occisam invado, depascorque: delusurus (sicut opinabar) & famem pariter, tam optimis rarisque dapibus; & sociorum meorum conscientiam, fraudulentâ taciturnitate.

III. SED nempe; *NULLA Felicitas satis, vel adversus Invidiam, vel adversus Inopiam, latet.* Vescentem enim me, de nostris duo, qui proximè radices scopuli confederant, speculati; nidoreque crudæ carnis (ut præ se ferebant) excitati, quod res erat, confectum subodorantur; ac me vestigant. Sensim deinde pedum meorum notas, per fabulosum ascensum, insecuti; clamore *PETRUM* suum cient: ac denique, post saxum sedentem,prehendunt, tunc vel maximè colubrinis cupediis illaborantem. Aggrediuntur illi me precibus; ac tantum non vi, tantum non per rixam, expugnant; in partem voluptatis ut admittantur. Animam cæteroquein & spiritum damni facturos se; nisi misericordiâ meâ, communisque calamitatis respectu, servarentur. Quid multis? Victus illorum importunitate, non modò manus; sed & fortunæ meæ portionem, flagitantibus dedi. Quo ferro Serpentem confeceram; eodem

eodem confectum & jam ambesum, partior:
 capite collóque, cum corpóris dimidio, So-
 ciis duobus cedente; mihi verò, (quia sic
 urna sóriſque tulerant) alteró corporis ser-
 pentini dimidió, cum caudâ, retentis. Nec
 tamen fuit (ne sic quidem, post tam profu-
 sam indulgentiam meam) apud illiberales
 animos, altercandi finis. Litem mihi novam
 intendunt, *more mortalium avarorum; quos*
nulla nec gratia, neque Iustitia satiat. Quoniam
 enim viscera cernebant, intestinâque colu-
 bri, superesse; contentionis funem ex ipsis la-
 ctibus extisſque viperinis, trahere cœptant.
 Flagitant, instântque precibus, importuni-
 tate, minis, invocatione denique Legum;
 ut, quoniam hæc Indivisa remanerent; in
Partitionem ac Sortem legitimam, etiam ipsa
 venire paterer. Putâſſes, si clamorem rixan-
 tium audisſes; *Ajacem inter Vlyſſemque, super*
armis Achillis occiſi; non super unius Anguis
 fordibus, *coram Agamemnone, regum rege,*
contendi. Sed nempe, vici tandem ego, nullo
 litis arbitro ſequeſtróve; ſed tantum injectâ
 fortiter, in rem controverſam, utrâque ma-
 nu: Cum adverſum competitores interim
 magnâ facundiâ, totisſque faucium viribus,
 declamitarem; *Æquum eſſe, Quod ſuum cu-*
juſque foret, ſuum fieri maneréque. PRAEDAM,
venantis eſſe debere, non, Interveniénti; BONUM-
QUE Derelictum, Primi (quod ajunt) *occupan-*
ti. Quanto magis igitur, hoc qualequale ſpo-
 lium; interfeſtoris ac *Draconida* periculó,
 ſanguinéque, partum? His illi *forenſibus* audi-
 tis tonitruis, conquievêre; ratione tamen,
 quàm voluntate, promptiores. Ego contrâ,
 Poſſiſ-

Possessionem, quam asserueram, adii, quam ne quis novus turbaret casus, aut recens interpellator extorqueret; confestim ad fibras ultimas usque deglutivi; spectantibus, ac nequicquam infrendentibus, æmulis meis.

IV. *QUARTUS* interim Dies illuxerat; ex quo primùm tempore campos illos, rupibus arenâque squalidos, ingredi cœperamus; dies ater & nubilus; præcedentibusque, nec Sole mitior, neque successu secundior. Etenim nec ille quidem ulla vitæ subsidia famelicis monstravit; ac, præter hoc, omnium ignaros ad fluvium deduxit quendam, aliis geminis connexum amnibus; sanè profundis, iisdemque rapidis, vastis, ac vorticosis. Eorum, sub unam collecta mensuram, latitudo; sedecim stadiorum spatium, citra controversiam, explebat. Illic aquarum fuit abundè, sed maris falsugine corruptarum; ac, propter hoc, ad leniendam sitim, nihil ferientium. In ascopèris porrò vidulisque nostris, non coctus cibus, non crudus; non aridi crusta panis, non fragmen aut micula, restabat. Quod gravius est, ac vel pecudibus conciliare misericordiam debuit; ne ripa quidem ulla trium amnium (vel citerior, vel ulterior) virenti gramine, vel herbâ, fertilis apparebat. quorum tamen gignentium pabulò radiculisve, penuriam extremam mitigâstemus.

MANIFESTUM igitur erat; nos omnes in supremis, inevitabili necessitate, consistere: quippe, quos mortalium omnium miserimos, non jam res tantùm, sed omnis prorsus expectatio meliorum, ipsùmque consili-
lium,

lium, defecisset. Cùm autem multas in curas animum divideremus; ac, post seriam de liberationem, aliud alii placitum animo sedisset: tandem ad veteres, & hucusque semper eventibus damnatas, spes convertimur; POSSE rudi navigiò, vel tumultuariâ rate, superare truces undas. posse, parvâ remorum contentione, magna comparari bona; fortunatiorisque denique terras aperiri. Sed, quoniam unâ fabrica periculosè totum contubernium imponeretur; utpote, quod ipso pondere, molèque tot corporum, degravaturum esset insidam trabium compagem: prudentiam fore, per partes ac singillatim, Quaternos senosve transportari; nequo lavo casu, simul omnes conferti, mergeremur. Sic utique vecturam Sociorum praecedentium, subsecuturis aut praeludium atque stimulum futuram; aut (quod clementia Superùm prohiberet!) dehortamentum, & conservanda Salutis exemplum.

Cùm hæc sententia cunctis denique probaretur; morâ nullâ materies comportatur. Fieri nectisque ratis incipit: ac, junctis per diem illum noctisque partem operis, & improbo studio; manè postero, priusquam omnino dilucesceret, flumini proximo compacta machina demittitur. EAM Quattuor, ex omni Sociorum numero delecti, viribus audaciâque promptiores, occupant: &, adhuc subnigrante crepusculò (ne nobis successuris in mora sint) properè detrudunt, propelluntque; nullo neque remo, neque palmulâ: sed tantummodo, quas tum casus obtulerat, vexuris. quod genus arundinis Americanae (sicuti non semel dictum est) firmum
spis-

spissumque; soliditate suâ fluctibus everberandis valet. His armamentis, adversum fluminis impetum, haud usquequaq; satis idoneis; quoniam latitudo, remis sveta, deerat; ornati magis in speciem, quàm ad necessitatem instructi, navigabant. Sed amnis vix medium attigerant; cùm, incitantibus ferociter compagem aquis, & teretibus vexuris frustrâ contra cursum obnitentibus; tenui spartò colligatæ trabes solvuntur; & ad insulam quandam, rupibus prætextam, affliguntur. Vectores autem, fractâ rate, gurgitibus, ante nostros oculos, hauriuntur.

V. Tunc demum clamores, & ultimæ complorationes; qualibus, in charo funere, ne præficæ quidem altiores ederent. Tunc mens omnis, sensusque, consternatis excidit: obversante, singulorum obtutibus, tenebrosâ quadam caligine; venturæque mortis imagine formidandâ. Tunc membrorum tremor; tunc genuum poplitumque dejectio; tunc immo de pectore prorupti gemitus, & voces, ac fletus, &, sua detestantium errata, luctus; tunc, certatim ad Sacerdotem accurrentium, & flagitia sua fateri præoccupantium, confluxus, studium, ardor. Tunc, ut quisque delictorum veniam prior reportasset à PETRI *Clavibus*; priorem idem, in animo moribusque corrigendis, se præbere; prior odia ponere; delere de mente similtates; alter alterum amplexu stringere; mistisque castissimò svaviò lacrymis, veterum offensarum mutuam gratiam, vel dare; vel rogare simul, & accipere. Tunc (ut in summam omnia conferam) Horæ supremæ sese singuli, per omnia componere.

Quæ

Quæ nos dum agimus, aliorum omnium, præter Æternitatem, obliti; tempus interim matutinum decedit: & claro Sole meridies accenditur; paullo post secuturo frigore brumosi vespers extinguendus. At nos, tanquam extremum conspecto Sidere; jamque deinceps non nisi perpetuam in Noctem abituri: *vitiò, miseris omnibus solemni, Lucis odium concipimus. Hoc enim habet OMNIS Calamitas enormis; ut mortis desiderium, & vita fugam, sentientibus insigat.* IBI tum ergo nos silentes, horridi, pallentes, dejectis oculis atque frontibus, alius ab alio digredimur: & sibi quilibet, quam mente finxerat commodissimam, latebram indagamus. Eam cum pro se quisque reperisset; insidemus, non jam ut Secessum ac Speluncam: sed planè, tanquam Sepulcrum atque conditorium. Usque adeo Mori destinaveramus.

Ad me verò quod attinet; libenter equidem confitebor vitæ desperationē; &, *Constanti* viro parùm dignam, animi mollitudinem. Hujc tamen, æquos apud lectores, spero gratiæ futurum aliquid; tum ex ingenua culpæ publicatione: tum ex ætatis, quam tunc agitabam, teneritudine. Cum enim omnes eodem mœrore, parsque mutui conspectus fastidiò, dilabi cernerem: cum observarem, ne *PEDIOSAM* quidem in veteri suavitatis officio durare (quippe *Timonem* iam prorsus, & *Misanthropum* effici cœptum: &, quid dicam plura?) cum viderem, amicissimum quemque, jam, pro Pylade, vel Achate, Lucifugam & alienū sese gerere: non erubui tandem nec ego, de meo more consuetu-

suetudinēque decedere; *MINIQUE soliposthas vel spirare, vel exspirare.*

Stabat in vicinia littoris (nec itā procul fluminibus, quibus incumbēbamus) saltus sylvestris, asperō scopulosōque solō; nec, nisi raris admodum arboribus: sed tunc (ut hyeme, modō depelli cōptā, verēque vixdum initō) glabris calvisque frondibus, ac lignō nudō. Tantū in terra sparsim arida folia, temerēque jacentes termites, indicium faciebant; Ante brumam hoc nemus viruisse. Visus itaque solitudini meæ non alius locus commodior; in quo tristibus curis ad satietatem indulgerem. Et erat in medio rupes; prominente sursum ac pendente saxo; tanquam in cuiusdam tecti morem. Introrsum autem, recesserat is specus aliquantō redictior; & sumendæ quieti, seu considere liberet, seu decumbere, familiarior. Eō posteaquā concessi: reputare mecum ipse sum orsus; *QUAM fluxa presentis vite voluptas; quam indeclinabilis Moriendi necessitas, & lex, esset mortalibus præstinata.* SALOMON: quoque *IOBŌque (virorum regūque præstantissimus) contentantibus, utibilis esse; VEL NASCI NUNQUAM, in tanta præsertim mala: vel iisdem quā cellerrimē Denasci. Felicissimos eos esse, qui nunquam hanc lucem aspexerint: PROXIMOS autem felicitati primæ; quibus extincta cito vita fit: ac vel MATER facta SEPULCRUM.*

Inter id genus cogitationes, non tantū ad funeris usque cupidinem processi; sed etiam (ut quā citissimē finirem) ad impetum, atque festinationem. Ea duntaxat adhuc, neque tamen admodum ponderosa,
cura

tura mentem lancinabat ; NE MORERER *in-*
compositus ; *néve putrescerem insepultus*. Ita-
que , qui probè scirem , & Hispali quon-
dam de cathedris audissem ; IOANNEM ,
Servatoris nostri corculum , & inter Evan-
gelistas Prototheologum , divina virum pru-
dentiâ fuisse : cuj nihilominus in curis
non ultimis tumulus fuerit , posteaquam
ad suprema se venisse cognovisset ; Nam,
pro corporis sui mensurâ , foveam egeri
iussisse : moribundoque proximum (sed ta-
men adhuc spirantem ac vivum) in eam
descendisse : Rumorem tunc illum , seu cer-
tum , seu fide fluctuantem , secutus ego ;
constitui , memetipsum , antequam peni-
tens defungerer , præsepelire. Sed ad hoc
tantum opus , nec in promptu ligo , nec
farculum ; ac nec aliud ullum ferramen-
tum erat. Nam gladiolus quidem , quo præ-
cingebar ; in proximâ putei fossione subhe-
betatus , præfractoque mucrone mutilus ;
in humo petricosa nullis erat usibus futu-
rus.

Sed huic quoque difficultati remedium
ipse casus obtulit. In æquoris enim orâ , me-
ditabundè (sicut fit apud sollicitos) ober-
ranti ; conchylum inter cochleas obrigerat
prægrande. Hoc ego , cæteris maris exuviis
insupèr habitis , solum deligo. Quoniam au-
tem & oblongum erat ; & acumine , propemo-
dum in linguæ figuram , excurrente ; visum est
hoc instrumentum , palæ fossoriæ non tan-
tùm formam exprimere ; sed etiam vicem &
usum præbere posse : si modò dextera , for-
titer concham amplexa , manubrii defectum
supple-

suppleret. Contentus igitur tam opportuno necessitatis ingenio; Testam illam utraque manu corripio: tellurémque, quoad vires suppeterent, exsculpere sedulus; fossam funebrem, ad corporis mei proceritatem, extendo. nam de latitudine (quoniam membrorum omnium succum, & molem, macies exederat) sine cura penitus agebam. Iamque contentionem laboris, ad quantum usque palmum, in terram demiseram; perfuntoriâ potius, quàm legitimâ, Sepulcri profunditate: cum, ecce! pariter & nervorum debilitas, & soli durities inexpugnabilis, finire conatum cogunt; operique, quamvis infecto, manum supremam imponere. Quare, projectâ conchâ; primùm quidem emortuis sylvæ foliis, in cumulum corrasis, monumentum meum inferno: *TAN QUAM interesset, Quàm molliter, aut durè, cadaver cubitaret?* Postea verò, succidentibus animæ deliquio genibus, prostratus; in cœlum palmas, oculos, gemitusque protendo: precatus imo de pectore, neque siccis genis, *ut clementia Divina vitæ præterita plenissimâ mihi gratiam faceret: ut, qui Numen neque puer irritare, nec adolescens in vindictam provocare, veritus essem; homuncio paucorum annorum, sed plurimorum facinorû jam statim interrogandus.*

CREDE mihi, quisquis in hæc incideris pervolvenda: Serius tunc, atque totus eram, in me deplorando; circumretitus formidini-
bus, non tam *hora suprema* (Cujus Dolor aut nullus est, aut brevissimus) quàm incorrupti Iudicis: Quippe, cujus æquissimus rigor supra Cassios omnes, & Thraseas, ac Reo-
rum

um Scopulos; quidquid erratum fuit, excutit: quidquid excussum est, deplectit; nulla Minois, aut Trium VARNARUM, fabulâ: sed verissimis æternæ flammæ tormentis. Et tamen ista nos, secordissimi mortales, æternorum negligentes, præsentium autem inconcipientes, & ebrui; quæ toties audimus, legimus, credimus: quamdiu vita durat, quasi per somnium tramittimus. Vbi verò mortis horror incubuerit; tum denique (quæ totis annis antehac stertuit) conscientia, suscitatur ac palpitât; totâque vitæ præcedentis accusatio reviviscit, intrâ mentis reæ prætorium. *Ibi, severior omnibus Atticis, Arcôpagus vigilat.*

VI. DEFLEBAM ista, talibus ferè, quæ potui, verbis; aliquantisper ingenuus. Sed, quòd hunc corporis situm, exhausta memororum firmitas produci non sineret; in Tumulum denique, modò præparatum, plusquam semianimis, me demitto. Supinus illic, protensusque pedibus, ac decussatim petori superimpositis manibus, cubabam: &, ad summam, per omnia sepultissimo similis acebam; nisi quòd adhuc plorabam, & lamentabar. Nam, crescente Christianæ poenitudinis impetu, voces mittebam, prioribus longè clariore: cum questu, cùmque planctibus, *ad DEUM T. O. M. ad IESUM, ad MATRIAM, atque Cœlites reliquos*, unicè conversus. Ad solum adhuc viventis supererat; ingemiatio precum: &, quòd Mori me sentirem; manifestissimis vitam inter mortemque luctis. Ità quidem tunc ego suspicabar. Nam & hiabam frequenter: oréque diu patulo,

P singul.

singultiebam, inflato collo, pectoréque toto succussô. Nec aberant arcti, per intervalla sua, meatus; ac, tanquam violenter intercepti spiritûs strangulationes. Vt proinde, fugientibus oculis, jam non nisi cœlum, ac peccata mea, cum amaritudine contemplerer.

PROFECTO tamen, & in ipsa re, nihil erant aliud hæc omnia; quàm picta quædam mortis præludia: mentisque nihil dum expertæ, sed omnia suspicantis, figmenta. *Plurimum enim (si verum confiteri volumus) in juvenili corpore, non magis ad ingenerandam, quàm ad expellendam, animam, roboris exigitur. nec à filo tam tenui, quale Poëta Parcis vulgò dant, spiritus dependet.* Hic tamen ego fatuus; quotiescunque stomachus arctaretur, inediâ vacuus: aut, si quando Serpentis, (adhuc indigesti) reliquiæ, ructum suscitarent: arbitrabar, animam exire; cùm densior tantùm halitus erumperet. Sic certè postea (nec aliter) mecum actum; periti medici, maturiorque ratio; me docuerunt. Vt proinde videas: *Etiam SCIENTIAM, neque Parvam, esse: distinguere, fatum inter, & fati timorem.* NEC ULLAM ARTEM, ARTE MORIENDI, DIFFICILIOREM. Sed quis tunc, ejusmodi dictaminum rudi; quis, barbaras inter solitudines, philosophiam hanc aut præciperet, aut persuaderet?

ADHUC, & continenti ploratu, lamentabar; *miserum PETRUM, miserrimum VICTORIAM*, clamitans: cùm, ecce, derepentè vox alia virilior, & (ut videbatur, aliquândo familiariter mihi trita) coëpit, cum Echonis resultu, meis auribus intonare; PETRE! PETRE! VICTO-

VICTORIA! VICTORIA! Nec sciebam, cujus hunc clamorem esse censerem; *Hominis, anne spectri? Sodalis, an externi?* Tantummodo consternatus, velut infernis quibusdam reboatibus; omnesque per articulos & fibras tremens, quid responderem, non inveniebam; utpote, fugiente ratione, penitus extra me positus. Ingerebat nihilominus, aspero percussu (tanquam & ipsa de profundo rupis prorumpens) eadem illa vox, iterum, iterumque revoluta; PATRE! PATRE! Donèc ad extremum, at pertardè, suspicari sum orsus; SACERDOTIS nostri paranesin hanc esse. neque falsò. Nam, ita Deò fortunæque ferentibus, in eundem etiam ille scopulum; sed prior, & abstrusiùs, sese conjecerat. Me verò, patullò post supervenientem, seu minùs observàrat aliquousque temporis; seu prudenti silentiò dissimulàrat; quò cœptæ pictati meæ tantò quietiùs indulgerem. Ad extremum tamen, quia PERICULOSAM desperanti SOLITUDINEM videbat fore; sese pariter mystes, ac nomen meum, prodidit: illis, quas dixi, vocibus moerentem acclamando. Liberiùs deinde prolixiusque (sicut erat in affectu mei præcipuus) exhortari cœpit ad Patientiam, & animi firmitudinem; ad spem meliorum, & ad fiduciam, erga Numen, retinendam. *Esse per facile DEO, languentium sospitatori, depositarum valetudinum eretori, mortuorum animatori; mitigare casus asperos, distortam fortunam corrigere, secundare devota, profligare tristitia: vitamque seu fugientem attinere, seu conclamatam reponere, seu sepulchrum, ex ipsis etiam cineribus, instaurare.* Cæterá-

que non pauca, supremæ sapientiæ mysteria documentaque, suggerebat; quæ Pietatem ipsius egregiè commendabant; & conditionis professionisque dignitatem insigniter addecebant.

SED, ut ego reor; MENTES lethifera mæstiriâ sauciatas, nullum Solatium ex tempore sanat; ibi præsertim, ubi profundius agritudo descendit in animum; jam antehac incommodis præconsumptum. Difficile certè, mentes pertinaciter invitas, verba nuda molliunt. Itaque pigrè respondebam: & ore frigidissimo (præter meum cæteroquæ morem) hominis suavissimi civilitati vix gratias agebam; Doloribus (ut verè dicam) pæne confectus: ac præter hoc, veritus; tam bene jam, tam seriò compositam in Deo mentem, rursus humano commerciò disjicere, vel obturbare. Cogitabam enim identidem: mecumque, quantum lingua succederet, mutiebam; *Quid Mortuo cum Vivis? aut, quid De Fosso cum superstitibus, & vigentibus?*

At non etiam ille similis rugæ vel supercilii: quippe naturâ moribusque factus ad omnem humanitatem; & præter hac, exercitatione longâ virtutis excultus: Sed (ut prudentior) in mei Solatio perseveravit. Mistis itaque seriò facetiis; miserum, quem diu ratione non potuit. denique blandimentis excitavit, atque constantiâ: qua duo plurimum habent virium, in exulceratis aliorum affectibus persanandis. Ergo, non tam, ut mihi levius foret; quàm, ne tam Bono Viro diutiùs gravis essem: pareo tandem exstimulanti; cubitoque connixus, de fossa meâ me proripio: paul-

paullatim in genua, deinde totus, & in pedes, erectus. Sed officium, plantæ nullo pacto faciebant: & poplites, in ipso progressus primi conatu succidui; reliquum etiam corpusculum, connexâ necessitate, secum ad terram trahebant. Eodem igitur, unde modò consurrexeram, relabebam. jacuissémque (credo) sine cura Salutis semper; nisi meus ille fidus & sacer exstimulator, alloqui sui beneficium etiam operâ manûs cumulâisset. Nam speluncâ degressus, cui se spe quietis acclinarat; ad me contendit: visâque telluris effosâ superstitione, principiò quidem in cachinnos, innatâ jocatione, resolutus; ex me quærere cœptavit: *Quibus Consulibus, ante quot Annos, animam egissem? IN PACE potius, an Martyrio, sinissem? Quânam VIA? Salariâne vel Nomentanâ? quonam cœmeterio, Priscilla, Callisti, Lucillave potius Arenariâ, SITUS essem? & alia de piis salibus, Antiquitatis quadam reverentiâ: quæ nonnullis, per opportunum interdum jocum, memoriam refricant priscae Sanctimonie, longè promptiorem; quàm per importunas inculcationes. Ut verbo dicam: Mytha noster animam simul meam quarebat; & hilaritatem. Sed mihi tunc conridere, volupe non fuit. Et ille, posteaquam me, deliquiis non prorsus fictis, exanimemprehendit; omisissis lusibus, Salutis meæ curam ope suâ, subjectisque lateri manibus, adgreditur. Restitutum in pedes, & humeris ipsius, velut scipioni, nixum; me tardè quidem, verùm aliquando tamen, ad Socios perducit.*

VII. Ii, mitigato paullatim malorum sensu, pristinam ad alacritatem sese receperant.

rant, Et tunc reditu meo (cùm me jam inter vivos esse vix sperâssent) alacriores; gratulatione multâ reductum cingunt. Postquam autem ferè seminecem me deprehendunt; artûsque corporis affecti, non tantùm inedia, sed horrore quoque frigoris enectos; *Et ubi moratus es?* (clamant.) *Ad scopulum* (inquam ego) *nullis unquam ab avo Solibus accessum; & in scrobe gelidissima.* Confestim ergò, succiso sermone, regelandum me proximè pyram locant. Illi namque tantisper, dum aut supervacaneam censent, aut noxiam **MOESTITIAM**; vitæ desideria, quæ projecerunt, resumpserant; &, ad silicem alliso silice, flammam arentibus foliis sarmentisq; susceperant; exiguum ignem primò moliti. Paullatim deinde, contractis ramalibus; focum illum in legitimum luculentumque ro- gum promoverant. Opportunissimus calor (fateor) non tantùm sanguinem mihi; sed prorsus animam, revocavit; dudum priùs intrà viscera stupidam, &, ut videbatur, irreparabilem. Sed rediit ad sui sensum attonitum mens; & ad vires pristinas, torpidum corpus. Itaque tandem ausus sum, exporrectiore fronte circumspectare comites; ac vividè singulos resalutare. Recensebat interim jam pridem Mystra noster (neque sine felle verecundiâque meâ) totam busti mei tragœdiam; &, *tanquam in scena publicâ*, **PETRUM DE VICTORIA SEPULTUM** *ludabat*; ridiculo planè mimò, *Dextrisque pariter & sinistris tibiis*, **MODOS** facere callidus. Ac socii, plurimùm delectati, certatim pro se quisque, nunc aggestu sarmentorum
in py-

in pyram; nunc hortamentis & plausibus,
indignatiunculam meam accendunt: ut pla-
nè tandem, ac totus, calerem. Itaque *SIL-
TIM* etiam inter hæc concepì; *magnum,*
& *DVLCE VITÆ* reualeſcentis *ARGV-
MENTVM*. Auditò verò, nescio quo sodaliũ,
qui diceret; *Ibo, quoniam vesper est; & in cœ-
na vicem vobis fontanam apportabo: sciscita-
ri sum orsus; Quid istud sibi promissum vel-
let: in solo præsertim omnis laticis exper-
te? Tum illi; Nescis, ajunt, nos in vicinia pu-
reum effodisse, tantisper, dum tu Sepulcra con-
chylis aperis, & tuimetipsius vespillonem agis?*
Quibus ego; *Per fidem (inquam) itâne vos*
aquam? & ubi, quaſo? Non procul, inquirunt;
*ac scilicet in ipso littoris aditu, medias inter a-
renas.* Secundùm hæc ego, tardâ quidem,
sed nihil ablaturâ fide, credulus; aquatu-
rum, multis precibus, tanquam cœlestem
quendam *Hydrochoum*, aggredior: ut meum
etiam utrem, quem in *Anthropophagorum*
campis nuper receperam, fontanâ repleret.
nam, id ni fiat; undæ me penuriâ non minùs
nunc, quàm paullo prius frigore, peritu-
rum. Nec recusavit ille: sed, conjectus in
pedes, ad maris oram, volare magis; quàm
contendere progredive, cœpit. En autem!
vixdum cursum ingressus, alacritate Iuvenis
magñâ regreditur: ac, non absque gestien-
tis animi significationibus, sublatòq; jam e-
minus clamore; *Mæ putabatis, inquit, aquae*
allatũ ire. Mutate, socii, spes vestras. nam aqua-
rum vicẽ, Aquatilia vobis apportio: sicut ipsi vi-
deis. Simulq; vix credentibus nobis, vix præ-

lætitia nosmetipsos capientibus (Tanta fames apud omnes invaluerat!) CANCROS offert, quibus sinum suum impleverat, utrémque meum: &, *Horum*, ait, *toto littore (quæquaversum id excurrit) non tam copiam, quam exercitum: immò, verè Pluviam & grandinem, conspicietis.*

VIII. AD hunc nuntium, arrectis omnium aequè pedibus ac desideriis, non segniùs emicamus & procurrimus; ac NERO quondam, exhaustis vestigalibus, ad ostentatas Africæ gazas; aut Hebræa gens ad coturnicum nimbos, in Arabiæ solitudinibus. Ac ne me quidem ipsum, quantumvis adhuc virium invalidum, corporis imbecillitas attinuit: quò minùs in partem tantæ felicitatis advolare. Et certè neque narratio nos, neque phrasis narrantis, falsos habuit. Nam in agminis morem reptabant; & *præcipitate pluvia ritu*, natabant in sicco CANCRI: marisque marginem universum inundabant. Fortè sic usus tulerat; ut, ingravescente nebulis vespèrâ, dies justò maturiùs extingueretur: & Nox, ante temporis leges, ingrueret. Igitur, aperiundæ per caliginem viæ; cùm & lampades deessent, & lunæ nitor: raptim (ut in metu felicitis occasionis amittendæ) singuli singulos titiones ardentes è pyra corripimus. Et alterâ quidem manu sibi quisque prælucebat: alterâ verò prædam congregabat; eamque tantam, quantum cuiusque fames & vota caperent. Me certè, futurorum metuentem, simplex & præsens fortuna, non explevit: sed posteaquam sinum omnem ac thoracem inferfi; *moralia*

moralia quoque pedibus deripui. Tum extremitates eorum & foramina, periscelide geminâ substringens; tanquam vidulum quendam, aut peram, effeci: neque sine largo sociorum risu, reptilibus, quasi lagenam, implevi. Tandem in humeros sublatum pondus; ad confectus veterem locum, multo comitantium applausu, reportavi. Neque tamen oblitus sumus, & aquam ex puteo descripto petere; petitaque, quibuscunque cujusque visum est, vasis aut vestibus auferre. Posteaquam autem ventum est ad rogam nostrum; celeriter instauratis ignibus, in orbem omnes circumfundimur. Et alius quidem Cancros, ramorum furcillis insertos; alius tigillis in cuspidem exacutis, stridentem ad flammam frigimus, ac torremus. Itaque concubiam in noctem usque, productus conquendi labor, & epulum est; ad omne votum & saturitatem interpositio frigida symposio. Nec quenquam piguit extractae (tales inter comestiones) horae. Nam atrocem, ac superioribus omnibus violentiorem inediam; aliquam tandem robustam, compluresque dies duraturam satietate, visum est, exturbare. Nec abfuerunt laudes atque Grates; quas *Hospitali Numini*, non tantum vocibus; sed & intrantes ac praecordia, persolvimus: utpote, cujus manifestissimo beneficio, nobis fame, lassitudine, consternatione consumptis, omni necessitudinis apparatu provisum fuisset. Oblatum enim erat (quanquam saepius ante tempus hoc, tunc tamen opportunissime) cibi genus ejusmodi, supra spem omnem, ac numerum; cujus, illo regionis universo

P 5

tractu,

tractu, prius nō simulacrū ullum aut umbrā;
quin neque chelæ vel exuvix, comparuerant.

Iamque Nox erat, intempestâ provectior:
& soporis admonitu Socii, quō quémque
suus animus invitârat, ad quietem diversi
concesserant. Me verò, necdum satis discussō
totō frigoris torpore; focus noster, & pyræ
propinquitās, svavi tepore detinuit. Ibi pro-
inde, submissis lenem in somnum palpebris;
molliter, & pernox acquievi.

ARGONAUTICŌN AMERICANORUM,

SIVE

PERICULORUM PETRI DE VICTORIA,

LIBER XI.

CAPITVM BREVIARIVM,

I. *Victoria*, postridie experrecto, tres naves,
barbaris referta, offeruntur. In terram
exscendit Reguli Americani filius; cujus vultus,
habitus, ornatûsque describuntur. Hic Victo-
riam, ac deinceps Socios illius, salutatione mu-
nusculisque colit. Comment pag. 98. & 99.

II. Eorum quoque, qui Reguli filium stipa-
bant, cultus incessusque describitur. Socii, à bar-
baris circumdati, poscuntur arma; tanquam la-
boris pretium. Ea barbari priusquam accipiant,
ex pacto navigium emittunt; in quo naufragos
quattuor pridianos ex insula reducant. Com-
ment. pag. 99. 100. 101. 102.

III.

III. *Myſta Hispanorum*, facetà dextrâque fraude, & Summi Sacerdotii ſimulatione, à barbaris non tantum honorem, ſed gallinas etiam ac lautia cætera, extorquet, pro ſe totòque comitatu. De Poculis, ex arundine Americanâ. Comment. pag. 102. & 103.

IV. *Humanitate paullo poſt in perfidiam converſâ*, Idololatra Hispanos, captivorum more, in naves compellunt. Transpoſitos, & ipſi, & in ripa conſtituti Latrones alii, diſpoliant; etiam illi, qua modò donaverant, receptis. Spoliatos, cum ſannis & contumelia, deſtituunt: & quo auctore perfidia? Comment. pag. 103. fin. & pag. 104.

V. *Narratio, de Mauro, patre Invenis, Ducis latronum*, qui Hispanos diſpoliarant. De Novem Hispanis, qui antehac ſe à Victoria Sociis que abjunxerant: de que eorum tragico exitu. Reteſtigitur denique tota doſa liberalitatis, erga Socios ſimulata, prima & vera origo. Comment. pag. 74. ſuprà. & pag. 75. & infrà, pag. 100. & 101.

VI. *Mæſtos in ripa Socios, ob rerum omnium nuditatem*. Sacerdos potenti eloquentiâ erigit: & ſpe melioris fortuna impletos, ad continuandam profectionem impellit. Victoriâ, denuò ab Sociis avuſſum, & omnium inopem, aſſervati nuper cancri, ſuſtentant: donec comitatui tandem reſtitueretur. Comment. pag. 104. & 105.

ROSTRIDIE, cœptâ jam luce; ſomnò ſpontè meâ reſolutus, oculos adhuc inſvetos circumago: repenteque video, Tres capaciffimas per flumen (quod ex adveſto decurrebat) actuarias incedere. Mihi tamen non actuarix, phaſelive; ſed toti-

dem onerariæ prægrandes, apparebant: per crepusculi (velut opinor) ludibrium; quod caligine vaporéque scintillantis Horizontis, in majus pleraque parva consuevit intendere. Tam insperato spectaculô vehementer equidem obstupui: juxtâque, spem inter ac metum, anceps; de loco, quem nocturnâ quiete presseram, corpus corripio: nullâque paventis animi præbitâ significatione, seu pacem illæ naves, seu bellum portarent; in fluminis crepidinem obuius progredior. Ibi rerum eventum opperior. Applicatur interim navigiorum unum, quod cæteris principari visum: IUVENEMQUE præcipui roboris, ac proceri corporis, in ripam exponit: post hunc cæteram vectorum turbam.

Is porrò, qui primus ac princeps exscenderat, Matre genitus Americanâ; sed Mauro patre: genus utriusque colore vultus, & oris ferociâ præferebat. Cujus de patre pauca paullò post, sed ex alto, repetenda venient. Hujus Filio, de quo mihi nunc sermo, furor in oculis; Mars atque latrocinium in manibus, erant: quippe dexterâ lanceam; alterâ sagittas, in fascem renodatas, gestanti. Collo verò torquem demiserat, auro solido ductum: cujus ut copiam ostentaret, aures insuper ac labia paris metalli divitiis exornarat; pendentibus hinc & hinc magno numero, catenatimque consertis, annulis. Hi tam erant appositè per medium fissi distentique; nihil ut corporis mollitudinem læderent, à quo pendebant. nec enim illa membra perforabant, sed tenaci coitu

coitu duntaxat mordebant; nequâ succussione defluerent. Apparebat ex his ipsis insignibus; Barbarum esse juvenem, & DIs addictum. Nam, qui de populis illis DEUM unum, & CHRISTI legem, accepere, morem istum, ut plurimum, procûl habent. Ceterum, quem auri fulgor nobilitavebat; colorum obscœnitas è diverso maculabat, inquinamento foedissimô. namque vultum, brachia, femora, tibiâsque cum suris, succorum variâ mixturâ; non tam expinxerat, quàm infecerat. Ità fiebat; ut, atrô, viridi, ruffôque coloribus, inter sese purulentô quodam ac lurido tabo sociatis, & discordibus; horror ascititius nativum hominis squallorem haud parùm effleret.

Hic porrò, simulac me contuitus est; inflexâ correctâque (quantum potuit) in familiaritatem fronte, concreditur; ac, velut animaturus (fortasse, quia pavorem non totum abdideram) *Agè sodes*, inquit, *agedum!* more gentis, hœc verbô salutem impertitus homini, non antehac viso. Neque contentus hoc officio; brachiis insuper effusissimis invasit hæsitantem, ac strinxit. Cuj, nequid ad amicitiam mutuam obicis aut moræ ponerem; pares ego voces, parem amplexum & salutationis officium, redhibui. Sed *non intrâ sola verba caremoniâsque liberalis* Barbarus; munificentia longius processit; ac POMADUO (maturos Americanæ Platani fœtus) in cibum simul ac fœdus porrexerat. Posthæc, raptim ad comites (uti dicebat) meos vestigandos, decurrit; ut idipsum de condicito compositoque geri sentiret. Eos, in vicinia cumbantes,

bantes, alium alio loco continuò suscitāt : & expergefāctos, eādē verborum suavitātē, paribūsq; salutationum lenociniis adoritur : quin & lautiis iisdē, quibus me primū affecerat, excipit. Et post hunc, ad heri sui leges morēque compositi pedisequi, quique ceterorum comitabantur ; nihil dominicę civilitatis prętermittebant. Erat autē istorum, ex utroque sexu, frequentia non modica, quę juvenem partim servitii jure, partim clientelę titulo, stipabat. Eorum, operę pretium est, cultum atque corporis habitum, non prorsus silentiō transmitti.

II. SINGULIS (viris æquē fœminisq;) colulum auro monili conspicuum fulgebat. torquesq; , pretiosus ille quidem, verū opere rudi, nullōque flexūs artificiō ; nobilitatem seu propriam, seu magis herilem, commendabat. Et hīs quidem opibus cervix circumfluebat. Naribus autē atque labiis, oblongę fibulę (sive quis bullas nūcupare malit) eādē materiā, pretiōque, mordicus hęrebant : non ingeniō quidem meliore, quā spinter modō descriptum ; sed aliquā tamen artis imitatione, folioli simulacrum exprimentes ; & in quernę ferē comę figuram inferiori parte desinentes. Supernē verō, tinnibulīs (etiam ipsis auro sonantibus) issque percrebris, distinguebantur. At fœminas, incompetę mihi plantę succus obleverat ; ascito captatōque livore pallidus. nam, quod nos *pallorem* ac *funus* nominamus, in coloribus ; hoc illę mulieres *Gratiam* & *Veneres* arbitrantur. Primævus autē congeneritūsq; color (in viris æquē fœminisq;) candi-

candidus, vultu genarumque tenuis; & in Germanorum Europaeum nitorem castigatus: praeter unum alterumve de stipatoribus; genere, Maurum inter & Peruanum, mixto prognatos. Omnes hi gaza fruminaeque lavam manu; dextra vero missilia tela, vel acilides, amentum deligatas, vibrabant. Amictus autem erat, non, pro barbarorum inverecundia, nullus; aut, pro lascivorum impudentia, passim perspicuus: sed gossypinae telae, laborisque transmarini colobia, cum subuculis, lacernae praeterea, staminisque tenuioris subligaria, renibus circumducta. Perizonia denique, spirae ritu convoluta, non disparis materiae; quae, cum ab humero dextro demitterent; sub ala sinistra rursus, pectore lumborumque tenuis, circumducebant: tanquam *Gabino cinctu* retorta. Paludamenti cuiusdam exotici formam agnosceres; quali veteres ego Fabritios ac Cincinnatos, & ab aratro rapisque devotos ad Dictaturam triumphumque, circumfluxisse reor: nondum videlicet peregrinae reperta luxuria; de Serum arboribus, aut Babyloniorum Phrygumve doctis acubus, aut succo Sidonii muticis, ornari gestiente.

TALES hi, tanto numero, contra longe pauciores nos (& inermes) instructi militibus minis & opibus; non diu scilicet dubitare circulo nos includere: continuoque sarissas nostras, & enses, & quidquid ferri portarem, per imperium poscere: sine controversia, non aliam ob causam; quam, ut, armis traditis, nos ipsos quoque dederemus; aut certe victos oppressosque sciremus; ne
mine

mine votis eorū aufuro contravenire. Quid, quòd ultrò per jactantiam dignos se dicerent; quibus non ista tantum, sed etiam, siquid charius haberemus, ex animo largiremur? Se namque, salutis & incolumitatis nostræ tam avidos, tam sollicitos & anxios agere; suis ut necessitatibus domesticis insupèr habitis, consultum ac suppetias latum irent hominibus peregrinis; ne quid illi graviorum periculorum adirent. Se, complures jam dies (ac ceriè solidum novendinum) desertos incultòsque circum locos errare; ne nos in errore persisteremus: quos idcirco tantà sollicitudine vestigassent. Actum esse desperatùmque, de THALASSIA, quam nobis fingeremus; quam tot per ambages fatuo cursu persequeremur: actum de Mantæ portu; quem jam pridem caci præterissemus. Quare, se potiùs sequeremur; siquid adhuc sana mentis retineremus: si viam ac vitam meliorem vellemus, in Peruvii regna navigaturi. Quæ cùm dicerent; mirari nos interim, & apud nos præ stupore vix esse. Cùmque vocem ac verba nemo reperiret, quibus interrogaremus; Vndenam mysteria nostra mortalibus alienissimis innotuissent? modò nos ipsos inter nos, noctibus vel obtutibus, examinabamus: modò verò planos illos ac circumfessores, taciti contemplabamur. At nihilo propterea modestiores illi silentiò nostrò; tantò contentiosius urgere nostra spolia: quæque poposcerant, instrumenta defendendæ vitæ.

Nobis (ne tamen gratis, ac nullò dispensii pretiò, despoliaremur) visum est cum patris & conditione, postulatis annuere. Quare, cùm necdum omnis animo decessisset quattuor Sociorum recordatio; quos pridianum

num discrimen in scopulum impegerat (incertum, an cum eorum ultima pernicie) spem recuperationis eorum, ex praesentium navigiorum opportunitate conceptam; in pacta foederis ac deditiois deducendam existimavimus. Signis ergo, gestibusque, quibus visum est; apud ignaros sermonis nostri, vehementer instare coepimus: ut navigium de suis aliquod agerent in fluminis partem illam, quam nos eis digito designabamus. Iis ex locis erutos extractosque comites longè dilectissimos, nobis restituerent; dignos eo beneficio vel ob hoc solum (si caetera deessent omnia) quòd soli primisque, pro caeterorum omnium salute, capitis essent aggressi periculum. His talibus, tam nobis impensè charis, in libertatem ac vitam assertis: postea pro laboris manupretio, quaecunque vellent, quaecunque peterent, auferrent.

Nec fefellit callidos sensus noster. continuoque, Ducis delectu, de scientissimis stipulatoribus unus quidam, cum actuaria caeteris firmiore, cumque remigibus & classiariis, expeditur; & amni, contentis remis, immititur. Et quia *Non aura magis navem; quam Praedae cupiditas mentes, impulerat: dictum, factum!* commonstratam Insulam, simul vident, simul adnavigant, tenent, occupant. Ibi *Quattuor viros* illos nostros, in carcere latitantes, recipiunt; &, jam pridem à desperatione mutuà conclamatos, nunc autem planè redivivis similes, revehunt. Expositos tandem in ripam, latos latis nobis (quis dubitet?) incredibili mentium congratulatione restituunt. Tunc denique stipendium suum,

suum, ex condicto stipulatôque; nec jam velut precarium, sed, ut legibus debitum, exigunt: ac nos ita, meliorum armorum majori parte multanti; vilioris subsidii telis, per dissimulationem fictissimam non tam præteritis; quàm revera dilatis.

III. SED, priusquam hæc expedirentur; absentibus adhuc sociis illis insularis, res non levida minùs, quàm mira (successûque tunc felix) intervenerat: in hunc modum. ILLE, mihi toties memoratus, & ab ingeniosa pietate commendatus, SACERDOS noster; stabat (ut ipse sibi videbatur) tanquam unus de numero: certèque saltem Barbaris inglorius, ignoratione viri. Pupugit isthæ rusticitas animum tam ingenuum; ac fortasse, suprà fas, supràque causam. Nam AB INSCIEN-TE nemo DESPECTATUR: nec POTEST contemnî negligê; nisi DIGNITAS INTELLECTA. Rudes animos, ut *Æstimatio*; sic & *Reverentia*, prætervolat; Inurbanitatis nullo planè damno (Quis enim Rusticos curat?) nisi, siquod *Ambitio* sibi fingit. SED ego *Mystam* nostrum, non sanè tam, gloriæ ductum cupidine; quàm commodorum nostrorum rationibus: censuerim, opinionis sui jacturam sensisse. Providebat enim (ut erat acutissimarum suspicionum) sui veneratione respectûque, præcipientes sylvestrium hominum impetus refrænatum iri.

TALI proinde consiliô, cùm ille nos omnes oculorum nutu, de circulo se vocasset; Hispano sermone paucis orsus; *Andite contubernales*, inquit. Si *Muphtus* ego *Turcicus*, aut *Iogues* *Malabaricus*, aut *Brachmanes* *Indus*, *Benzius* *Japon*

Ipse essem; sceleratorum Deorum consceleratio
 Sacrificulus: agrestes isti (quos videtis) Satanâ
 docente subornantēque, me procul dubio magni-
 ficis ritibus, ac prono corpore coluissent. Nunc
 Altissimi verissimique DEI, nunc cælestium sa-
 crorum administrum; habent algâ projectiorem,
 et titivillitiô contempitiorem. illorum nemo me
 supra communem sortem aut effert, aut aestimat.
 Id adeo vestro, vestro, mei populares, vitio (si
 verum audire sustinetis) vestro neglectu, contin-
 git. Vobis enim ipsis, hucusque non succurrit
 profano Sanctum distinguere. Quapropter, si mi-
 hi, si Sacrorum nostrorum honori, consultum vul-
 tis: cedite, si non mihi, saltem tempori tantisper;
 ac succiduis genibus, orēque pronò, basia mani-
 bus meis imprimite: certi, non mihi vos honorem
 istum; sed, in me, Summo NUMINI, deferre. Se-
 quentur exemplum idololatra; meique suspectu,
 mitiores sese vobis dabunt, in quodvis obsequium.
 Hoc vos experimento discetis; verum esse, quod
 docti vulgò jactant; HONOREM honorantis
 magis esse, quàm HONORATI, nam hinc vestris
 potissimum lucris accedet.

VISUS est, haud absurda svadere. quare,
 nemo fuit, qui rem tam æquam, tam con-
 sectu pronam, abnueret. Tantummodo; Con-
 festimne vellet hæc? an potius in locum ac tem-
 pus differri placeret? interrogamus. At ille;
 Confestim, inquit; ut, Dum Calet ferrum, cu-
 datur. NULLA fit igitur per nos mora. Di-
 gredimur: &, in diversa scissâ paria, tan-
 quam in studia partium, ac velut ex dissen-
 su; simulamus, super re proposita, delibera-
 tionis atque consilii sollicitudinem. Ac prin-
 cipio quidem; meditabundis similes, non-
 nihil

nihil dispatiamur. Repentè deinde, tantamquam in conceptam sententiã pedibus euntes; ad Mysten nostrum, ordine composito, pèrque seriem, accedimus. Hic autem, ingenio solitò festivus; campi locum editiorem occupârat: quò conspectior oculis ignarorum ejus auctoritas immicaret. Et is quidem venerationi se nostræ propinabat; patrum herculè pro persona, pròque fastigio. Nam stabat, non nisi subuculâ contextus: prælongâ quidem illâ, byssinâque; sed erubescendâ tamen *Europæi Pontificatus* majestati, quanquam & scapulis superinjecerat depeham lacernulam; &, præter hæc, *apicato capite Sacerdotium* ostentaturus; lato spatiosoque pileo verticem & capillos circumdederat; in morem fungorum ignobiliter petasatus. Erâtque tiaras ille (sit veritati sua reverentia!) planissimè non tantum ventorum, sed & nostrum ludibrium; sicuj tamen risus tunc cordi fuisset. Usque adeò flaccus ac fluidus à capite dependebat.

SED, ut ego reor: NON *indumentis Auctoritas*; potius *Animò*, paratur: INGENIISQUE *vilibus*, non *vestis*, non *splendor*, quantumcunque circumpositus, *majestatem conciliat*: sed longè magis generosus vigor, & in dignitatem lucentes oculi. Certè tanta Sacerdotis nostri fuit, in lacinia semet efferentis, gravitas; ut, etiam nihilo præmonitos, tamen nos in obsequium ac venerationem, aspectu solo, permoturus fuerit. Singillatim igitur omnes, & ad pedes advolvimur; & de genu, manibus pronis osculum impingimus. At ille, nequaquã incallidus Personam cœptam explere;

explere : SUPREMI cujusdam PONTIFICIS in morem , adductâ primùm fronte , deinde paullo post explicatâ ; bene precari nobis , & adversum nos CRUCIS figuram in aëre ducere. Quô factô tenuimus, in admirationem non vulgarem implicitos, *Idololâtras* ; stantes, eminus, & contemplantes : neque tamen vel Hominem adoratum satîs, vel causam adorationis, animo capientes. Et tamen (etiam sic) rudium nonnullos traxit *Exempli potentia* ; *QUAE plerumque multum in religionibus valet*. Nam, neque quid, neque quare ; Christianum Sacerdotem etiam ipsi, simplicissimo sensu, cœpère venerari. Tunc planè patuit, verum *Asceticos* dicere : quibus *HUMILITAS animi*, seimet demittentis, *non protrita contemptaque* ; sed profectò *mascula magnificaque virtus est* : & , quoties usus fert, etiam ad adorationem usque sui conspicua. Namque sanè, ne Ductor quidem agminis barbarici sine motu tunc adstitit : sed, suspicatus id quod erat ; AB HISPANIS *non VESTEM colit, sed VIRUM* ; continuò jussit, in ejus sinum, etiam de suo commeatu, xenia congeri. Confestim igitur de corte corbëve portabili, promptæ SEX GALLINAE, præpingues, opiparæ, peregrinique delicii ; mystæ nostro pro victimis ceciderunt. Immò, *Quò magis ei saperet GRATIA FESTINATA* ; de gallinis unam aliquam repentè Dux exenterari voluit : & , in cibi præludium, promulgidè mve, mandavit exempta viscera præparari. Nulla fuit ergò mora : sed, quo loco pridie rogis ille noster arserat ; ibidem, resuscitatò focò, coctus barbaricus jecur, & intestina cuncta galli-

gallinacea, redegit in extemporale jentaculum.

CÆTERUM, Ne vescentem Sacerdotem Socii reliqui spectarent dumtaxat; & vacuis interim ventribus assisterent: liberalitate crescente, profusior antesignanus, omne penus suum nobis impendi, pretium operæ putavit. Igitur; OLLAM etiam, ollam (inquit) illam, quam infertam aprugnâ salitâ simul adportastis, inferte nobis: ac, præter hanc, ejusdem ferinæ pernas aliquot, hybernóque conditas sale succidias: NE PARS tantum istorum hominum epuletur; & Altera pars esuriat. Iacebant insuper in actuariis navigiis ARUNDINES, quas Indicas nominant; alterius tamen, à Vexúris (quas sæpius memoravi) generis & magnitudinis. Aderant harum non paucæ; truncò vasto teretisque; necnon internodiis aliquot, per certa spacia, planè nativis & elegantibus, interstinctò. Globos sphaerásve crederes, aut perfectæ rotunditatis cucurbitas; quarum singulæ *congiarum* octonùm capaces, dulcis aquæ copiam tantam includebant; ut jam non cannæ, sed canales conchæque dici possent; propter calamorum amplitudinem. Nequid igitur ad absolutam hilaritudinem deesset; etiam hos Aequales, sic impletos, afferri ductor Americanorum præcepit: intérequé sitientes convivas diffundi. *Genio putâsses, aut thalamo, non soli Neceßitati, Sacra fieri.* TANTA scilicet cunctorum animos laxitas, & oblivio curarum, invaserat: jactante, vocibus non obscuris, maternaque linguâ, Sacerdote nostro; SE jam non aliquem de grege plebæ

plebæve presbyterii; sed planè PAULLUM & Apostolum esse: quippe, qui cum Summis illis viris ET ABUNDARE SCIRET, & PENURIAM sustinere. Nec se jam adeò gratias agere nostris genibus, & adorationi; sed à nobis ulirò gratias expectare, sibi debitas: ideòque se nobis imputare. Nam dignitatem, à sociis in se collatam, se confestim copiosò presentariòque donativò; quin & Congiario, remuneratum esse.

IV. LUDEBAMUS in hunc modum; nec immodestè, reor: SED MOX & Fortuna nobiscum; verùm inverecundiore proterviâ. Proh mortalium fidem! & nullam, in risu fecitatis, constantiam! ADHUC in patinis eramus, & arundineis illis aqualibus; nihil, nisi Pacem, & amicitiam, & Hispani nominis reverentiam, animo concipientes. Nec jam Barbaros hos, tales, quales erant revera; sed fidos, hospites, & omnem ab illis opem tutelâque nobis pollicebamur: cùm repente signum à ductore datur, & vox, nautico celeusinati similis, intonat; Consurgeremus! & in lembum grandem, quem hos in usus ad ripam incitassent, nôsmet simul omnes conjiceremus! QUIXIMIORUM) sic enim appellabant) hæc æstuaria finúsque, multis inter sese consertis amnibus, aliter non superari; nisi generis istius celo-

Secundùm hoc tonitru, contractis metus Hectoribus, pariter emicamus; sequimurque eam ductorem, quàm imperium. Suppressis utem, quæ jam tum mentem laticinabant, aspicionibus; spem, latitiâque vultu præterimus; phaselòque remis agillimis æstua-

ria

ria cuncta pervolante, tandem in ultimæ ripæ viciniam pervenimus. Vbi truculentos, nescio quos, excubitores consistere globatim cernimus; ac nostræ navis appulsus opperiri. Neque tamen adhuc manifestos sese prædones ferebant; sed potius ultrò, vocibus, nutu, gestibus, ad exscensum nos invitantes; etiam manum nobis, tanquam in operam ac fidei pignus, protendebant; donec ad marginem fluminum postremum allidi prora cœpit. Tunc enim vero, celerrimè conversò lintre, prora fluvium, & puppis continenter; nos autem alter alterum, orsi sumus respicere. Continuòque remiges applicant; & clamoribus inconditis, *Primos jubent Hispanos in terram exponi. Se verò, simulac exscendissent homines suæ fidei commissi; gradu postremo, jurèque custodia, secuturos.* Nos, non inventò, quid contra vim mutiremus; instantibus morem gerimus. Sed ecce, vixdum expositis; latronum omnis turba, quæ ripas infederat, agmine frequentissimo nobis circumfunditur. Tum deni duodenisve singulos Hispanorum adorti; perfidiâ plusquam Punicâ,prehendunt, trahunt, pullant: ea, quæ paullo prius donaverant, jam repetunt; suâque liberalitatem & spontanea munera, nunc suum furtum, & violentam rapinam, faciunt. Vestes præterea, sarcinas, argentum, &, quod auri signati, cum notis Hispaniensibus, nobis superfuerat; id universum diripiunt. Porro numos aureos, quos nostri Patacos appellant, probatissimi pretii; seligunt ex universis spoliis: &, quoniam eos tam figura, quàm rutilus splendor, delectabat; me-

dios

nos perterebrant. deinde collo quisque suo, nonilis in ritum insertos ligamentis, super-
e circumponunt.

Quae posteaquam omnia, nec silentibus omnino nobis, neque tamen palam expositantibus, patrassent: tum demum non sine percilio nobis innuebant; His se contentos, neque PLURA requirere; posteaquam omnia nobis ademissent. Mox, tanquam beneficiò præterea nos ornassent: propterea, quod nullò maleficio majore vitam eripuissent; ostantibus similes, ac valedicentes, in suavis navigia simul omnes regrediuntur. Ibi, veluti præclare gesta re, partisque (sicut ex hoste) manubiis; triumphum & Pæana canunt. Nobis autem à tergo luctum, & nāniam, & supremam calamitatem relinquunt.

Hic exitus fuit illius vaferrimæ, quam nobis ostendere sustinuerant, hospitalitatis, atque cultûs: ut exigui damnum impendii, quò nos reficere visi sunt; majoris prædæ larcinioniò solarentur, non sine luculento fœnore. Cujus nequitix totum minimum is, qui ceteros duxit, solus in via, composuit, dono suo; ditexit arte; moderatus est consiliis; expeditiv impènis. Hujus de Patre, genere, moribus, ceterisque, quæ connexa sunt; & quæ nos serò pòst comperimus: quoniam præpà promissi; nunc, quia tempus, & res admonent, memorabo: narrationemque, quam verissimè fas erit, ab ovo (quod ajunt) accersam; & ad mala, nullis ambagibus, perducam. Sic autem ea res, quemadmodum subiciam, habet.

V. Ex reliquiis Maurorum, quos Granatensi

tensi regno quondam, adeoque totis Hispaniis suis, exegere Ferdinandus & Isabella, Castellæ reges; hæc erant non pauci: magis charitate soli, quod natalibus infederant; quàm adversum reges sinceritate, vel in Christum fide: quorum utrumque, *temporis servitiò, simulabant.* Sed, DIFFICILE fuit, animo corruptos Mauros, ab integrioribus distinguere, quoad utrique pariter in obsequio manserunt. Postea, quàm alius alias ad fugam januas, occasionesque speculati; pars quidem exigua fretò vicinam Africam, pars piratarum Insulas ac receptacula petierunt: tum demum est cognitum; *Quid apud GENTEM, ab stirpe fallacem, coacta Servitus* roboris & fidei tene-
ret. Mancipiorum certè plurimi dilapsi manipuli; religionem juxta dominosque fefellerunt, & exuerunt. EORUM in numero Maurus quidam, ruptò servitiò, patriaque speretâ (quorum utrumque multis annis Hispani quondam habuerat) postea myoparonem, ac perfidix socios nactus, post longos Oceani cursus errorésque; tandem in AMERICAM venit, Occiduo Soli subiectam. Ibi, quem nunquam bonâ fide sumpserat, CHRISTUM excussit; ac Mahometen resumpsit. Post, in hunc modum semel depositâ fronte, paulatim impudentiori superstitione, Deorum multitudinem, Americano ritu, cum Alcorani fabulis conjunxit. Progressu verò temporis, Mexicanae foeminae connubium, & ex eo sobolem, adeptus; apud illos civilium insuetos populos, tantum Europæâ facilitate, morumque callido temperamento, perfecit; ut volentes lubentes, ulterò
suum

um Publicum ei permitterent ; eumque
 etibus agrestium Regulum imponent.

Hoc tali patre genitus is, qui nos cum
 is ad æstuarium eo die dispoliaverat ; ge-
 itoris artes, non degeneri nequitia, per-
 verabat extendere : simulationis cum-
 mis, & latrociniorum docili succe-
 sione.

Nec tamen primi nos Mauricum scelus
 vim incurrimus. Namque jam ante nos,
 uribus retrò diebus, ab nostro comitatu
 vulsi NOVEM (quorum secessus supra me-
 nimus) cum arte natatoriâ, viarumque
 reviaris, confiderent, omnes se fluvios, &
 olitudinum ambages, perrupturos sine ma-
 no periculo ; post longos tandem & no-
 os errores, in eos ipsos, quibus ille Mau-
 ris jura dabat, Barbaros inciderunt ; & ab
 is ad Regulum deducti sunt. Ac principiò
 idem Hispanis profuit Hispaniensis homi-
 nis, ceu *notoris*, favor & humanitas. Illius
 exemplum (an speciem magis & simulatio-
 nem ?) sectati ceteri, non inciviliter nostros
 abuere : fovenite præsertim gratiam mimi-
 um Principe ; dum eos *Gentiles suos*, & *ejus-*
dem auræ patriæ consortes, tertiò quoque
 rbo perfamiliariter compellat. SED in-
 rim Hispani ; navigationis nostræ totam
 dyssæam, ac navarchi Panamæi fraudes,
 censere cœperunt. explicare quoque So-
 rorum, post relictam navim, pericula ;
 asitamque tot erroribus Thalassiam, &
 antæ portum. Quibus omnibus Regulo
 lter explicatis, adjecere preces ; *Ut,*
ipsâ suorum armatâ manû, Socios, etiamnum

errantes, vestigari juberet: & siue forent à sibi
 sribus excepti, per vim in libertatem vendicari
 siue viâ tantummodo per imprudentiam excidi-
 sent, in viam imperaret reduci: quoad in liberi
 juris oppidum aliquod pervenirent. Pretium hu-
 manitatis, fore gladios ac sarissas; quarum co-
 piam haud contemnendam, nec operis inelegantem
 illi secum apportarent. His isti dictis, lucri ge-
 minata spe, flagrantem jam antehac avariti-
 Barbari cupiditatem, acrius incenderunt.
 Filium itaque confestim accersit, jam adul-
 tum; & eum ipsum videlicet, cui nos in præ-
 dam postmodum cessimus. Ei mandata dat
 quædam propalam; alia, plurâque, clanculum
 ac sevocato. Servos, clientes, & infra se quo-
 cunque titulô positos, adjungit; mistô viro-
 rum foëminarumque satellitiô. Denique cum
 tribus illis Liburnicis, insidioso comite
 diligenter instructis; ad hoc delectos dimittit.
 Eum tantum tamque munificum, qua-
 lem supra descripsimus, apparatus excogita-
 rat, non officium, neque liberalis animus
 à quorum utroque, vel procùl semper abfue-
 rat; vel profectò per fugam apostata discesse-
 rat: Sed, verè rem æstimando; totum ho-
 parandarum opum ingenium, dictaverat im-
 probissima cupiditas: suspicante Regulo (ne-
 que prorsus abs re) quoniam enses ac lancee
 pollicerentur à Sociis Sociis; non procùl ab eis Au-
 rum esse posse, penès quos FERRUM foret, AUR-
 CUSTODIA. Iam ergo non est, cur quisquam
 admiretur: illum, quem suprâ descripsi, lu-
 venem, cum suis asseclis, postquam nos repe-
 rit; tam multa, tamque nostris casibus con-
 nexa, garrivisse: cum dierum novem indagi-
 nen

m nobis jactarent; cū Thalassia nomen
 m Mantæ portum, afferent in medium.
 enim revera, Mauri toparchæ jussu, nos ve-
 gabant; & ab Novem illis nostratibus in-
 na quæque perdidicerant. Nec in obscuro
 m esse poterat; cur exotici saporis illa Po-
 a, cur gallinas transmarinas, cur jentacula
 m artis exquisitæ poculis, in nos congefiss-
 nt; quoniam, nisi talibus illecebris ac sagi-
 i, nunquam ignaros aut inhamâssent, aut
 ptos traxissent. Nec illud denique cuj-
 iam (qui modò Barbarorum haberet cogni-
 s mores) præter expectationem cadere vi-
 rive debuit; quod nos iisdem omnibus,
 æ prius liberaliter donârant; ac fortunis
 æterea nostris, quas non donaverant, per
 mmum scelus evertissent. Id enim impe-
 um, non tam Juvenis prædonis, quàm pa-
 is; nec tam satellitum, quàm dominorum,
 it. Quanquam cæteroquin & hi, qui nos
 nunxere facultatibus, ab instituto suo ni-
 l recesserant: assueti prædas ac latrocinia,
 m ex antiquo, tanquam Artem, exercere;
 erumque per fraudes, interdum etiam per
 edes & cruorem; in corporibus præsertim
 ispanis. Nam hanc gentem odiis innatis
 que tralatitiis, ad usque perniciem, inse-
 antur. Ad summam! Ex professio vagi, la-
 ones, & grassatores: *Vitam universam in*
idolis ac superstitionibus; animum in pradis &
anguine; mortem in Gehenna, degunt.

VERUM, ut ad nostros illos Novem, stylo
 egrediar: Expeditis emissariis illis, quæ di-
 i, navigiis; & Filiò præesse ducereque jussio-
 nem ad paternam omnem perfidiam ne-

quam Senex instituerat : Hospitibus ille quidem mensam qualemqualem apparavit. Præter hæc autem , & commeatum viaticumque mendicantes; fide publicâ , quocunque volent , ire permisit : ac victu profectio nibus necessariis juvit. Cæterum hos in itinere (non dubium , quin de composito , collusioneque Reguli) Barbarorum alius aggressus globus : *Quinque* de *novem* illis oppressis *Quattuor* reliquis sua manus , ac DEI tutelam aperuerunt ad effugium. Hi , longæ post tempore , nobis (jam PERUVIUM tenentibus) restituti ; rerum gestarum seriem , qualem modò descripsimus , tristes ; neque sine mutuis lacrymis , explicarunt. Ibi demum patuit *Danaum* , ac DONA FERENTIUM , DOLUS : ibi scelestum execrabilis hospitalitatis figmentum. SED res hortatur ; ad non ipsos , ac scilicet calamitatum nostrarum ordinem , Mauriciis actis interscissum , reverti.

VI. DICERISSIS , suo cum Duce , latronibus ; omnisque simul abductio nautico subsidio : stabamus in æstuarii crepidine mœrentes ; sine veste , sine vitæ nutrimentis : & omnium nudi consiliorum. Nulla deinceps spes affulgebat ; nulla fortunæ melioris expectatio : cum præsertim , omnia nobis maria , sinúsque , prospectu pererrantibus ; non cymba , non ratis , ac neque tabula quidem vel remus , offerretur. Ad ultimam itaque perducti desperationem ; marcida cum animis corpora solo sternebamus. Solus unicus , in omni sorte semper sibi constans Sacerdos noster ; ubi nos animadvertit , serio fractos ; neque , nisi fortibus stimulis , excitari faciles ;

faciles : laxare tota Spiritus & eloquentiæ
 suæ fræna cœpit ; & , in ignaviam nostram
 plenô sermonis effusus impetu , detonare.
Quoties jam mortuos ? quoties sitos , ac tumula-
tos ? & tamen revixisse. Semel ab uno nauclero,
per fallaciam, navi detrusus ; tamen adhuc quo-
tidie Charontis in cymba seſitare. Non indi-
gnandum sibi , quia fabulis luderet : cûm nos,
natio tam Orthodoxa , tantopere Divinæ VERT-
TATIS, ac Fiducia cœlestis, obliſceremur. Ad-
huc, adhuc enim verò, priscum vivere, regna-
reque, DEUM ; & humanos casus ac negotia dispo-
nerè : Cuj, si cordi fuisset, in nos seſuire pro meri-
tis ; si gratum, Perire miseras naufragorum reli-
quias : nihil facilius fuerit ; quàm nos modò per
latrones perdere. Sperare se ; Christianos & Hi-
ſpanienſes (nec ità procul) abeſſe, quoniam Bar-
bari cis necem, nec ultrà prada licentiam, in nos
ſeſſent : ultorum haud dubiè metu ferociam
inhibente. Diſſos utique, propinquam & majo-
rem vim ſe ſuſtenturos.

Nihil eſt Oratore nervoſo , neque potentius
 ad erigendos animos ; neque penetrabilius ad
 perfringendas diſſonas voluntates. Dum lo-
 quitur Sacerdos ; dum exprobrat ; & , more
 quodam APIS Atticæ, ſermonum ſuorum mel-
 li, reprehensionum aculeos intorquet : nos, diſ-
 cuſſo torpore, ſimul omnes pudibundi con-
 ſurgimus ; erectique meliorum exſpectatione,
 jam hilares, jam pedum atacres, viæ reliquum
 geſtimus exigere. Dixiſſes ; non, ut ante-
 hac, in incerta ſolitudinum, ſed in lacteam
 PROMISSIONIS-TERRAM, nos feſtinare. Tri-
 dum tamen inter littorales errores exa-
 ctum ; nullo nec homine, nec diverticulo, pa-

labundis obviô. Die verò quarto; ne discederem à consuetudine mea, semper in exsortem aliquam & lævam fortunam, præ ceteris, illabendi: Sociis rursus omnibus, & viâ pariter, excido. Quo tempore, quantis in curis, fletu, periculis, egerim; non equidem oblivione prætereo, sed planè fastidiô mei, lectorisq; reverentiâ: quem, similitudine casuum, toties obtundere; paullatim meritò religioni debet esse. Tunc, ab omnibus penitus destituto viæ levamentis, & ab universis deserto vitæ ministeriis, apparuit; quid homini conferret in tempore, sagax futuri providentia. Nam extremam mihi famis necessitudinem depulerunt Caligæ; quas nuper cancris, in cullei modum, infereram: quasque mihi, direptis omnibus aliis, Barbari (tanquam inutilem saccum) ultrò redditas, in faciem miserant; non tam miseratione mei, quàm irrisu. Quatriduum, in hunc modum, aquatilibus in cibum absumptis, extraxi. Post hanc autem, anno mihi longiorem, moram; ego Socios, illi me, receperunt: incredibili mutuôque gaudio perfusi. Quorum ego ne quando deinceps jacturam facerem; vestigiis illorum ad usque scrupulum hærebam. interdum & prægrediebar: non ausus vel agmen claudere, tardius insequendo; vel antevolare spatiosius, nimis eos passibus antevertendo.

ARGONAUTICÔN
AMERICANORUM,
SIVE
PERICULORUM PETRI
DE VICTORIA
LIBER XII.

CAPITVM BREVIARIVM.

I. **E**xacto dierum aliquot errore Hispani, tandem in Crucis statuam incidunt; quam lætitiâ pietatêque multâ colunt. Sub hac ad pagum Charapótum, Christianis frequentatum, hila-
lares perveniunt. Comment. pag. 105. & 106.

II. In templo Charapoto divinis mysteriis inter-
sunt. Ab loci Parocho, & incolis, dierum ali-
quot hospitio, rerûmque necessariarum subsidio,
humanissimè juvantur. Comment. pag. 106.

III. Relicto Charapoto, Victoria Portum Ve-
terem petit. Illic morbo longo detentus; curatio-
nis ergo Mantam postea deportatur: quo loco co-
gnoscit, de navî illa suâ Panamâ. Panamam
deinde profectus, Companerosæ defuncti suprema
mandata defert, & exsequitur. Narratio de Pe-
tro Aria; deque via, Panamam inter & Nom-
brediosam, apertâ. Comment. pag. 106. &
107. & suprà, pag. 88. med.

IV. Panamâ Petrus Victoria navigat in Pe-
ruvium. Quæ regna, quæq; insula, in eo cursis
se ostenderint. Limam denique, Peruvii metropo-
lin, appellitur: quam describit. Comment. pag.
107.

V. Limâ, post semestre, se confert Potosium, ad

*auri argentique fodinas. Depingitur primum fl-
tus ipse plagaque Potosiana, cum lacubus Tiqua-
caca, & Anloga. Deinde mons Potosinus, me-
tallifer. De Auri generibus; deque obryzo. Ar-
gentariarum cuniculi, venaeque. Possorum multi-
tudo. Scala, descensusque altitudo; & erudi-
metalli modus. Comment pag. 107.*

*VI. Post Potosium aditum, Victoria non pan-
ca alia America loca, metallifera, nominatio-
que lustrat; triennali mora. Comment. pag. 107.*

*VII. De Novo Orbe, ejus primis appellationi-
bus, & Inventoribus. Quo prae monstrante, Chri-
stophorus Columbus, insulas Atlanticas, & conti-
nentem Orbis novi, retexerit? Quem secutus A-
mericus Vesputius, America nomen dedit.*

*VIII. America generatim describitur. Ejus
spatium; &, in Meridionalem ac Septentriona-
lem, partitio. Opes ejusdem, fruges, fructus, gem-
mae, & Smaragdifodina: jumenta feraeque, tam in-
digena, quam importata. Oves, Indica vulgo
dicta.*

DIc nono, postquam à Barbaris
expediti sumus; cum jamjam
Sol vergeret: in semita quod-
dam bivium incidimus, lucu-
lentum ac tritum. Hujus alte-
ra vestigia montium pandebant aditum; qui,
connexo dorso, sinistrum ad latus, ab Occa-
su porriguntur in Orientem. alter autem cal-
lis, maritimum littus, quam latè procurrat,
secans; Oceani Pacifici praestringebat oram.
Ipsam porro Bivii principium, collis erat mo-
dicus, aequori proximus; & venerandæ Cru-
cis, ex incocto latere, Columnâ spectabilis.

Dici non potest, quantò Spectaculum, hoc,

(obo-

(*Rebelis* omnibus & *Colossis* Rhodiis magnificentiis) Oculo praesertim *sincere* CHRISTIANO, voluptatis infuderit? natantibus gaudiis cunctorum praecordiis; nec abstinentibus dulcem lacrymam genis. Ergo primus hic, sicut ad viam stimulos, sic ad exemplum & gratulationem, *Sacerdos*; O CRUX, exclamat, AVE. SPES UNICA! Certè videtis, inquit! VEXILLA REGIS PRODEUNT! FULGET CRUCIS MYSTERIUM! Omnibus autem pari pietate laetitia illius subsequenter: subiecit ille, gaudio profusiore gestiens; *Hoc nempe* (comites) *hoc illud est*; quod ante Septimum abhinc diem vobis, ego neque vates, neque vatum filius, sed tamen praesagi vi: divinis (ut puto) veriloquisque mentis instinctibus, *Necessum esse, Christianos (nec ita procul) abesse*. Quæ cum ille diceret: idem omnes nos vaticiniū confestim recognoscimus; gratoque praeconio comprobamus. Subinde, certatim concinentes; alii, quidē cum ANDREA beatissimo, SALVERE Crucem Pretiosam, jubemus: cum Ecclesiae choris & hymnis, *Dulce Lignum, dulces Clavos, Dulcia pondera*, modulamur; elati religiosā laetitiam, quod post tot mensium spatia, nostratum Sacrorum indubitatas notas, sub ignotissimo cœlo, revisere-mus. Inter hæc, omni mentibus decedente formidine; spe novā, novis animis ac robore, complemur: & jamdudū stratis solò genibus, vultūque prono; CRUCEM iterū, iterūque, lacrymantes, & orthodoxis sensibus, adoramus.

Cum deinde, propinqui littoris ejectamētis vivis coenati, conquiessemus (namque nox fatigatos oppresserat) quidnā dies posterus, & quid *Crucis omen* allaturū esset; praecipidis

mentibus opperiebamur. Iamq; discussô crepusculô, Sol admicabat : cùm repentè tintinnabulô pensili, de nescio qua turricula, personare signū corpit ; tanquā ædituini manibus, ad *Liturgiā* divinam *Catholico* ritu plebem convocantis. Ad eum sonitum (jam pridem auribus animisque nostris defuetum) arrecti pariter, & horrore sacro perstricti ; nullā morā cuncti consurgimus. Indè, felicitati tam insperate contentis pedibus occursuri, locum eum, ex quo *Campana nola* tinniebat, prosequimur : fugientibus, quàm festinantibus, similiore, præ novæ rei desiderio. Nondum ultra passus centum processeramus : cùm ad lavam, ecce, post arbusa littori præterita, pagus sive municipium occurrit ; *CHARAPÓTUS* nomine ; locus sanè, post quadraginta pluriúmque dierum intervalla, post quadringenta passuum millia peragrata, primus ; cui tandem imponere nomen auderemus, ab incolis illius auditum. Nam antehac inter innominata simul infandaque, semper oberraveramus. Tunc primùm reddi nobis Terrarum Orbis visus ; & rerum Natura, veluti demptô longissimô sui theatri sipariô, reteggi. Tunc demum creditum est ; humanum nobis reddi genus : mortaliúmque societas, hucusque clausa vagantibus, aperiri. Eumigabant enim eminus testæ, renidebântque (modicis licet culminibus) sed Christiano tamen ordine modestiâq; connexa, mapalia, quæ nobis proinde fortunæ mitioris aliquid, ipso solo sui contuitu, spirare promitteréque viderentur.

II. NIHIL itaque cunctati, cursum institutum premimus : &, ad coloniam celeriter perlati,

lati, Sacram ædem rectâ simul omnes petimus. Ingressi verò; confestim Aram, ad quam illius pagi sacer antistes faciebat, accedimus; eamque, nec sine nostris, nec sine spectantiû lacrymis, gratantes ac de genibus circumvenimus: divina beneficia deprædicantes, quorum novissimum, nec tamen *minimum* erat; *Errare tandem desisse*. Decenter hæc agebamus; collectique speciosum in circulum, qui comprecantes & ornaret, & commendaret. at horridi ceterà, seminudi, capillis hirtis, ac sparsis; &, ad summam, naufragis ejectisque, quàm viatoribus, affiniores. Tantò magis erga nos incolarum mota misratio, qui templû complêrant. Christi quippe cultu, tenerisque mentibus, imbuti; miseriam nostram putabant suam: & quoties nos ingenuculantes, quoties manus cum oculis in cœlum tendentes, aspicerent; cùm IESUM, cùm MARIAM, claris inspiriis audirent compellari; totis ipsi visceribus concitabantur. Itaque, vixdum perlitatò; Nequis dubitaret, AMORIS conciliatricem esse Religionum similitudinem: Christiani pro Christianis solliciti, per cœtus ac vixitim, Sacrorum adeunt Curionem. Is erat ipse, qui modò publico sacrificio supplicaverat. Apud eum memorant, quidquid de rebus nostris per interpretem didicerant: Hispani generis adesse viros, Iuvenésque, tempestatibus & viarum erroribus agitados. in his etiam adolescentulos, primæ (sicut de vultibus apparet) apud suos originis. nunc (ut in orbe peregrino) non linguâ, non indumentis, non hospitibus aut opibus ullis humanis instructos; latrocinantium scelere Barbarorum, expectare cogi misericor-

diā alienā. A quibꝫ suā autē iustiā, quā ab
 eis, qui, cultꝫ illi consortiō colligati, CHRISTUM
 agnitum, hujc, & non alii nationi, deberent? Di-
 videret igitur in Charapotensium casulas per con-
 tabernia peregrinos; nullo suo, nisi tantummodo
 sollicitudinis, onere: dispicerétque, quod cuique
 congrueret, pro diversitate nataliū, diversorium.
 Nam penes se quidē (velut exterarū nobilitatum
 incallidos) delectum esse dispectūve non posse: sed
 hanc auctoritatem illi reservari debere; cuius ci-
 vilitas ac prudentia nōset, inter Grandes, ac mi-
 niores, distinguere. Nec verò multitudine se ter-
 reri; quā novem paria juvenum excipiundorum
 hospitio, non excederet. Potius optaturos (si sic Nu-
 minis placita tulissent) totum adhuc agmen, quod
 quinquaginta circiter capitum fuisset, hujc be-
 neficio supervivere: cū interim eum numerum
 varia mortes diversissimis casibus succidissent.

HÆC, & his congrua complura, cū ad
 Sacrorum Præfectum incolæ Charapotenses
 dicerent: ille, suā jam sponte currens, & ani-
 mō, ferendam ad opem, incitatus; promptitu-
 dinis novum calcar accepit. Quare, mirificē
 tum suorū humanitate, tum nostrorum captus
 indole (sicuti memorabat) continuō partiri so-
 cios cœpit: ac, spectatis cujusque suorum fa-
 cultatibus & re familiarī; sollerter, aliū alibi,
 distinctis hospitiiis induxit. Ipse verò (ne con-
 siliō liberalior esset, quā ope) sibi, quos visum
 est, reservavit: ac, nisi me fallit memoria, præ
 cæteris Sacerdotem nostrum; & conditionis
 similitudine sibi conciliatū, & nostrā creber-
 rimā prædicatione commendatum. In hos
 omnem suū animum atq; geniū (qualis apud
 eas gentes esse potest) effudit; non Unius dun-
 taxat

taxat (quod facillimum , etiam AVARIS est) sed complurium dierum indulgentiâ. Curionis exemplum secuti municipes; in nos corporum omnia fomerta, contra nuditatem pariter & inediam, officiosè producteq; congesserunt.

III. DIERUM igitur aliquot moram Charapôti traxi: donec, magalium atque ruris nonnullô fastidiô (fortassis etiam, elegantiarum urbicarum desiderio) placuit, & reliquam Christiani littoris oram peragrarè. Quare, famâ præsertim invitante, QUAE plerumq; PRÆSENTIA criminatur, & in majus extollit longius posita; collegi sarcinas: & antiquæ cujdam gentis nostræ coloniæ, cuj PORTUI VETERI nomē, immigravi; tutæ ceteroquin stationi: quippe, moenibus atq; propugnaculis circumcinctæ. Quinque menses illic, haud sanè peregrinis animi laxamentis, quæ vulgò quærim⁹ Europæi; sed adversæ valetudini dati: desidîâ prolixâ molestâque. Namq; tum reliquū corpus omne, tum præcipuè pedes tibiâsque; periculosâ sanie turgentibus pustulæ, densis confertæ tuberibus, inflammârant. Neque mirum; in membris utpote, frequentî quondâ vulnere, virumq; frigore, proscissis. Erat autem hoc tormenti genus, nō illud infantile puerilèq; ceteroquin in variolos plerumque desinere solitū; sed cruciatus planè masculus ac virilis: quique, doloris & acrimoniæ diuturnitate, Spartiatam aliquem requireret. Non herbæ, non cataplasmata, non consilia proficiebant. & intrâ paucos (opinor) dies, vivus æquè sepultusque computruissem; nisi veteris remedia memoria perplexum animum subiisset. Quod enim feliciter antehac semel iterumque tenueram; ut falsis aquis, tanquam thermis

thermis & Bajis, uterer: idē & tertium nunc experturus, *MANTAE Portum*, effedo deportatus, perivi. Cingitur & hic mœnibus; & ab nostræ gentis colonia frequentatur. Nomen autem ex *Pallii* similitudine, quam utcunque situs illius exprimit, invenit. Hic igitur undis maritimis, salsetine saluberrimis, ulcerosum quotidie corpus mersavi; quoties cœlum id lineret, in littore; quoties autem adversum esset, in folio balneoque gestatorio. Sic tricesimo ferè die, me pristinam in incolumitatem reposui: deletis (quod meritò mireris) etiam reliquiis & cicatricibus bullientium plagarum. Hic multorum ex sermonibus intellexi; navim illam nostram, quæ Mantæ debuerat, *Spartam* tandem, Hispaniæ Novæ portum, post innumeros pelagi casus, influxisse.

SECUNDUM hæc, resumpto veterrimò meo proposito, cujus gratiâ matrem & Europam reliqueram; iterumque factis velis, *PANAMAM*, unde pridem ventis improspers solve-ram, secundissimis repeto. *COMPANEROSAE* mei, quem in solitudine sepelieram, postremis postulatis ex fide satisfacio. matrem illius omni luctu; necessitudines & affinitates, tristitiâ compleo: posteaquam universum illis ægritudinis ac decessus ordinem, ex vero, recensui. Nominibus quoque, quæ *Companerosa* mihi professus erat; satisfdari fierique præcipio: si jus, si vocem morientis extremam, magni facerent. Nec illi segniter mandata curarunt. Me verò, jam non tantum ut amicum; verum etiam, ut successorem amoris *Companerosæ* sui, lautè prorsus habebant; in hospitii longioris spem concessio

mihi

mihi conclavi, quod ille quondam frequen-
taverat. Id erat in suprema parte splendida-
rum adium; ex qua prospiciendi libera co-
pia, deducebat oculos à Panamæ littoribus
ad usque Nombrediosæ tractum, ex adverso
situm. Illic, pomeridianò quondam otio
tabellas pictas, quæ parietem ornabant, lu-
stranti; de domesticis quidam intervénit,
cano vir capite, sensûque; sicut apparebat.
Is hærentem in una potissimum pictura, pri-
or adortus; Hæc (inquit) effigies est P E T R I
quondam, A R I A E, cognomento *Crudelis*;
qui Panamæis finibus, Antiquæ Darienæ,
Novæque Castiliæ, summâ cum potestate
præfectus; provinciam fortius, quàm cle-
mentiùs, administravit. Nam, supra cætera
parùm humanè facta, quorûmque postmo-
dum à tribunalibus Hispanicis interrogatus
est; etiam generum suum, Vascum Nunnium
V A L B O A M, virum (nisi rebellâisset aliquan-
do) summum, securi publicè percussit. Eâ
culpâ, non tantum in regis; sed propemo-
dum in humani generis odium incurrit: de-
tractus idcirco præturâ, raptusque statim in
jus, & fortunâs omnibus, regio decreto, de-
jectus. Et quid est igitur (inquies) quodd vi-
ri talis imaginem inter Heroas poniris? Id
ipsum (inquam ego) mirari mihi, dum lo-
queris, in mentem venit. At ille; Causam
(ait) &, ut opinor, idoneam, audies. Vides
hunc universum terræ tractum, quo disten-
ditur Isthmus hic; qui Panamam inter &
Nombrediosam procumbit? Longitudinis
immensum est spatium: latitudo verò leu-
cas, ut minimùm, sex & triginta (quæ vel
archi-

arctissimè maria coeunt) explet; totidem solidis horis percursanda. Spatium igitur istud universum, sylvis prædensis & horridis; ac præter hoc scopulis, passimque sparsis rupium fragmentis, infessum: ab omni retrò memoria semper mortalibus impervium permanfit. Etiam Barbarorum ferocissimi, vastitati locorum se credere metuebant: tantummodòque saltus illos ferarum atrocissimæ pererrabant; Leones, tigrides, ursi, ceteraque generis carnivori belluæ. Totam hanc, tantamque locorum asperitatem, & vitæ discrimina; PETRUS hic ARIAS in prætura sustulit: &, consulturus ultrò citròque com meatuorum tam incolumitati, quam compendio; salebrosa repurgavit; scopulos excidit, emovitque; monstra bellicuarum profligavit; & (in summa) sylvis radicitus exsectis, *viam publicam aperuit, ascitis illis, quibus postea VALBOAE cervices incidit.* (a) Propter hoc ARIAE meritum ingens in Rempublicam, hæc illius picta facies, non modò prostat; sed etiam præfulget, ut vides: luce, post manes etiam, dignissima; propter Solem, his tenebrosis terrarum plagis infusum. Hæc ille mihi tunc, nec inattento, narrabat; ARIARUM gloriæ, propter generis claritudinem, alioquin impensè fautori.

IV. CAETERUM ego dies pauculos Panamæ demoratus; paræ auræ successu, quo prius eram usus, navim rursus conscendo. Deinde Tabogam inter (insulam Occiduam) & eas, quas à margaritarum copia *Perlas* nostri dicunt, medius, PERUVIUM peto. Cursus erat à Septentrionibus ad Meridiem; re-

Quò passim, & propemodum ad perpendicu-
 lum exactò littorum tractu, quæ legebamur.
 Tunc multò, neque parùm amœnò, maris
 theatrò: littorum sinistro margine Sinus *Di-
 vi Michaëlis*, Promontoriùmque Carchinum;
 & aliud, quod à *Beato Francisco* nuncupatur,
 semet offerebant. Præter hæc autem Regnū
 Darienum; ac remotiùs indè Castilia (quam
 dicunt) Aurifera, Regnūque Bogotæum
 renidebat: quod, unà cum Castilia, flumine
 spatiosissimo dirimitur à Darienis campis.
 Amni, Rio-Grandi nomen est, apud nostrat-
 es; ab ipsa sui magnitudine. Prætervectis
 autem insulas Malpellum, Palmas, Gorgo-
 nam, & Gallum; ingenti maris flexu Divi
 Francisci Sinus occurrit, ac promontorium
 Passaūm; retrogradâ velificatione nobis su-
 peratum. Id quod nemini videri mirum de-
 bet. Pontus namque *Zurius*, quâ parte Peru-
 vam amnem, & eiusdem nominis portum,
 accipit: quasi pertæsus ulterioris in Orien-
 tem procursus, restringit sese: multisque Si-
 gnis, & laborioso reflexu, Solem ad occi-
 duū recurvatus; vix serò tandem ad priscam
 sui cursus lineam redit. Ità spatium ingens,
 abscessu sui, relinquit proximæ cuidam con-
 tinenti; quam Saramanam appellant: imma-
 ni montium dorsò præcinctam ab occasu,
 circulòque subjectam Æquinoctiali. Proxi-
 mè, fines Saramanæ stringunt Amazones;
 etiam illis Indis celebres Heroides: velut ego
 reor, veterum Europæarum exules reliquæ,
 quondamque regnatæ; vel certè multum in-
 fra Thermodoontæarum libertatem.

Post ingentē illum, quem memoravi, Sinū;
 rede-

zedeunte Maris procurſu, *Promontorium*, quod *Helena* dicunt, præternavigantibus moram obicit: cæterum moram, nec ingratam, propter amœnitatem; nec admodum diurnam, ob contractum flexûs spatium. Ad finiftram verò, prætercursâ Punâ (non incelebris nominis Insulâ) Guanâpa, Malûcha, Salinæ, continentis urbes, ostentabant se, donec denique, tot terris, tot æquoribus quasita, LIMA, navigationum & itinerum terminus, offertur. Hanc urbem (cæteris omnibus jam dudum à tergo relictis sociis, ac ne PEDIOSA quidem hærente) sicut sæpius antehac votis; ita tunc pedibus, ingredior.

EST LIMA (quam & *Civitatem Regum* nonnulli dicunt) hodie PERUVII totius caput. Principiò, cùm in eam coloniam nostrî deduci sunt cœpti; non ampliùs quadringentis quinquaginta domibus habitabatur. Crevit autem deinceps; & nunc inter omnes regionis illius urbes eminet; non tam moenium sediûmque, quàm dignitatis, amplitudine: quippe, civilium litium tribunali, Prætorio, regionûmque judicum confessu, formidanda. Præter hæc autem & illius, qui pro rege jus summum dicit, majestate; necnon Archiepiscopi Cathedrâ, venerabilis atque celebrata. *Præsul* hic, totius Peruvii sacrorum principatum obtinet: cui minorum insularû *Pontifices*, decem & quinque subsident. Vrbs ipsa, *Xauxa* fluminis, amœni juxtâ gelidisque, ripis imposita; sub cœli gradu plus minùs undecimo, trans Æquatorem, ad polum Antarcticum jacet. Ad
Oriens-

Orientem respicit Cuscon urbem; à Boreæ
verò partibus, Caximalcam; nobilissimum
quondam Peruanorum regum propugnacu-
lum. Ab occiduo porrò Sole, mari, quod
Zurium dicimus, aluitur. Portu gaudet,
mercibus & onerariis perquam opportunò.
Diducitur hodie plateis & ædificiis, in Eu-
ropæum cultum, & seriem, dispositis, Inco-
larum familiarumque copiam, æstimare pos-
sis ex eo; quòd ab solis Numidis inquisitis,
ex Africa transgressis, plusquam duodecim
millium numero, frequenterur. Nigritas
vulgus appellat: sùntque mancipia passim
Lusitanorum; ut plurimùm ex Africane
Guinæ, Congi, vel Angolæ regnis coëm-
pta; cum delectu diligenti corporum atque
roboris. Ab terris illis, quotannis in Brasi-
liam Peruviùmque navibus transportantur;
non tam ad vitam degendam, quàm vivam
laborum carnificinam. Horum, humanis hu-
meris major, sedulitas; & supra fidem omnem
improbis sudor: stuporem Europææ desidie,
frequenter etiam commiserationis affectû,
prolicet. (b) Præter privatas porrò, publi-
câsque complures ædes, profanis usibus assi-
gnatas; Tempia non pauca, sacratâque do-
micilia *LIMA* numerat. In his, etiam *Socie-*
tatis IESU Collegium; *Tirocinique Domum*;
cum studiosæ Iuventutis *Seminario*: forman-
dis Americanorum juxtâ, nostratiùmq; pue-
rorum, rudibus annis. Propter hunc tam
multiplicem, qualè modò memoravi, splen-
dorem: quanquam *Cusco* ceteroqui mul-
tùm inferior; totius tamen Peruvii, *Lima*
caput est atque domina; non indigna pro-
fecto

fecto cœlo suo; quod plerumque constans est temperiei: quippe quod, nisi bimestrem, dierum noctiumque nullam sentiat inæqualitatem: & hanc ipsam nunquam horæ spatio productiorem. (c) Quamquam autem uliginosis ab Oriente locis, & confuge torrentium, urgetur (insalubritatis alioquin notissimis causis) propter æquoris tamen ab Occidente viciniam, proptérque molles aquas; non est incommoda diuturniori convarnarum moræ. quam ego proinde, quietis indigus, ad semestrem solidum extraxi; partim ex meopte genio: partim verò, quod hospitum nactus essem, minimè tetricum & incivilem. Detinebat insuper, præter corporis necessariam curam, etiam consilii capiendi spatium ac maturitas; dum in metu sum, ne, non probè singulis disceptis, vitæ meæ rationes in futurum, inconsultò stultitiæ turbine, darem in præceps: néve (sicut antehac sæpius) incertò pro certioribus delecto; totum meæ navigationis institutum, ad casus sinistros, tanquam ad scopulos, affligerem. Igitur in cogitando multus; in indagando sciscitandoque plurimus: in deliberationem advocabam dies pariter atque noctes, soporem & vigilias, homines atque Superos. Excocto vix tandem (sed tamen, ut mihi tunc apparebat, satis excocto) mentis decretò; *Potosianas* in *Fodinas* inclinavi simul, & pedibus ivi. Locum eum paucis depingi, non abs re fuerit; oculato præsertim experimento, nec exigui temporis usurâ, per omnia tritum atque disceptum.

V. AD Orientem igitur hibernum, in continen-

tinenti, quæ pæne Cusco tenus à Boreis in
 Austrum excurrit, ad Montes illos propin-
 dum, quos nostri *Serras Potosías* appellant;
 Lacus est ingentis spatii, Peruanis gentibus
 TIQUACACA dictus. Hic, nonnullis hinc
 inde renidentibus Insulis intersectus; du-
 centorū quadraginta passuum millibus am-
 bitur. Dives ipse magnitudine suā; fluviis
 tamen præterea peramplis, denis duodenis-
 ve, locupletatur: at omnibus rivisque mino-
 rum alveorum plurimis, sine numero juxta
 sinēque nomine. Cæterum is, quā facilitate
 copiamque confluentes recipit; eadem mox ab-
 cedentes emittit: coeuntibus aquis in im-
 manis spatii profunditatēque fluvium; ac
 per passuum item CCXL. millium longi-
 tudinem procurrentibus: donec in aliud,
 haud incelebrioris notæ, Stagnum, AULOGAM
 accolis nuncupatum, evolvatur. Id sit ostio
 non plus uno; sed tamen vastissimi gurgi-
 tis: quo LAEUS Tiquacaca simul intrat Au-
 logam; simul eo se totum merfat. Nam-
 que permirò, sed exemplis tamen non ca-
 rente, naturæ prodigio; tot rivorum, amni-
 ſimque (pæne dixerim) Oceanus, stagnantis
 hiatu paludis, dum illuit, hauritur; & haustu
 confestim sepelitur: nullò (quod stupeas)
 vel exundantium aquarum, vel retrolaben-
 tium, vestigiò. Credas, evanescere: sive Pa-
 lastini Iordanis imitamento, Vologdæque
 Sarmatici; quorum prior MARI, quod MOR-
 tuum dicunt, mistus: alter autem Caspio,
 continuò sorbetur & interit. sive (quod pro-
 pius conjecturam est) absumpti solo tot gur-
 gites; occultis sub terra meatibus, aquas
 &

& glateas auriferas, ad usque Potosii montes devehunt. Nam rivorum plerique, largum; omnes autem, lentum saltem, & tanquam ex dimenso, volvunt aurum: ac, sub horridis illis terræ cavernis, suspensis fragoribus incedentes, in *Erario* denique Potosiano suum pretium deponunt. Namque Potosii prætesta montemque, desinentis *AULOGÆ* litus suburget. Nec ita procul Potosiano jugo, montium nova series, ad Austrum, opulentis venis succedit.

Hæc auri pariter argenti que penetrabilia, nostra sive cupiditas; sive, cupiditatis pallium, *Egestas*; vestigavit ac reperit, anno reparate *Salutis* *CIO. IO. XLV.* promptuarium opum, *Europæ* rapacitati per tot jam lustra sufficiens: quodque supra fidem censeas, adhuc his tempestatibus inexhaustum; adhuc plenis venis etiam hujc sæculo liberale: quo reliquis tamē orbis universus emunctus est, & aret. Nam hæc scribimus illā ferreā regnorum tempestate; quā *Romanum Imperium* (si verum transmarina fama narrat) & omnium circumquaque sceptrā, bellis civilibus exterisque flagrant: jamque stipendiis suis, araria provinciarum imparia sunt; futura diu, nisi *Petuanæ* succurrant illis aurariæ. Sed operæ pretium videtur, exactius Potosii situm, ac si qua præterea cohærent, ob oculos ponere: nescias, trahendone magis, an absterrendo lectori? quoniam & *AVARO* nihil unquam est satis: & *ANIMO* temperanti, pensata *Salutis* pericula citius horrorem, quā lucri spem, incutiunt; quoties sincera narratio, rerum difficultatem, qualis est in se, depingit.

EST

EST igitur, Æquatorem inter & Capricorni Tropicum, ab cœli climate vicesimò, meridiem versùs, ponè lacum suprâ descriptum; oppidum, majori famâ nominêque, quàm mole, Potosium. Hujc ad Austrum Mons instat: quinque passuum millia circum; tria verò, fastigiò complexus, & spatio celsitudinis. Quidam hunc auri penitus casum credidère, quod secus est, nam usque adeo non caret illo, potiùs ut ramentis & laminis affatim exuberet. (d) Non passim tamen, neque temerè, non modò Potosii; sed nec PERUVIO toto, quâ foditur, in auri notam optimam incideris quidamq; pro comperto tradunt (e) ad Hispanâ bonitatis pretium, Peruviani duplum requiri. Quod, non est, cur quisquam miretur. Nam à peritioribus, AURI septem genera deprehensa sunt; omnia quidem ac singula tanti metalli dignitatem ac nomen tuentia: ceterùm aliud alio præstantius, ponderosius, & excoctius. Primas tenere fertur, ab omni jam olim avo; quod OBRIZUM vulgò nuncupant; hoc est, defæcatissimum. Hujus autem appellationis originem, sunt, qui deducant ab OPHIRISIO; temporibus regum Palæstinorum, Salomonis ac Iosaphati, per orbem celebratò: quod illi contendunt, Obrizum, aut *Ophrisum*, tanquam *Ophiridium*, per diminutionem, dictum. (f) Quod Grammaticorum potiùs, quàm historici fori, problema; non est animus neque refellere, neque propugnare. potiùs, ad narrationis institutù reverti, placet.

Mons igitur POTOSIUS, quanquam (uti dictum est) Auri dives; magis tamen

R

ab AR-

ab ARGENTO celebratur, cuius quattuor maximè venis ingentibus, ad prodigium usque, locus hic per mortalium ora volitat. Has ulnis non ampliùs binis latas; quingentariù profunditas ulnarum, in imensum deprimit: procurrentibus, ab Orientali rupis parte, per tramitè obliquum cuniculis; ad Septentrionalem usque loci situm. Protuberant porro dextrâ sinistrâque, sine numero, quasi rami quidam & varices; irritandis inhiantium curis, ex ipsa quotidiana novitate: fibris ac furculis argenti, singulos in dies, aliis super alios, deprehendi suctis. Mirabili quodam artis æquè naturæq; lusu, nescias; Plurine quæras, an stupeas? in tam utrique numerosâ, supra numerum, specuum meatuumque copiâ; quam montis intestina felicitas aperit, & offert; tramitibus argentariis, aliis sursum tendentibus, deorsum aliis; quibusdam dextrorsum, nonnullis sinistrorsum: multis prorsum, compluribus retrorsum; sæpe rectâ, sæpius autem per transversum præcursantibus cavernulis: quæ quandoque decussatim sese, per occursum mutuos, secant; aliâs, nullâ finis aut termini spe, longitudinem suam in profunda montis extendunt. Videas igitur, tam paratis opibus eruendis, illaborare plusquam millia quattuor Hispani nominis; indigenarum autem millia quinquagena; continuatô dierum ac noctium, mensiumque, conatu. Peruviani plerique Nigritæque sunt; per paucis Barbarorum alterius cœli mixtis. Quorum omnium (si familiarium etiam, ac necessariorum capita, semper illis hærentia, sub censum voces) plusquam octogena mil-

lia, solum ad Porossium, supputes; fossioni vel addictorum, vel operâ qualiquali subseruientium. (g) Vt proinde manifestum mirumque sit; unius provinciae regniue laboribus, montem unum vexari lassarique posse; vinci, vel eviscerari, non posse. Sicut autem cetera PRETIOSA; sic & hæc *opulentia*, *magna constat*, & ARDUO. Scalas in immensam altitudinem erigunt; operosissimas ascensu, despectu descensuque formidandas. Ex, continuo quodam nexu surgunt; columnis, non (ut Europæ) geminis, sed ternis; quas bubuli corii segmentis, in longum scissis, & funis in ritum intortis striatisque, concinnant: infertis per transversum gradibus è ligno teretibus, atque pedi figendo firmis. Quò celsius autem enituntur, dum effossas divitias humeris égerunt; eò crebrioribus ad respirandum interjunctionibus indulgent: præparatis toto scalarum tergo, cæta per intervalla, robustis subfelliis; quæ, trabibus præferratis, ac longuriis subliciis, in rupem adactis, & onera sedentium ferunt, & avum. Mensuram autem itineris, quod ab imo monte suscipiunt in supremum, ex eo licet æstimes: quòd ad centum quinquaginta, nec pauciores, ulnas geometricas, infra Porossinarum Alpium radices, érgatæ plerumque se demittunt: & indidem cum excisis ponderibus regrediuntur. Inter horrenda tenebrarum (dictu tetricum!) non Solis radius, non diei parcissimus nitor, rimis ullis immicat; ad aurum aut viam aperiendâ. Lucernâ duntaxat è sebo, medium ad pollicem deligatâ; sibi quisque viæ dux, Sol, & dies est. (h)

VI. CAETERUM hæc tanta naturæ felicitas, in ditandis mortalibus; aliunde suis incommodis vitiatur. Est enim POTOSSIUM aëris perfrigidi; tractu locorum asperimo; terræque, frugum omnium ac mesium infertili. Quapropter ego præsentium bonorum citò satur; *impetui juvenili (qui NOVA semper VETERIBUS antefert)* ab aliis ad alia pedem, cum lucri cupiditate, transportabam; AURI maximè studio, per compendium, intentus. Et ideo, quidquid uspiam, in PERUVIO toto, metalliferorum terræ sinuum erat, investigatò; quasi nullo tamen laboris relatò pretio, retrogredi cœpi: pèrque Bogottæ, quod appellant, Regnum, rursus in Castiliam Auream penetravi; non indelibatis Regni Venesvilæ, Darienique finibus, Castiliæ viciniam stringentibus. Illis in plagis, quantum opum per Americanas operas congesti; tantum rumorum per otiosos hospites collegi: narrantibus in dies singulos iis, quibuscum agitabam, aliis quidem gratuitâ, quibusdam autem venali linguâ; quâ placentissima quæque, velut in forum, prostituebant, sermonum blandimentis: ac sæpe veris historiis corruptam fidem miscebant. Sæpe ego, qui multa scrutatus; nec pauciora testimoniò sensuum expertus eram: famæ publicæ, jam pridem etiam libros institueram associare; quos quidem id genus narrationibus, paulò sincerioribus, audieram concinnatos. Eos assiduâ volutatione, quoties otium suppetret, terebam. Illa verò, quæ videram, in ephemeridas & commentariolos referebam:

Audi-

Andita, non nisi cum delectu, credebam. Quibus proinde studiis & sollertiâ *trienniô solido*, quod illis in finibus *exegi*; celebriora quæque, non solum PERUVII, sed pæne totius AMERICAE, quàm latè patet, assectus sum. Vnde locus ipse, tempûsque, nos hortari videntur; quæ tunc super his regionibus accepimus, posterorum quoque notitiæ ne subtrahamus. Nam, cum per omnem hanc rerum nostrarum enarrationem; inter ignota plerumque locorum ac provinciarum nomina, tanquam in Cimмериis noctibus, oberraverimus; nunc denique congruum arbitramur, triennali percurfatione comperta nobis, cum fide tradere. Sed id tamen præse faciemus; nec, nisi cum raritatis delectu; ne, referendo quævis obvia, quæque pluribus ante me promiscuè vulgata sunt; novissimus ego supervacaneam cramben recoquam. Igitur de regionibus iis, in quibus tum agebamus, & de quibus nunc acta condimus; in hunc modum se res habent.

VII. ULTRA cognitum, nostris hominibus ac scriptoribus, terrarum hemisphærium; quod Europæus, Asiaticus & Africanus mundus infedit: ad Occidentis excursum, alterius est hemisphærii terrestris spatium; immani profundo, regnis, & insulis occupatum: currente per medium Æquatore circulo, sic, ut medium dissecet, illiusque dimidium alterum ad Septentriones, alterum autem (æquâ propemodum portione) pertineat ad Austri plagas. Hujus tantæ molis magnitudo capacitâsque, quæ terræ continentis, quæque pelagi, finibus & ambitu

censa; pæne ceterum omnem, majoribus no-
 stris compertum, orbem æquat. Vnde, velut
 in æmulationem veteris; superiore memoriâ,
 NOVI nomen ORBIS accepit. Nonnulli verò,
 quodd, iisdem prope tempestatibus, Indiarum
 Orientalium complures Insulæ regnâque de-
 tegi cœpta sint; hunc mundum recentiorem
Indias Occiduas appellârunt: ad discriminis
 (ut ego reor) quandam facilitatem; & præter
 hæc, ad nonnullum *Inventorum* certamen:
 dum alius alii, primùm insulas insulis, ter-
 risque terras; dein Orbem orbi, contendunt
 per æmulationem opponere. Sic Occidenta-
 lium Indiarum nomen exiit; quod cetero-
 quin videri gratuitum poterat, & ex vano ca-
 ptum: cùm *INDI fluminis* (à quo sua tellus
 insignitur, & nominatur) nullo nec alveo, ne-
 que gurgite, perluatur; ac ne fonte quidem
 brachiôve, nuncupationis ejusdem, rigetur.
 Porro PRIMUS (qui quidem sciatur) Christia-
 nis sæculis, in ea loca, tempestatibus disje-
 ctus, appulisse fertur Hispanæ triremis guber-
 nator; qui *portu Callaico* solverat. Is, longissi-
 mo maris Atlantici tractu, meridiem inter &
 Occidentem, ablatu; Terras ibi quasdam, an
 Insulas, vidit: visâsque duntaxat, nec exscen-
 sùs audaciâ tentatas, sine suis nominibus,
 sine publicæ fidei certis monumentis, repor-
 ravit: cùm navim suam, amissis suorum mul-
 ris, tandem in insulam *Materam* redigeret,
 Hæc in Oceano jacet Atlantico, Marocchiû
 contrâ; sub cœli gradu vicesimo septimôque;
 supra Fortunatas, quæ Materæ, Notum ver-
 sùs, substernuntur. In hanc igitur insulam,
 posteaquam Hispanus ille nauclerus sese, la-
 ceram-

veramque fluctibus triremem, recepit: eaque, quae peregrè viderat, quaeque tumultuariis chartis ductu rudi consignarat, exposuit; tantum non initio pro parum sano traductus est: elusaque, tanquam fabulatoris, transmarina relatio. Certè quidem constat, adeo neglecta tam felicitis inventionis principia fuisse; vix ut tandem repertus fuerit, qui narranti quaestiuunculam, aut (quod minimum est) etiam aurem & attentionis dignationem, impenderet; nedum fidem, & comitatus sponsonem, ad nova quaerenda regna. Sed nullam rem magis tunc patuit, *ingrata mortalitatis vitium*, ac bene *meritorum oblivio*; quam, gubernatoris illius excessu. nam hic, non ita multo post reditum, cum suorum reliquiis, naturae concessit; languoribus confectus, quos ex incommodis maritimis collegerat. Sub qua, sine mora, corpus promiscuo vulgi tumulto conditum; refossuris ne discrimen quidem, ad sui recognitionem, reliquit. origo verò, propriumque natale solum, & (quod his omnibus plus admireris) nomen adeo cognomentumque tanti narratoris, intercidere. Verum, erat eodem tempore, quasi favore quopiam factorum, inter naviculatores, qui Materam insulam causam mercium frequentabant, Ligus quidam, acri vir ingenio, nec minus prompta manu, *Christophorus COLUMBUS*: Cuguréo, vel (ut alii perhibent) Nerviâ, pagum municipiove Genuate, progenitus. Hic, ex Hispani, quem dixi, gubernatoris ore, chartaque thalassographicâ, solleter exceptis descriptionibus; ad rationem & conjecturam loca singula coepit expendere: notaque regnorum &

Insularum, ignotis componendo; necnon Platonis antiquissimam Atlantida (cœli climatumque positionibus inter se collatis) ex Timæo secutus; in eam venit opinionem, ut jam non fabulam atque commentum crederet, sed historiam & rerum veritatem. Igitur à Ferdinando, Castellano rege, per octennium ipsum sollicitatō; precibus opportunis importunisque, vix denique, sed tamen extorsit, instructam comiteu navitico classiarisque triremem: impendiō non ampliùs decem ac septem millium aureorum nummūm. Eam Callium portu solvit: suspensis exspectatione cunctis Hispaniis; Ecquid audacia promissa, tam gravi spe, tam tumidis velis prægnantia, regi credulo paritura forent? At COLUMBUS, rumorū parū sollicitus; nec, quid de se mundus sentiret, sed, quid ipse mundi novi reperiret, intentus: per Canarias omnium primū e-
 vectus est in pelagus occiduum; quod contra Marocchii regnum, & cæteram Africam, ob-
 jacet. Hinc, obliquatis in Boream velis, primam omnium retexit Gujahānam insulam, Floridæ vicinam. Postea, repetitō jam tertium Oceani cursu, comitibus Pinzónis fratribus; Cubam, Hispaniolam, Iamaicam, insulas ingentes ac divites: secundū has autem, Terram Firmam, Pariāmque, continenti solo sitas, invenit: & inventarum nonnullas, pro jure suo, primus nominavit. *Argonautica* porro tam celebri, quæque superiorum ætatum omnium navigationibus multū antecellat; initium datum, *sub Anno à CHRISTO millesimum, quadringentesimum,*

*num, nonagesimum ac secundum: Friderico III. Germaniis imperante, Maximiliano I. Friderici filio, Romanorum Rege; sub initia Pontificatus Alexandri VI. Sed post hæc, COLUMBI studiis supervénit AMERICUS, cognomentò VESPUTIUS; gente Tuscus, & ex ipsis Florentiæ magnæ visceribus. Is, quinquenniò post, Gadibus in Atlanticum Pontum evectus, Lusitanorum regis Emmanuelis auspiciis, continentem ingressus est Orbis noui: vir, solis insulis ad littoribus nequaquam contentus. Animis ingentibus, & magnò Barbaricarum virium despectu; ferocissimas quasque nationes adire cum paucis ausus, obstantia perrupit ac profligavit arma; positosque trans Æquatorem tractus ad meridiem, primus partim aperuit; partim hostilitate repurgavit. In quibus Gviána, Brasiliæque, cum cæteris in Austrum obversis provinciis, Ibericum dominatum accepêre. Tali VESPUTIUS industriâ felicitatem est eam assecutus: ut, quodcunque terrarum & insularum, ad id usque temporis, semper ORBIS NOVUS, aut OCCIDENTALES INDIAE, fuerant; id universum deinceps ab ipsius nomine caperet AMERICAE nuncupationem; potius, quàm à COLUMBO *Columbaria*, sive quam aliam appellationem. Ità Duorum (sub idem ferè tempus) Italorum heroicâ IASONIAQUE *virtute*; Mundus ingens, fieri seipso major cœpit: *Inventique* recentis Orbis, penès alterum gloria nasci; penès alterum autem hærrere maluit, & perennare.*

VIII. TALIBUS *America* principiis ac vestigatoribus aperta, qualis sit; deinceps dicendum

cendum est. Longitudo (si metiaris à *Fretò Magellani* flexibus, ad usque *fretum Anianum*) bis mille quadringentorúmque miliarium est magnorum; quibus itinera Germani metiuntur. Sive nostram quis Geometriam malit; quattuor millium, octingentarum leucarum. At latitudo totius, à promontorio Fortunæ tracta, lineis rectis, ad promontorium Bretonicum Novæ Franciæ; bis mille sexcentarum leucarum est. Circumluitur, ab ortu Solis, in hemicycli fere formam, Atlantico mari: paríque prope modum spatio (sed obversâ figurâ) cingitur AMERICA marî Zurio, seu *Pacífico*, quæ vergit in Occidentem. Ab Austro, terris urgetur & clauditur, quas vulgus INCOGNITAS appellat: interfluente Fretò Magellanico, cæteroque, quod ad Antarctum jacet, marî; quæ maximè coit in angustum. Plagas Aquilonares ingens in polum Arcticum vastitas extendit; continens, an fluens, adhuc incertum; propter horridam, quæ nostrorum accessus absterret, barbariem. Cæterum AMERICA, cum utrimque procurrerit intrâ sese; suique velut umbilicum in medio repererit: arctatis marium & continentis faucibus, Isthmum efficit; longitudine cæteris omnibus nobiliorem: sed latitudine disparem, ac variantem. Cujus contractissimum compérimus intervallum, inter Auriferæ Castiliæ duas urbes, è regione semet respicientes; Panamam, & Nombrediosam. Ibi se *Novus Orbis* partitur; alterum sui dimidium in Aquilones, alterum in Austros dispescens. Hinc illam quidem.

Septen-

Septentrionalem; istam autem Meridionalem, usus jam tritus indigitat. Et utriusque (si maria terrasque metiamur) par capacitas, æqualia prope spatia, nec ferè diversæ dores & opes, sunt. Scatet auro, quaquaversum patet; neque minùs argenti, cæterisque metalli penetralibus: quibus omnibus pretium fecit, non tam suus, quàm alienus Orbis; & cum primis Europæa sive rapacitas, sive penuria. Vehunt & rivi passim, & fluvii, glareas auro lucentes; longè certè Pactolô Lydô, vel Hispano Tagô feliciores, ac majori copiâ. Præter hæc, amnes haud pauci, cæteris puriores, unionem alunt; variaz quidem magnitudinis, sed bonitatis receptæ: quorumque nobilitas conchis, ostreisque pelagi margaritifera, ad æmulationem certet. Terra, pleræque sui parte frumentô nostrati destituta; suum tamen & domesticum sufficit, quod illi Mayzium appellant. Id, uti nostro longè parabilius est; ità sapore salubritatèque non parum cedit. Fructuum cæterorum, &, in totum, auctumni vix quidquam desideres; quod non reparias, vel ad delicias, vel ad copiam; nedum ad naturæ postulata. Namque, præter Sacchari cannas (quibus non sola Brasilia, sed Insulæ quoque complures, tanquam segetibus & æstate suâ, luxuriant) etiam gossypium arbutis depectunt: & Plantanos frugiferas, nuces pineas, aromatum proventus, ac peregrini germinis foetus multos, hortis destingunt. In his, mala citria, Persica, Limonia; quin & aurea, Granatæque, cum Armeniacis pomis: Suorummet au-

rem nemorū fructus, Hovos, Mameas, Gvivas, Gvanavanas; nomina, quàm bellaria, barbariora. Gemmas insuper, neque nostratibus multū inferiorēs; sæpe quoque pares, aut vegetiores: plurimūque præterea pellucidi marmoris, montibus exsculpunt. Smaragdis potissimū quædam Alpes turgent; & tanquam matrice fertili, profundè prægnant. Eorum, sicut densitas atque copia grandis est; sic *Pretium*, *RARITATIS filia*, vix ullum apud suos fuit; priusquam id Avaritia nostra lapidi faceret. Scrobibus, tanquam silices, expungebantur: & ex virore, majus oculorum oblectamentum; quàm quæstus illecebræ, jacebant: donec licitator Europæus supervénit; & ex hoc, ignotæ prius mercis, apud Americanos intellectus & æstimatio percrebuit. Constat profectò: *Simandócam* quendam, vallis *Tessuca toparcham*, Consalvo *Ximenio*, legum consulto viro, nostræque gentis; supplicasse quondam, pro Salis unicâ patina, cibis condiendis. Ximenio porro, liberaliter postulatis annuenti; (tanquam debitum) fuisse transcriptam & oblatam à Simandóca Smaragdifodinam, divitis ac spatiosi fundi. Tantulò liberalitatis impendiò, steterunt opes; adhuc hodie feris nepotibus inexhaustæ. Nam eruantur illinc, in hunc etiânum diem, Smaragdi. Feris porro sylvestribus (uti ferè barbariora Libyês, aut Orientis) sic & saltus Americani frequentantur; nisi, quòd Leones ingentes, alibi terrarum feroces, & ultro persequi venatorem sventi; tamen istis in tractibus hominem fugiunt: & neque conspectum

Atum quidem illius, exigua stationis morâ, sustinent. Elephantis autem, tam Indicæ, quàm Africanæ speciei, destituitur in totum America: nec, nisi fortê quadam importatos, novit. (i) Iumenta, quibus ad onera vecturâsque ministrandas utuntur; ab nostratibus differunt: potissimum autem plagæ continentis, & universi Peruvii, Genus enim habent quadrupedis admirandum, quod *Lamam* indigenæ; nostri verò, corporis mensuram ac formam secuti, Transmarinam aut *Indicam* OVEM, dicunt. Est hoc animal non solum carne, coriô, lanâ, dominis suis utibile; sed jumentô præterea fungitur; vectandis gestandisque sarcinis & molibus peridoneum. Dimidio gravantur illius, quod muli gestarent. Ne quis autem de dispendio majoris ponderis queratur; parsimoniâ victûs & apparatus, eam jacturam sarciant. Nam minimo cultu, stabulantur; diario perquam parabili vilisque, pabulantur; & hordeum neque datum fastidiunt, neque negatum imminutumque requirunt. Phaleras, habenas, accinctum, ignorant. Dorsa, gestationis assuetudinē, durantur in callum; tanquam natives in clitellas. quôdque firmitudinis argumentum majus est, insoleatæ quoque, sub quibusvis oneribus, incedunt; naturæ beneficio concessis ungulis in assiduitatem subarmatæ, (k) Cæterum ad Equi primos intuitus cohorruisse ferunt has gentes: tanquam in hoc Leonis quoque, tigridumque, conspecto rege: cum tantam corporis celsitatem adspicerent; cum hinnientem frementemque pavescerent; cum

phaleratas cervices, non sine superbia, subrigentem suspicerent. Id, quod illis in populis, minimè mirandum est, evenisse. Nam, pari formidine, nec asinum paullo lascivior, neque bovem cornuperam, tulissent; ignota mortalibus iis, ab ortu suo primò, brutorum monstra. Quippe, priusquam Hispani jumenta, transportata navibus, inferrent: nemo taurum, vaccam, vitulum; nemo mulum, aut asinum, aut pullum: non hircum, arietem, capram, ovem, custodémve pecoris canem (ne per picturam quidem) oculis acceperat. Multa, quæ præterea super Americæ rebus universim tradi possent; ab aliis abundè jam vulgata, lectorem fatigent citiùs, quàm scriptorem deficiant: positis in propatulo libròrum monumentis; ut quisque nostrorum hominum, exterorùmve, *Novas terras* insulàsque, vel ipse reperit, vel repertas interiùs luminavit. Operæ fuerit amœnioris; ex singulis potiùs exquisitiora delibare; propositis in conspectum (sed tanquam per transfennam, & strictim) sicut modò distinximus, AMERICÆ partibus; & continentis potissimùm regionibus. quarum bona juxtà malàque, quasi per transcursum, excerpemus; ac, si qua cætera, videbuntur ad memoriæ meritum eminere.

ARGONAUTICÔN
AMERICANORUM,
SIVE
PERICULORUM PETRI
DE VICTORIA
LIBER XIII.

CAPITVM BREVIARIVM.

I. Septentrionalis America singillatim Descriptionem orditur, ac divisionem. De Estotilandia, Californiâ, mari Vermejo, Novâ Galliâ, strictim omnia.


II. Nicarâgua regionis pictura chorographica. Ejus pars maritima, horrida & inculta, circus quondam, & campus errorum, Victoriæ ac Sociorum ejus. Pars autem Nicarâgua interior, amœna atque frugifera. De Manta, deque Portu-Vetere, urbibus: deque prisca Gigantibus, & eorum puteo, detestabilisque libidinis pœnâ.

III. Fondûra regio; & rupes Masaja, flammivoma. Hispania Nova, felix admodum fructuum, nemorum, fluviorum.

IV. Regnum Mexicanum, & regni princeps urbs, Mexicum; olim Temistitânium. Mexicum vetus, cum incolarum priscorum moribus, adumbratur. De rege ejus ultimo. De Tlâscala, urbe amulâ: deque demersis in stagnum opibus. Additur Mexici Novi splendor, ac topothesia.

V. Cuba Insula; & priscorum ejus incolarum fœdi mores. Angues comestiles. Vallis rotundorum lapidum. Insula Iamâica. Turbines maris vicini, Turacânes dicti: & Insula mirandus situs.

SEPTEN.

EPTENTRIONALIS igitur AMERICAE, barbaro nomine Regna multa sunt, ac Provinciae. quarum nuncupationis asperitatem, partim nostrae gentis & linguae majestas ad temperamentum soni perduxit; partim verò, superinductis Europae mollietiei vocabulis, interpolavit. Celebrioris notitiae sunt, *Anianum, Quiviranum, Tolmiúmque Regna; Canáda, Nova Francia, Virginia, Florida*: quæque supra cunctas has in Aquilonem projecta jacet, *Estotilandia*. Propius Austrum verò *Californiæ, Fondúra, Nicarágua, Nova* (quam fecimus) *Hispania; Granatæque Nova*. Sed & latus ab Atlantico pelago stipant insulae circumfusae. Primæ dignitatis, *Hispaniola, Cuba, Iamaica, Divi Ioannis, & Margaritarum*. Ac de pluribus quidem harum seu terrarum continentium, seu mari cinctarum; in superioribus operis nostri libris mentionem inferuimus; uberiores, contractioresque; prout narrationis usus exigere visus est. Sufficiat hic igitur, omittas alibi, paucis exsequi. Principium descriptionum ESTOTILANDIA sit. Ultimus, qui quidem hodie teneatur, Americae Septentrionalis angulus; inter Fretum Davisium, & Terram Cortealem, diversis Sinubus varias barbarorum Chersonesos, ac deserta littorum, includit: in quibus *Estotilandiam* etiam, *Terrámque*, quam appellant, *Laboratoris*, à fluvio *Tormenta, Furiosum* ad usque *Sinum*, in latitudinem extendit. Longitudo verò tractus illius, procursu montium, procùl abscedit, in carentia nominibus loca; potissimumque, quæ vergunt in Occiden-

tidentem æstivum, incultæ plagæ. Litto-
 ribus prætenia montium juga, squalore
 saltuum & asperitate solitudinum, inprimis
 horrent: tantummodoque belluarum non
 infœcunda; miræ feritatis animantes, ingenti
 frequentia fundunt & nutriunt. Quin &
Gryphes illis in arboribus, dicuntur, non fa-
 bula, sed ex vero, sedere. (1) Notiora tamen
 navigationi nostræ regna regionisque sunt
 illæ; quæ pelagus *Zurium* ab Occidente per
 obliquum adjacent. In his, post *Quivira Tol-*
mique terras, eodem littoris tractu, mari præ-
 tenduntur (Orientem versùs) *California* lo-
 ca. Tergum istorum, claudunt montes; &
 ab his in Oceanum decurrens, amnis *Farellô-*
nes. Latera stipantur undis, in modum bra-
 chiorum. Et dextrum quidem, quod Austrum
 spectat, Ponto *Zuriô*: sinistrum autem ad
 Aquilones, Sinu quodam prævelatur, in
 transversum procurrente; plusquam ad me-
 diam *California* longitudinem. Eum quidam
Mare Vermejum vocant, ad simulacrum non-
 nullum maris Hadriatici Tyrrenique: qui-
 bus, in Ionium pelagus coalescentibus, Italia
 (laterum tenus ac pedum) instringitur: aut
 in effigiem aliquam Arabici Sinûs; quem *Di-*
vinus Historicus passim *Mare rubrum* nuncu-
 pat: cujus itidem excursu, parte lavâ; de-
 xtrorsum verò, Sinu Persico, Felix Arabia
 coërcetur. Haud ferè secus, hybernum ad
 Orientem, triplici promontoriô coëuntes,
Sinus Vermejus, & Oceanus *Pacificus*; *Califor-*
niam omnem, in arctum, ac tres in angulos,
 compellunt. Sequitur *Nova Gallæcia*, to-
 tùmque littus illud; ab Occidente primum

in meridiem : deinde paullatim tensum ad ortus hybernos ; quod pars est Hispaniæ Novæ , Mexicique , quæ vergit hoc in meridiei plagam. Sensim denique se consumit in NICARAGUÆ Regnum ; quod , ab Hispaniæ Novæ finibus , multò montium quasi tergò clausum ; vix modicum transitoris spatium reliquit : ceterà , totum est maritimum , ad usque Pánamæ confinia ; quæ sunt Auriferæ Castellæ principia.

¶ II. TRACTUS hic universus , ab oris CALIFORNIAE , pèrque littora PACIFICI Maris , ad usque NICARAGUAM ; fluminibus ac torrentibus infunditur , sine numero : quos plerumque montium Aquilonarium juga præcipitant , & in jugis collectæ nives ; quoties æstivo Sole resolvuntur. NICARAGUA verò parcior amnium ; ceterùm sinibus excursibusque maritimis propemodum ad fœditatem restagnat. Continentis itinera , tertiò quoque milliari fluctus exastuans , vel turbat , & alterat ; vel reflectit ac destruit.

CIRCUM hæc pleraque littora , nos vagos olim , omnium inopes , exulibus & ejectis similes oberrâsse , per dies ampliùs quadraginta ; postea constitit , quàm locorum peritos , & tabulas thalassographicas , interrogavimus. Fuit autem vero simillimum ; nos haud ità procùl Californiani Sinus coitu , super DESERTAS (quas illi sic nominant) INSULAS , calamitatis nostræ principia fecisse : circùmque fines ultimos Galliciæ Novæ , quæ vergit in Occidentem , navì nostrâ digressos , quætere Thalassiam cœptasse , quæ
nuf-

nusquam erat : & *Mantam* investigâsse , quæ
 parasangis tamen innumeris aberat ; ne-
 que , nisi NICARAGUAE littoribus indaganda.
 Nemini porro mirum accidat ; non homi-
 nem nobis , non facilè feram , aut locorum
 nomina , palabundis occursâsse. Quanquam
 enim NICARAGUAE regio , quæ FONDURAM
 adjacentem spectat , quaque , Boream ver-
 sùs , ad interiora sese flectit ; fructibus , an-
 nonâ , messibus , rerum omnium ubertate ,
 maximèque Psittacorum frequentia , sic lu-
 xuriet : ut , qui de nostris primi continen-
 tem illius penetrârunt , nuncupationis deli-
 rium fecerint (nam , ob voluptatum illius
 soli congeriem , MAHOMETIS *Paradisum* ap-
 pellârunt , ex *Alcorani* vanitate) : Nos ta-
 men , solorum littorum contenti stricturis ,
 interiora regni Nicaraguani tunc non teti-
 gimus ; ac de *Paradiso* tali nec pomum , ne-
 que folium , momordimus. At verò NICA-
 RAGUAE Maritima cuncta regio , non pa-
 rum horroris habet : & , præter inclemen-
 tiam cœli (semestres pluvias continuas de-
 jicientis) solum insuper arenosum. Id
 redditis cœlo Solibus , ardore non tolera-
 bili plantas incedentium exurit. Vligines
 præterea , marisque reciprocantis eluvio-
 nes , patitur graves , cœnosas , fœdas : ne-
 que culicibus modò formicisque , verùm
 etiam pulicum gregibus obscœnas. Sed his
 omnibus malum truculentius sustinet , in-
 digenas , qui continentis interiora tenent ;
 latrociniiis raptibusque suetos ; & huma-
 næ carnis victu mensam instruentes. Nam
 etiamnum *Deorum cultus* furunt. Eorum

nos omnium incommodorum, non solave-
 stigia, sed prorsus quotidianum gustum, per-
 cepimus; sicut in superioribus calamitatum
 nostrarum actis relatum est. Verum, inco-
 las hodie terribiles, reliquias esse longè fe-
 rioris antiquitatis; indicio loca sunt, quibus
 nunc impositus incumbit *Mantæ* Portus; &
 aliud quoddam, exiguis mœnibus oppidum,
 PORTUS VETUS Hispanis dictum: utrumque
 nostratum hominum, & sæculi superioris,
 opus. Eruuntur enim illinc ossa cadaverá-
 que *Gigantum*; sæpe dimidiò, frequenter au-
 tem & alterò tantò, grandiora corporibus
 iis, quibus nunc Americana proceritas ince-
 dit. Monstra fuisse portentáque mortalium,
 est in confesso; sed, alumnos aut indigenas
 NICARAGUAE; negant. Ex transmarinis enim
 oris, & regnis forsitan Antarcticis, advectos,
 Peruana fama canit. ibi, cum Americanis bel-
 la; mox, victis illis, ulteriores ad Aquilonem
 sedes, ac scilicet NICARAGUAE possessionem
 inisse, tradunt: constructis sibi met insanz
 molis arcibus atque turribus. Harum indi-
 ctum structurarum, Puteus quidam, etiam
 hac tempestate, manet, ac monstratur; inex-
 hausta profunditatis, vastissimi circuitus, &
 qualem palus magis, quàm fons, amet: cre-
 pidine, murisque putealibus, tam immanè sa-
 xo ductis; ut appareat, eum à prodigiis po-
 tiùs hominum, quàm ab hominibus, stare.
 Sed inter hæc superba molimina, tantam in
 Gigantibus illis fuisse memorant Veneris in-
 fanda rabiem; quantam in veterrimis illis,
 ac primo mundo coaxis, Deus ultor catacly-
 smo plexit. Quod autem tunc scelus aquis
 abole-

abolevit ; id, ferunt, in his recentioribus compressum flammis fuisse, cœlo dejectis : siqua tamen populorum illorum *memoria* fides est, quam unicum ipsi genus annalium habent ; calamorum & chartæ compendio destituti. Quidquid id tamen est : ex his videas ; quanquam ignibus & busto tumulata *Gigantum* ferociam : tamen adhuc in posteritate sua (quam populosam creârunt) velut *è cinere favillæque malè mortuæ, scintillare.* (m)

III. CAETERUM, *Nicaragua* tractui FONDURA connectitur. Hujus cum primis memoratu dignus est mons, *MASAI* nomine ; formâ circulari. Fauces habet geminas ; quarum hiatus alter, ultrâ sagittæ jactum spatium non protenditur, alterius autem circuitus, duo plus minus millia passuum amplectitur. Flammarum assiduus est (sine cinere tamen, lapidumque projectu) vomitus & fragor. Conspectus autem, quia neque fumo, neque vapore nubilatur ; ad passuum nonaginta millia clarissimus. Hujus rutilantis pura defacatæque lux, multis Auri suspensionem præbuit ; tanquam exæstantis, immoque fundo bullientis : cum aliud æternorum ignium nutrimentum nusquam deprehenderent. Idcirco, de catenis ferreis, ingentis capacitatis vasa, *Campano metallo* ducta, quidam demittere ; divitiis hauriendis. At, hiatus vix mediâ tactâ profunditate ; ferrum, æs, instrumenta, cum omni montium aureorum spe, collicuere. (n)

SED cunctarum in America Boreali provinciarum caput, *HISPANIA NOVA* ; quæ vergit

git in Orientem, regnum in se Mexicanum trahit. cujus opes & gloria ceteras universas Aquilonaris plagæ regiones, AMERICAE MEXICANAE communi titulô, comprehendunt. Quo fit, ut jam in rotum, audiat MEXICUM; quod pars aliquando nominabatur. HISPANIAE NOVAE (namque ceterarum provinciarum vix unam aliquam eminus remigiô strinximus: at istam longis etiam erroribus perambulavimus) princeps uti nuncupatio; sic terra, spatium, fines, nec non opes & dignitas sunt: HISPANIAE VETERI, propter sororium nomen, nequaquam erubescenda. Clementissimum illi coelum, soles ac dies pæne semper verni; noctium dierumque minima discrimina, propter situm: quod, Cancrî Tropicum inter, & Aequatorem exposita, gaudet. Iuniô, Quinctili, Sextili mensibus, circumque Septembris sidera; quod, tidianis, & subinde continuatis, mollescit imbribus: haud infans quidem illis, & violento casu ruentibus; sed, quales nostrum apud Orbem Majus ferè fundit, & verna terra sorbet, placidos tacitosque. Quod consequens igitur est; viret hæc anno toto, florêtque regio: neque per hortos tantum, perque prata; sed in agris etiam, levissimô modò brachio versatis, atque cultis. Videas enim; eos illô gentilitiô, quod supra memoravimus frumentô mayzii, ter intrâ duodenos menses nitescere. Culta præterea nemora, sylvaque (quod mireris) felicissimis ridet proventibus; non solum Italicorum Hispaniensiumque, sed prorsus plerorumque transmarinorum fructuum. In his mala sunt rari generi deli-

deliciisque, granata, poma nerantia, citria: præterque fertilitatem cassia, fistulaeque, Caeoi quoque foetus; cuius sapor ac bonitas etiam amygdalis contendat. (o) Arborum quoque sylvestrium, quaeque montanis saltibus se tollunt; ingens copia, mira magnitudo, truncorumque moles & crassities supra fidem. Vnico certè de stipite lintres immanes, ac Liburnicis certantes, excavant frondatores, ac ducunt: ut, quod modò stirps in montibus steterat; repente, tumultuariâ fabricâ, cogatur per maria cursitare lignum. Quin è Cedris quoque (quarum fertilitas Syrio Libano suppar, aut æqua) trabes dolant tetragonas, in domiciliorum compagem; centum viginti pedum longitudine: duodenum verò latam. Flumina, quibus compluribus HISPANIA NOVA passim irrigatur, Crocodillos alunt; Niloticorum nec ore, nec formâ dissimiles: nisi quòd hi mensis, & (ut Barbari sibi fingunt) etiam lauritiis, idonei sunt. Eadem ostreis quoque natantur; quorum conchæ margaritis turgent, pretio, maritimis haud inferiore. (p)

I V. MEXICANAE tamen regionis potissima, præque cæteris HISPANIAE NOVAE terris, gloria: non modò, quòd Regnum antehac latè reliquis eminuit, ac iura dedit; quacunque patet in Septentrionem America; sed etiam ob Mexici, principis urbium, majestatem: quâ Sèdes quondam imperii fuit. Sed tunc etiam Temistitánum, diversissimo nomine, dicebatur: quæ nunc passim, à Fontibus, & copiâ scatebrarum, quibus circumluitur, MEXICUM nuncupatur; id

id exprimente gentis linguâ. Sita quondam urbs hæc fuit, *Venetiarum* exemplò, super ingentis lacûs medium. Is, geminò sinuatus stagno, passuum quinquaginta millibus ambitur: totidem circumquaque super ripam exstructis urbibus. Nam quinquaginta fuisse, constans est eorum narratio; qui vetus *Mexicum* oculis subjecerunt. Addunt; earum singulas decem millibus plus minùs domuum superbisse. Sed longissimè super has omnes caput erigens *Mexicum*; tanquam ex annulo grandi gemâ pulchrior & extantior; in medio cunctarû posita, cunctas faciliè despiciebat. Etenim Orbis totius urbiâ (si modò famæ credimus) spatiosissima; tectorum turriumque plusquam septuaginta quinq; millia surrigebat. Præterea lemborum, quos *Canoas* ipsi vocant, quinquaginta millibus assidue circumnavigabatur. Quem numerum nec hodierni quidem *Mexici* populofitas succidit: quippe non rarioribus, atque quondam, per stagnum excursibus recurribusque distenta. *Mexici* porrò veteres incolæ, cultibus olim *Idolorum*, & humanarum carnium epulis, diri; præter hæc autem & pellicatu, pluriûnque simul uxorû cubili, detestabiles: hodie priscam infamiam novis superinductis moribus, ut plurimum exuerunt; utique post *Christiana Sacra* vel audita, vel suscepta. Laborârunt autem & Infanticidiorum foedissimâ crudelitate: solitis mactari teneris foetibus; ut primùm, & tuncque, genitoribus displicuissent. Hæc immanitas ad vicena plerumque millia parvulorum capitum, annuâ lanienâ, grassando pertigerat.

Tam

Tam cruentam, & verè *Molochicis Sacris*, ab omni retrò memoriâ bacchantem urbem; diuturnâ quidem, sed tamen populari, Republicâ tenuère *Chichimeici* (sic antiquis appellati) tanquam tribuni quidam plebis, aut decuriones: nec ipsi quidem disparibus fœdi flagitiis. Post sexcentos autem ac novendecim annos; ab Democratia, gubernaculum transfiliit ad Reges. Hi, numero novem, neque plures; Sæculum, ac tricenos annos, impleverunt imperiò; continenti decedentium succedentiûque serie. Clausit ordinem, regnum, ac vitam unâ, Rex *Motezûma*; ferrò per seditiõnem popularium interceptus: eodem ipso tempore, quo *Ferdinandus Cortesius* (inter thalassarchos Ducésque *Caroli V. Caesaris* spectatissimus) Americanis victoriis floruit. Hic *Hispaniam* primò *NOVAM* armis occupavit. Trienniò deinde post; extincti *Motezuma* regnum & regiam aggressus, *MEXICUM* urbem, non sine maximis utrimque stragibus expugnavit; sæculi decimi sexti primò, supra vicesimum, annò. Magnum autem ad hanc expugnationem pondus contulit, urbs alia, post *Mexicanam* secundi nominis atque loci; *Tlascalána* dicta. Quam appellationem ei conciliavit, soli fertilis ad omnem annonam ubertas & aptitudo, nam id sonat Americanis, *Tláscala*: sicut fontium abundantiam, *MEXICUM*; uti suprâ retulimus. Igitur *Tlascalána*, civium frequentia; divitiisque tumida; cùm in secundis agrè confisteret: æmula *Mexicana* claritudinis, haud aliàs magis infensum animum exprompsit, adversùs invisam sibi rempublicam;

S quàm

quàm illò postremo bello, quod à *Cortésio* gestum fuit, ad usque ruinas & excidium *Mexicæ*. Constat; *Flascalános* solos auxiliares, popularium suorum voluntate sub *Cortésio* merentes; plusquam centum millium virorum valentissimorum, exercitum explèssè. (9) Quibusdam autem in annalibus reperio; *Mexicum*, ne quidem captam, conquièssè: sed opus alterà fuisse victorià; sub ejus ipsius *Ducis* auspiciis atque signis. Redactos verò sub officiũ oppidanos castellanósque: post omnia sua perditã, tamen adhuc *invidiam* retinuisse spoliõrum: quibus ne potirentur victores; quidquid auri publici privatiq;ue, quidquid signari rudisq;ue fuit (fuisse verò memorant, immane) totum id lacu circumfluente demersisse: (r) quò dolentiùs *Hispani* ferrent victoriæ laborem, jam bis gratuitum; quòque gravius hiantes cupiditas ureret: utpote, quibus tot opum certissimarum in ipso portu naufragium, per summam hostium malevolentiam, obtigisset. Quæ, si cum vero memorantur: etiam hujus tantæ jacturæ sensũ, crediderim, asperatum *Cortesium*; invenisse causam in signationis novã, ad prisceas causas: & idcirco (post *MEXICI* mœnia cum turribus, arcibus, ac plateis excisa) solò tot millia domorum æquasse: Post hæc autem *Vibem*, fundamentis suis emotam: è medio latus, in ripam ultimam projecisse, quã *Boream* spectat. Illic enim *MEXICUM* hodiernum videtur, & incolitur; non inter aquas, ut quondam. Quod tamen, etiam post tantam stragem ac busta; magnum adhuc & spatiosum; amplitudine suã sesquimilliaris *Germanici* circuitum implet.

plet. Pars illius altera frequētur ab nostris: pars altera, cessit indigenis incolenda. *Typographéō* (quis credidisset, etiam hanc incultissimis populis aliquando scientiam accessuram?) præterea nummūm ac *Moneta fabricā*, celebratur. Porro planitiem, in qua surgit, vallant circumfusi quaquaversum colles; humili, sed tamen vernante semper, clivorum amœnitate. Remotiora verò, quæque duriorē nacta sunt auram; in montes eriguntur; &, tanquam amphitheatrō, gradatim eminent, jugis super juga scandentibus. quæ cuncta nivibus annosis, æternæque glacie, rigent.

V. Post *Mexicum*, ab orientali plaga, sinus maris ingens illis incumbit terris; Mexicani nomen etiam ipse sortitus, ex propinquitate locorum & littorum. Hujc, obliquō latere, pars Atlantici maris, Insulæ subnexæ sunt, CUBA, IAMAICAQUE: quarum utriusque tergo prætenditur HISPANIOLA. Iustæ magnitudinis *Hispaniola*, *Cubæque*. Sed illa diffusior ambitu; longitudine verò transversâ, productior altera. Supervacuum autem hoc loco fuerit, *Hispaniolam* relibare: quippe, cujus, in opere superiore, lineam jam aliquam, & imaginem duxerimus; lecturis utique suffecturam. CUBAM (etiam *Fernandinam* aliquando dictam) Tropicus æstivus secatur; solō culto pariter incultoque fertilem: &, præter sacchari vim ingentem, Assyriâ quoque Panchæque felicitate, divitem fistulæ, casia, zingiberis, mastichês, aloës. Montana, secturis auri; campestria verò, fluviis aurum

provolventibus, locupletantur. Sex, neque pluribus urbibus, frequentatur; & hoc ipsum, ab non sui soli mortalibus. Namque genti, propter *obscana Veneris* immodicam & inhumanam intemperantiam; *lues* olim, *libidinum filia*, supervénit: insulamque, tabefactis, ac funere creberrimo resolutis corporibus, penitus priscis cultoribus vastavit. His in coloniam Hispanus successit. Et is hodie propemodum solus terram (alioquin gratis perituram) exercet. Indigenis porro veteribus, sicut vitia foeditasque; sic & serpentum (spurcissimi reptilis) epulū, primis in deliciis extitit. Nam angues hæc Insula prægrandes, cæterum innoxios, creat; & in opimam crassitiem nutrimentis certis perducit. Nec silenda *CUBÆ vallis* quædam, trium circiter leucarum longitudine; genitrix lapidum innumeræ multitudinis. quos tamen omnes ac singulos in eam sphaeræ rotunditatem artifex natura tornavit; ut illius figuræ legem exactiorem, nullus circini ductus queat exprimere.

Sub *Cuba*, meridiem versùs, *IAMAICA* panditur insula; juxta latus occiduum Hispaniolæ. Geminis celebratur urbibus; *Hispali* (scd *Seviliâ*) *Novâ*, quâ Boream respicit; & *Oristânâ*; quâ vergit in Africum. Sexcentorum milium ambitu circumitur hæc Insula. Rerum, ad vitæ delicias usumque, fertilitate, nulli secunda; virore littorum & camporum assiduò gaudet: nisi, quòd Sextili, duobusque consequentibus mensibus, annuò turbine ventorum incurfatur. Eum ipsi *TURACÁNEM* nominant; violentum, improbum, & obvia quæ-

vis arietantem. Hujus furore, stirpes etiam firmissimæ, nemorum & hortorum, ab humo saepe radicibusque, revelluntur. Insulæ telus, ab ipsa statim littorum orâ, clementibus circumquaque clivis assurgens: paribus ex omni parte progressibus ita sensim ascendit; ut pedes tamen fallat. donec in ipso ferè totius insulæ meditullio constitutus, oculos circumferas: & præcelsum jam montem sentias; quem primùm, veluti colliculū, aggressus eras. Verùm, de *Septentrionalis America* partibus satis, neque citrà promissa, memoratum. Nunc & eam, quæ *Meridiem* respicit, percurramus.

ARGONAUTICON
AMERICANORUM,
SIVE
PERICULORUM PETRI
DE VICTORIA,
LIBER XIV.

CAPITVM BREVIARIVM.

I. **A**mericæ Meridionalis particularior topographia: nominatim, *Castella*, seu *Castilia Aurifera*; *Dariëna*, seu *Nova cujusdam Mesopotamie*: in qua *Guajána arbor*. *scopa ex dactylis*. *Poppajána*; & *Amazonum Provincia*.

II. *Chila gelidissima regio*. *Mira & curiosa narratio, de Almagro, Duce Hispano; ejusque militibus & equis, frigore enectis, sed incorruptis*. *Chilensium quorundam demens pertinacia, ad deditionem evitandam*.

III. *Chica regio. Ejus incola procerissimi, vel locissimique. Alii, in ramis arborum habitare bellarique soliti Patagónum guttur & robur incredibile.*

IV. *Peruvii generatim perstringitur situs, opulentia, fertilitas, salubritas: & triplex ejus partitio ponitur.*

V. *Peruvium Campestre; ut plurimum arenosum.*

VI. *Peruvii Montani fertilitas & amœnitas. mox Peruvium Tramontanum percurritur. Ejus jumenta, ferae, sylvestres: Vultures, aranei, bufones. Avicula multicolor, & mira. Avicula ejusdem Tramontana alia, minima, Gonambúcha nomine; canora. Montium Peruvii immensa altitudo. Ars summa Peruanorum, in opere plumario. Guanáci seu Vicunna bestia, lapidum Bequarium genitricis. Per quem ea primum, & quo opera pretio, Hispani sint prodita?*

VII. *Cuscus, Montani Peruvii metropolis, accurate describitur. Ejus situs, arx, platea, incola, viæque gemina constrata, stupendi operis.*


VIII. *A quibus Cuscus, & moles ejus admiranda, sint exstructa, vel reposita? De Ingarum, id est, monarcharum Peruanorum, origine, fraudibusque, ad invadendam tyrannidem. de eorum incesta licentiâ, & ob hoc, subditorum corruptelâ. Unde illis ad ruinam gradus.*

IX. *De Guanacaxa, Ingâ (seu monarchâ) Peruvii, paullo ante adventum Hispanorum. Ejus regis palatia, hortusque, cen novi Mida. Sepultura supersticiosa.*

X. *Extincto Guanacaxâ, successor ejus, Gvascar filius, à fratre minore Atabáliba, rebellante, praelio funditur, & vitâ exsistit. Atabáliba, in-*
sest

estru & tyrannide vicinis inuisus, in Pizarri & Hispanorum arma, vincula & catenas: tandemque, Philippelli delatione, in laqueum incidit & interitum.

XI. Mangum, Guáscaris & Atabálipa germanum, bella pro Peruvio & successione moventem, agere tandem seroque Hispani coercerent; & profligant. Deletur subinde Ingarum omnis posteritas; e quibus tamen unus Christiana sacra suscipit, in libertate.

 VAE propius Austrum recessit, AMERICA; figuram gerit fere triquetram pyramidalémve: sinuatâ tamen in arcum basi, seu pede; qui Boream respicit. At acumine, terris Antartâicis opponitur. Quibusdam hæc olim America Dariena dicebatur; à fluminis DARIENI notissimi magnitudine. nonnullis aliis verò, PERUANA potius; ab eo, quod cæteris omnibus præstat, regnò. Finitur ab Aquilonibus Isthmò; Magellanicò freto, quâ cacuminatur ad Austrum: Mari Pacifico, quâ Solem cadentem; Atlanticò, quâ surgentem, excipit. Circumitur autem universa sedecim millibus miliarium Romanorum. Hujus, nominationes cæteris, provinciæ numerantur: CASTELLA (quam dicunt) AURIFERA; Dariena, Popajana, Peruvium, Chila, Chica, Brasilia. Quatum postrema, sicut ab humanitate quondam; sic & à cæteris Americæ suæ partibus, longius abscessit: in latus Orientis refuga. Constat; eam Peruvio distare millibus passuum vices & quater millenis: quantum sacchari cannis abundantè, tantum argento

juxtà defectam & aurò. Verùm hæc nostri nec operis est, neque promissi. quare pluribus eam insequi, supersedemus.

CASTELLAM AURIFERAM, nihil magnopere, præter grande nomen, ac (nomini respondens) auri copia, nobilitat: quod, omni fide copiosius, & facilitate propemodum dormitante; non tantùm è montibus, sed amnibus etiam atque rivis, extrahunt. Cæterorum vix aliquid ames optésve: cœlò, solò, stagnis, ad vitæ subsidia tutelamque, pariter inclementibus.

AD *Castella* dexterum latus, DARIENAM regionem suus amnis (ex quo nomen capit) famosam facit: &, præter fluvium, Sinus ingens, *Urabânus* vulgò dictus; in quem fluvius devolvitur. AB hoc amne sinuque, DARIENA (tanquam nova quædam *Mesopotamia*) spatiò terrarum memorabili, diducitur ad eum usq; fluvium; quem alibi RIVUM GRANDIEM meminimus appellari. Latitudinem suam ab Occidente, transversim in Orientem expandit; & ad *Castellam* usque porrigit. Longitudinem autem à *Poppajana* terminis, & Oceano Septentrionali, producit; cum duorum fluminum continuato cursu; quam etiam eorundem amnium ostiis finit. Ab *Euphrate*, credas, & *Tigri transmarinò*, suam *Chaldaam* includi, stiparique. Monstratur autem etiámnun (tanquam *Mesopotamicis* in campis, *Nisibi*, aut *Carrarum ruina*) sic in his locis, vetus Regni sedes, ANTIQVA DARIENIS nuncupata: non ità procul sinistro, cognominis sibi fluvii, latere. DARIENA porro, quæ nunc est; sponte telluris suæ (quæ præ
felicitate

felicitate nimia cultorem in plerisque dedignatur) arborum frugiferarum complura genera protrudit : sapidissimi sanè, peregrinique fœtus. Earum in censu potissimum æstimant eam, quam ipsi *Guajánam* dicunt : fructu, partim aurantiis malis assimili ; partim, ac plerumque, citriis : quæ vulgus tamen Limoniorum appellatione traducit. Stant passim & nuces, varii nominis saporisque ; neque solò juglandium & avellanarum discrimine. Præterea dactyli ; quarum in fructibus nucleus, neque magnitudine discrepat ab nostratibus : neque specie, vel pulpæ candore. Saporis gratiâ, cedit Europæis ; in ingratam amaritiem desinente gustu. Videas & aliud dactylorum germen, sed rusticum : quod in sylvarum usque nemorumque densitatem ac delicias excrescit ; foliis stirpæque Dactylis fœcundis persimili ; flore verò fœturuque nullo, quin nec utilitate quidem ulla memorabili ; nisi, quòd plebeja necessitas earum furculos, destitictis foliis, in scopas & everricula convertit : ad ritum nostratium betularum. (a)

Darienam POPPAIANA sequitur. Hujus initia ducuntur ab *Antiochia* mœnibus, Aquilonem spectantibus. extremitas autem Australis, urbe *Quitò* discluditur ; quæ, secundum nonnullos, PERUVIUM vel stringit, vel etiam orditur. POPPAIANA tota montibus, ad horrorem excelsis, infesta ; propter hoc ipsum ab Auri solitâ fertilitate non degenerat. Cæterum, fœdus morum, priscus incolæ ; dignam suis meritis locorum faciem nactus est.

SUPER Poppajanam ad meridiem (sed obliquatō latere) sub Æquatore, regio panditur AMAZONUM; rupibus undequaque cincta: quā verò montes deficiunt, lacustri flumine prætenſa. De quo terræ tractu, simul & incolis; ſuprà memoratum eſt.

Sequuntur, littoribus maris *Paciſci*, prolixō, tantūmq; non perpendiculari curſu, prætextæ regiones; *Peruvium*, *Chila*, *Chica*.

II. CHILAE latus dextrum pelagus urget; ſiniſtrum verò montes, perpetuis ſqualidi nivibus; & quorum altitudini nulla par ſit, non hujus, non alterius *America*, vel Orbis, edita plaga. Tantò montiū opulentiora ſunt viſcera; quantò paucioribus antehac penetrata: quæ proinde non auro tantū ſimplici, ſed prorsus obrizō, turgent. Hujus coeli pares noſtratibus æſtates, calent, extorrent, grandinant, tonant, fulminant: ſed tunc, cū Europa brumam agit. Hyemes autem adeò ſæviunt; ut equitē quoque, jumento frequenter adſtriſtū, uno marmore pariter congelient, Indè regioni nomen. nam CHILI vocabulō, frigoris acrimonia populis illis denotatur.

Sed potiffimum eſt montium gelu; qui, verticum altitudine, longè nubibus eminent; & præter immodicum frigus, quoddam inſuper auræ genusvolvunt; diverſis inter ſe ſtudiis, clemens idem atque ſævum. Cū enim tenuitate ſuā, viventium viſcera (ſimul ac intraverit) intimè pervadat; peſtilentēque punctō temporis extinguat: exanimatis tamen è diverſo parcit; ac, velut baſami vivacitate quadam, incorruptionem illis & ævum præſtat. Cujus, inter alia complura, quæ

quę brevitatis studiό prætermittimus; unum.
& publici rumoris, exemplum, sileri non de-
bet. Id est ejusmodi.

DIDACUS *Almagrus* (ille, qui bello civili
primū, cum *Francisco Pizarro*; sub extre-
mum etiam præliό discedit; & acie victus ad
Cuscum urbem, in vinculis cum victoria li-
bertatem ac vitam amisit) post primam dis-
cordiam reconciliatā gratiā, missus à *Pizarro*
lusu sortis in CHILAM est; cum turmis ali-
quot & manipulis Hispanorum. Habebat le-
gatus in speciosis titulō, sed revera casū exi-
tu, mandatū; ut *Provinciam* illam faceret,
quæ regio Regnūque fuerat, ad illud usque
tempus: eāque, vi compulsam & armis,
Iberico dominatui subjungeret. Nec derre-
ctavit imperium ALMAGRUS; horridum li-
cēt, ac variē difficultatibus intricatum. Non-
dum iis tempestatibus apertus, ac neque co-
gnitus quidem exteris, trames erat ille; qui
nunc, montes inter & *Pacificum* mare, pater
in CHILAM: sed, barbarorum viā ducum insci-
tiā dolōve, per Alpium juga summa, labor &
iter suscipiendum erat. Et ALMAGRUS qui-
dem eādem, expeditionem suam trajecit; sed
magnā luctuosāque peditum & equitatūs
jacturā. Frigoris enim immanitas, & illius
(quem dixi) venti mortifera vis; miseros
oppressit, & alligavit. ALMAGRUS, cum si-
gnis & militum reliquiis, utcunque quidem
corporibus incolumibus, in CHILES inte-
riora decurrit. animis tamen haud perin-
de firmis, aliquantisper nihil, nisi substi-
tit; ac contentus, *venisse, vidisseque* bar-
barum hostem; *viciisse*, successori reliquit.

Grande verò putavit, *aspexisse saltem armatum* incolam; membrorum formidandâ proceritate stantem ex adverso; nec illico, præcipiti fugâ, dedisse terga. Cùm autem nec auri quidem ulla spes (propter barbaricas custodias) affulgeret; paullatim DIDACUS ac pedetentim, ordines, pedem, & signa referre cœpit; pèrque tritos sibi nuper Alpestres ascensus, agmina sua reducere. Dictu, creditûque magnum, sed tamen certissimum! Post *quintum* jam exactum *ensem*, quàm in CHILAM irruperat; in supremo gelidissimòque montium tractu, qui frigore militiam ejus pleramque deleverat: reperit eorundem adhuc, qui quondam obriguerant, corpora peditum, equitum, & jumentorum, inconsumpta. Vidit, stupuîtque; saxis alia, vel arborum truncis, ut quemque militum glaciesprehenderat, applicita: quædam humi, prona supinâve, strata; caballos quoque, fixò calce stantes, & alarios eis insidentes, indimoto situ: qui, tanquam etiamnum asturcônem urgentes, videbantur inserta manibus fræna quassare; nisi, quòd vocem nullam equestrem (hortantium, aut increpitantium) mitterent, vitæ signum. Ad summam; invenit eos tales, quales reliquerat; odore nullo tetro, colore non-solito funeribus; ac (nisi quòd anima dudum intercidisset) cæterà spirantibus, quàm extinctis, similiores. Tam atrocis plagæ brumâ, simûlque tristi tot statuarum monumentò, deterritus *Almagri* successor, *Petrus VALDIVIA*; declinatis ab læva montibus, dextram est ingressus: ac per maritimæ campestris, quæ sibi ferro reserverat;

tat; victorem exercitum, & dominatum, *Chilensium* cervicibus superinduxit. Ab eo tempore, penetrata *CHILAE* penès *Almagrum*; subacta domitaque, penès *Valdiviam*, fama permanfit. (b) Verùm ad *CHILAE* descriptionem reliquam, unde discessum est, stylus reuertatur.

Hæc, quàm auri, vitæque nutrimentorum ferax; tam inquieta pugnâxque Pacis quondam ac Securitatis bona nescivit. Adhuc, qui *CHRISTUM* excludunt; præter ingentem ferociam, stupendamque corporum altitudinem, in armis semper sunt; & propter hoc, in odio generis Europæi. Vitam eis citiùs, quam libertatem & pertinaciam, extorseris. repertique sunt in *urbe*, regionis capite (quæ nunc à *Divo Iacobo* nomen gerit) mortales efferi; quos hostilis captivitas ad execrabilis inedia mala, propter perviciam, adegerit. Constat; absceuisse sibi mer furas; crudâsque devorâsse, furiosô vitæ dispendiô: ne, famis impotentiâ, vitam Hispano permittere compellerentur, in dedicationem ac fidem accepti. Si quando tamen bella desint; ipsa terra suosinet in indigenas insurgit; solita, creberrimis & horrendis succubibus, in tectorum, montiùmque, strages erumpere; cùmque rupibus, unanimi ruinâ pecorum hominùmque corpora sepelire. Tantas autem hic tremor vires habet; ut fluminum alveos & cursus alienet; maria suspendat à littoribus; & in sicco decepta navigia destituat. (c)

III. *CHILAE* succedit, ad Austrum positarum regionum ultima, *CHICA*, sive *QUI-*

QUA, nomine: cuius incolæ, Septentrioni viciniore, immanem suorum corporum proseritatem, in XII. usque, XII lve pedum longitudinem erigunt; colore, præter *America* cæteræ consuetudinem, candido: sed vocis ritu bubulo magis, aut elephantinô; quàm humanô. Quod autem in artuum tam enormi vastitate stupeas; pernicitatis plurimum obtinent: quâ vel cervorum damarumque fugam, & prævertant, & sistant.

At, qui longius ad Austrum recessere: breviori corporis mensurâ, nec animorum pari (sicut ego reor) audaciâ, maritima Freti *Magellani*, *Zurisque*, non per pagos nuper cœtusque; nec omnino per tecta, frequentabant: Sed, inaudito post *Iaquelinam* (Virginem Appulam) habitationis modô; celsissimarum arborum cacuminibus inscens, ramorum proxima compagibus nectebant. Ibi, superinductis contabulatâ materiâ barbaricis tabernaculis; æstivos calores arcebant. Illuc seque, familiamque, cum annona quotidiana, transportabant. Id illis (nec aliud) munimentum adversus inimicam vim, & maritimas eluviones, erat. Quod si qua tamen potentia grandior illis insultatum venisset; si securis hostica sylvæ truncos ab radicibus adfectaret: eam illi depellebant, provisîs in hoc ipsum ollis æneis, igne liquatâque pice bullientibus. Has in hostica capita devolvebant. (d) De cætero; *Chicensium* universim etiam ex eo robur æstimes: quod tardè victi, tardissimè sub jugum Ibericum concessere; propter gentis cuiusdam connexâ, sæpèque

Qui-

Quiquensibus immixta, ferociam: quæ vel maximè *Chica* pertinaciam alebat. Nam, supra memoratis plerisque nationibus alia natio truculentior, (*CHILAM* inter, & *QVICQYAM*) ad latus Orientis, transmontanam continentem infedit. *PATAGONES* dicuntur. *Gigantes* plerique, viri pariter ac sexus alter, corporum proceritatem nunquam infra novenos denosque pedes deprimunt: ut plurimum ad undenos, aut duodenos, ac plures etiam, attollunt. Ostentando porrò robori, sagittas sesquicubitales gutturi demergunt; ad usque stomachi fundum: nec tamen nauscant. Quis crederet; nisi *Magellanus* ipse, tantus & Heros & auctor, id inspexisset, & horruisset? qui posteris hoc per epistolam enarravit. Firmitudinem corporum illorum ex eo quoque conjicias: quod unus aliquis *PATAGONUM*, adjutante nullo, planèque solus; oppletum vinò dolium ingens, spatio stadiorum aliquam multorum, de portionibus acceptum in humeros aut lacertos, in continentem; ex continenti, vicissim ad naves, deportet. (e) Ergo fortitudine juxta, barbarièque, formidandus est populus. cujus, si, quæ diximus, specimen & exemplum non essent: loquerentur idipsum tamen, vacua sedibus urbibusque; spatia: tam vasto solò, jam tantummodo solitudinibus ac latrociniiis, ad nulla vicinarum gentium commercia, relictò. Quid enim, nisi moriendi certus, mortalium his portentis convivat? (f)

IV. SUPER *Chicam*, modò descriptā, supràque *Patagones*, & *Chilam*; intrā Cancrī tropicū, & Equinoctii Circulum, *PERUVIUM* est situm.

Quan-

Quanquam, à quinto jam ferè gradu super Æquatorem, & à PERUAE fluminis alveo, capiat initium. Hæc omnium AMERICAE provinciarum nobilissima, spatio, cultu, cultoribus, opibus: & (si copiam auri penſes argentique, quod eruitur) *Omnium orbis uni-verſi regnorum ditissimum.* Miranda nihilofecius indigenarum simplicitas, idipſum, quod mundus adorat, æſtimare neſcit: Neque ſuperbiore pede calcare ſaxum aut marmor ſolita, quàm aurum; in mercimonia, maſſis rudibus, nullâ formâ, nullô ſignô preſſis, utitur. Emblematis nihilominus illius artis haud indelectati; mirantur operis ingenium, alienâmq; manum: verùm innoxio prorſus, nec in avaritiam uſque rapinâmq; duraturô ſtupore, vel oculo. Iucundior illis, terræ viva fertilitas; & fluctuantes in campo, mayzii vel importati tritici ſegetes: quarum eſt incredibilis ubertas. Nam unicum ſaſtâ ſementis ſextariû, quinquagenis ut plurimùm; ſæpe centenis, interdum & ducenis multiplicatum, tenuiſſimi ſubactûs labor refundit.

Nec tamen omni PERUVIO, credideris, eam felicitatem, neque paribus gradibus, obvenire: diverſitate climatum, atque terrarum, variante fertilitatem. Hujus enim maritima, ſabulô tota quanta ſqualent; & ſterilia ferè jacent. Quanquam temperatiſſimo nihilofecius; & (quod conſequens eſt) ad ſalubritatem corporum accommodatiſſimo perfruuntur aëre: propter amœnas Zurii maris auras; ac ventulorum indè ſpirantium, placidos flatus, ac reſſatus. Aliud præ-

præterea discrimen est, quod hujus regionis bonitatem inæqualitate distinguit. Namque PERUVIUM (quod ab Septentrione sui nominis fluvius inchoat, ad Austrum *Chila* regio finit; ad Ortum, montes; ad occasum denique, pelagus *Pacificum*) tribus maxime partibus absolvitur. Earum una *Plana Campestriſque*, sicut est, ita nuncupatur. Altera, *Montes* sunt. Ultima, quam *Andes* illi vocant, *Ultramontana*. Provincias porro, quas haud absurdè *Regna minora* dixeris; recenset intrà se cum primis istas: *Limanam*, *Cuscanam*, *Arequipanam*, *Tumbesiam*, *Quitianam*. Hæc illæ nomina sortiuntur, ab totidem primis singularum urbibus; quibus hæ toparchiæ regnantur.

V. PLANA, sive CAMPESTRIA *Peruvii* (quam & *Maritimam* dicunt provinciam) à *PERUAE* fluminis sinistra ripa, tertioque gradu climatum Antarcticorum, procurrit cum *Zurii* maris littore, meridiem versùs, ab Aquilonibus. Quindecim millium milliarium longitudine censetur. Latitudo, quæ transversim à pelago montibus incurrit, tricentum; & sicubi diffusissima, sexagenum est millium passuum. Sata segetesque suas, fontibus, rivis, & amnibus (in colliquias sectis diductisque) nutrit ac promovet. Namque cœlo, nisi tenuissimi roris stillicidiò, non irrigatur; clausis ad pluvias æquè tonitruaque nubibus: & plerumque pulverulenti soli glebis æstuantibus. Hinc, ferè juncis & caninis palustribus indormientes incolæ, frigoribus aucupandis: hinc, sub umbris arborum prostratæ meridiationes atque noctes: hinc
arenæ,

arenæ, per omnem cum terrarum tractum, quàm plurimùm; ac vis magna sterilis sabuli. Crebra denique solitudinum deformitas, jejunus & difficilis ager: nisi, quâ fluminum vicinæ vomere vel pastino proscinduntur. Illic enim latissimis messibus ipsa riparum viriditas, ac subeuntis humoris salubritas, adolescit. Et tamen cultores suos, talis, tam incerti favoris humus, invenit; dulcis insuper iis, quibus patria; tolerabilis autem aliis, quibus hospitium, aut exilium est.

VI. MONTANA, quæ *Peruvii Campestribus* prætexitur; ab altero ferè trans *Æquatorem* gradu, protenditur à *Septentrionibus* ad *Austrum*; non illo quidem continuo connexoque jugo, sed vallibus interrupto; duorum *Millium* ferè *leucarum* spatio. *SERRA TAM* nostri vocant; ob æternas montium scissuras. Fertilitate sulcorum, æstatum autumnarumque copiis, cultu mortalium, amœnitate cœli, nec minùs urbium castellorumque frequentia; sic cæterum omne *PERUVIUM* anteit, ut prisci Reges, ac nobilitas, non alium magis aërem ad æstiva delegerint. Hujus argumentum, *Villa* sunt, & creberrima *Lucullæa*; super omnem *Græcam* ac *Romanam* elegantiam, marmoribus eductis.

Post *Montanam* ea, quæ *TRAMONTANA* dicitur, jacet; pari ferè cum montibus procursu. Viciniam hæc stringit *Argentæi fluminis*, seu *Plata*; *Brasilicæ*que fines Occiduos. Et hæc super perpetuum quoddam montium dorsum incedit; sine vallium intercapedine; rigidū nivibus, sed non ideo vacuū cultori-
bus.

bus. Hi valenti saluberrimoque corpore; validioribus autem animis; arcu venatūque vitam trahunt. Et animantium, in sagittas atque pradam, affatim est: vescorum quidem, damæ, *Camelottisq.* (genus *ovium* arietūque, camelinā colli longitudine; nisi quod non perinde surrigitur: aliquantillō quoque gibbere) præterea, dapis insolitæ (sed illis tamen gentibus non intactæ) Leones, ursi, lupi. Frequentant quoq; montium illorum aërem magnitudinis monstrosæ *Vultures*. Horū molem ex alis æstimes, pleno remigio dispassis. nam XVIIII. dodrantium reperere diametrum, qui dimensi sunt. (g) Vnde non immeritò fabulis exemerim eorum rumorem; qui pecudes gregum & armentorum, ab hisce volucris discerpi devorarique memorant. (h) Pari credulitate receperis etiam regionis ejusdem *araneos*; citrii mali crassitie, venenique sevitiā præsentissimā. Sed *bussum*, quas narrant, pluvias; eorūque spurcas carnes, verubus ad ignem circumagi solitas; aut è sartaginibus in ventrem demissas; in medio relinquere, quàm asseverare, inavelim; quippe gulam & ingluviem, ut omnibus humanitatis cupidinibus atque ritibus: sic prorsus omni fide vel historiis, insolentiorē. Illud tamen certum est; & hujc *Peruvia* cum insula *Cuba* cōmune: colubros illic volutari, corporis humani mole; ceterū nullā sanguinis tabiæ peste. Vidimus quoque, nec rarò, genus *avicularum* tinnulū, ac (ni fallor) etiam canorum. *Gryllorum* magnitudinē habet; neque suprà. tamen interim absolutissimò gaudet pennarū ac plumularū
vesti-

vestitu; præfixoque capiti rostellò, de clunibus caudam trahit. Pennularum nitor versicolor, lucet; sic, ut smaragdinum virorem, splendor sapphirinus; purpuram verò, luteus auri fulgor, provocet. Denique, quidquid oculos trahit colorum: id omne, supra pavonum & iridis varietatem, in illo volucris breviori natura miscet; mistumque, denuò fecernit; haud ineleganti compositæ venustatis discordiâ. *Pictorum tormentum invidiâque* dixeris; aut profectò, manûs Apellæ tollers compendium. Ad summam! in animalculo minimo, magnum stupendumque Dei, ludere gestientis in rebus productis, opificium! Non minùs hòc prodigiò naturæ, memorandum & illud alterius cuiusdam *avicule*; quam partium harum Barbari, dialecto suâ, GONAMBUCHAM appellant. Ea cum primis frequens, nivei candoris plumis alisque lucet; nullâ colorum cæterorum tincturâ. Mayzii, sive cuiuscunque frumenti, caulisque paullo celsioris, cacumina diligit. Eam sedem & quietem affectat occupatque; nec ingloriò tamen otio, segnive desidiâ. Cantillat enim, perpetuò vocis ac spiritûs fluxu. Quòdque præcipuè stupeas; cum corpusculi mensurâ vespam tabanumve sylvestrem non excedat: carminis tamen volubilem subtilitatem, cum sonitus altitudine, penetrantèque claritate, sic coniungit; ut, *Gonambucham te videre, sed Lusciniâ audire*, jures. (i) Cæterum hic, &, quos antè memoravimus, alites; quamquam in *Vallibus PERUVII* celeberrimè degant; in *ANDIBUS* tamen, seu (quod idem est)

TRAMONTANA, rariùs visuntur: nisi circa medium earum Alpium, quatenus sylvis & arbuftis obsidentur. Altiùs, & ad usque supremos vertices, aut nunquam; aut, non nisi per gradus, & interjunctim, enituntur. Namque (quod complures observârunt) hi *Montes Andium*, quâ *Peruanum* regnum à *Brasilia* finibus absceant: non modò *Peruvii* (quin & *America* totius) altitudines; sed, ut plurimum, etiam *avium* cunctarum *volatus*, vincunt. Priùs enim, quàm verticem contingant; despondere pennas animòsque perhibentur: & succiduis alis jacere. (k) Porò, de quibus memoravimus aviculis; ex non vivæ modò, sed & mortuæ, miraculo stuporìque sunt: ac pictæ potissimum. Namque Peruani, qui montani Regni valles insedère: campestribus Peruanis haud paullò promptiores ingeniò; quippe gens operis plumarii scientissima; pinnularum (colore disparium) contextu, quidquid jusseris, expriment, subtilitate perquam mirabili. rerumque cunctarum imagines, hominum, brutorum, sensu vitæque carentium; tantum non vivere spirareque cogunt. Id autem præstant tam pertinaci laboris incubitu, tam rigidâ censurâ suæ manûs; ut unicæ subinde plumulæ, ritè concinnandæ, versandæque sæpius & reversandæ, nunc in dextrum, nunc in lævum, aliàs rectò, mox obliquo situ, solidum diem impendant; interdum & noctis portionem; quoad omnia congruant. Itaque veteres omnes Phrygiones, & acûs Babylo-nicæ gloriam, ingeniò futuræ recentis, extinguunt.

Est

Est in iisdem, nec aliis (quod quidem com-
pererim) orbis universi montibus, animal
quadrupes. *Guanácos*, & (quorundam lin-
guâ) *Vicunna*, appellant; genus caprarum &
hircorum Americæ sylvestrium. Est enim ve-
rè quadam, ut plurimum, Hirci specie, qua-
lem Orientalis Indiæ pastores nōrunt; sed
planè cornibus exarmatum. Colore præterea
ruffo, pernicitatēque stupendā: quam auget
ipse naturæ pavor; formidine fugacissimā,
quosvis ad motus ignoti soni strepitūve, sus-
spicax & averfus. Pelli ventris, marsupium
nativum gestat adfuturum; in quo recondit,
& creberrimā volutatione retractat herbas;
quibus, non nisi saluberrimis, ex omni mon-
tium delectu, pascitur. Harum lento de suc-
co, gemma, seu Lapis, innascitur animalis al-
vo; nec aliis scilicet, quàm illius ipsius loculi
latebris; quem *BEZUAREM*, etiam nostrat-
es *pharmacopæi*, dicunt; magnitudine, di-
midium ovi gallinacei non raro superante.
Tantum sanitatis adjumentum, qui de Lusit-
anis primi *PERUVIUM* ingressi sunt, igno-
rârunt; *IGNOTI* *QUE* boni nullâ cupidine, diu
præterierunt intactum: silentibus, & conju-
ratō studiō suppressantibus, compertam sibi
felicitatem indigenis. donec ad extremum
prorupit *immodici puer oris*: &, intemperan-
ti prodicione, latentes quadrupedis opes
(designatâ digitō sede *Bezuaris*) vulgavit.
Garrulitatis pretium ipse sibi mox fuit; *DI* s
suis victima, pro *Vicunna* proditâ, concursu
popularium, immolatus: ut, quibus Immani-
tas ista, frequens & sollemnis sit Pietas. Ve-
rùm hæc hætenus, de Peruvio.

VII. LIBET his tamen paucula quædam, etiam super urbibus, annectere; præcipuèque, siqua magis eminent. Ac MONTANARUM quidem *Urbium* (adeoque totius, si cultum spectes, PERUVII) principatum Cuscus obtinet: Regum olim Principumque Peruanorum sedes. Hæc, ad *Ecbatanorum* in *Mediâ* ritum, lateri montis imposita, molli, perque gradus assurgente, clivò subrigitur; decimo septimo super *Æquatorem* ad Austrum climate. Figurâ quadratâ structura mœnium est: domibus insulsisque plurimis, non ad plebejum, sed nobilitatis duntaxat usum (ignobiles enim in suburbana submoverentur) & ideo palatiis nō infrequentibus. Eorum quattuor, præcipuâ majestate conspicua nitent; præter Arcem, supercilio montis impositam: quæ, pulcritudine constructionis, facile quibusvis Europæis certet; situ verò, fossis, ac propugnaculis inexpugnabilibus, vim exteram aut irrideat, aut in longum suspendat. Stat autem hæc, marmoris & saxorum quadratorum insanis molibus educta: quas non boum, jumentorumve quorumcunque plaustra jugaque; sed (quod fidem superet) humanæ manus & vires advolvère, longinquis è secturis. Ideoque *Gigantum* id opus multi credidère. Platearum (quibus compluribus Cuscus urbs dispescitur) & ædificiorum æqualitas, in Europæam digesta seriem, rectitudine prope modum ad regulam exactâ porrigitur; sed in *Crucis* plerumque formam compitis semet interfecantibus. In incolarum autem usus & munditiem, nullus non vicus & angiportus profuente diluitur; quippe canalibus, utrim-

utrimq; lapide marmoréve septis, per omnes vias apertam aquam volventibus. Sic amœnitatis gelidissimæ rivuli, vicinis è collibus, pèrque prona montis, cui *Cuscus* insistit; in urbis partes omnes deruunt: incolarum refrigerio lautitissque dispensandi.

Recenset autem *Cuscana* civitas incolarum facilè quinquagena millia; cultu sermonis, (qualis in transmarina Barbaria fingi potest) elegantiam morum, & fortunis, reliquo *Peruvio* præcellentium. His verò, si circumjectam ad decem circiter leucas multitudinem adjungas; *Cuscanorum* capitum universim ducenta millia sub numerum redigas. quibus omnibus Hispanas leges & jura præscribunt, ab Rege delecti Prætores; & ad octoginta nobilitatis equestris Proceres. Præstantium urbis hujus operum haud postremum est, *Via gemina*: quarum altera saxis & rupibus, in semitas excisis; per æqua, per iniqua, montium valliùmque fertur. Altera verò, *Quitani* ab usque mœnibus, ultimòque *Peruvii* limite, quo Boream adjacet; ad *Cusci* muros porrecta: quingentorum longitudine milliarium, per campos ac planitiem nullo telluris assultu strâtam, incedit. Saxorum, in hac factitiâ semitâ (nec minùs in illa priore) stupendæ sunt moles; etiam ipsæ manibus adgestæ, nullo juvenum auxiliari tractu. Semita porrò campestris, illâ montanâ jam multò cultior; in latitudinem pedum vicenùm expanditur. Lateribus utrimque murus, æterno nexu, prætexitur; compage firmissimâ. Quod adversùm stagnantes eluviones, & hostium,

ex transverso lateribus assultantium, impetus; gratum est, ac tutum, munimen. Illud etiam ad ornatum & amœnitatē valet: quòd dextrâ lavâque rivuli serpunt; marmoreis alveis, atque marginibus: quorum delicatum gelu contra Soles protegitur, adsitis ad ripas arbusculis (quas illi *Mollos* appellant) continenti per longum serie: tamque spargendis umbris, quàm voluptati, dispositis.

VIII. Et *Cuscum* quidem à fundamentis exstruxit primus ex *Ingarum* prosapia PERUVII rex MANGOCAPPA: cujus opus posterì, quisque regnum ejus per successionem exceperunt; aliis aliò magnificentius ornârunt auxeruntque. (1) VIARUM autem, de quibus modò narratum est, & totius tam operosi moliminis, auctorem quidam ferunt GVANACAXAM; eum, qui, sanguinis *Ingarum* etiam ipse, nostrorum abavorum memoriâ decessit. Quod certè secus esse; melioris curæ scriptores, & operis antiquitas, adstruunt: quin & ipsa structuræ magnitudo; quæ nec unius sæculi, nedum hominis esse potuit, vel imperii. Quapropter *instauratorem* potius, quàm *positorem* ejus operis, regem GVANACAXAM extitisse, necessum est, & consequens, fateri: quem, innata posteris *Ingarum* gloriæ cupiditas, & magnificentiæ studium; primis illius stirpis, aut altius, aut in paris famæ fastigium, provexit. Verùm, quoniam in hanc *Ingarum* mentionem, non solum noster; sed omnium, qui de PERUVIO tradiderunt, calami crebrò deflectunt: non erit extra consilium; super iis, & eorum origine, paucis *digredi*: dein ad *Gvanacaxam*, & liberos ejus, reverti.

Vetustissimos, non modò *Peruvianorum*, & *America*; sed omnium planè populorum ac mortalium, ferunt creduntque, fuisse gentem eam, quam *Tambos* appellant. Ex his ortum *Mangocappam*, egregium, ac Dis charum virum, Romano *Numa* similem; originis *INGARUM* principia jecisse; procreatis filiis, quorum posterì fortes & intlyti, cum religione potentiam juxtà noménque protulerint. Hos, *INCAS* esse dictos; hoc est, *Principes & capita gentium*: idque nuncupationis invaluisse tandem, in imperii, domusque regnatricis, certum insigne; non aliter, atque penès Romam *Cæsares*; penès Gallias *Cæpetos*; apud Polonos *Iagellones*; apud Imperium Germanicum *Austriacos*. Tradunt autem, *INGARUM* primam stirpem, in duas postea præsigniores familias (sed unicam interim generis sui radicem agnoscentes) abisse; quarum alterius dux & antesignanus *Hanan*; alterius verò *Brincoscu*. Istum imperii sui sedem *Cusci*; sed alterum, domum privatæ familiorem, ubicunque commodius visum fuerit, cepisse. Sic Regium, cum nomine, dominatum pedetentim evaluisse: quorum virum seriem, ac fortia domi militiæque facinora, cum canunt; etiam *Paulum* quendam, ac *Titos*, celebrant. Trecentis amplius annis ab hac domo magnificè regnatum est. Quotquot ex *INCIS* porrò fines suos, ac dominandi jus, extendere conati sunt; ii, circumlatis ad vicinos ac remotos armis, ut quamque gentem bello laceflebant; speciosum originis & religionis prætectum, tanquam justissimam

subi-

subigendi causam, hanc adferebant: Quod
INGIS, eorūque primordio, ceteri mor-
tales omnes, & ortum suum, & Sacra debē-
rent. *Aequum*, & naturæ dictamen, expo-
scere: non sub aliis eos esse malle, quàm sub iis,
à quibus essent; illisque modò (nec aliis) Hu-
manarum permittere rerum arbitrium, à quēis
ipsi Deos accepissent. (m)

PLEBE barbarā sic, in omne virtutis &
sceleris obsequium, compulsā; grassari licen-
ter INGAE cœperunt, ad humana quævis di-
vinæque convellenda repagula; dum animò
suo morem gererent: & suæ quisque cupi-
ditati, cum *Julia*, *Caracalli novercā*, diceret;
SI LUBET, LICET. AN, IMPERARE
TE, NESCIIS? (n) Itaque superstitiones ex
superstitionibusnectere: caeremonias & ri-
tus Tartareos in vulgus, pro cœlestibus spar-
gere; se Deos facere, Deorūque nomina sibi
cum diadematis imponere; *Iovē*que (quam-
vis nec agnitum, neque nuncupatum) ta-
men factis exprimere; *Iunonem* eandem &
sororis & conjugis locò, complectentem.
Primus, hanc *Atticam incestūs libertatem*, &
Persicam concubitūs audaciam, palàm invo-
lavit (tanquam tunc demum verè Regiam &
eminentem voluptatem) TOPA, cognomen-
tò IUPANGVIUS. Hic, MAMOELLAM
cū deperiret, eodem secum patre matrē-
que genitam; eam in aternam cubiculi socie-
tatem ascivit, uxorio jure. Nec multò pòst
ex illa, GVAINACAPAM filiū, &, alterius
sexūs, *Coyam Cussilimayam*, suscepit. Id factum
cū in admiratione videret esse, sermonē-
que, suorum popularium: ad fatuas *Claudii*

Cæsaris lycophantias confúgit; *Agrippina* (filia fratris) incestum ac nuptias, *Decretò publica* deinceps *licentia* palliantis. Idem igitur, & *TOPA IUPANGVIUS*, esse posthac rerum *Dominus* ratum & sacrosanctum connubium, pronuntiavit. Utque successoribus *INGIS*, ab ipso numero, cresceret imitationis ardor: filium ipse (quem retuli) *GVAINACAPAM*, moriens, inter ultimas voluntates adegit; ad simile sine mora conjugium, in sorore *Coyâ Cusûli. wayâ*, capiendum. In quo quidem non hunc solum, sed nepotes quoque suos, habuit per pronum obsequentes; ceteros autem, regiae sive stirpis, sive familiaritatis, etiam ultra concessum promptos & præcipientes. Dictum foedum, sed verum tamen, ac magnis auctoribus firmatum! Procerum enim gentis plerique, quod prius, ad naturæ lucem, opus tenebrarum, in corporibus germanarum horruerant; nunc in omnibus promiscuè faciunt. Neque contenti, Virgines prætrextare stupris; propolluere sponsalia; nuptam alienam (à poculis præsertim, & epulis) suâ non distinguere: *Filiarum* quoque complexus (nec id infrequenter) invadunt; &, ex se progenitarum noctibus (tanquam jure quod quid optimò confarreatis connubiis) indormiunt. *Tantum habet virium, ad corruptelam; in summa Potentia, pravitas exempli!* Cum præsertim, super impudentiæ vivam illecebram; etiam approbantis ac jubentis auctoritas accedit; ut, *QVOD privatam antea NEFAS erat, id deinceps Fas publicum dicatur; QUODQUE Libido fuerat, Lex fiat.*

Sed ex his tamen, improbè factis decretisque,

tiſſque, ſcire licet & agnoſcere; Quibus gradibus *Peruani*, tot ſæculorum, *reges*; Numinis detrahente vindictâ, devoluti ſint à ſolio tyrannici dominatûs, *ad pedes & ſcabelum Hiſpanæ ſervitutis*. Diſcere, pretium eſt operæ; quibus ſpumis & ſæcibus, impleta tandem menſura ſit horum *Amorrhæorum*: tam enormiter, per tot ætates, & impunè, peccantium. (o) Sic enim (nec aliter) à *thalamorum ſacrilegiis*, deſcendendum erat ad *ergaſtulorum ſæditatem*, ac majeſtatis ad ex-cidium. Verùm hic ultor DEI gladius & oculus, in TOPAE LUPANGVII poſteritate clariùs illuxit; ad quam proinde feſtinare, ſerie nos rerum deducente, placet.

VIII. EXEMPTO rebus mortalib. LUPANGVIO; filius ejus (*Mamoëllâ*, matre ſimul & amitâ, progenitus) imperium per manus traditum excepit: &, nullo potentie rivali, diuturnâ ſecuritate tenuit. GVAINACAPAM hunc nonnulli; plerique, paulùm variante nomine, GVANACAXAM appellant. Hic, majorum noſtrorum, aut paulillò ſuprà, notus ævò; profanorum annalium Reges omnes famâ rerum geſtarum; bellorum paciſſque gloriâ; copiis, ac luxûs magnificentiâ, longiſſimîs intervallîs antecellit. Aurò fertur ædificâſe. Palatia quidem herculè, regiâmq; (non ſolâ lateritiarum ignorantîâ defectûque, ſed planè majeſtatis oſtentatione) regulis aure ſolidis inſtravit. Regiæ ſubjecit hortum, aureo ſolò; ſtirpibûſque, quas in quincuncem digeſſit, aureis: radiantibus tam pretioſâ fortunâ truncis, ramis, fructibus; ſuôque fulgore, Solis illapſum provocantibus. Et

hoc quidem eâ proceritate, ponderéq; frangitium arborum, pendentiumq; fœtuum; quô vivæ, nemus occupâssent nativum, aut manu fatum. Idem ipse; quidquid in omni PERUVIO bipedum, quadrupedum, volantium, reptantiumque vixit : quidquid herbarum, florum, germinum; id universum aurô, gemmisque conquistissimis, ad veri simulacrum expressit; ac per regiæ penetralia disposuit. (p) *Nec ditior fuit, quàm fecundior.* Nam, intrâ solam *Cuscum*, supra trecentos utriusque sexûs numeravit, ex se genitos, diversissimis ex uteris (si nepotum his etiam neptiumque turbam accenseas) In his, duos ex sororio conubernio susceptos; *Gváscarem & Atabálibam*, *Coyá Cussilimayâ* matre : prætereâque *MANGUM Ingam*, ex alia femina : qui tres postea per seriem regnârunt. (q) Demortui cadaver, balsamo differtum, Quittum urbem auctum, aureóq; non solùm loculo, sed etiâ conditorio (si verum publicus rumor canit) illatum est. In inferias autem, *GVANACAXAE* confestim ab excessu; de domesticis mille ceciderunt, volones omnes; & ferrum, quo corruerunt, gratiam gloriâque suam arbitrati : cùm sperarent, jactaréntque; *Se Regi suo*, sicut apud mortales, sic & apud immortales, proximos à solio, ministeriisq; poculorum fore.

IX. SUCCESSIONEM principatûs, & hæreditatem, adierunt primùm ex sorore filii; *MANGO* tantisper dilatô : quoad ei fratrum calamitas fortunam qualemqualem cuderet. Ac prior quidem, ut natu, sic jure, Regnum insedit *GVASCAR*; quem apud quosdam etiam reperio *TITUM Cussyum GVALPAM* nominatum.

tum. Hic *Cuscum*, more majorum, sedem regiam fecit: & *Peruvium* maximè montanum cum *Andibus*; hoc est, feliciorum regni glebam, tenuit. germanum *Atabalibam* (ut inferioris juris) *Caximalcae* mœnibus, & *Peruvio* *Campestri* tenuis, continere se, iussit. SED, *qua* *Regnorum* *insociabilitas*, *fratres* *quondam* *Roma* *conditores* *agitavit*; *agitabitq;* semper, *quoties*, *qui* *minor* *est* *dominatu*, *major* *animis* *et* *armis* *erit*: eadē *emulatio* *trans* *Pelagus* etiā, ad *fratres* *Peruanos*, *volavit*; & *imperium* *omne* *tumultibus* *internecinis* *evertit*. Ecce namque; *Gvascare* summam rerum, ingenio miti, sineq; belli motibus, obtinente; repentē *Mars*, *unde* *minimè* *debut*, *exarsit*. *ATABALIBA* quippe, fastigii multum inferioris, & legum imperii (ceu, quæ grandiorum ortu fratrem antetulissent) eger; in *Gvascarem* movit, utcunque talium incogitantem; & idcirco, *SIMPLICITATE* suspicionum, oppressioni fratris patentiorē. Hunc, collatis ad *Cuscum* signis, & urbe regiā captā; per *Quisquizium*, militiæ suæ magistrum, in iuum arbitrium, ac vincula, redegit: *sustinuitq;* (nefas!) *spectator* esse; cū & Regem & germanum catenatum, tuo iussu, carnifex (nullā, vel indictā causā) jugularet. Hoc perfectō tyrannus scelere; quidquid *Gvascaris* fuerat, statim occupat: regiam & opes, *CAXIMALCA* transfert in *Cuscanam* arcem. Ac, ne min⁹ turpis & profanus esset, quā atrox & cruentus fuerat; neve degeneraret à patris avique cubilibus: sororem uterinam etiā ipse (quod *Gvascare* flagitium horruerat) in lecti consortium assumit. Ei *PAGHAE* nomen fuit; &

qua liberos ATABALIBA complures suscepit; &, tanquam è principe matrimonio creatos, regiè præ cæteris habuit. E *minoris* autem *ditionis uxoris* (quas gentis more plurimas habuit) nec non è pellicibus eductos; in incertas successionis spes (si quâ lavâ sorte quandoq; priores interciderent) seposuit. (r)

SED inter hæc ATABALIBA conversus, non tantùm ad confirmandum, verùm etiam per novas injurias proferendum, imperium; quidquid in propinquo remotoque populorum erat, extra fines INGARUM, id armis adgreditur. Pulsisque circumquaque regulis ac dynastis; trigemini PERUVII spatia novis principatibus, in immensum laxat. Eò factò plurimorum, quos violavit, odium; quos autem terruit, invidiam, in se, curasque concitavit. Vnde, cùm eadem tempestate, CAROLI V. *Cæsaris* auspiciis, FRANCISCUS PIZZARRUS *Marchio*, Peruvii maritimi regionem *Tumbesiam*, armis sub jus Hispanicum subjungeret; jamque CAXIMALCAM etiam, priscam *Atabalibæ regiam*, ejectis præfidiis Peruanis, in potestatem redegisset: omnium circumcirca locorum pristini toparchæ, conspiratione convolârunt, ad peregrina castra. Tum PIZARRO, suum exilium, & Atabalibæ sævitiam, ostentantes; promissere non solum auxiliares lacertos, & expulso- rum copias: sed insuper, in munitissima quæque castellorum & urbium, vias atque ductum. Quibus citò subnervata Peruani regis potentia, quanquam immensis stipata copiis; ad Caximalcam primò concidit: Atabalibâ capto, cæterisque cæsis ac profligatis.

tis. Tamenſi, nequaquam in imbellem pav-
 dūmque, nec in ſegniter præparatum, Hiſpa-
 næ vires impegère : plurimò fortiffimorum
 utrimque cruore victoriis præludente. Col-
 latis aliquoties caſtris; poſt ſæpius ancipi-
 tem belli caſum, Rex barbarus (animò, quàm
 annis, major) catenis tandem injectis coër-
 cetur; anno Salutis Chriſtianæ M. D. XXXIII.
 Potuit hic tamen & compedes tandem, &
 multò magis victoris quaſtorem capitalem,
 exire: promiſſò, depaſtòque, quidquid uſ-
 quam in regiis omnibus theſauris eſſet auri,
 lytro conficiendo. Quod quanquam affatim
 eſſet, & à Peruanis continuò comportatum,
 pro ſalvo regis ſui capite: plus tamen Ataba-
 liba promittere potuit, quàm illi præſtare.
 Congeſtis enim in acervum, terdecies cente-
 nis & vicienis ſenis millibus auri probatiſſi-
 mi nummum (in his etiam vaſe quodam, du-
 centas auri libras pendente) præter hæc ar-
 genti facti ducentis quinquaginta duabus
 ſolidis libris: neque camera tamen illa, quam
 Rex assignarat, ad lineas rubricâ ductas; ne-
 que noſtrorum, eſt expleta, cupiditas. Et ta-
 men hanc tantam prædam (laboris ac peri-
 culorum pretium) *non plures* inter ſe partiti
 ſunt *ducentis militibus*, pæne gregariis; & iis
 ipsis ſcilicet, qui curru detractum *Atabalí-*
bam comprehenderunt.

Vixiſſet nihilominus; ſi non in veteri fa-
 ſtigio, ſaltem in libera cuſtodia, clementibús-
 ve vinculis, *Atabaliba*: niſi, novas interim
 res moliente *Quiſquizio*, cæteriſque, regis ſui
 vicem ulturiſ; bis *Pizarro* bellandum vincen-
 dūmque, pro victoriâ jam poſſeſſâ, fuiſſet.

Supervénit huic capti regis invidiæ, proditi-
onis nescio cuius, tanquam per eum con-
fandæ pèrque populares, atrox insimulatio.
Primum hujus detectorem se ferebat *Philippellus* quidam; ex idololatrâ Peruano Christianus
neophytus. Hic, cùm regiam in *pellicem*,
exteris venustiore, exarsisset; & illa regem
corrivalem, etiam in compedibus metuen-
dum, cunctationi mutui complexûs præten-
deret: pactus amasæ nuptias (ut primùm
amulus interisset) sine mora nomen *Atabaliba*,
de conspiratione clandestinâ, desert. Id,
sive verum, sive *Philippelli* commentum; cre-
dulas quorundam aures statim est nactum.
In jus, ex præjudicio, raptus Rex; & testibus,
seu legitimis, seu corruptelâ subornatis, op-
pressus (*Quis enim INNOCENTIAM locupletem
& captivam, apud insensos defenderet?*) FE-
CISSE VIDERI, proclamatur: & supplicio sta-
tim, quod mediô *Caximalca* foro lumeretur,
in catenis producit. Sunt, qui tradant;
Pizarrianos, ni sacris Christianis initiaretur,
incendium viventi spirantique minitatos.
Illum, doloris perferendi desperatione de-
territum; baptismum, quàm Ignem, maluisse.
Neque tamen abluto parsum ex toto: sed re-
clamantis, & *superiûm hominûmque fidem* ap-
pellantis, collum laqueô, per servos Numi-
das, ac publicâ crudelitate, fractum. (*s*) Hic
Atabaliba funis ac finis fuit.

XI. SED nondum etiâ tragicædiarum exi-
tus. Reperti namque, qui, cùm viventem eri-
pere nequissent; sublatum, ultionis reveren-
tiâ prosequenter, & annosi belli pietate,
Præter *Quisquizium* Ducem, pro rege suo su-
persiste strangulatôque præliantem; & cum
omni-

omnibus tandem copiis deletum; INGA
 MANGUS, *Atabaliba* (sed ex diversa ma-
 tre) frater; quanquam à *Pizarro* victore dia-
 demate redimitus, & in atavum solium ul-
 terò productus; occasione raptâ, beneficii
 gratiam vertit in ingratias & rebellionem.
 Sed paullo post victus, vinctusque; cum ni-
 hilominus in libertatem, *Ioannu Pizarri* pa-
 rum cautâ misericordiâ, rursus assertus esset
 rursus, ac tertium, arma resumpsit. Adver-
 sùm *Pizarros* castra plusquam centum mil-
 lium *Peruvianæ* juventutis habuit: *Cuscumq;*
 non contentus expugnâsse; profligatis, aut
 captis, præsidiis Hispanis, etiâ magnam par-
 tem in cineres redegit. Denique compluri-
 bus inclytus secundis præliis; jamque toto
Peruvio Montano, pro monarcha victorêque
 volitans; repenti tandem, & unico confli-
 ctu, fusus ab *Alvarado*, partium Ibericarum
 Legato; castris est & omni spe meliorû exu-
 tus. Tamen, quâ fuit animi MANGUS excel-
 sitate; quantumvis accisis victoriæ pennis, in
Andium editiora profugit; & in *Vilcabamba*
 castellum Alpestre, propugnaculis vallisque
 munitissimum, cum quattuor millibus suo-
 rum se recepit; speculatori, per multos an-
 nos, quàm Regi similior, ex illa tam edita ca-
 lamitatis suæ *Pharo*. Duravit ibidem, post
 excessum *Mangi*, quæ perfugerat eodem, I N-
 E A R U M mascula posteritas: incolumis, in-
 tacta; Parvo, sed tamen Suo, se continens: &
 ob id ipsum felix; si tam extra novorum stu-
 dium, quàm extra gubernacula regnûmque,
 didicisset agere. Sed A M A R U S quidam
 ex his, adversùm Hispanas res occulta con-

filia resumpsit. quorum perfidiam, in apertum protractam, capite tandem, & publico securis ictu, *Cusci* luit; ceteris ex *INGARUM* familiâ captis, & constrictis. (1)

Ex iis ipsis tamen *nonnemo*, cum ad sæculum pene nostrum vitam & custodiam produxisset, *Guanacaxa nepos*; incertum quo patre, de tribus fratribus, suprà celebratis? *nostræ Regis* beneficio, libertati redditus est, & arbitrio fortunæ suæ. Transgressus posthæc in *Civitatem*, quam dicunt *REGUM*; & *Vallis Tucaya*, latique fundi possessionem, ex filiæ dote, nactus: neque Regis, neque Numinis liberalitati, semet ingratum exhibuit. Nam ab *Alphonso Barcéna*, *Societatis IESU* Sacerdote religiosissimo: per decubitûs otium & occasionem, Christianæ religionis arcana doctus, *idola* projecit; *Deum cæli*, cum sacrosanctis ejus legibus, amplexus. Mox, salutis lavacrô tinctus; *CAROLI* nomen, & *sua-ve Christi jugum*, ex animo suscepit. Piè denique, sicut egerat, mortalitatem explevit; immortalibus (ut spes est) Regibus insertus; ac majoribus suis hōc ipso felicior, quod in successione calamitatum sapientior: dum solus omnium *Ingarum*, *fortunam pessimam* didicit *cum optima mente conjungere*. (2) Iam ex eo porro tempore, *Philippis*, & *Europæis Hispaniis*, *Peruvianum omne solium*, sine competitore, sinèque turbulentis motibus, constanter hæsit: & *precor*,
deinceps hæreat!

ARGONAUTICON
AMERICANORUM,

SIVE

PERICULORUM PETRI
DE VICTORIA

LIBER XV.

CAPITVM BREVIARIVM.

I. **O**ccurritur iis, qui cavillari possent Historiam Americanam; libris proximè præcedentibus, ex diverticulo, insertam. Defenduntur Hispanorum in Peruanos justè mota arma.

II. Mundi satur Victoria, secum ipse præsentium rerum instabilitatem expendere orditur: ex occasione considerati Pelagi, & fluctuum ejus; quorum è fluxa fide, per comparationem æstimat, fugacitatem Divitiarum, Honorum, ac Voluptatum. Comment. pag. 107.

III. Disputatione secum solitariâ institutâ, radium sibi suscitatur Fallacium Divitiarum: adductis in medium Americanis (quod & in sequentibus facit) diversorum exitiis; occasione captatarum opum incursis. Balboa socii interitus relibatur. Mors Cambii, Bombadilla & Alsinigerorum duorum, è Vindeliciis oriundorum: quorum tragico fini aliquantùm immoratur.

IV. Honorum quoque vanitatem examinat, & execratur; tum rationibus & argumentis, tum Inventorum ac Prætorum America, exiguis aut calamitosiis lucris. In quibus, præter Columborum, Magellanis, Puelli, Morali, Pizarrorum, ac cæterorum

terorum exempla funesta; Niquésa tristis interitus eminet.

V. Voluptates denique corporum (& cumprimis, illicitas) nauseat Petrus; tam ex ipsamet earum naturâ, quàm ex fœda multorum morte, fœdam vitam insecurâ. Mors Almagri, Nunnii Valbœ, Francisci Pizarri, militum Columbi, exercitusque ad Cuscum urbem clades, palmam ferunt, in hac tragœdiâ. Invektiva in magistratûs libidine fœdatos, & exemplo suo turbam trahentes. Difficilem esse, in tanta Mundi libertate, Castitatis illibata diuturnam custodiam: Mortis autem, & Novissimorum hominis, memoriam salutare. Tria Religionis Vota, totidem Mundi Vitiis vulgaribus, efficacissimè opponi.

VI. In regressu ab littore, in urbem Limanam, Petrus secum Massajam, suprâ memoratam America Septentrionalis rupem, tacitus retractat, & ruminat: ceu Symbolum quoddam, & imaginem, frequentis ac securissima meditationis Inferorum.

VII. Omnibus probè ponderatis, Victoria post dies aliquot, Lima, Religiosorum S. I. Ordinem ambit: impetrat: ingreditur, ac perennat; magni animi sui lucro. Comment. pag. 107. 108. 109.



VAE super America, potissimumque PERUVII memorabilibus, in proximè præcedentibus hujus curæ libris, stylum nostrum intrârunt; ea, talium narrationum insolentioribus, videri poterunt nonnihil extra rhombum, aut indulgentiore digressu, memorata. Nec enim regna duntaxat, & provincias cum insulis; sed reges etiam, & impe-

imperatorum fortunas, descriptionibus influ-
xisse: cum nos interim iter *Argonauticum*, &
viarum propemodum *ephemeridas*; non Geo-
graphiam & annales, profiteremur. His ta-
libus excusabit me primum Historicorum
utriusque linguae mos vetustus: quibus tum
frequenter, tum longinquius digredi, semper
& consuetudini datum est, & laudi. Testis
inter Graecos, historiae pater *Herodotus*: testis,
successor felix, *Pausanias*, Peloponnesiacorum
bellorum conditor; ceterorumque scri-
ptorum *Helladis* ingens ordo. Testis, inter
Romanos enarratores (ut de *Crispo* fileam)
ipse C. Caesar; in Galliarum, Britanniae, Ger-
maniae res, loca, mores, diffusissimus: nullo
preliorum, quae sola conscribenda suscepit, id
exigente connexu. Nec aliud *Q. Ruffus* in A-
lexandro; *Corn. Tacitus* in Actis Principum
Romanorum, fecerunt. Horum ille, quan-
tum in Indias excurrit? iste quantum in Pa-
læstinam, & Phœnicem? & in *Agricola* brevis-
simo, quam multis versibus effluit, in Britan-
niae novissimam picturam? Cum idem igitur
tentavi; non animi lubidinem in consilio, sed
exemplum, habui: speraviq̃ue, siquid etiam
hoc esset ævi; venerandae tamen antiquitatis
palliô circumpositum, si non splendere, velari
certè, posse. Loquetur præterea, pro calami
mei libertate, certissima quaedam ratio: quâ
gentis meae defensionem, adversum quosdam
iniquiores *Hispanico* nomini, suscepi; videli-
cet *Hispanus* ipse. Cavillantur enim; *violentis*
armis, nullo belli jure, subactum & hujus & al-
terius *America*, vastum imperium: direptas po-
pulorum fortunas: exactos, necatosque reges.

aut nullis, aut quasitissimis ex iniquo causis. quæ tamen, quo pacto gesta sint, cum fide retulimus; apparuitque, sinceris rerum æstimatoribus; Urgente desuper Numinis vindictâ, debuisse tolli de medio (tam immanium reos) à Nemesis fulmine, suisque fati; quibus homines pepercissent: & Hispanos in eorum excidium non tam venisse, quàm incidisse. Sed scilicet, is malevolorum mos priscus est; insectari Satyris & contumeliis eum, cui par esse nequeas successibus: OMNISQUE semper POTENTIA nimia, quantum amulis clausa, tantum maledicis esse consuevit aperta, clamantibus; VIOLENTIA occupatum, quod valenter sentiunt custoditum. Habent hi tales ergo (si rerum Americanarum incorruptos annales introspicere dignentur) quod cum Cane, vel Invidia, rodant; Intemeratam nempe rerum gestarum veritatem. Absolvat me denique longinquioris evagationis crimine, meum jus; quod adhuc equidem nullò Pratore, vel interdicto, perdidit. Quis enim vetet; in opere, quo scribo, quidquid expertus sum, referre me, quæ per solidum ferè quadriennium, partim in AMERICIS ipse vidi: partim, idoneis comperta testibus, excepi? Nam arbitror: EORUM, quæ suo quisque labore comparavit; unumquemque, sicut apud se dominum, ita præconem & venditorem apud alios, esse posse. Sed de confidentiæ mex ratione, quantum sufficit, dictum puto.

II. CAETERUM ego, sive præsentis fortunæ flatu, sive rerum humanarum ludibriò fatigatus; cum præsertim Peruvii colonorum quorundam dissoluti mores, & secturis auri sive licentia, conscientiam non parùm dissentientem

sentientem offendissent : mecum ipse saepius proclamabam ; Et quis, DIVINORUM memor, in longum inhumana flagitia probabit ? Reputare quoque jam dudum apud animum meum institueram, Falsa voluptatis mendacia, brevis avi celerem fugam ; pallidumque funesto lurore, iam auri, quam honorum, fulgorem : expendere rigide mecum salutis sexcenta discrimina ; crescentesque, cum vitiorum irritamentis, vires & annos : denique, de VITAE correctionis Portae tacite rationes inire.

QUODAM praecipue die ; cum, Limam urbem regressus, Zuri maris littoribus, per otium (sicut fit) imminerem : & pelagi, primum tranquilli, post paullulum vero fluctibus turbidi, fidem intuerer ; in serias apud memet- ipsum cogitationes, interturbante nullo, non sine vocibus exarsi : perque solitudinis occasionem, tanto liberius, quanto minus arbitrium metuebam, arradiante coelesti jubare colliquefactus, sic in lacrymas & clamorem effundi sum orsus ; Papa (dicebam) ad quas imagines, & ad quae simulacra, stamus ? HAEC, quam intueor. Maris est ; haec eadem & Mundi, stabilitas. Fluxa sunt utraque ; fluctibusque, de se natis inquieta. Cum serenum placidumque putaveris ; cum, praesentium fiducia, futurorum timores exploseris : propter hoc ipsum in diversa subito mutantur ; faciem exuunt ; & unitum cum ruga sumunt. Nec unquam implacabilius Oceanus, & Mundus, irascuntur ; quam ab recentissimis blanditiis. Infelix PETRE ! solò patriò, matre facultatibus, Europá, quòdque damni caput est, TEMPORE (quod disciplinis ac moribus expoliendus debebatur) amissis ; in Potossio-

rum aurum & argentum; tu latentes Auriferæ
 Castelle gazas consecraris: fossis illis & inferorū pe-
 netralibus, perdis pernōxque, tanquam cunicu-
 lus, ingemiscens & intumescens? Et quā, quæso,
 spe? quō, tot periculorum premiō vel exitu? Nisi
 fallor; ut Hispalim dives recurras, unde ditissi-
 mus quondam, & saltem innocentia locuples egres-
 sus eras. Ut conspicuus civibus tuis, &, propter
 peregrinitatis audaciam, digitō monstrabilis: Vo-
 le otio posthac & deliciis, genii tui cultor & ser-
 vus, agas. Etenim in studiis propositōque morta-
 lium (quantum ego capio) tria plerumque sunt
 hæc; aut ex his unum aliquod, ad quod gradum
 effectent; OPES, GLORIA, VOLUPTATES. Ho-
 rum singula, quæso, nostra salutis & felicitatis
 ad trutinam vocemus: videamūsq; quantum in
 eis spei reive sit; ut FORTUNATI constanter, &
 æbique, simus.

III. DE DIVITIIS autem primū in deli-
 berationem veniamus. Dic mihi, rogo te;
 quid si congestas auri massas, si sectas in lon-
 gum argenti laminas & ramalia, navibus in-
 tuleris? hoc est, ligno malefido, fragili, ma-
 ris & vitæ bibulo; digitorum haud ampliū
 trium intercapedine, salutem inter & inte-
 ritum? Quot mortales, Superi boni! quot
 Heroēs, naufragio sua vota, suas Fortunas
 (etiam ante Trojanum Æneam, & post Aja-
 cem, Locrorum regem) affligerunt? Quantō
 ditior est Oceanus omniū regnorum fœcis,
 arcis, & ærariis? nec tamen, nisi demersō, flu-
 ctibusque raptō, pecuniosus. Et adhuc ta-
 men satur non est; sed quotidie graves opi-
 bus onerarias vorat. Quibus adstruendis, ad
 fidem sufficere debent Oculi nostri. Quid
 enim

enim opus est; ad Iasonem, & ceteros Aurei
velleris corrivales, memoriâ retrogredi? Pri-
sea nimis illa sunt; &, quis scit, an usquequa-
que vera? Recentium potiùs, & sæculi pæne
nostratis, ARGONAUTARUM *exitus* inspiciam-
mus. BALBOAM, & post hunc alios, è comi-
tatu nostro; fluminibus & æstuariis interce-
ptos, ipsi vidimus. Et hi tamen, quid aliud
in America, quàm opes, quærebant? Petrus
CAMBIUS, Gallus, negotiator famosus & locu-
ples, navibus FLORIDAM nuper intravit: in-
credibilem auri vim, sponsam Floridanam, &
focerum Regulum, invenit. Hic, dum in celo-
ce, quâ gazam revehebat, cervicem incli-
nat, prunis contra frigus insufflandis inten-
tus: à barbaris duobus nautis, ascia feritur
ictu; divisio per immane vulnus occipite.
Quid ex longa mercatura retulit miser? nisi,
quod ferrum accepit; & aurum latronibus re-
liquit. (a) Aliquantò vetustioris tragœdiæ,
sed adhuc tamen recentis luctus, exempla;
Franciscus BOMBADILLA, Calatravæ re-
ligionis Eques: & Rolandus XIMENIUS,
nobilis Hispanus; ubi nunc, quæso, jacent?
in quibus navalibus classẽm habent suam?
Ex Hispaniola (quam per fas & nefas sol-
lenter eraserunt) in Hispaniam Europæam,
cum quattuor & viginti navibus, solverunt;
quadringentis impositis propugnatoribus.
In his, apparatus tanti, maritimis curribus
(nam quid aliud omnes illæ fuerunt actua-
riæ, volantes, tanquam in Circensibus, ad
metam, quæ fregit illos?) Castellani ponde-
ris plusquam centena millia nummum au-
reorum vestabantur, Regium tributum: &,
super

super hæc, plurimorum privata latrocinia. Sepositam porro cistam gravabat præsignis magnitudinis massa, quam AURI GRANUM appellant; Isabellæ reginæ thesauris inferendum. & huic, tam pretiosæ glebæ, parem, non ulla priorum ætatum aut vidit, aut legit: quippe ternis amplius aureorum millibus, & trecentis, appensæ. Quo, quæso, denique, tam opulentæ classis appulsu? quo *plausu*? Nempe, qualem ad scopulos impacta convulsæque tabulata reddunt; onerariarum omni numerô; nec non, aurô, mercibus, nautis, Ducibus, & classiariis, impetu tempestatum, solutis ac demersis. Et hoc quidem, unico temporis, & unius naufragii, momento. *TAM brevis sepultura, tam longa magnâq; congeriei fuit!* Et ne GRANO quidem illi, tam feliciter invento, parsum est. *nam & ipsum infelici ruinâ sementique, sparsum est in fundum; ex quo nihil renascitur.* (b) Sed ne fortè putet; solum Oceanum & flumina DIVITIIS nimis inimica: sunt, mi PETRÆ, sunt opum, etiam in littoribus, & mediâ continenti, naufragia. Nónne meministi: vos à Barbaris nuper, non in flumine sanè, sed in ripa terræque; toto, quod portabatis, Aurô Bxticô, cum vestibus, exutos? Etiam annales & auctores habes, qui cum fide memorent: in America Boreali nostrorum hominum non paucis, avaritiæ nimix manifestis, à barbaris injecta vincula: superque pavementum extensis supinis corporibus, aurum, igne liquatum, in os infusum, quod tigillis violenter diduxerant: renovatô M. Crassi, post tot sæcula, suppliciô, Parthicæque crudelitate. Corpora

pora porro sic enecta, frustillatissimeque disse-
cta, cum immanes illi vorarent; & ventres
suos Hispanorum sepulcra facerent: hoc di-
cteriò, tanquã epitaphiis, eos insectabantur;
AURUM alii de gente vestra sitiunt: at vos,
etiam BIBISTIS! (c) Quid autem & ALFINGE-
ROS retractem, Augustanos è Vindeliciis, sive
fratres, sive fratruales; jam pridem famã per
omnem Darienam & Peruvium detritos?
AMBROSIIUS alter, & post hunc GEORGIUS;
pro Welsis, indultu Caroli V. Cæsaris, Va-
lentiolam præturâ, simul (si verus rumor est)
exactionibus violentis, premebant. Est enim
perdifficile, locupletem ad provinciam, non simul
asserre cupidam mentem: &, in licentiâ trans-
marinâ, rarum & operosum; non transilire præ-
scriptos à lege fines. PAUCIS contigit; in magi-
stratu lucroso, ponere modum imperio: pauciori-
bus; ponere sibi metipsis. Adeò videlicet habendi
studii abripimur. Hinc turbatur bene composita
subjectorum quies: ac Patientia rudium, sine fine
pressa, simplicitate positâ, tandem etiam fer-
rum rampit; & ex hoc, armatur pro libertate. (d)
Quid igitur? quòdnam severioris quaesturæ
pretium abstulerunt? Compendiosum uti-
que; Celerem mortem & interitum. Eorum
enim alterum Canibales anthropophagi, re-
pentino superventu, cum suis oppresserunt;
excursionibus intentum. Alterum (ut præ-
turæ, sic fatorum hæredem) in lectulo suo
trucidatum, intempestâ nocte, de thalami fe-
nestris in publicum; ab hoc, in propinquum
nemus abjecerunt, belluarum pabulo. Sic illi
miseri, dum ubique sibi fingunt AUGUSTAM,
humanitatis alumnam, & fontem; in sua Valen-
tiola

tiola Scythiam, & antrum Cyclopum, invenerunt. Sed videlicet illud est, quod divinus Paulus clamat; *RADICEM malorum omnium esse, Cupiditatem: Avaros inferere se doloribus multis. Qui fieri Divites velint; in desideria pernicioſa labi; qua mergant homines in interitum.* Hoc quidem certè, vides, illis eveniſſe; quorum lugubres avaritiæ tumulos & cippos nunc inſpeximus. Quod autem Cambio; quod Crasso, Crasſique redivivis manibus; quod Bombadilla, tamque multis auriferis triremibus, accidit, ut interirent; hoc idem & VICTORIANAE triremi poteſt. Et tamen hæc ipſa nondum in ſalo ſtat: ſed adhuc (incertum, quibus in montibus ſylva?) ventorum ludibrium, nutat.

Sed ſinge tamen, animoque perſuade; Lydorum regis fortunam, Cyri prædam, & Americani Gvenacaxæ divitias omnes, eſſe Tuas. Puta; jam nunc, à portu Limæ detrudi naves, opulentiâ graves, in Europam: & ex Hiſpano portu centum jugis Hiſpalim deportari. Propone tibi paternæ domûs penetralia, tranſmarinâ felicitate conſtipata; ſecuriſſimæque poſſeſſionis imperturbatum incubitum. Quoad iſta, mi VICTORIA, duratura credis? Quot tu luſtris (ne dicam, ætatibus) jaſtaturus es contribulibus tuis, adita luſtrataque peregrina regna? Nam hoc (quoniam de quaſtu D.VITIARUM abundè quaſtionem exercuimus) *Alterum* eſſe diximus humanæ fatigationis campum, & ſudoris irritamentum: HONORES videlicet, ac magni hominis Ambitum.

IV. Quid igitur & in GLORIA ſit ſolida pulveris;

pulveris; excussum eamus. Certè quidem eorum, qui comparari solent in Orbe novo, titulorum, duo sunt principes: quos affectare potes. Nam aut *INVENTAE* resectaque regionis gloriam quæres; aut prudenter fortiterque *GUBERNATAE*. Quantum pertinet ad primam illam honoris palmam; *OMNIA*, mi Petre, iam *REPERTA*, resectaque sunt. nisi fortè fiduciam & animos adjicis ad *TERRAM*, quam dicunt *AUSTRALEM INCOGNITAM*, evolvendam. Eam, an perturbare tu primus velis ac possis? interroga diligenter audaciam; interroga robur & facultatem tuam. Nam, si quidem illa terrarum vastitas à quovis obvio posset aperiri; non meherculè tamdiu diceretur *INCOGNITA*. Quod autem spectat ad alterum illud *deus*, è felici provincie cujusvis administratione colligendum; sive per quietem, sive per armorum strepitum: vehementer vereor, ut *Laurum* hanc *regiam*, & tam altam, decerpas juvenis nondum undevicenis; & ob hoc ipsum, hujus *Gloria* ramis attingendis, multum infra, quàm ætas boni rectoris exigat. Ac præter hoc: *Quomodo diversissimos Aliorum mores temperet; qui Suos nondum potest?* Sed finge tamen: & *INVENTURUM* te tot novos *Mundos*, quot vel *Démocritus* esse credidit: & inventis, cum majestate Ius *dicturum*. quid post illa? Semper illane gloria splendebit? nec unquam hæc crystallus in fragmenta solvetur? scilicet, *hi soli mortales, mori non solent?* Sin autem & ipsos communia manent fata; quid illis, in *interitu*, conferet *grandis auctoritas*? Hoc solum,

solum, ex istis magnæ famæ Megalesiis, adhuc omnes Ambitiosi retulerunt : ut dicerentur; *Aliquando Fuisse, Floruisse, Decidisse.* De multis etiam id genus hominibus, fortasse non falsò, nunc quoque, magnus Augustinus exclamaret; *Laudantur, ubi non sunt: uruntur, ubi sunt.* Verùm ista quidem divini tribunalis sunt; non humanæ censuræ. Sit sanè, sit *omnibus bene, supra nos! quibus bene fuit, dum viverent, Esse supra ceteros!* Sed numquid claritudinis suæ Solem, sine nebulis & maculis, & sic inoffensis rotis, in altum provexerunt; ut is semper in meridie staret, & Occasu nullo mergeretur? Vide, quæso (sicut in præcedentibus, sic & in hac consideratione) nostros illos inclytos Americarum ARGONAUTAS: qui, famæ velificati, medio cursus sui, pelago sunt excussi. Quid COLUMBIS fratribus, Christophoro, Bartholomæo, Didaco; primis (si verum quærimus) & *veris Iasonibus*, quid non debuissent Hispaniæ nostræ? Non est ullum ulli dubium; quin *Omnia.* Tamen trium Pinzonum lividis criminationibus, à Bombadilla vinculis constricti; separatis duobus navigiis (tanquam totidem fluitantibus veræ virtutis carceribus) in Castellam Europæam missi sunt: frementibus etiam ipsis regibus; *Esse Reos Tres illos, quibus pro tribus trajectibus Americanis nondum, ne navulum quidem sufficiens præbitum, aut gratia persoluta forent.* Et tamen si majestatis absoluti sunt: miserum tamen fuit. Coram Isabella Ferdinandoque, regum exemplis, tantum non *in catenis stare: miserrimum, sine causa causam dicere: miserrimum, illis, gestorum suorum (cum capitis discrimine)*

crimine) *rationem reddere*; quibus *Insulas ipsi regnâque dederant*. (e) At his quidem suum periculum, adhuc citra madidam mortem, & sanguinem stetit. Tristius alii suam adorem tinxerunt, & finierunt. *Ferdinandus Magellanes* (Freti celeberrimi rector, & rector) à suis inter barbaros desertus, adverso prælio periit. *Ioannes Ribandus*, Gallicanæ clâssis supremus apud Floridam præfectus; &, aliquot littorum apertorum inclytus, regionis ac ripæ Maji fluminis primus explorator: ab nostrismet, immanissimô cultro, vivus ac spirans, plusquam Persicâ feritate, fertur exco-
 riatus; (f) cùm simul & pugione cor illius transverberâssent. (g) *Gaspar Corterealis*, terram ab se nominatam, ad ultimum Americæ Boream, indagavit; & aquis est haustus. *Michaël Corterealis*, ut ortu fratrem Gasparem, sic audaciâ, secutus, ab iisdem postea fluctibus interceptus jactatur: hōc ipsō, quodd nusquam littorum comparuit. (h) *Americus Vesputius*, Meridionalis continen-
 tis; *Alvarus Mendavius*, Insularum Salomonis; *Villalobus*, Novæ Guinæ; *Michaël Lopus Legaspes Philippinarum*, excussores: Secundum hos, *Sebastianus Gabottus*, *Lucas Vascus Aillonus*, *Ferdinandus Corduba*, *Garzias Lupus*, *Nunnius Gusmannus*, caterique sine numero; singuli singulos tractus & Insulas patefecere. Periēre tamen omnes: pars, naturæ lege durâ; pars potior, undis aut gladiō. ficariorum; quidam in vinculis, aut rixâ, jurgiō, seditionibus, civilique Marte. Talem exitum & coronidem habuit, INVENTARUM regionum gloria; *Sepul-*

crum in aquis, aut pulveris cippum in terra!
 (i) GUBERNATARUM autem provinciarum quæ merces? Nempe, meriti fuit ejusdem; Incognitas Penetrare, penetratisque Dominari. Petrus PUELLIUS, Quidi Prætor; nōne Roderici Salazaris pugionem, in lectulo suo transfossus, tanquam antelucanum Excitorem, excepit? (k) MORALES, Hispanæ militiæ Dux; nōne Didaci Meneſii saturandis odiis, gulam laqueò præfoeandam præbuit? (l) Tizarri tres fratres, infinita, pænæque jam regiæ potentia; nōne cum splendore, quo tenuerunt altum, devoluti sunt in ruinam? *Franciscus* mucrone seditiosorum; *Ioannes* laniatu Barbarorum; *Gonsalvus*, Numidarum ferro cervicibus incisus, Gascæ Prætoris imperiò. Cujus postremi (Gonsalvi, dico) tanta post mortem quoque fuit improſperitas; ut Caput, in carcere defectum, Limam (fratris quondam regiam ac Prætorium) transmitteretur; columnæ marmoreæ clathratò fastigiò suspensum, in urbis propatulo: cogereturque sibi, post funus etiam, quoquo modo superſtes esse, luctuosa *Gloriæ* victima! Cujus ore mutò, quid nisi clamabatur illud Salomonæum; VANITAS VANITATUM! & OMNIA VANITAS? (m) Quid autem de Didaco NUNQUESA dicam? celebri quondam, & hominèque decantatò virò? VERAGUAM infederat, America Septentrionalis Tetrarchiam; Regis auspiciis. Verum, ob habitam avarè provinciam, & crudeliter exercitum dominatum; etiam ab nostris tandem undique, tanquam portentum; Sobellus quædam;

dam, pulsus, cum Septuaginta quinque suæ gentis militibus; ne fragmen quidem panis, in famis remedium, invenit. Exagitatus autem ab omnibus, conspirante mortalitatis odio; cum demum, omisis navibus, exscendisset ad fluvium, nescio quem, haud ita procul insulâ Zorobarorum; à Barbaris Veraguanis, quos sæpe presserat, oppressus est; cumque suis omnibus, cæsus, dispersus, devoratus. Unde nomen hodieque, FLUMINIS PERDITORUM, amni manet; qui, nisi monumentò detestabilis cladis hujus, innominatus & intestabilis perdurasset. Quanquam partem hujus tragœdiæ loquitur & Vicinum nemus; cujus arbor quadam, in cortice descriptum retinet, hoc moerissimum com meatus & transitus Latinum testimonium, totidem, quot prodico, verbis; HAC, MISERO FESSUS ERGORE, DIDACHUS NIQUESA TRANSIIT INFELIX! (n) Transiit (verè) transiit Niquesus! &, cum illo, Gloriæ tota pompa! Quisquis desipis, sequere! Quid hoc dici, tot fortissimorum virum exitu, monstrosius potest aut lacrymosius? *In Terram alii Barbarorum, ad illud usque tempus, intrarunt; propter Aurum: Isti (dictu cruentum!) in Barbarorum etiam Ventres & viscera! Recurrat igitur in summam suam oratio: dicamurque; Nihil esse Gloriam è transmarinis, sive Reptis, sive Perdomitis; præter ventum, fugam, naufragium, cadem, interitum. Nam certè quidem illorum, qui te præcesserunt, non opum solò quaestu, sed rerum in orbe peregrinatio gestarum magnitudine, clarissimi; suo fa-*

to, paucos post annos (& hoc, ante diem suū) concesserunt OMNES. Vtināque salvīs salutem Animīs! quos eorum nonnulli sempiternæ maculæ flagitiis inquinârunt; geniali turpissimarum VOLUPTATUM indulgentiâ. Videamus tamen & istam illecebrarum humanæ cupiditatis partem; quæ nobis erat propositæ meditationis *Tertia, postremâque*; quid secum, hæc Stimuli Cupidinei VESPA, non mellis, sed cruciatūs & vulneris & aculei lethiferi, portet?

V. OMNIS VOLUPTAS aut est cum honestate conjuncta, cūque legibus; aut ab utrisque divulsa, flagitiosa, bruta. Si cum decore Rationeq; peti debet ex sola Virtute; cujus tamen nec alumnus est, nec approbator, MUNDUS; quippe, totus in malitia constitutus. Sin cum Opprobrio, secordiâque connectitur; nec cogitari quidem ab homine debet; ne dicam, amari recipique. Nam aut gulâ trajicitur aut parte corporis erubescendâ; quarum altera canalis est, altera conceptaculum, omnis inquinamenti: Sororixque ferè sunt obscœnitatis, & illa, quòd sordes inchoët; & ista, quòd in sordes desinat. Ad summam; sive quæritur in epulis & vino; sive petitur è scortis & Venere gaudium; utriusque genii Deus, est Venter; cujus obsequii studium, est nequitia; fructus, infamia; finis, interitus; & omnis, in confusione, gloria. MORS, Mors, intrat per utriusque januam; & Mors quidem Animorum, semper, ac sine dilatione; frequenter autem & Corporum, suò die. Quod, ut certiore fide capias; etiam hîc, PETRÆ, recentium, Argonautarum Colchidem,

ebidem & Medeus, exitusque, fac recorderis.
Didacus ALMAGRUS *Major*, ille Chilæ pri-
 mus cum exercitu penetrator, & æmulus Pi-
 zarraz potentia; concubinam (Hispanæ con-
 jugiō neglectō) Panamam, & scilicet, ex
 Americanis sordibus, in delitiis habuit. Ex
 ea Didacum ALMAGRUM Minorem iustulit.
 Ad extremum, pro lacertis amiculæ, collo la-
 queum accepit; Consalvi Pizarri favis im-
 perii in custodia strangulatus. (c) *Vascoe*
Nunnius BALBOA, Castiliæ, quam dicunt,
 AURIFERAE repertor, & infessor; ne mi-
 nus impurus, quàm inquietus esset; post se
 non solum rebellium castra, sed & muliercu-
 lam secutulejam, traxit. cujus etiam indi-
 ciō, proditorem in se comparatam, vitavir;
 felicius, quàm durabilius. Etenim Socerū
 demum immanitate periit, securi percussus;
 & in tot pellicis noctes, somnum sempiter-
 num accepit. (p) *Alphonsus* HOIEDUS, ma-
 ritimæ regionis ad Carthagenam Prætor;
 uxorem Americani Reguli, non inscitæ for-
 mæ, perductam ad se, contra fas & pudorem.
 attinuit; & quamquam reposcenti marito;
 tanquam alieni nunc lecti, reddere detrecta-
 vit. Sed, dum armis & vi se credit invictum;
 alieno dolo patuit. Nam Reguli, supplicem
 simulantis, toxicatō spiculō, de nec proviso
 secundum femur sauciatus: ac barbarici fa-
 tellitii copiis superobrutus, rapinam, prætu-
 ram, vitam, damnificit. Et quanquam, fa-
 cti pœnitens, melius animam egit, quàm vi-
 tam: præstiterat tamen; alienam nuptam
 suo thoro, quàm, injuriæ rationem divino
 Iudici, reddidisse. (q) *Franciscus* PIZAR-
 V 3 RUS,

RUS, Peruvii pro Rege gubernator, & sub-
 actor; post tot domitas gentes, reges, & re-
 gulos; *adhuc indomitum Cupidinem retinuit.*
 Duarum pellicum, & in his, Sororis AT-
 BALISAE Regis, amplexibus insuevit; ad
 usque iusti connubii licentiam: susceptis ex
 utraque spuris. Tandem, suorummet con-
 cursu, per Didacum Almagrum Minorem,
 & Ioannem Radam, concitato; fortissimè
 pugnans, collò gladium & mortem excepit:
 clamantibus, qui tumultuabantur; *I nunc!*
hoc habe! Vitamque, ceptam à pedo, cruentatam
preliis, maculatam insonitum sanguine, pollu-
tam domesticis stupris, hoc puncto claudere! Qui-
búsque, tot per annos, Os impunè per summam
impudentiam; nunc, per vindictam, etiam jugu-
lum prabe! (r) Sic Limæ, domique pro-
 priæ cæsum, Venus in cubili perdidit; *cuj to-*
ties Mars in castris pepercerat. Piget plurimum,
 hujus farraginis, exemplorum: quæ tamen
 plura non deessent; si præsertim cum vero,
 nec per calumniam traditur, quod nonnulli
 monumentis publicis consignatum relinque-
 runt. Id equidem, ut credam, nunquam ad-
 ducar. sed adducar tamen, ut mecum taci-
 tus suspicer; *NEC omnia de Nostrorū vitiis ve-*
rè; nec omnia falsò, spargi. Quid igitur? quæ
 famâ nostrorum continentia laborat? Nem-
 pe; Primos inter AMERICARUM Occupa-
 tores; paucos admodum, aut jus prætorium
 dixisse victis, aut in nondum victos classem
 duxisse: quin, unius aut alterius, subindèque
 trium ac plurium, impliciti meretriciis con-
 tuberniis; per stuprum vel adulterium ab-
 noctant. Ac ne Columbianos quidem
 (omnis

(omnis ARGONAUTICAE recentis principes) in totum temperasse sibi classarios; sed, subductâ castissimi Thalassarchi sui, CHRISTOPHORI, venerabili præsentiâ; per hanc opportunitatem, & pudorem simul, & absentis reverentiam, exuisse. Nam, post COLUMBI primum in Hispanias regressum, duodequadraginta milites Hispanos, tradunt, relictis signis, AMERICANARUM pudicitiam & nuptias expugnasse. Quibus offensos injuriis maritos; veterem resumpsisse feritatem, adulteris ad unum omnibus trucidatis; & quidem (ut ego reor) plerisque, flagranti deprehensis in libidine, proque meritis, in Tartarum rectâ devolutis. En, VOLUPTATUM præposterum stolidumque delectum? En, obsecnitatis incredibilem vœcordiam; DELECTARI MOMENTO; quò CRUCIERIS AETerno? Si qui, nostrorum hominum intemperantiam palliare sunt ausi (QUAENAM enim causa tam est Mala, qua non sui similem Patro- num reperiat?) ii scilicet ad Augusti Caesaris artes confugerunt; filias familiâs deflorantis, & matronarum cubilia temerantis; ut Patrum ac Maritorum in se mentes exquireret. Sed DEUS ille, qui judicabit adulteros; non distinguet Augustos: & si malam rem tenuerit, non interrogabit; Cuj res ea BONO fuerit? (s) POTENTI manu torquebitur; quisquis in Potentiâ peccaverit. Nec præter meritum, nam Si QVIS in Regimine palam exorbitat; is in erroris consensum cuncta trahit: neque sibi soli, sed populo quoque, nequam est. Dum facit scelus, OSTENTAT: & quoties in fastigio

degenerat, etiam sine voce disertus est ad depravandum. Dum enim aspicitur, invitat; dupliciterque pellicit ad facinoris audaciam; Impunitate nempe sceleris, & Illecebrâ turpis exempli. Quod utinam, utinam, in expeditionibus nostris Argonauticis experti non essemus! ut Iasonibus nostris, singulis singulas tantum Hypsipylas & Medeas objectare possemus: ac non potius integros stupris infectos exercitus; totâque castra lue Veneris inquinata! Loquatur opprobria militiæ nostræ, Caximalea: loquatur Cuscus, urbs regia: castrâque Regis Atabaliba. Præliô, quod ad Caximalcam, inter nostros, & Peruvii monarcham, commissum est; adversus infinitam barbarorum manum, tam feliciter Mars noster pugnavit; ut, innumeris caesis profligatisque Peruanis, & Atabálibâ rege capto: tamen Hispanorum nec unus quidem caderet. Cum ergo tanto Numinis favori gratiam deberent; offensam, & ingratisimam mentem, reposuerunt. Non enim contentus miles noster, exuisse castris Atabalibam; &, præter spolia, grande foeminarum agmen in potestatem redegisse; viciniam quoque mox omnem, & Caximalcæ municipia, tanquam venatores, excutere cœperunt; ad plures similis aprugnæ deprehendendas feras. Iratôque Numine factum est; ut in nemorale quoddam stagnum inciderent, vivis aquis pellucidum; & impendentium arborum umbris amœnum. In eo, velut Nymphéô, sedebat per otium & lusum, matronarum virginumque vis ingens; lavacro corporum, more gentis, intenta; stragisque pridianæ penitus, neque me-

metuens, neque gnara. Nostrorum tantus fuit intemperantiæ furor; ut in eas contumud, nec sine nobiliorum formarum delectu, facerent impetum: & omni Christiani pudoris velò positò, miseras omni libidinis genere divexarent. Satis constat; in hanc turpissimæ patientiæ servitutem, ad quinque millia redactas: nec, nisi quas insignis aliqua deformitas delicatis victoribus excusasset, intractas evasisse. Quæ (malum!) ista licentiæ rabies? quæ cæci cupidinis importunitas? DEUM nec meminisse per dona beneficium; neq; metuere pro nequiter factis ultorem? Cujus tamen solius est; & in altum tollere *victricem aquilam*: & eandem, incisís alis, dejicere. Quare, post istam labem, versâ bellorum aleâ felicitas vultum mutavit. & ab nostris signis ad inimica castra transivit. Statim cum Quisquizio duce, cùmque Peruvio prope toto, labor, pugna, malefida victoria. Deinde Mangi regis inopina defectio: capta, crematâque Cuscus: cæsum cum Ioanne Pizarro præsidium. & mox ipse Mangus, cum plusquam centum millibus armatorum, superveniens: gravis & insolens victor. Nec usquam Hispanæ vires barbaro furori pares; in prælia, quasi tempestate, ruentibus Peruanis, & obvia quæque strage, sanguine, vastatione, flammâque miscentibus. Nemo vel tam vetustis victoriis clarus, vel tam minax & irritatus recentibus cladibus, sistere potuit Hispanicam ruinam. Non Didacus Pizarrus; quem Mangus cum suis omnibus occisione delevit. Non Morgovius; quem, majoribus instructum copiis, pari successu

Barbari mactârunt. Non Gonsalvus Tapis, cum octoginta turmis oppositus; quem, cum viris equisque concisum, vix viderunt; & pepulerunt. Non Gaëta denique, famosus, & bonus transmarinô bellô, dux. Non Franciscus Godejus; nec Petrus Lerma; quinquaginta, fortissimorum equitum, stipatus alis. Erâtque prorsus in arctum compacta rerum nostrarum summa: nec poterat Christianus hic Israël ante *suos stare deinceps hostes; quia Pollutus, non anathemate furti Ierichuntini, pallisque coccinei rapinâ; sed discincti pudoris solutâ zonâ, muliebrisque consuetudinis forde; cum priscis illis Beniaminitis. Ad extremum (quanquam admodum serò, desperantéque jam Francisco Pizzarrô) virtute restituti sunt ALVARADI: tanquam novi cuiusdam, ac Deo gratioris, Iosue. (1)*

Talia, PETRE, foedissimarum sunt præmia VOLUPTATUM; funesta semper & exitialia; nec id in privatis modò, sed multò magis in publicis, extra lectum iustum, digressibus, *Mors scilicet & Excidia; singulorum pariter & universorum. Ut proinde, Vespillo quidam genti humana cômunis, æstimari Cupido possit, nec sine causa prudens antiquitas, unam eandémq; (sub distincto nomine) Deam statuerit, Venerem ac Libitinam. Quare tecum ista sæpius, & cum cura, retracta; BREVE tempus esse; Brevia gaudia; Longissimû tormentorum avum. Neque tibi dixeris; Ad me quid ista? Non ego quero vetita corporum oblectamenta. Patet honesti thori fructibus, Connubii janua. Vellem quidem (anime mi) vellem, inremocatum esset apud omnes nuptiarum focus!*

dis! Utinam, hujus Scyllæ communissimæ
 naufragia fugientibus, hic saltem portus
 semper tutus & obseptus esset. Sed, ô, quàm
 multi sunt; in quibus lecti fides labet, & lex
 Iulia dormiat? Quàm est autem proclive, tur-
 bam in malo sequi? quòdque Multi faciunt, etiam
 Unum non horrere? Ne cæteras matrimonio-
 rum nausæas in medium proferam; ipsa nau-
 sea facit, & quotidianus fastidiorū aspectus.
 Ut ob hoc ipsum proinde, censeam *Optimum*;
*Nunquam mulierem vidisse proximum, Non te-
 tigisse; Divinum autem, Ne tangere quidem un-
 quam posse*; votò constringente. NAM, Quo-
 ad in sui Libertate vagatur animus, tantisper in
 diversa faciliè fluctuat; tanquā in medio salo
 navigium, anchorā nullā revinctum. Et,
 quanquam fortasse non semper evertitur;
 perpetuò tamen impugnatur; interdumque;
 quò minimè suspicabatur, impingitur. Dum
 enim gaudia sibi nonnulla, velut innoxii gu-
 stūs, sumit; paullatim etiam noxia delibare,
 quasi per transfennam & carptim, incipit.
 Decerptis autem semel iterumque profanīs
 deliciis, mens in totum effunditur; & à
 permissis ad impermissas cupiditates paul-
 lo momentò transsilit; exiguo licitorum, il-
 licitorumque confinio. Quare Totum, & ad so-
 lidum, amputari præstat suimet Arbitrium;
 quàm, tot inter illecebras, semper cum pe-
 riculo pendere. Sive tamen inimicò Deo,
 sive placatò, Mundi gaudiis usus es: ME-
 MENTO, Petre, memento; denique te MO-
 RITUUM. Nam quicumque te, vel hono-
 ribus conspicui, vel opibus affluentes, vel
 deliciis innatantes, antecessere; tandem,
 V 6 oppressi

oppressi lege mortalitatis, esse desierunt. Hi clamant nunc omnes è bustis suis ; Nos *praecessimus* : vos *Posteris subsequemini, citius, serius, aliquando tamen certissimè.* Quoniam IN TEMPORE nihil esse potest ÆTERNUM. Iuvenis floridus , in Pythagoræ nunc litterarum : & adhuc in bivio versaris , bene malèque consultorum ; mortis ac vitæ ; Salutis , & Interitûs ; Cœli juxtâ , formidandique Tartari. Quocunque visum fuerit ; gradum intendes , & manum admovebis. Si verum est igitur, OPTIMUM esse sua quemque fortunæ FABRUM ; si, quod semel prudenter elegeris, habiturus es semper : quin tu vitæ conditionem eam aggredieris , atque cuderis ; quæ te, per varios quidem casus, sed tutissimâ tamen munitissimâque triremi, quadriremive (putâ, *Religionis Votorum*) deducat in portum : & exponat in cœli Fortunatissimas ac mansuras Insulas ?

VI. TALIA mecum , & his similia complura, disputabam ; turbidis ac rorantibus oculis. Et, quoniam maris & procellarum continuum intuitum, jam dudum (ut RERUM OMNIUM) subsēcuta SATIETAS erat ; ex navalibus ad LIMÆ mœnia redibam : intèrque regressûs tristitiam , hilaritate mixtam, etiam ista mecum, tacitâ philosophiâ, differebam : & ; IN NICARAGUÆ (dicebam) regno, quod Auriferam Castellam inter, & Novam Hispaniam extenditur, Rupem compérimus editissimam, MASAIA nomine ; Vesuvii Campani ritu , flammam immanem cum fragore vomentem. Os illius, ad bis & ampliùs mille passuum, semper hi-

ans

ans ac diductum, innubilam, ac proinde latè conspicuam volvit pyram: non sine sparsis circumquaque fulgetris. At in profundi depressissimo barathro, stagnum bullit, Auro liquato simillimum: incendii tantis ardoribus, ut ingentia cum catenis ferreis athena, si quando demittantur; puncto temporis hauriat, inque rivum vertat. Flammarum quoque (quamvis è longinquo) vis ac rapacitas, exurit omne rupis illius in summo solum, & germen. Non illic herba, non gramen, non aliquid veris æstativè viret, aut autumnii prægnat. Et tamen circum oram & margines ejusdem Alp̃is, in tanta ferventis ignis propinquitate, frequens & impunè PASSERUM nidulatur simplicitas, (u)

Hic Vesuvius, hæc Aetna transmarina (m̃ PETRE) quadam est imago, si capu, Inferorum ac Gehenna. Quid enim in illo, semper ardente, semper arsurò stagno. quod sulphure fluet ac pice: quid, inquam, Aurum, quid Opes, & Voluptates omnes, erunt aliud: quàm pyra, quàm fornax, quàm incendium, nunquam extinguendum; si cum his sarcinis eò mortui descenderimus? Quin igitur, eis maturè relictis, calamitatem ultimam antevertimus? & IN GEHENNAM VIVI, SPIRANTESQUE, quotidianis intuitibus, nos demittimus? Immo, quippeni cum PASSERCULIS, ad Inferorum crepidines habitamus? & è vicino cogitationum, rem omnium formidandorum teterrimam, assiduò mentis contemplatu speculamur, audimus, olfacimus? ne tandem illabamur? Id fiet, in aliquo Religiosæ Domûs angulo latibulô-

V 7

que;

que; tanquam Nidulô. Cum hisce tam salubribus curis, & utili formidine, quantulum vita superest, exactô; Spiritus, corpore solutus, salutis sue multum securus & gestiens, evolabit: ac, cælô receptus, prorumpet in regium illud epinion; ANIMA NOSTRA, SICUT PASSER, EST EREPTA, DE LAQUEO VENANTIUM!

VII. CUM his vocibus, & mentis fixa decretis, in hospitium primò redeo; cœnâque modicâ captâ, curis indormio. Deinde postero, sequentibusque diebus aliquot, eâdem cogitationum in utramque partem versatâ pugnâ: tandem manè quodam in sacrum introgredior *Essæorum domicilium*; quod illi Græcâ voce *Syllogen* nominant. Ibi cœtus præsidem accedo, virum eximium; & *Essæarchi* munere planè dignum. Hujc mentem omnem, desiderisque summam denudo, qui, maturæ deliberationis auditis ac pensatis rationibus; non *Animum duntaxat, sed totum VICTORIAM*, approbavit. Ac principiò quidem inter *Essæorum* candidatos; dein, exactis *Biennii* consuetis experimentis, inter *IESU* milites veteranos adlégit. Illic ego demum, post tot Marium, Insularum, ac Regionum lustrata miracula; post quattuor Orbis Partes, *Europam, Africam, Asiam, Americam*, oculis subjectas: *Videre sum orsus & introspicere*, quod inter profana negotia difficillimum fuit; id est, *ME IPSUM*. Ibi, per arma, per enses, perque navales pugnas, & omnis generis *Argonauticam*, diu quæsitum; non in balteo, nec in sago paludamento; nec in velis atque carbasis; sed in

Toga lanca VELLUS illud AUREUM, in-
veni, Coelestisque planè Militiæ torquem:
Consecutus, divino munere, compendium
lucrumque, quod ex ORBE NOVO repor-
tari summum poterat; exuto scilicet VE-
TERE Petro, NOVUM & cimen-
tationem VICTO-
RIAM.

FINIS.



AU.

AUCTORUM,
Qui in Libris Argonauticis, per
alphabeti litteras indicantur,

L O C A.

L I B R I I.

Auctores.

- (a) *I. Hondius, in descriptione Andalusia.*
- (b) *Carol. Steph. V. Canaria.*
- (c) *Ioan. Metellus Iuris Consultus, in Epistola, ad Augustinum, Episcopum Ilerdensem, de mirabilibus Indicis.*
- (d) *Idem Metellus. Et, Petrus Bertius in Geograph: tabulis.*
- (e) *Brunnerus Annalium Boicor. Part. 1. l. 4. & Paul. Diac. l. 4.*
- (f) *Quentelius Colonienfis, de Novo Orbe, impressus Colonia, in fol. anno 1598. Libro 1. cap. 16. & c. 19.*
- (g) *Idem Quentelius Libro 1.*
- (h) *Idem Libro 3. Ad tabulam Americanã 14.*
- (i) *Quentelius, ad Tabulam insulae Margaritæ, & Cubagæ.*
- (k) *Idem, ad tabulam 14. Libro 3. descriptionum Americanarum.*

L I B R I II.

Auctores.

- (a) *Arnoldus Agrippinas, Americanarum descriptionum, Germanicè editarum, Libro 3. Tabulã 13.*
- (b) *Idem, Libro 3. Tabul. 13. Et Ioannes de Læte,*

- Late*, in descriptione Hispania pag. 221.
 (c) *Agrippinas* Libro 2. cap 6. & antea cum *Iosephus A Costa*. l. 2.
 (d) *Quentelius Coloniens.* Libro 3. Tabul. 13. *Americana Thalassographia.*
 (e) *Idem*, Libro 3. Tabula 11. annotationibus.
 (f) *Metellus Sequanus*, epistola de mirabb. Indicis.
 (g) *Iodoc. Hondius*, in Geograph. Hispaniola.
 (h) *Agrippinas*, Libro 3. Ad tabulā 20. princip.

LIBRI III.

Auctores.

- (a) *Abbreviator Hugonis Linschottani*, germanicè editus per *Theodoricum de Bry*. Libro 1. cap. 21. & *Ioseph. à Costa*, de Novo Orbe.
 (b) *Quentelius Coloniens.* Libro 3. in Tabulam *Quiuvira*.
 (c) *A Costa de Novo Orbe*. & ex eo *Hugo Linsch.* Libro 1. de natura Novi Orbis. *Ioannes de Late*, pag. 435. *Quentelius Coloniens.* Libro 3. in tabulam 20.
 (d) *Abbreviator Linschotti*, de natura *Americæ* l. 1.
 (e) *Arnold. Agrippinas* Libro 3. *Geographia Americana*, tabula ult.
 (f) *Iod. Hondius*, in tabulam *Moluccarum*.

LIBRI V.

Auctores.

- (a) *Hieronymus Benzo*, *Mediolanensis*. Item *Theodoricus de Bry*. Libro 4. de Orbe Novo.

LIBRI VIII.

- (a) *Felix Fabri*, in Itinerario suo Arabico, ad montem Sinai, & Sepulcrum *Divæ Catharina*.

LIBRI

LIBRI IX.

- (a) *Theodoricus de Bry*, Parte 8. *Occidentalis India*. Incidit autem mors Draci in annum 1596. diem 28. Ianuarii.

LIBRI X.

- (a) *Quentelius Colonienf.* in *Geographia Americana*, Libro 3. Tabula II.

LIBRI XII.

Auctores.

- (a) *Commentator*, in *Libros de Novo Orbe*, Hieronymi Benzoni Mediolanensis, Libro 4. cap. 24.
 (b) *Ioannes Paullus Augspurgerus*, *Itineraria primo*, Germanicè edito; de profectioe suâ à Batavis in Brasiliam.
 (c) *Abbreviator Hugonis Linschottani*, apud *Theodoricum de Bry*: & *Agrippinas* Libro 1. de natura Novi Orbis pag. 44.
 (d) *Philippus Cluvierius* Libro 6. *Introduct.* cap. 10. de Peruvio. *Theodoric. de Bry* Tabula 3. *Americanarum imaginum*.
 (e) *Theodoricus de Bry*, Libro de Peruvio.
 (f) *Hugo Linschottanus*, apud *Theodor. Bry*, Libro 1. pag. 17. ex *Ioseph. à Costa*.
 (g) *Arnoldus Agrippinas*, Libro 3. *Geographiæ Americane*, in *Tabulam de Potosio*.
 (h) *Theodoricus de Bry*, Tabula 3. de Potosio.
 (i) *Abbreviator Linschotti Germanicus*, de natura Novi Orbi, Libro 1. pag. 18.
 (k) *Idem*, Libro eodem, pag. 29.
 (l) *Quentelius Colonienfis*, Libro 3. *Geographiæ Americana*, in *Tabulam* 4.
 (m) *Ioseph. à Costa de Novo Orbe*: & *Abbreviator Hug. Linschotti*, Libro 1. de natura Novi Orbis, cap. 19.

- (o) *Agrippinas, Tabula 10. Geographia Americana.*
 (o) *Quentelius Colonienfis, in descriptione Nova Hispania. Licet hu contraria scribat Philip-
 pus Clavierius, Libro 1. Introduct. Geograph.
 Capite de 4 Circulu minoribus, & de Zonis.
 Sed ab aliis consensus refutatur.*
 (p) *Idem Quentelius, Libro 3. Geogr. Americana,
 Tabula 9.*
 (q) *Idem ibidem, med. & ante fin.*
 (r) *Metellus Sequanus, epist. ad Ilerdensem E-
 piscopum.*

LIBER XIV.

Auctores,

- (a) *Arnoldus Agrippinas, in Tabulam 18. Li-
 bro 3. Geograph. Americana.*
 (b) *Idem in Tabulam 18. à medio, Libro 3.*
 (c) *De Suris abscctis, Ioan. Metellus, ad Augu-
 sin. Ilerd. De terramotibus verò, Quentelius
 Tabula Americana Geograph. 18. Libro 3.*
 (d) *Ioannes Sequanus in epist. de mirabb. Indicis.*
 (e) *Agrippinas Tabula 19. descriptionū Americ.*
 (f) *Vide Tabulam America Meridionalis Iod.
 Hondii.*
 (g) *Agrippinas in descriptione Peruvii, Libro 3,
 Americ. Geograph.*
 (h) *Ioannes Sequanus, epist. ad Augustin. Iler-
 densem.*
 (i) *Ioannes Lervius, Burgundus, in navigatione
 suâ Americanâ, Capite XI*
 (k) *Quentelius Colonienfis, in Tabul. 15. descriptio-
 num Americanarum.*
 (l) *Hieronymus Benzo. Mediolanensis, Libro 3,
 de Novo Orbe, cap 20.*

(m) *At.*

- (m) *Abbreviator Hugonis Linschottani, de natura Novi Orbis, libro 1. pag. 17. & 33.*
 (n) *Ælius Spartianus, in vita Antonini Caracalli.*
 (o) *Hugo Linschottanus: & interpret illius Germanicus, Ioann. Humbergerus Wetteravius. libro 6. de morali historia India Occidentalis. cap. 19. Item, Hieronym. Benzo. l. 3. de Novo Orbe. capite 20.*
 (p) *Ioannes Metellus in epistola ad Augustin. Ilerdensem, cit.*
 (q) *Hugo Linschottanus Libro 6. de morali Historia India Occident. cap. 22.*
 (r) *Hieronym. Benzo Mediolan. Libro 3. de Novo Orbe, c. 5.*
 (s) *Idem Benzo ibidem, cap. eod.*
 (t) *Hugo Linschottanus Libro 6. moralis Historia de Ind. Occid. cap 23.*
 (u) *Idem Libro eodem, cap. 23. & R. P. Iacobus Vasquezus S. I. in epistola, data ex urbe Iulensi, anno 1601.*

LIBRI XV.

Auctores.

- (a) *Thomas Harlottus, Britannus, in descriptione Virginia, tabula 42.*
 (b) *Ioann: Sequanus, epist. ad Ilerdensem, de mirabilib. Indicis, & Benzo. Libro 4. c. 12.*
 (c) *Theodoricus de Bry, Commentario in librum 4. Hieronymi Benzonis, Tabula 20.*
 (d) *Hieronymus Benzo, Libro 4. de Novo Orbe, capite 25.*
 (e) *Annotator in opera Hieron. Benzon. in Librum 4. cap. 12.*
 (f) *Quentelius, Descriptionum Geographicarum America, Libro 3. in fine.*
 (g) O.

- (g) Oséas Halenius, *Libro de expeditionibus tribus maritimis.*
- (h) Arnold. Agrippinas *Geograph. Americanæ* Libro 3. in *Tabulam*, 4. 7. 18. & 20.
- (i) Idem, *ibidem*, in *Tabulam* 20.
- (k) Ioannes Benzo, *Parte 2. Americanarum rerum.*
- (l) Idem Ioannes Benzo, *ibid. tabula 19.*
- (m) Commentator Ioannis Benzoni, in *Partis 2. Librum 3. cap. 5.*
- (n) Hieronymus Benzo, *Libro 4. cap. 22. vel in eum potius. Glossa illius, seu Commentator.*
- (o) Ioannes Benzo *Parte 2. l. 3. cap. 7. rerum Americanarum.*
- (p) Idem *ibidem.*
- (q) Hieronym. Benzo, *de Novo Orbe Libro 4. cap. 19.*
- (r) Idem *Libro 3. cap. 8. Tabula 15. apud Theodoricum à Bry.*
- (s) Commentator in *Libros 4. Hieronymi Benzoni*, cap. 27. ubi memoratur, annis 14. moratus in *America.*
- (t) Theodoricus de Bry, *Leodienfis, Tabula 8. America, in Librum 3. Hieronymi Benzoni.* & ipse Benzo *Libro 3. de Novo Orbe, capite 6.*
- (u) Ioannes Metellus Sequanus, *epist. ad Augustinum Illerdens. de mirabilib. Indiciis.*

— (o) —

R. P. PHILIPPI ALEGAM-
be Bruxellenfis, è Societate
JESU,

*In BIBLIOTHECA Scriptorum
ejusdem Societatis,*

TESTIMONIUM,
*De Commentariolo PETRI de
VICTORIA.*

PETRUS Goveus de VICTO-
RIA, natione, ut equidem ex-
istimo, Hispanus: qui, cum è nau-
fragio, quod in Peruano mari fe-
cit, evasisset incolumis; circa An-
num Salutis M. D C. X. Societati
se nostræ addixit. Scripsit, lin-
guâ Hispanicâ, Navigationem &
naufragium suum, in littore Pe-
ruano, &c.

Facul-

Facultas R. P.

PROVINCIALIS.

Libros XV. ARGONAUTICON
Americanorum, sive, Historiarum
Periculorum PETRI de VICTORIA,
ab JOANNE BISSELIO, Societatis
JESU Sacerdote, conscriptam, & à de-
signatis censoribus perlectam appro-
batamque; Ego LAURENTIUS
KEPPLER, ejusdem Societatis per
Superiorem Germaniam Prapostus
Provincialis, juxta factam mihi po-
testatem ab Admodum R. P. N. Ge-
nerali, VINCENTIO CARRAFA,
luci publicæ typisque permitti conce-
do. Concessionis verò hujus fident-
meâ manu, consuetoque muneris mei
Sigillo, facio. Ebersperga Bojorum,
22. die Martii, Anno Christi M. DC.
XLVII.

LAURENTIUS
 KEPPLER.

SÆculi nostri, quotidie delicatiori cupidine
prægnantis, *pica* jam vulgaris est; ut Operis
 cuiuscunque *Syllabum* appetat, & Elenchum:
 nec ullus faciliè *Partus* ingeniorum, se publi-
 co committat, quin continuò clametur; ubi
 nomenclator, & INDEX est? Non reperit;
 cum nausea, Liber vadere foras jubetur. Id
 adeò non vitio magis, quàm jure suo, facere
 sibi vulgus videtur: &, per me, sanè faciat!
 Sed certè, servandum saltem Brevitatis tem-
 peramentum, sciat. Nam Operi quidem exi-
 guo, magnam Indaginem apponere; quid est
 id aliud, quàm pumilo nares, ac (quæ vocant)
 PERSPICILIA dare, TOTI corpori paria? Vel
 Statuis compitalibus, itinera monstrâtibus,
 tam longum, quàm ipsa via sit, digitum in-
 duere? vel, per tenebras dirigendæ Navicu-
 læ, non Lampada facémve, sed totam Pha-
 ron & littus, accendere. Denique, clariùs ut
 dicam, NON INDICEM IN LIBRO, SED LI-
 BRUM IN INDICE tēxere? Quare, salvum qui-
 dem esto suum cuique judicium! Equidem
 Argonauticis meis faculam addam curtissi-
 mam, quadrigeminâ Synopsi digestam: ad
 quam, qui volent, aspiciant intuitu brevi.
 MEMORABILIORA, NARRATIONES, DEScri-
 PTIONES, ORATIONES. His, si libet, acquie-
 scant; ac fruantur. Quòd si quis, super hæc,
 nihilominus adhuc Copiosissimū, & OMNIA
 complexum, Catalogum efflagitaverit; & in
 hoc Solo tali Syllabo totus fuerit: is aut pe-
 taciorem se, quàm studiosiorem; aut herclè
 præposterum, ostendet: ut, qui Libri mei
 lectionem à PEDIBUS ordiri, quàm à
 CAPITE, malit.

ARGO-

ARGONAUTICON AMERICANORUM INDEX.

MEMORABILIORA.

A.

- A** DULTERI milites, à Barbaris oppressi, paginâ 468.
 Alfingeri, fratres Augustani, in America occisi. 458.
 Alpium Peruvii altitudo immensa, 429.
 Amazones in America, novæ. 50.
 Anglicanæ naves, Hispanam insequuntur, pag. 177. 178. 179.
 Anglorum Piratarum audacia, 179. 180. 181.
 Aranæi grandissimi, 427.
 Arbor rosca in Insula Ferrâ, 14. 15.
 Arborum in ramis habitantes, ac bellantes, 422.
 Arundines Americanæ, Vexuri dictæ, 106. & alibi sæpe.
 Arundines Americanæ, alterius generis, ad pocula aptæ, 358.
 Arabilibæ, Regis Peruani, in fratrem rebellio, 439. Ejus in-
 cestus & sævitia, 440. Clades & captivitas, 441. Lytrum,
 pro eo comportatum, Ibid. Accusatio de prodicione, occa-
 sione Concubinæ, 442. Mors indigna, Ibid.
 Augusti Cæsaris in nummo effigies, 63. med.
 Avicula minima, pulcherrimorum colorum, 427. 428.
 Avicula minima, coloris candidi, & canora, 428.
 Aurea ædificia, 437. 438.
 Auro necati, 451. 452.

B.

- B**ALBOAS, unus è Victoriæ Sociis, 136. & seq. Ejus mors
 & ingritus, 137. 138. Ejusdem mali mores, 138. & 139.
 Bezuâres lapis unde? & quomodo inventus ab Hispanis, 430.
 Bufonum pluvix; & ex his dapès, 427.

C.

- C**ASTELLUM Aurèum, 68. 69.
 Cedrinæ trabes ingentes, 407.
 Cervical dormientis funestum, 231.
 Christianus fit, nepos Regum Peruanorum, 444. Panchia-
 cus Regulus, 66.
 Cibus, è Canceris crudis, 170. 249. E Canceris & limacibus
 crudis, 170. E serpentibus grandibus, 412. 427. E colubro
 grandi (super quo contentio) 326. 327. 328. 329. 330.
 Clypeus super casulam nemoralem. 106.
 Columborum fratrum indigna Captivitas, & periculum, 456.
 & 457.
 Concubina, Regi Peruano fit occasio mortis, 442.
 Cornu caprinum, pro vomere, 13. 14.

X

Crocodili

INDEX.

Crocodili comestiles, 407.

Crocodili pelle, contacta casula, 106. 107.

D.

DEVORANTES sua membra, 421.

Didaci Niqueſæ, & militū ejus, interitus lactuosus, 458. & 459.

E.

EXERCITIſ libidinoſi, deterrimus ſuccellus, 464. 465. 466.

F.

FERTILITAS miranda tritici & ſiliginis, 62. 63.

Fertilitas jaſtæ cujuſcunque ſementis, mira, 424.

Ecceſinarum ingens multitudo, in lavacro capta, & oppreſſa, 464. 465.

Formicæ prægrandes, 282. 283.

Frigus aſperriſſimum & paradoxum, 418. Milites congelati, 419. 420.

Fructus arborum, inſtar clypei: & eorum cortices, ſitim quomodo pepulerint? 253. 254.

G.

GIGANTUM Puteus, 404. Eorundem libidinis poena, 405.

Granum Auri, pretii maximi, naufragiō merſum, 452.

Gryphes, ubi? 401.

Guanacaxæ, Regis Peruani, potentia, magnificentia, opes, & aurea ædificia, 437. 438. Ejusdem funus ſuperſtitioſiſſime: & ſepultura aurea, 438.

Guafcaris, Peruani Regis, clades, captivitas, mors, 439.

H.

HISPANIOLÆ fertilitas mira, 62.

I.

INCESTUS in matrimonia verſus, 435. 436.

Ingarum, Regum Peruvii, origo; & tyrannis; ac mores foedi, à pag. 434. ad 437.

M.

MEXICUM, urbs omnium maxima, 408. Quot domorum? & quot olim urbibus intincta? 408. à Tlaſcalanis Civibus æmulis, atque ab Hiſpanis, expugnata everſaque, 409. 410.

Mexicani viſti, theſauros demergunt, 416.

Monoceros animal, 81.

Mortes variae variorum. Alfingerorum fratrum, 451. Alphonſi Hoiedī, 461. Conſalvi Pizarri cædes ignominioſa, 458. Diſtaci Niqueſæ Prætoris, 458. 459. Franciſci Bombadilæ, 451. Franciſci Draci Angli, 298. Franciſci Pizarri, 462. Joannis Ribaudi, Galli, 457. &c.

NAU.

INDEX.

N.

NAUFRAGIUM Bombadillæ & Sociorum, cum omnibus opibus, 451. 452.

Navium Europæarum, conspectus primus, consternat Americanos, 78. 79.

O.

OPES regni Peruani, & Americæ meridionalis, quis primus Hispanis retexerit? 68.

Ova, & pulli sub sarmento, subsidium famis, 204.

Oves Indicæ, 397.

P.

PANCHIACI, Reguli Americani, in reprehendendis avaris libertas, 66. 67.

Paradisus Mahometis, 403. Paradisi Vallis, 62.

Passerum copia, 202. 203.

Passeres, ad Ignis viciniam degentes, 469.

Patellæ Malaccaicæ, margaritis permutatæ, 24.

Philippellus, neophytus libidinosus, & perfidus sui Regis de-
lator, 442.

Philippinæ Insulæ, 83. Earum Inventores, 83. 84. Earundem opulentia, & margaritæ, 84.

Plumarii operis, apud Peruanos, solertia, ac præstantia, 429.

Proceritas Quinquensium, seu Chicensium; & eorum celeritas, vox, &c. 422.

Proceritas Patagonum populorum, 423.

Proditorum præmia, 16. de meretrice, & 430. de puera.

Pulices magni, numerosi, importunissimi, 279. 280.

Puteus Gigantum, 404.

R.

RADICES arborum, cibus ac potus fiunt, 237.

Raptus Alienæ conjugis, causâ mortis, 461.

Regia Tataraxi, regis Quiviræ; ejusque opes & gloria, 80.

Rupes, Massaja nomine, flammivoma, 405. & 468. 469.

Ejusdem comparatio nonnulla cum Inferno, 469.

Rupes & scopuli serrati: eorumque transfiliendorum neces-
sitas, ac grande periculum, 187.

S.

SACCHARI Cannæ in Hispaniola Insula, ponderosiores, 62.

Scalæ, labor, multitudo, &c. effodientium metallum, in mon-
te Potosino, 386. 387.

Scopæ dactylinæ, 417.

Scotorum piratarum fortitudo, 46.

Sepulcrum, & sandapila, aurea, 438.

Serpentes grandes, Guabiniquinaci, qui devorant quadrupedes, 327.

INDEX.

Serrati scopuli plurimi, V. Rupes & scopuli,
Siliquæ venenosæ, & viatoribus Hispanis mortiferæ, 147.
149. 150. 151.

Smaragdifodinæ, 396.

Socii Petri de Victoria, variè extincti, 250.

Socii Victoriæ Novem, ab reliquis divulsi, 251. Quo exitu?
363. usque ad 366.

Spinæ Americanæ, 238. Vulnere per eas atrocia, Ibid. & pag.
239. 240. Magnitudo earum, 244. Medicamen vulneris il-
lius geminum, 244. 245. 246.

Stagnum in summo monte, admirandum, 63. 64.

T.

TEMPLUM Deiparæ, ab Argonautis erectum & dedicatum,
266.

Terræ motus horribiles, 421.

Thesauroꝝ Mexici Sepultura, 416.

V.

VALLIS, & in ea lacus Cajóna, formidabilis, & miran-
dus, 64.

Vallis lapidum rotundissimorum, 412.

Venetovela, seu Valentiola, munio in rupe excelsa, 50. 51.
52.

Vexuri, genus arundinum, 106. & sæpe alibi, V. Arund.

Via prorsus invia, facta pervia, 377. 378.

Vix Duæ strætæ, urbis Cusci, admirandæ, 432. 433.

VICTORIA solvit ex Hispaniâ in Americam, 7. Interest
pugnæ Navali, contra Scotos, 45. Delabitur e scopulis
serratis, in voraginem aquosam, & profundam, 189. In
periculoso flumine servatur à Deo, patrocinio Deiparæ, 263.
264. 265. Volucris tabo resolutis vescitur, 324. 325. 326.
Colubrum grandem opprimit; & cum Sociis partitur, ac
devorat, 326. 327. 328. 329. 330. Sepulcrum sibi conchylio
effodit, 335. 336. Et effossum subit, 337. Religionem S. I.
ingreditur, 479.

Vicunna, seu Guanaci, quadrupedes sylvestres; ex quibus la-
pis, seu Gemma Bezuari, 430.

Vultures maximi, boophagi, 427.

VV.

VVELSERORUM hypothesis in America: ejusque Procura-
tores, 51. 52. & 453.

NARRATIONES.

DE ALMAGRO Didaco, in Chilam penetrante: ejusque milivia frigore deleta, 419. 420. De ejus morte, 461.

De Americæ primo ac genuino Inventore, 390. 391. Americo Vesputio, 393.

De Apro Americano interfecto, & consumpto, 173. 174. 175. 176. 177.

De Apostata Mauro-Hispano, Regulo, 361. usque ad 366.

De ejusdem Filio, ejusque comitibus, prædonibus nefariis: & Hispanorum spoliatione, 347. usque ad 361.

De Aquatoribus Tribus, interceptis & mactatis per Anthropophagos, 320. & 321.

De Aria forti & industrio; Crudeli tamen, in nece generi sui, 377. & 378.

De Atabaliba, Rege Peruano: ejusque genere, vita, moribus, captivitate, interitu, à pag. 439. usque ad pag. 442.

BREVES Narrationum complures, à pag. 451. usque ad Cap. 6. libri 15.

DE CHRISTOPHORO Columbo, repertaque Insula Cobagua, margaritifera, à pag. 22. usque ad pag. 28. inclus.

De eodem Columbo, 391. 392.

De Companerosæ, juvenis optimi, moribus, vita, morbo supremo, excessu, & sepultura, à pag. 209. usque ad pag. 234.

DE FERRA, seu Ferrea Insula, una ex Fortunatis: ejusque Roscida Arbore. De Insula Proditione, Hispanis facta. 14. 15. 16.

De Flumine difficillimo, superato ope Beatissimæ Virginis; post amissos digressu nemorali Socios, à pag. 255. usque ad 265.

DE INGIS, Peruvii Monarchis, à pag. 434. usque ad fin. lib. 14.

DE MANGO, Rege Peruvii, ejusque victoriis, & clade, 442. 443.

De Militum libidine, & ejus peccati poenis, 464. 465. 466.

DE NAVIUM, in vasto mari dirigendarum, variis modis, 17. 18.

DE PANAMAE urbis origine, & primo ejus conditore, Vasco Nunnio Valboa, 65. 66. 67. 68. 69. ubi simul,

De Panchiaco, Regulo Americano, Ibid.

De Piscatoribus Quatuor Americanis, captis, & libertati restitutis, à pag. 298. usque ad 306.

De Pomis venenatis, in nemore repertis; & incaute, cum damno, devoratis, 109.

INDEX.

- De Pugna inter Piratas Anglos, & navim Hispanorum Panamæam, 308. 309.
De Peruvii moribus; & duobus fratribus, de Monarchiæ possessione dimicantibus, 439.
De Pugna navali, inter Scotos & Hispanos; deque incitamenti, & præparatione ad eam, à pag 30. usque ad 48.

DESCRIPTIONES.

- AMERICAE generatim, 389. 393. usque ad 398.
Americæ Meridionalis, 415. per totum lib. 14.
Americæ Septentrionalis, 400. per totum lib. 13.
Arborum, in modum tabernaculorum, pag. 211.
CANIBALUM, gentis ferocissimæ, 48. 49.
Confessûs & colloqui ad amœnum rivum, 172. 173.
DESCENSUS difficillimi, proni & spinosi, 237. 238.
ELUVIONIS seu Inundationis, 284. & 310.
FICTI Pontificis, 356. 357.
Fluminis Bætis, & situs ei adjacentis, 7.
Fluminis, distincti glebis herbidis, & periculosi, 145. 146. 148. &c.
Fluminis, cognomento Grandis, seu Amazonici: ejusque ostii ingentis, 52. & 53.
Fluminis vasti & periculosissimi, 249. 250.
Fluminis, prætexti vastissimis scopulis, & virgultis prævestiti, 269. 270. 271.
Fluminis, cujus ripæ, & ora amœnissima: cum nemore & fructibus peregrinis, 252. 253.
Fontis limpidi 113.
Fontis fœdi & limosi, 318. 319.
INSOMNIAE pertinacis, 231. 232. 233.
INSULARUM sequentium,
Cubæ, 411. 412.
Cubagæ, 20. 21.
Ferræ, 14.
Fortunatarum, 12. 13.
Hispaniolæ, 61. 62. 63. 64.
Jamaicæ, 61. & 412. 413.
Margaritarum Ins. 20. & 21.
Inæris, per altissimas Alpes, 207. 208.
Per arbustum Spinosum, 314. 315.
Per Alpes & valles, 171. 172.
Inæris amœni, 118. 119.
Inæris difficilis, 111. 112. & pag. 122. 123.

Inæris

INDEX,

- itineris difficillimi, per arenas, corticulis instratas, & supra
 rupium vertex, saltu superandos, 186. 187. 188.
 LACUUM duorum, 382.
 Lætitia insolita famelicorum, repertis alimentis; & eorum
 voracitatis, 204. 205. 206.
 MARIS Atlantici, speciei & intuitus, 10.
 Mexici (maximè, Veteris,) 407. 408.
 Mexici Novi, 410. 411.
 Miseri, & malis undique circumfessi hominis, 240.
 Montis Porosui, & fodinarum ejus, 382. à fin. & 383. usque
 ad 388.
 NAVIS inutilis & ineptæ, 77.
 PRÆPARATIONIS ad pugnam, 32. 33.
 Pugnae cum apro, 175. 176.
 Pugnae navalis inter Scotos & Hispanos, à pag. 41. usque ad
 pag. 47.
 REGIONUM diversarum, ut
 Chicæ regionis, seu Quiquæ, 421. 422.
 Chilæ, 418. & 421.
 Darienæ, 416. & 417.
 Hispaniæ Novæ, 406. 407.
 Peruvii, generatim, 423. 424.
 Peruvii Montani, 426.
 Peruvii Tramontani, 426. 427.
 Rupis Massajæ, semper ardentis, 404. & 468. 469.
 SACERDOTIS optimi & festivi, 276. 277. & sæpe
 alibi.
 Solitudinis nocturnæ, in voragine; in quam illapsus Victo-
 ria, 192. 194.
 Speluncæ horridæ, in solitudine, 334.
 TEMPESTATIS maritimæ, 85. 86.
 Transitus difficillimi, per adversum flumen, suspensis ab ar-
 busto corporibus peracti, 273. 274. 275.
 VESTITUS barbarici Reguli, 348. 349.
 Vestitus pedisequorum & pedisequarum Americanarum, 350.
 351.
 Viarum stratarum (quarum unius maxima elegancia & amœ-
 nitas,) 432. 433.
 Urbis Cusci, 431. 432.
 Urbis Limæ, 380. 381. 382.
 Urbium Panamæ & Nombrediosæ, 58. 59. 60.

ORATIONES.

ADHORTATORIA, Ad Inscium natationis; ut periculosisimo flumini se committat, sine ullis adminiculis, 258. 259. 260.

Adhortatoria & Animatoria, cum consolatione; ne animus despondeatur in doloribus, 243. 244. & pag. 367.

Adhortatoria & Animatoria (ad mortem fortiter ac piè excipiendam) in ipsa mortis viciniâ & luctû, pag. 226. 227.

Adhortatiuncula suiipsius, ad crebram & seriam Inferni medicationem, 469. 470.

Adhortatoria Sacerdotis, ad Socios profanos: ut sibi venerationem insolitam exhibeant, 354. 355.

CONSULTATIO, seu Deliberatio, super vitæ statu meliore, & securiore, deligendo, à pag. 449. usque ad pag. 470.

Consultatio, qua deliberat secum Victoria, num cum Pediosa Socio & amico, defatigato, in solitudine permaneat? 165. 166. 167.

DEFENSORIA sui, seu Apologeticus brevis; Cur Digressio fusior in Historia facta? 446. 447. 448.

Dehortatoria ab itinere difficili & spinis implexô, 316.

Dehortatoria; Ne Adolescenti nobili & generoso mandetur gynæcæi custodia, 37. 38. 39.

Deprecatoria, Petri Victoris ad Laurentium Roam avunculum; ne is se à professione Peruana cupiat impeditum, 56. & 57.

Dissertatio Problematica; cur Quiescentibus, Ambulatio repetita difficilior accidat? 132.

Dissertatio, Quomodo primum Cibi salutares à noxiis distingui sint cœpti? 152. 153. 154. 155.

Dissertatiuncula; cur Somnus, quamvis maximè cupientibus, & indigis, non succedat? 232.

Disuasoria ad Adolescentulum tenerum ac nobilem; ne ad transmarinas regiones naviget, 4. 5.

Disuasoria ad Socios, itineris pedestris periculosos; ne dimissam (et voluerant) navim repetant: sed terrâ pergant, 128. 129.

EXHORTATORIA, per Epistolam, ad Hispanos; ut persequantur Scotticos piratas; certamine navali commisso, 30. 31.

Exhortatoria, ad adolescentem; ut, declinato prælio, gynæcæum Hispanorum custodiat, 36.

Exhortatoria Pediosæ ad Petrum Victoriam, cum petitione importuna & invidiosa; ut secum in loco solitario permaneat; nec se destituat, 160. 161. 162. 163. 164.

Exhor-

INDEX.

Exhortatoria, ad Patientiæ perseverantiam, 107. 108.

Exhortatoria, ad mortem fortiter ab adolescente excipien-
dam; unâ cum mortis denuntiatione, 72. 73.

Exhortatio & Excitatio suiipsius ad alacritatem animi, &
malorum tolerantiam, 115. 116. 117. 118.

INVECTIVA, in Avaritiam, & Auri Idololatriam, 67.

INVECTIVA, in profanæ viventium mores, generatim, 449.
450.

INVECTIVA in studium nimium Divitiarum, à pag. 449. us-
que ad pag. 454.

INVECTIVA in Ambitionem Honorum, 454. usq; ad pag. 459.

INVECTIVA, in Studium Voluptatum (maximè inhonesti-
rum,) à pag. 460. usque ad pag. 468.

INVECTIVA in Perfidum navis gubernatorem, & ejus consi-
lia, de comportando commeatu, 90. 91.

INVECTIVA in magistratus, libidine perditos, 463. 464.

INVECTIVA, in Milites, & alios privatos, Veneri obnoxios
465. 466. usque ad 468.

INVECTIVA in Proditores, 16.

Invocatio Deiparæ, per votum; ut sibi in fluminis pericu-
losissimi transitu præsto sit, 261. 262. 263.

PETITORIA ægrotantis, & moribundi Companerosæ,
ad Victoriæ, Sodalem suam: ut sibi præsto sit, 313. &c. Eju-
sdem ad eundem preces, ut Sacerdotem accerfat, 214.

SUASORIA, ad transeundum flumen periculosissimum,
cum ejusdem Suasoriæ Dissuasoria, 272. 273.

Suasoria, ad iter difficillimum, periculosissimumque, de in-
tegro relegendum, 289. 290.

Suasoria Laurentii Roæ, ad Victoriæ, Sororis filium; ut,
omissâ professione Peruanâ, secum Carthagenæ maneat, 54.
55. Cujus Dissuasoria mox subjungitur, 56. 57.

Suasoria naucleri Panamæi fraudulenta, ad Vectores; ut
commeatum & annonam omnem comportent, suæque solius
fidei committant, 87. 88. 89. 90.

Suasoria ejusdem Panamæi naucleri, ad Vectores suos; ut
eorum dimidium, relictâ navi, terrâ pergant; & ignotum op-
pidulum quærant, 96. 97. 98.

Suasoria Navarchi Hispani, viri boni, & captivi, ad Capti-
vos Piscatores Americanos: ut seipsos servituti Anglorum
eripiant, 301. 302. Eiusdem Suasoriæ Refutatio per Captivos,
subjungitur, 302. 303. Mox & Refutationis Refutatio adre-
statur, 303. 304.

Suasoria, ad Socios defatigatos: ut, omisso tandem itinere
pedestri, in navim dimissam sese recipiant, 127. 128. Cujus
Dissuasoria mox subnectitur, 128. 129.

Suasoria,

INDEX.

Suasoria, ad vestes ponendas, in summo licet gelu nocturno, & sub ipso dio, 277. 278.

Suasoria, ad resumendas vestes, verecundiæ causâ, 285.

VALEDICTORIA morientis Companerosæ, ad Petrum Victoriam, Sodalern & Amicissimum suum, à pag. 218. usque ad pag. 225.

Ad ORATIONES porro reducuntur etiam

Π Α Θ Η,

Seu, AFFECTUS; velut Orationum Anima.

AFFECTUS, seu PATHOS, Animam jam agentis, & Iudicem Deum formidantis, 336. 337.

Complorationis miseræ viatorum, & eorundem interitûs, 184. 185.

Complorationis, pereuntium in aspectu suo, Sociorum naufragorum, 232.

Deliberantis apud se; Num, in scius omnis natationis, periculoso flumini profundoque, sese committat? 260. 261.

Deplorantis seipsum in grandi vulnerum dolore sensuque, & agmine variorum malorum, 240.

Deplorantis præmaturum suum obitum; deque vitæ præteritæ erroribus dolentis; ac Iudicium futurum metuentis, 73. 74. 75. 76.

Deplorantis Solitudinem suam, & sibi metipso indignantis, ob amissos culpâ suâ Socios ac Ratem, 257. 258.

Dolentis, conquerentis, ac pæne desperantis, ob vulneratum atrocibus spinis corpus, 242.

Fastidientis vitam, 334.

Lætitie affectus, ex conspectâ Cruce, Catholici Christianissimi symbolo, 371.

Pœnitudinis, ob desertam Matrem, 224.

Pœnitudinis, ob relictum avunculum, ejusque preces repudiatas, 74.

Pœnitudinis, de relictâ Patriâ, terrisque peregrinis quæsitis, 114. 115.

Sollicitudinis, pro navi, & vectoribus Hispanis; qui periclitabantur à Piratis Anglicis, 182. Et Solatii interim, ex propria sua securitate, 183.

Terroris & consternationis, ac mœroris in Solitudine, apud Cadaver Socii, modò extincti, 228. 229. 230. 232.

Tristitiæ, ob Patriam & matrem relictam, identidem animo recurfantis, 89.

Tristitiæ, in voragine aquosâ, in quam delapsus fuerat Victoria, 192. 193.

NOMINA

NOMINA in Argonauticis celebriora.

A Cugnias, Dux militum Hispanus, in pugna contra Scotos.

Andalusia, regio Hispaniæ meridionalis, pars Batica. al. *Andaluzia*, & olim *Vandalia*.

Atabaliba, Rex Peruvii, fili^o Guanacaxæ regis.

Batica, regio Hispaniæ meridionalis. al. *Granata* regnum.

(*Victoria*.

Balboas, Iuvenis Hispanus: unus è Sociis Petri

Castilia, vel *Castella Aurea*, & *Aurifera*: regio

Americæ, ad littus meridionale maris Atlantici.

(mortuus in itinere.

Companerosa, unus è Sociis Petri Victoriz,

Cumánas, Regulus Insule Cubaguz.

Dariena, Provincia Americæ meridionalis, ad mare Atlanticum.

(in America.

Franciscus Pizarrus, Marchio, & Prorex Limæ

Guanacaxa, Rex ditissimus Peruvii, in America.

(ter rex regis Atabalibæ.

Guascâr, Rex Peruvii, filius Guanacaxæ, fra-

Hispalis, urbs primaria, in Hispania Batica, seu

Andaluzia, hodie, *Sevilla*, *Sevilia*, *Sivilia*, &

Sibilia.

(Septentrionali.

Hispania Nova, regio amplissima, in America

Hispaniola, Insula Americæ Septentrionalis,

in mari Atlantico.

(mari Atlantico.

Iamaica, Insula Americæ Septentrionalis, in

Inga, nomen est certæ cujusdam prosapiæ; ex

qua continenti successione regnatū est in

Peruvio, usque ad Hispanorum adventum.

Lima, urbs regia Peruvii, ad littus Orientale

maris Zuri.

Manta, portus & urbicula Americæ Septen-

trionalis, ad littus Septentrionale maris

Zurii.

(in mari Atlantico.

Margarita, Insula Americæ Septentrionalis,

Matilina, al. *Matalina*, & *Matinna*, Insula A-

mericæ

merice Septentrionalis, in mari Atlantico.
Marroccium, urbs & regnū Africæ Occident.
Matera, Insula maris Atlantici, supra Fortunatas, ad Septentrionem.

Mexicum, urbs & regnum Americæ Septentr.
Nestor, unus è comitibus navigationis Victorianæ, Senex.

Nicaragua, regio Hispaniæ Novæ, in America Septentrionali, ad mare Zurium.

Nombrediosa, urbs & portus Americæ Septēt. ad littus meridionale maris Atlantici.

Pánama, urbs & portus Americæ meridionalis, ad littus Septentrionale maris Zuri.

Panchiacus, regulus provinciæ Darienæ, in America meridionali.

Pediosa, unus ex Sociis, & cognatis Victoriæ.

Peruvium, regnum Americæ meridionalis.

Tortus Vetus, oppidulum & portus Americæ Septentr. ad littus Boreale maris Zuri.

Potosium, urbs, & mons argentifodinis celeberrimus, in America meridionali, & regno Peruvii.

Quivira, regnum Americæ Septentrionalis.

Quisquizius, Dux militiæ supremus regis Peruviani, Atabálibæ.

Roas, avunculus Petri de Victoria, nobilis Hispanus, & militum Ductor.

Sevilla, urbs Hispaniæ Baticæ, olim Hispalis.

Tatarraxus, rex Quiviræ, in America Septēt.


Thalassia, urbecula, à Victorianis quæsitæ; nec inventa.


Valboa, Dux Hispaniæ militiæ in America.

Zurium mare, vulgò de Zur, vel Sur, & Pacificum. in America ad Occidentem.


CORRIGE.

Pag. 371. v. 22. & hymnis. l. & hymnis aliis.





BGA7^c
6574j







LT